

石匱書卷第四



仁宗本紀

昭皇帝 太宗長子也 洪武十一年生鳳陽二
十八年冊為燕世子時秦晉燕周四世子 高
祖皆教而試之異日者使分閱衛士燕世子還
奏獨後問之對曰寒甚士方食 高祖喜使閱
章奏擇其有大體可施行者報命 高祖益愛
之燕王起靖難 帝居守北平堅拒李景隆兵



燕王既為皇帝尚以世子守北平既二年召立
為皇太子文華寶鑑成 文皇召太子諭之曰
修己治人之要具於此書汝其勉之太子拜受
九月學士王達進講乾九四爻舉儲貳為說講
畢太子召楊士奇問曰經旨恐無儲貳之說達
得無含譏否士奇對曰講官非正道不陳豈敢
含訛此本宋儒古 瑗說也太子曰對我言此常
人得與爻六舉此說乎士奇對曰殿下此問最

好程子云凡卦六爻人皆有有用聖賢有聖賢用
衆人有衆人用君有君用臣有臣用太子悅七
年巡幸北京命太子監國庶務惟文武除拜四
裔朝貢邊境調發等上請行在餘務悉啓處分
五月賜太子聖學心法書十一年 文皇巡幸
北京十二年親征瓦剌十五年復巡幸北京俱
太子監國十六年 文皇遣侍郎胡濙巡江浙
諸郡令其伺察皇太子所行諸事濙書所見七

石匱書 卷一
事皆誠敬孝謹密奏以聞 文皇悅自是不復
疑十八年北京宮殿成詔太子赴北京過滁州
登瑯琊山指示楊士奇曰此醉翁亭故址也三
代以下文人獨歐陽脩有雍容和平氣象其奏
議尤切直可觀命取歐集賜群臣且諭之曰修
之賢非止於文卿等當考其所以事君者勉之
十一月皇太子過鳳陽謁祭皇陵畢周步陵旁
顧張本楊士奇曰國家帝業所自也徘徊久

父老進謁有知 太祖興隆時事者留從容與
語賜勞優厚過鄒縣民饑兢拾草實為食太子
見之惻然乃下馬入民舍視男女皆衣百結不
捨體竈釜傾仆不治歎曰民隱不上聞至此乎
召耆老問所苦輒食賜之山東布政石執中來
迎責之曰為民牧而視民窮如此亦動念否執
中言被災處皆奏免秋糧太子曰民饑且死尚
及徵糧邪五日内悉發官粟賑之不可緩執中

請人給三斗太子曰且與六斗汝勿懼擅發予
見 上當自奏也太子至京奏之 文皇曰昔

范仲淹子堯夫猶能解麥舟濟父故舊况百姓
吾赤子乎 文皇晚年以疾多不視朝中外事
悉付太子處分寺人黃儼江保等數為趙王短
太子於 文皇太子幾危者屢宮僚若楊士奇
輩為太子下獄贊善梁潛司訓周冕死獄中然
太子益恭慎之賴士奇塞義夏原吉羽翼之有

白曰殿下知讒人乎曰吾不知知為子太子五
出監國遇水旱饑荒軍民失所戚焉賑恤之暇
與宮僚鄒濟王汝玉徐善述等講說詩書修詞
賦之業日記萬言辭翰並精 車駕崩榆木川
遺命至太子慟絕強拜受遂命皇太孫迎梓宮
開平臣民三勸進以八月望日丁巳即皇帝位
大赦天下以明年為洪熙元年出夏原吉黃淮
楊溥於獄復其官勞原吉咨以政賜冠帶衣服

被褥幃帳咸具原吉言臣在繫母喪乞歸塋成
服上曰我獨無喪卿老成人宜艱難共濟命
其家屬護塋兵部驛舟有司治塋事復厚賜之
上曰古稱官不必備今冗矣抑復有老病昏懦
徒急賢廉心其令在內堂上官在外巡按御史
及按察司廉察不稱者罷之召漢王高煦至京
與趙王高燧並厚賜之九月掌交趾都督同知
方政與黎利戰又安指揮同知伍雲深入死命

禮部贖贈上曰京師數百萬家非山何薪禁
天壽山接居庸關以東餘聽樵採焉交趾都指
揮同知陳忠與賊黎利戰死之命禮部厚卹之
諭鴻臚寺官曰朕欲聞吏賢否四方民休戚方
岳來朝即引見朕親問之左通政樂福治水蘇
松嘉湖抗常奏六府水沒稼請寬征待來年
上曰民之艱食來歲匪易令代以鈔布上諭
兵部令太僕馬增數倍而畿民一夫或畜三匹

石園書 卷五
四匹畢力於此耕桑盡廢其散馬給諸衛所及
臨邊戍卒養習之惜薪司奏准歲例北京山東
棗八十萬勛為宮禁香炭之用大學士楊士奇
言違恩詔請減其半 帝嘉納之詔止西番取
寶船罷海子至西湖巡視官謂尚書蹇義曰古
者山澤之利皆與民共之朕心允可利民者雖
府庫之儲不吝况山澤所產哉十月冊妃張氏
為皇后冊立太孫為皇太子封鄭越襄荆淮滕

梁衛八王命光祿寺三日一賜衛士酒肉以禦
冬命蘇松等府被火災處今歲秋糧悉折輸布
鈔如永樂五年故事石輸布六匹鈔六錠十一
月 上謂侍臣曰方孝孺輩皆忠臣宜從寬典
其家屬初發教坊司錦衣衛浣衣局及習匠奴
功臣家今有存者可宥為民還其田土趙王高
燧奏辭常山左右二護衛從之作觀天臺於禁
中十二月 上御右順門諭楊士奇曰近覺群

臣助我也或快意行事退思方悔外間已進言
士奇對曰宋臣富弼有言願不以同異為喜怒
不以喜怒為用舍 上曰書不云乎逆於汝心
必求諸道朕恒念之羣臣言間拂朕意退未嘗
不反覆朕言有失亦未嘗不悔士奇對曰改過
不吝成湯所以聖也 上曰朕患不知耳不患
難改刑部都察院奏刑名畢召諭曰朕未嘗敢
以喜怒損刑法卿等明信蒞之如朕一時嫉惡

過中更須執正毋慮爭廷朕不難從善諭夏原
吉曰稼穡問農絲枲問婦鈔法不通朕高鄉西
日未決其問之問閭可榜通衢許臣民陳所見
命戶部馳諭各府州縣凡被灾田土悉准永樂
二十年山東逋租例蠲其糧稅常州諸縣水蠲
糧稅勅禮部下天下有司繕治郡邑壇宇歲久
傾圮者祭器並堅潔祭物出公帑毋歛於下禮
部尚書呂震請明歲受大朝賀不從固請大學

石圖書 卷七
士士竒榮幼孜淮言 陛下所見是 上曰山
陵甫畢何忍也震曰四方萬國遠覲新主皆欲
一覲天顏聖孝誠至亦宜勉徇 上顧四臣禮
過矣皆對曰則請無備禮

洪熙元年正月 帝御奉天殿朝群臣設樂不
作南京龍山產異芝禮部請賀不許兵部尚書
李慶言畿內民困牧馬請中原及江南諸大省
羣臣以朝覲至者悉給與一馬騎坐正官牝佐

貳以下牡太僕苑馬歲課其息虧者同民罰從
之已 上曰審思乃未當使士牧民而責以馬
遂罷建弘文閣大祀天地神祇奉皇祖皇考配
還朝羣臣行慶戒禮詔天下大賜宴勅曰自冬
迄今時雪不降來年未遂無如吾農何朕方惕
厲自省列卿亦懋修乃職贊召和氣欽哉命內
官監太監鄭和領下番官軍守備南京命北京
諸司悉加行在二字復建北京刑部及行在後

軍都督府 帝決意欲復都南京使魏國公顯宗學於國子諭司業貝泰曰此開國元勳後欲其家同國久必令奉法循禮且顯宗孤子也加意誨之使長不失其祿位因賜泰鈔幣隆平縣民饑拍鄉縣多貯官麥請以貸之上曰飢則賑毋曰貸詔曰刑以禁暴止邪豈專誅殺哉皇祖律令善善長而惡惡短罰之輕重咸適厥中吏比附謬妄傳致死罪朕深憫之夫五刑之

條莫甚大辟身首異處斯已極矣自今有犯死罪當凌遲者依律科決餘斬絞罪法司並勿傳會若朕嫉惡偶過律外用藉沒凌遲刑法司再三執奏三不允至於五五不允同三公大臣執奏乃已永為制文武諸司自今亦不許法外用鞭背等法尤不許聽人自宮凡自宮求用者絕其祖宗父母幸富貴豈有心事君今有自宮者以不孝論人之為非父子不相謀是以舜罰弗

嗣文罪不孥自今犯謀反大逆者依律連坐餘
止其身古之盛時采民言資戒警今凶險之徒
撫為誹謗一言涉國輒呈此名法吏刻深鍛鍊
刑之失中民則無措今後告誹謗者一切勿治
趙王高燧之國彰德命征裔將軍榮昌伯方智
率師討交趾黎利徙岷王梗於武岡遣漢王高
煦子瞻圻於鳳陽守陵四月詔免山東及淮安
徐州夏秋糧之半停罷一切官買物料有自南

京來者奏事 上召至榻前問民所苦對曰淮
徐山東飢有司急夏稅 上召楊士奇命草詔
免之併秋糧官買物料一切停罷士奇曰請使
戶工二部臣與聞之 上曰救民之窮如救焚
拯溺有司虞國用必持議不決是時 上坐西
角門命士奇就西角門起草士奇草詔曰朕夙
夜念民弘諮下隱山東諸郡及於淮徐頻歲旱
滂今秋成未冀民凍餒呻吟流於道路郡縣不

石園書 卷一
畜心父母那可全免今歲夏糧其秋糧減半徵收自今年四月以來一應收買及科派物件未到官者盡行停罷若寔無見物先虛報在官者宥不問不許再科以足其數諸郡縣撫輯安養毋貪刻重困之上曰善立命書詔用璽顧士奇曰今可語二部矣左右咸言地方千餘里其間未必盡無收宜有分別庶不濫恩上曰恤民寧過厚為天下主寧與民寸寸計較邪鄭府

審理正俞建輔言邇來賓興之士多務占嗶濫及匪人當令有司先行博訪務得識古通今行止端重年過二十五者方許入試試則選其文詞典雅議論切寔者進之庶幾士務寔學而國家得賢才之用上允行之上曰南士善文北士厚重今科舉所進北得什一焉禮部其定議南士六之北士四之命皇太子往南京謁祭皇陵孝陵因留南京監國時南京屢奏地震群

臣或請親王及重臣往守之。上曰：非皇太子不可。遂有是命。上御門，蹇義、原吉、士奇侍。上曰：夜見玄象，否皆曰：未見，亦不知。上曰：士奇當知之。紫薇垣甚急，命矣。歎息起，明日召義及士奇至奉天門，曰：監國二十年，為讒慝所構，心之艱危，吾三人共之。賴皇考仁明，得以保全。言已，泫然。義、士奇亦淚涕對曰：先帝之賜陛下孝誠之效，今已脫險，即彛。陛下自寬。

上曰：即吾去世後，誰復知吾三人同心一誠，遂賜義、士奇勅印各二。義印曰：忠貞。士奇印曰：貞一。皆拜受。退有進言太平之政者。上召蹇義、原吉、榮、士奇，以其章示之。義等對曰：陛下即位以來，詔書勅旨無非仁政，百姓無科歛之擾，徭役之繁，可謂治世。士奇對曰：臣觀陛下恩澤已覃被天下，但流徙尚未歸，瘡痍尚未復，何得遂言治平。上咲曰：吾意正為此也。朕與諸

石匱書 卷
卿相與至誠去年各與繩愆糾謬圖書切望匡
輔惟士奇曾進五章義三人皆無一言豈朝政
果無缺生民果皆安乎三人有慙色五月上
諭蹇義曰御史當任老成者遽授少年新進遇
事風生以喜怒為威福正直不阿被其凌侮順
比則與為膠漆自今慎選之又曰都御史惟清
廉公正乃可倡率尚容可都御史者翰林侍讀
李時勉侍講羅汝敬言事 上怒使武士擊時

勉皆改為監察御史頃之下獄是月十一日

上不豫召蹇義楊士奇黃淮楊榮至思善門命
士奇書勅遣中官海壽馳召太子於南京次日
大漸遺詔天下是日 上崩未發喪沐浴龍奠
飾舍如禮設几筵宮中朝夕哭上食六月辛丑
皇太子至乃發喪斂壬寅大斂甲辰成服七月
己巳上尊謚曰昭皇帝廟號仁宗九月庚午塋
獻陵

石匱書曰穀梁子言泰山之雲觸石而出膚寸
而合不崇朝而雨天下言其澤及萬物而人不
及知也 仁宗在潛邸時蒼生已沐其霖澍雖
年不副德臣民悼之然論其五當監國一出賑
饑其湛恩汪濊已二十年父母天下矣嗚呼豈
不仁哉

石匱書卷第五

宣宗本紀

章皇帝 仁宗長子也生之夕 成祖夢 高
祖授以大圭命曰傳之子孫永世其昌既數歲
試之事輒剴決稱旨 成祖愛之年十一以從
狩北京日侍左右隨事訓教常命從過觀田家
問所疾苦作務本訓授 帝帝讀書一日數行
畫表皆舉經史百家莫不涉意永樂九年立為

皇太孫三從征胡於馬上指示胡山川故上
自少曉兵畧善騎射仁宗即位冊為皇太子
其春以南京地震命往撫治上旋不豫既大
行宮中秘不發喪以遺命召上顧臣下稍稍
聞上崩其時漢庶人蓄反謀傳言將要劫群
臣或請整兵旋或請出間道上曰君父在上
天下歸心豈有他虞遂傳詣京師六月己亥至
蘆溝既乃聞絕慟左右掖聽遺詔行哭入宮門

詣梓宮拜哭盡哀頒遺詔天下癸卯臣民三勸
進庚戌即皇帝位大赦以明年為宣德元年甲
寅聽政西角門罷遣內史市物浙江及諸衙門
派辨行在吏部尚書蹇義言內外官吏先帝
時坐罪蒙赦有托喪而亡者上曰父母之恩
竝於天地人至不肖有死其親以潔其身者哉
君子不逆詐其宥之鞏昌知府孫壘任滿當去
安平丞耿福平度州同知王瑠昌邑主簿劉整

石圖書 卷
以冗員當汰者民詣闕留皆復其官予交趾諸
生衣服七月尊母后為皇太后冊妃胡氏為皇
后勅修 仁宗實錄八月魯王肇輝進瑞粟有
一莖至二十穗者尚書呂震請賀不許行在工
部奏內供綺羅九千匹當下蘇杭織造 上曰
減其半九月秋兩傷稼除萊陽蘇杭嘉湖諸縣
稅糧行在大理寺奏民有盜殺官馬者坐絞
上曰柰何以馬殺民發戍邊行在工部奏造御

器當市料 上曰漢文帝服御幃帳無文繡之
飾朕甚慕焉造器物料內庫幸不乏其止勅榮
昌伯陳智都督方政征交趾賊黎利十二月大
名民奏留其承賀禎擢為知縣海寧縣逃民復
業者九千一百餘戶免其夏稅勅曰京師庶政
所出文武郡臣旦夕趨事才智不齊寧無過差
其自洪熙元年以前所犯罪名悉與前除俾自
新

宣德元年正月丙申朔 上釋服視朝奉天門
勅曰朕嗣承鴻業惟天惟祖宗付畀夙夜祇敬
不敢怠寧茲肇歲改元一新天下祖宗簡任
文武群臣遺於朕躬亦惟懋哉殫慮勤力用恭
乃職不惟賴我國家亦亦無窮之聞將郊
上致齋武英殿與羣臣習儀殿上以示尚書蹇
義等曰祭享之禮莫嚴於此朕敢不敬慎郊還
謁皇太后御正朝百官行慶成禮嚴京城捕盜

禁二月禮部進藉田儀注 上謂侍臣曰人君
耕藉貴有寔心誠能薄賦輕徭重農貴粟則明
德馨香自達冥漠不然三推五推祇兒戲耳三
月止諸王選婚於朝令自行國中四月陳智方
政討黎利敗於茶籠 上命成山侯王通佩征
裔將軍印充總兵官都督馬瑛充叅將以土兵
二萬人征交趾尚書陳洽叅贊其軍削陳智方
政爵使立功自贖御製外戚事鑒歷代臣鑒書

成青州飢有司議賑戶部請覆覈上曰覈而後賑將求之溝壑其令從便且行事五月諭三法司平恕錄獄戊申午朝退舉聶彛中鋤禾詩曰吾每誦此敬畏而戚農勅右都御史王彰自良鄉至南京視民休戚以所見聞六月畿內河南蝗命使者驛捕七月嚴鈔禁上曰東民仰麥大半久旱不成秋稼未可知可除今年夏稅異時詔書所寬郵輒曰已先賦或曰災未甚迨徵自若謂信令何其命山東有司毋得復擾以副朕意八月漢王高煦反樂安上親征獲之以歸更樂安州為武定州作東征記高煦犯乘輿燔之五色雲見碭山民乞其故知縣劉伯吉聽十月南京刑部奏決囚上曰古者獄成公卿叅聽之行在刑部都察院大理寺其會群臣再錄以聞成山侯通擊交趾不利尚書陳洽死之飢賑湖廣諸縣出行在翰林院侍讀李時勉

石園書 卷五
獄復其官十二月以征漢復大軍所過州縣畝
有蹂者除秋租勅兩京刑部都察院錦衣衛具
獄狀期以三日聞 上曰堯舜之世民不犯成
康之世刑不用是皆君臣同德故致理如斯之
隆也以朕涼寡民之不孚不敢喜情卿原吉等
其勉力匡輔庶幾逮古及上獄 上親決其輕
罪者命安遠侯柳升為征鹵副將軍保定伯梁
銘為征鹵左副將軍出廣西黔國公沐晟為征
南將軍興安伯徐亨為左副將軍新寧伯譚忠
為右副將軍出雲南領兵七萬會征交趾兵部
尚書李慶贊其軍工部尚書黃福往再鎮之
二年正月申明屯法勅曰朕仰惟祖宗創守之
艱兢惕宵晝遵成憲以撫天下賴天之祐海宇
清寧五穀遂成惟吾臣民共享之特賜百官上
元假十日在京軍民飲酒張燈為故事二月成
山侯通擊敗黎利三月調發官軍四萬八千有

奇益征之作西漢循吏論示人臣四月增置督
農官一員於蘇松嘉湖杭屬縣免晉王濟熿為
庶人以陝西不歲止一切買辦五月命陽武侯
薛祿為鎮朔大將軍清平伯吳成為副總兵禦
鹵開平 上親閱獄遣輕繫七月諭三法司曰
虐暑朕與卿等深居宴處猶畏煩蒸矧繫囚執
若歎毒薰鬱疾病死者虧傷和氣不累陰德邪
有應罰後應遣者速簡勘以聞是月也 上三

閱獄遣輕繫八月陽武侯祿清平伯成破鹵獻
俘還京賚功有差九月安遠侯升遇賊死隘留
關右叅將崔聚郎中史安主事陳鏞李宗旺皆
歿之 上曰此聞平陽夏秋亢旱稼穡不登他
州縣皆不以聞有畏忌乎其勅山西布按二司
察旱傷所在免其賦令有司加撫綏毋使流移
封李英會等伯十月以天氣嚮寒命三法司簡
輕囚 上親閱狀出之旱蠲邠山東陝諸縣十

石園書 卷七
一月交趾賊黎利奉表請立陳氏後成山侯通
等不請命盟利而退師詔曰安南疆於海界衣
冠君長不屬朕眩大明受命其國王陳日燿恭
天之威首先百蠻歸誠我太祖高皇帝逮於
後嗣一心終始賊臣黎季犛父子稔惡弑君篡
國屠宗交人靡告我太宗文皇帝愍其覆絕
出師致討生擒亮渠求故王後立之屬族逃竄
歷久勿獲乃割制為郡縣耒撫綏之更不得人
致其勿靖以厘王師冒露寒暑朕忍一隅獨淪
墊溺交人思陳之先曰其遺孤嵩尚存僉為請
命甚契朕所以奉承祖宗存亡繼絕意交趾吏
民無大小皆赦之安南耆老具嵩寔以聞冊封
朝貢如洪武中故事成山侯通等所置文武官
吏皆班師解職還京以寒氣至休百工乙未皇
子生大赦天下十二月申明捕盜法陝西旱命
有司開倉賑濟出絹五萬匹綿布十萬匹給其

石 卷
尤艱食者止一切徵科作書媿詩示行在戶部
尚書夏原吉鎮守浙江太監裴可立奏按察司
林碩阻格詔書命逮之既至上曰但寔對無
怖碩對臣往為御史按浙小人不便臣今至官
未久又慮不便故以謬語太監臣於太監無事
忤也 上曰朕固未信逮尔面問今白矣可馳
驛之官

三年正月元夕賜文武近臣觀燈萬歲山賜宴
文武賦詩以獻賜之鈔二月名皇長子戊午立
為皇太子丁卯奉皇太后游西苑上壽萬歲山
獻詩頌德勅三法司慎刑復北流知縣李植黃
巖知縣劉道成進祿一級 上曰欲福吾民急
在郡縣得良守耳吏部奏御史靜御史旭御史
克敏御史麟考最九載當授方面官可悉遷知
府御製帝訓二十五篇三月胡皇后遜居別宮
立貴妃孫氏為后四月閱獄遣輕罪山西飢禁

逐流民以擅盟黎利退師下成山侯通與都督
瑛為事官陳智方政李安布政使戈謙等獄藉
其家五月以臯獄頌繫刑部尚書金純上親
閱狀遣其輕罪者交趾黎利言陳暲死亡後遣
行在工部右侍郎羅汝敬詰責之再訪以聞卹
交趾死賊諸臣後免汝南王有燠新安王有熹
為庶人作酒諭訓百官上閱罪出輕囚六月
太原大同遼沁汾諸州縣旱上曰郡縣告飢
者衆朕發廩勸分無敢後其令有司熟講救荒
政七月以通政使顧佐為行在都察院右都御
史勅令考黜不肖洗滌積弊佐奏出其屬御史
不肖者三十餘人上命貪淫不法者發遼東
衛充軍不達政體者降典史老疾罷為民辛酉
上御便殿召寒義夏原吉楊士奇楊榮與語良
久乃曰此旁有茅舍數楹乃朕致齋之所雖出
潦草亦效古人茅茨不剪之意卿等可徧觀之

觀畢 上臨河舉網連得魚數尾令中官具法
 膳以魚賜食令盡醉歸八月皇子祁鈺生龍陽
 武陵水恤之丁未田而視兵於三河見三河令
 曰三河水善撫我民九月庚戌至薊薊歲上
 曰安得他郡縣歲如薊慰其吏曰故漁陽郡也
 張堪為之樂不可支辛亥至喜峰口兀良哈從
 萬人寇寬河 上以鐵騎三千薄之親射殪其
 前鋒三人兀良哈望見黃龍之旗皆拜丙辰斬
 其首渠擣穴搜山戊午享諸將會州製歌勞士
 壬戌駐蹕鐵將軍店解俘飲食之忠勇王金忠
 都督把台獲鹵及馬牛羊至飲而賜之金蠶既
 班師 上射虎喜峰中之癸酉還京十月上
 曰古者師保之職論道經邦不煩以政少師義
 少傅士奇少保原吉太子少傅榮皆我祖宗簡
 在臣黃髮彌亮尚治有司非朕優眷老成意可
 各輟所務朝夕朕側討論至理用寧家邦職名

石園書 卷
俸祿悉如故 上聽儒臣講春秋賜坐啜茗雪
賦喜雪詩罷遣衛士工役七月以上者十一月
收繫指揮鍾法保請採珠東莞者 上曰風氣
夜寒邊士可念也守瞭關塚者毛襖狐帽急于
之散者易以新十二月澤沁水蒲靈石及平陽
諸州縣霜殺菽命速賑毋留

四年正月 上諭學士楊溥曰滄海之大江河
助之古君臣更相戒飭所以致理稱良也輔德
陳過卿等勉之毋諛勅行在三法司刑罰所以
輔治罪惡重者極典不原也有誑誤干連朕夙
夜在心欲與之求情其令襍犯死罪以下得贖
米二月驕虞再見來安止賀勅曰五刑之屬三
千莫大不孝有丞父妾及收兄弟妻者送京師
治之武臣及子弟犯者失職毋讓著為令四月
薦鮭魚奉先殿不嘗大學士士竒榮幼孜賜酒
製詩屬和 上曰今日君臣當以卷阿相勗五

月 上親決獄遣輕罪止捉辦科買七月廣東
進白鳥二幸文淵閣賜少傅士奇等鈔有差九
月中明栽種桑棗令勅朝鮮國王栒曰王間者
薦其遠誠海青鷹犬不以寔苑囿遣使來獻使
還答王陶器十五凡王國誠多恠獸珍禽然非
朕所畜幸自今已之十月 上作猗蘭標以示
大臣曰孔子自衛反魯而採猗蘭傷不遇也朕
虞谷中之賢有不仕者輒擬斯篇夫以人事君
卿等所謂大臣也十二月朔霜寒甚命光祿賜
在廷文臣羊酒曰皇祖考時旦嘗有賜朕今忘
之追免鳳陽及京師裏八府水災田賦
五年正月兩朝實錄成二月罷採木軍夫遣婦
農 上侍皇太后幸天壽山謁陵 上素韃導
騎步掖過河橋三月辛丑朔兩製皇陵春雨詩
警邊閱馬親割鮮上皇太后頌文武大臣乃自
御清明節奉皇太后祭陵賜從官豆粥獻大德

石圖書 卷
頌於太后戊申 上省農道中三推其耒耜農
人皆呼萬歲賜鈔六十遂徧賜道傍諸農家四
月命陽武侯祿豐城侯賢等築獨石雲州赤城
鵬鶚堡五月追奪賊吏誥勅著為令六月蠲河
南三年以前逃民逋租獨石雲州赤城鵬鶚堡
成遂棄開平免易涿水復業逃民九百九十五
戶賦遣太監鄭和持詔諭諸番遣捕蝗畿內命
行在戶部尚書郭敦曰往歲捕蝗之使聞不減
蝗卿尚飭而後遣之設雲南騰衝州七月嘉禾
產太廟側止賀八月己巳朔日當食陰雨不見
禮部尚書澂請賀不許九月免易州復業民千
二百二十九戶唐縣復業民二百九十五戶維
縣復業民三千四百七戶稅糧有差乙卯巡近
郊己未還十月丙子閱邊丁丑駐蹕龍虎臺召
英國公輔成國公勇尚書義學士士奇榮幼孜
溥等至幄中論政酌之酒己卯獵居庸進鮮太

后遂燒荒癸未見宣府總兵譚廣於泥河賜綺
紗乙酉視師洗馬林師整上悅勞將帥丁卯
獵戊子回鑾命都督義仍獵以警鹵壬辰還京
遣都御史賈諒巡視江西利病十一月沅陵虎
上曰能使渡河者何人也勅其守令脩政十二
月己卯雪尺作喜雪詩賜群臣宴群臣進和語
有儆戒上錄而為之序因臨刑擊登聞鼓訴
寃命書其情詞進著為令丁亥舍譽星見凡旬
有五日乃減上曰惠民無寃謂詔書何間者
郡縣數水旱民賦未充有司迫逼至於逃遁其
許以鈔絹布代准民間直收之自三年以前者
上曰民七十以上及廢疾者一子侍詔書也諸
衛所勾軍豈無父母老疾家獨子有司其覈而
傳之近地勅浙江巡撫侍郎成均蔡捍海隄
六年正月以湖廣旱罷採木免安邑復業民三
千七十一戶元年二年稅糧萬七千有奇二月

作招隱詩求賢下御史陳祚獄三月增設府縣
佐貳官專撫逃民六月黎利再奏陳暲死亡後
命利署安南國事製憫農詩示吏部尚書郭璉
曰為朕慎擇賢守令免開州逃民多年秋糧八
百九十五戶七月上閱獄囚遣輕罪夜幸楊
士竒第八月浚白塔河十月丙午巡近郊十一
月趣工部頒邊軍裘帽勅曰上天之德好生而
已寒嚴囹圄中有可憫者三法司錦衣衛速從
輕斷若當體勘待對出之母淹十二月太監袁
琦以採辦名私遣其黨巨隊等十人虐斂於廣
東凌遲之太監唐受虐斂於南京梟首南京市
誠內官內使毋怙寵作威免大名廣平真定河
間徐諸縣水災田糧及長沙縣復業民稅糧千
六百七十七戶
七年正月辛酉朔日食勅群臣謹天戒命刑部
都察院觀政進士分鞠獄囚二月免長子縣逃

石匱書 卷三
民五百三十三戶二年至六年稅糧 上親閱
獄遣輕罪戍戍有事大社大稷兩賦甘雨歌令
衍聖公孔彥縉傳而覲三月 上諭禮部尚書
澂曰朕間者以官田賦重詔減十之三聞戶部
多不遵守甚者與有司期陰為慢格令闕恩何
等咎也四月以山西旱免其逋賦二百四十五
萬四千八百石五月龍駒出山西 上曰西之
不歲繼踵告天一獸之異足活民耶群臣欲表

賀可止之六月罷內官入番買馬製官箴三十
五篇倣有位七月免揚泰水災田租二萬二千
九百三十餘石賦豳風詩揭便殿八月勅曰朕
思得賢才共圖治理寢食念之今朝臣三品以
上舉介所知復賦招隱猗蘭告之朕意近惟少
傅士奇薦舉交趾南靈州知州黎恬吏部員外
郎魏驥等諸臣曠旬積月無一人焉巖數窟穴
豈虛無人哉吏部其會三品以上官惟擇才行

文學之士方面有司昏懦貪暴者與都察院奏
黜之因遷擢驥等十九人官有差嘉禾嘉瓜出
陝俱止勿賀勅選將嚴邊置濟農倉蘇州九月
戶部言宛平縣民以果園地施崇國寺請蠲其
稅上曰民地衣食之資乃以施僧且求免稅
甚無謂令亟以還民

八年正月丁丑祀南郊還朝群臣行慶成禮戊
辰大宴故事先郊朝上止朝詣郊既至視牲
品飭太常其夕雪霽及還宮既慶成內臣請張
燈如故事上曰明日當宴百官毋以樂散敬
二月賑河南饑郵使者上閱獄狀遣輕罪三
月命民越訴不寔者發邊戍四月修廣寒清暑
二殿藏書其中奉皇太后游宴賜羣臣縱游西
苑五月選幼軍侍東宮六月旱蠲兩畿山東河
南屬縣租稅勅三法司曰比命疏理獄囚念炎
暑也旬日矣寂不奏謂朕虛文耶當死罪者長

繫之餘期以五日遣須質理者聽保領存在毋
遲馳諭中外其如勅七月置武騎騰驤四衛八
月上曰聖人用兵皆不得已不以小寇動衆
比者雲南摩沙勒刀甕作亂黔國公沐晟請討
非朕意其先遣人撫諭之不服乃兵期得刀甕
即已戊午景星見止賀瓦剌順寧王脫歡遣使
來朝廷臣言明使者三人瓦剌皆未返宜留之
上曰尤而效焉非禮也勅曰明三使人於王矣
皆未返我國家撫遠甚厚王久效誠意阻於道
路乎使歸遣之九月勅曰朕體好生夙夜念刑
庶絕欽哉之義三法司取決重囚憑章耳安得
察顏色吏廉明者亦遣覲囚審覆不厭其心者
讞之母輕率枉死人

九年二月再頒兩畿河南山東西寬旱詔製思
賢詩三月以水旱賑常揚徐順德保安登州諸
屬縣四月上閱獄大貸囚五月命瘞露屍

石圖書 卷
上曰朝廷優卹軍士贍以衣食使感恩而勇公
戰也比聞官旗吏胥率侵牟其月糧布絮主者
或黃緣下鄉以其糧絮易賄充饋送則蛇豕也
欲便按法行誅謂朕不教而殺自今都察院申
嚴犯者死家戍邊六月免文安鉅鹿二十餘縣
稅糧有差七月兩畿山東河南諸郡縣蝗覆地
尺遣驛捕兩寬畿內諸縣秋租八月命水旱蝗
蝻之處軍民孳牧及乘採馬虧斃者悉免償復

勅撫按官躬視之免今年秋糧屯糧十之四止
工部派辦物料即不被灾郡縣亦從緩輸毋得
迫逼瓦剌順寧王脫歡遣使入朝告殺阿魯台
請獻前代玉璽勅曰王克紹尔先王之志遣人
來朝進馬具見勤誠聞殺阿魯台尤見王之克
復世仇所云玉璽欲獻已悉王意然觀前代傳
世久歷年多皆不繫此王既得之可自留用九
月癸未上巡邊出居庸至懷來萬全見故和

寧王阿魯台子阿卜只俺朝使諸將請因獵掩
鹵不許十月丙午還京權署安南國事黎利死
命其子麟襲署鹵寇涼州總兵官劉廣追擊之
不及還勅曰今西北胡首敗者離散勝者驕縱
當嚴兵保境寇來則戰去勿追之十一月故和
寧王阿魯台部落把等率家屬來歸十二月命
阿卜只俺為中軍左都督賜第宅諭尚書胡濙
曰水旱飢厲四方薦告天灾頻仍民何以堪朕
深憂懼卿等勉圖匡濟有可回天拯民者具悉
以聞製洪範序

十年正月 上不豫初三日 上崩壽三十七時
皇太子方九歲浮言藉藉議立襄藩楊士奇楊
榮張輔入視臨卒哭請見皇太子即叩頭呼萬
歲群臣亦呼萬歲浮議乃息初十日皇太子即
位時幼冲或請皇太后垂簾聽政不許 上乃
詔凡朝廷大政白太后然後行正統元年五月

石匱書
卷
丁酉上尊謚曰章皇帝廟號宣宗六月辛酉葬
景陵

石匱書曰宋徽宗一事不能謂其分心於書畫
骨董也我明 章皇帝翰墨匠藝寔百倍徽宗
至其丕承謨烈又超軼父祖而上之則漁澤陶
濱鼓琴擊磬又何足以累有虞之盛德哉至今
民間得其一銅一甕微至一赫號一踰糜直欲
與鼎彝爭重則彼龍湖之鼎與烏號之弓又寧
止以精良見寶也哉

石匱書卷第六

英宗本紀上

睿皇帝 宣宗長子也 以宣德二年生 生之日
日下五色雲見光灼殿陛 既二年立為皇太子
能言 宣宗抱置膝上問他日為天子能令天
下太平乎曰能問有干國之紀者敢親總六師
討之乎曰敢 宣宗大喜解所御龍袍寶帶加
上體置寶座左右皆呼萬歲 上天姿秀傑龍



石匱書卷第六

三

石匱書

卷

英宗本紀上

一

石圖書 卷
顯魁碩顧盼有威立其側者皆若傍睨之 宣
宗崩以正月壬午即皇帝位年九歲矣頒詔大
赦天下以明年為正統元年癸未勅沿邊總兵
官嚴守備命戶部尚書黃福叅贊襄城伯李隆
機務於南京勅朝鮮國王李柎曰朕嘉與天下
安於清靜王國朝貢一循舊章非常貢悉止之
戊申尊張太后為太皇太后孫皇后為皇太后
冊弟祁鈺為郟王勅諭南北兩京五府六部都

察院南京內府各監局等衙門曰朕體祖宗安
養軍民之心凡事從簡可簡之事公議以聞於
是諸司冗費悉行裁罷勅三法司錦衣衛詔書
赦外再別犯者情罪以聞戍邊輸作之三月放
教坊司樂工三千八百餘人四月諭兵部尚書
王驥曰比聞河南軍民有困迫飢饉流離就食
因而羣聚為盜原其初心良可矜憫今部出榜
文諭之榜至悉宥罪犯唐韓愈於潮以元學士

吳澄從祀孔子廟減差行人禁約私茶員數遍
減在京筴官月俸給米脩葺長獻二陵天久不
雨命考察羣吏方面及郡守有闕令遵宣德勅
旨保舉若犯贓罪并坐舉者命三法司有犯罪
者即會官覆審毋淹兩畿山東河南諸府蝗蝻
傷稼命御史馳驛往捕五月命吏部初入仕者
毋輒銓除風憲賑揚徐滁及諸屬邑飢命河南
山西鎮守巡官招撫逃民復業免其徭賦六月

勅南京法司會審重獄七月修 宣宗實錄嚴
私下海捕魚禁八月減光祿寺厨役四千七百
餘人封乳母李氏為恭聖夫人九月龍州宣撫
司獻瑞麥 上以所在旱蝗相望獨此令瑞何
以免民飢自今天下凡若此類皆毋獻十月立
天下衛所學校十一月行在吏部定御史員缺
請奪情補用 上曰非盛世令典不許勅行在
兵部曰比聞順天直抵山東府州縣歲歉民艱

石圖書 卷
所養馬足死損令追賠買補者俱俟來歲秋成
後十二月命天下布政司都司嚴督所司栽種
桑棗

正統元年正月以京軍數多令餘丁於北京曠
土屯種二月禁內外法司鍛鍊刑獄嚴逃民不
復業之禁擇通經秀士為教官教書公侯家四
月以公侯伯位久祿厚無事征伐而百姓連年
艱供億馬匹草料悉停罷之五月罷修南京水

池冰嘗減慈恩隆善能仁寶慶四寺番僧增設
提調學校官南北直隸御史一員各省按察司
官一員六月罷陝西織造駝氍靜縣蝗飢有司
徵索如故 上聞命撫按官分投驗視凡被灾
處悉免其物料糧稅九月分遣御史軒輓等十
七人清理天下軍政命錦衣衛取罪囚刑部齎
駕帖以防偽命邊郡民犯罪者聽納米麥豆自
贖封黎麟為安南國王淮河清十月命邊塞降

石園書 卷
人非率所部及眷屬來歸者俱發遣江南衛所
營東聽征調十一月麓川宣慰思任發侵孟定
府及灣甸等州黔國公沐晟以聞下兵部議處
之命在京三品以上官各舉可御史者一人四
品官及國子監翰林院堂上官部屬科道官舉
可知縣者一人吏部察用之十二月故和寧王
所部阿台王子及朵兒只伯數寇邊下兵部會
廷臣議五日不上奏上曰謂朕冲人邪執兵
部尚書王驥侍郎鄭瑄下獄

二年正月勅大同總兵方政寧夏總兵史昭都
督蔣貴等率兵三萬出境巡哨遇寇邊相機勦
殺三月大名河陝諸處逃民先後入漢中府深
谷中及黃河北岸團聚以萬計命御史金敬撫
緝之勅曰皆朕赤子願還故鄉者令有司善加
撫綏願占籍者復二歲四月遣官督捕蝗於畿
內山東河南諸府諭行在禮部曰先王盛時四

裔之獻惟服食器用毋有珍寶毛憐等衛撒滿
答失里貢珠本意却之宴使者而予之直聊酬
遠誠勿以為例五月鄭州儒學訓導郭明郁奏
本州榮澤孝義保漢紀信死節地遺墓尚存乞
立廟致祭廷議封信榮澤侯謚忠烈有司立祠
春秋祭浮梁人胡有功等十人各出稻千石佐
賑賜璽書旌勞復其家六月以宋儒胡安國蔡
沈真德秀從祀孔子廟庭命諸蕃國三歲一貢
七月以淮揚飢弛所屬川澤之禁禁韃官軍較
侵占民田地強掠民財犯者即於處所梟首仍
罪其頭目十月命都督任禮蔣貴等征阿台朵
只伯諭行在兵部揭榜有壯勇膂力通武藝願
自効者在京許赴通政司沿邊赴總兵官自陳
亡論奴隸亡命坐罪人一槩試用有謀畧出眾
者不次擢十一月封哈密脫脫、哈木兒為忠義
王

三年正月禁天下祀孔子於釋老宮四月任禮
蔣貴擊敗朵兒只伯於石城兀魯乃趙安等亦
出昌寧大擊鹵衆封禮寧遠伯貴定西伯安會
州伯子行在兵部尚書王驥兼俸柴車曾彝羅
亨信俱陞俸有差宣宗實錄成五月修葺府州
縣申明旌善二亭六月黔國公沐晟奏麓川宣
慰思任發累侵南甸千崖騰衝潞江金蓋等處
上勅晟相機勦捕已命都督方政往雲南與晟
協同鎮守使都督沐昂率兵討之七月命祭孔
子非土所產者鹿兔代以羊榛棗代以果十一
月諭右副都御史陳智今武臣子弟忘祖父起
家之艱漫不省武藝赴京比試多有過期及覓
代者自今犯者戍邊官吏受賂及不審寔一體
治罪勅沐晟沐昂方政等擊思任發潞江破之
十二月命御史巡視淮浙鹽課禁江西窯場燒
造青花白地瓷器貨賣餽送違者正犯處死全

家戍口外

四年正月沐晟方政進攻思任發麓川大寨破
之追至空泥坂敗績失政所在賊勢益衆二月
益沐晟兵更擊之三月大赦天下增山東西陝
西河南湖廣方面官各一員招撫逃民四月沐
晟以兵敗病悸卒五月以沐昂為左都督佩征
南將軍印充總兵官代之京師大雨水溢壞官
舍民居溺死人甚衆人多露宿長安市六月京

師地震命工部右侍郎邵旻等擇元爽地及各
廠房居軍民無屋者戶部右侍郎吳璽存問被
水家給米一石溺死者加鈔五百貫七月命順
天府修元世祖廟八月南安知府林芊言比者
提學僉事薛瑄建議凡生員疾病不堪教養者
罷黜之追償廩餼臣謂疾病人所時有罷之足
矣給廩累歲追償一朝且使父兄懲徵納之患
則孰遣子就學者命行在禮部除其令十月頒

行憲綱諸書十二月修乾清宮勅都察院張純
 大理寺少卿李珍巡視順天等府被水窮民
 五年正月真定太原所屬州縣招撫逃民復業
 三萬餘戶令有司善加撫綏免租役三年二月
 行在光祿寺厨役白大有奏父年八十無他子
 乞歸養 上曰禮八十者一子不從政即遣之
 以畿內灾民食不贍勅張純李珍區畫賑濟給
 京城飢民餼三月造奉天華蓋謹身三殿乾清
 坤寧二宮以畿內飢復民二年家有父母者人
 賜米二石四月以山西荒下寬邱詔兩畿河南
 山東蝗遣捕之六月踈滯獄陝西飢命賑之七
 月命行在刑部右侍郎何文淵等分行畿省修
 備荒之政八月行在戶部奏大同宣府歲稔旗
 軍給糧請代以布 上曰邊士執戟而暇耕乎
 稔亦給之九月造渾天儀璇璣玉衡簡儀成御
 製觀天之器銘十月蘭縣莊浪同以月朔地震

十日乃止壞城堡官民廬舍壓死男女三百餘人勅三司修葺賑之十二月修中和韶樂器六年正月麓川寇來平復命定西伯蔣貴佩平蠻將軍印充總兵官行在兵部尚書王驥總督軍務統率大軍往征之三月勅英國公張輔選將才得紀廣等四十四人上令讀武經百將傳講畧練武待試而用之四月勅三法司慎選所屬官分審天下疑獄八月賑常池二府飢十

一月甲午朔上御奉天殿大赦天下罷稱北京行在冠南京二字於南京各衙門贈故翰林侍制王禕官賜謚忠文十二月王驥蔣貴攻思任發於上江大破之思任發遁走悉平其地命廟祀平江恭襄侯陳瑄

七年正月南京西安門火羊陝西甘肅茶馬引二月以麓川寇平使少監蕭保鎮守雲南四月遣侍郎王質以羊酒途勞蔣貴王驥凱旋將士

石匱書 卷一
悉給舟車餼廩五月進蔣貴定西侯王驥靖遠
伯從征將士悉論功戊寅冊立錢皇后八月以
思任發未就俘復命王驥往討仍給金牌印符
便宜行事十月皇太后崩上尊謚曰誠孝皇后
十二月禮部臣奏山東左叅政沈固右叅政劉
璉並言中外官舍軍民戴帽穿衣語言跪拜尖
頂秃袖垂纓插翎竝學胡俗請令都察院嚴榜
戒治從之

八年正月改封荆王於蘄州鄭王於懷來令天
下置木鐸誦教民六諭如 高皇帝舊三月令
戶部榜諭天下民流移境外願占籍其處者聽
仍免役三年願復業者記名優卹秋成遣之五
月思任發子機法復據麓川復命王驥蔣貴調
雲南湖廣四川貴州官軍土兵五萬征之雷震
奉天殿鷓鴣吻 上輟朝三日勅諭文武群臣修
省壬午大赦天下六月翰林院侍講劉球下獄

死以駁死罪囚不寔下大理寺左少卿薛瑄賀
祖嗣右少卿顧惟敬等獄七月論薛瑄死罪枷
國子監祭酒李時勉於監門之外已乃釋之八
月復宋儒周敦頤程顥程頤司馬光朱熹子孫
十月禁勅內官毋與外庭私相交結營求囑託
犯者罪之十二月營靜慈仙師墳命太常寺凡
遇時節依例祭祀

九年正月兀良哈三衛陰寇邊令成國公朱勇
興安伯徐亨都督馬亮陳懷等分勅之二月以
西番僧朝貢衆多勞費軍民勅甘肅鎮巡官自
今如例起送餘留其處管待所進馬就彼給軍
騎操方物貯庫第其數來聞有所欲言譯寔處
置善撫諭之三月辛亥朔太學新成上幸國
子監行釋菜禮御製重建太學之碑封陳懷平
鄉伯馬亮招遠伯五月靖遠伯王驥等執麓川
叛賊思機法男蓋蓋等至京七月重開福建浙

江銀場壬寅雷震奉天殿鴟吻 上親告於太
廟遣祭於昊天后土勅戶部曰南北直隸被水
災絕多朕甚憫焉尔部其令所司加意存卹缺
食者賑之蠲其租及歲辦物料命都察院揭榜
禁約在所豪橫之徒巧科斂尅害軍民者八月
飭將帥無掇尅軍士申明習尚胡服胡語之禁
九月命靖遠伯王驥整點軍馬於西北沿邊以
麓川平立雲南隴川宣撫司十月命大同總兵
官武進伯朱冕等巡視塞外十二月命囚襍犯
死罪以上遞減二等笞杖罪惡宥之休息工匠
赴役以待來歲

十年正月宴天下來朝賢能官浙江都轉運鹽
使丁鑑等於禮部命人賜金織衣一襲鈔五百
貫舉將才二月申薦越告禁誣十人以上者軍
發邊衛民遷口外四月復閉浙江福建銀場五
月廣西潯梧諸府蠻寇竊發總兵官安遠侯柳

溥平之六月以西安紹興寧波台州諸府大疫
遣祭於西嶽南鎮之神為民祈禳死者蠲其租
病賑卹之七月巡撫河南山西大理寺左少卿
于謙奏山陝飢民俱餬口於河南懷慶河南有
貯米六十餘萬請減糶上許之命戶部馳報
毋緩八月命黔國公沐斌佩征南將軍印充總
兵官鎮守雲南十月上畋於南海子十二月
真定府所屬州縣野蠶繭知府玉以絲來獻製
幔褥陳於太廟雲南千戶主政誅思任發於緬
甸
十一年正月賜司禮監太監王振繒幣寶楮命
振姪林為錦衣指揮僉事世襲賜振勅二月有
異氣現華蓋殿金頂及奉天殿鸛吻之上遣祭
告於上天后土以春和下寬卹詔七月選朝覲
卓異九月勅漕運總兵及諸巡撫官曰租稅出
民漕輓以軍勞苦矣所司不卹復侵擾之卿當

加意暴官污吏必致之法十二月以甘州等處
疾疫遣左通政王錫祭西嶽西鎮太常寺丞李
宗周祭境內山川

十二年正月申明僭用織繡蟒龍飛魚斗牛及
違式花樣之禁二月命翰林侍講等官杜寧等
十人讀書東閣學士曹鼐陳循為之師以次侍
經筵五月勅大理寺少卿張驥賑濟山東濟寧
以南至直隸之淮楊禊泛徭役悉與蠲免流移

者招撫之所司官吏貪酷害民依法究問大修
南京宮殿及祠廟六月南京大風兩山川壇災
十一月庚寅皇長子生考郎兀衛都指揮哥哈
遣官入奏黑龍江諸部野人欲入朝貢乞付勅
招之上曰朕不能勞人以事遠若其自來固
不拒也十二月嚴私鹽及私茶禁

十三年正月修大隆興寺禁城西作佛事上
臨幸觀之三月傳臚進士及第第一人彭時不

至鴻臚寺官廷劾時 上曰宣索之故事廷劾
當捕逮廷臣服 上敏思任發既誅其子機法
潛住孟養使招諭之疑懼不至命靖遠伯王驥
督兵討之四月皇二子見潏生命吏部選進士
人物俊秀貫江北者三十人以聞既得萬安劉
翊王恕等引見內廷以為庶吉士教讀於翰林
五月詔執審命中外學宮元時所塑孔子像為
左衽者悉改之六月廣西蠻賊殺掠潯州等處
賊破電白縣審驗被殺家優卹之大名府淫雨
河決滄沒三百里壞軍民廬舍二萬區有奇男
婦死者千餘人命官賑卹除其租稅七月京師
飛蝗蔽天八月福建賊鄧茂七攻掠沙尤二縣
命都督劉聚往討之十月命巡河官三年更代
十一月命寧陽侯陳懋佩征裔將軍印充總兵
官統率在京及浙江江西官軍征勦閩賊鄧茂
七廣東山賊趙普旺等率眾為亂劫掠瀧水電

白二縣

十四年二月福建巡按御史丁瑄率指揮何福擊鄧茂七於延平斬之靖遠伯王驥等攻思機法十三寨於金沙江之營屯大破之思機法遁賜勅獎諭三月處州賊葉宗留犯江西廣信境永豐知縣鄧顥死之六月雷震謹身殿勅諭文武脩省遂下詔大赦天下湖廣生熟苗蠻起命靖遠伯王驥調師十萬滅之七月熒惑入南斗

侍講徐瑄知天文私語其友曰禍不遠矣亟命妻孥南歸是月北鹵也先大舉入寇大同兵失利邊塞城堡多陷聲息甚急王振不與大臣議挾天子親征百官伏闕上章懇留不從十七日甲午車駕發京師夕次康家嶺乙未次龍虎臺夜驚丁酉過居庸關風雨連朝六軍患苦文武將士皆無紀律群臣請駐蹕不許戊戌次榆林站己亥次懷來庚子次雷家站辛丑駕至宣

府風雨大至邊報益急扈從群臣復交章請駐
蹕王振怒俱令掠陣上素以事付振振益肆
威拒言折辱諸大臣必進師我師漸進鹵漸退
伏塞外癸卯次萬全峪是夕金星犯亢甲辰次
懷安是夜黑雲四塞乙巳次天城西丙子次陽
和是夕火星犯土星丁未次聚落驛八月戊申
朔次大同己酉雨益驟始議旋師庚戌東還其
夕營於雙寨有黑雲如織罩營雷雨大作徹夜

驚亂辛亥次滴水壬子次洪州方城癸丑次白
登月犯心宿甲寅次懷安城西乙卯次萬全丙
辰次陽和北沙嶺丁巳次宣府庚申將發宣府
諜報鹵襲我軍後遂駐蹕恭順侯克忠殿戰敗
歿遣成國公勇永順伯綬領軍往救遇伏雞兒
嶺亦陷辛酉次土木絕水鹵益至壬戌詐退王
振使移營近水陣動鹵四至兵士爭先走行列
大亂勢不能止鹵騎跳陣入奮長刀砍我兵官

侍矢被體如蝟毛 上與親兵乘馬突圍不得
出鹵擁以去衛將軍樊忠從駕前以所持爪槌
槌殺王振英國公張輔尚書鄭瑩王佐死學士
曹鼐張益以下數百人皆死其幸免者踰山墜
谷始得達關我師既潰 上乃下馬南面坐地
有一胡索衣甲不與將加刃一胡詰之熟視曰
此非凡人乃以見也先弟賽刊王伯顏帖木兒
上問曰爾也先邪伯顏帖木兒邪胡聞語大驚

馳見也先曰部下獲一人甚異疑是大明天子
也先乃呼曾使中國者二人問是否一人見驚
曰是也也先曰我嘗祝天求大元一統天下今
乃落我手問衆何以為計其中一胡名乃公大
言曰大元之仇今天以賜我不如殺之伯顏帖
木兒大怒呼也先為那顏那顏華言大人也安
用此人開口乃搏其頰曰去那顏圖作萬世後
好男子大明皇帝天人也不知上天何故推下

雲端然在萬衆死亡之中鏃矢不沾吾知天意
有在且我等常受其賜九龍蟒猶在安得害之
當報中國遣使來迎復為天子萬世而下那顏
不留好男子名那衆胡皆曰者胡語云者然辭
也於是也先以 上送伯顏帖木兒營令護之
隨擁 上北去

英宗本紀下

睿皇帝自正統十四年八月十六日土木蒙塵

乘輿北狩二十三日鹵擁 上至大同城下索
金幣大同人不納復擁至宣府宣府人亦不納
也先怒欲遣人謀害是夜忽大雷雨震死也先
所乘青驕馬令人至帳外窺視見赤光罩定御
帳謀乃沮又雪夜令人行刺見一大蟒蛇遶護
帳外畏怖而去也先繇是益加敬禮是時有袁
彬哈銘亦為所掠得隨侍左右二十八日至野
松林 上入也先營坐也先拜稽首乃侍坐宰

石匱書 卷
馬設宴其妻妾以次奉 上酒歌舞侑觴復居
伯顏帖木兒營伯顏與妻見 上亦如之每二
日獻羊七月獻牛或馬又進窩兒帳房也先屢
遣使請和 景帝不應十月大舉入寇 上同
在營壘時于謙石亨等堅壁清野鹵無可肆虐
十一月鹵退復擁 上北去 上北至小黃河
蘇武廟值萬壽節也先來上壽進蟒衣貂裘
上在沙漠未常少降辭色也先載其妹求配

上曰烏有萬乘之君而為胡壻邪後史何以載
乃慰之曰尔妹朕固納之但不宜野合待朕還
中國以禮來聘也先乃止又選胡女數人薦寢
復却之曰留俟他日為尔妹從嫁也先益敬服
哈銘與袁彬常宿御寢傍天寒甚每夜 上令
彬以兩脇溫足一日 上晨起謂銘曰汝知乎
昨夜汝以一手壓我胸我不動俟汝醒乃下汝
手因言光武與嚴子陵共卧事銘頓首謝 上

或夜出帳房仰視天象指示二人曰天意有在
我終當歸景泰元年遂尊上為太上皇帝正
月朔日 上皇在鹵營寫表祝天也先請上
皇幸其帳宰馬設宴初七日 上皇書至京師
索大臣來迎不應四月 上皇遣喜寧傳命入
京令勇士高磐與俱密旨繫磐驛間令至宣府
與總兵等官計擒之宣府叅將楊俊出與寧領
書磐抱寧大呼俊遂縛寧至京師伏誅自寧誅

後鹵失其鄉導決意求和六月也先遣使請和
以給事中李實為禮部侍郎偕北使行七月十
一日至營見也先明日引實等見 上皇進紵
絲四疋及米肉魚酒等物寔等泣下行禮畢見
上皇所居者布帳布幃席地寢牛車一輛馬一
疋以為移營之具而已 上皇謂實等曰當時
朕非以游畋出乃為生靈計不意被留皆王振
輩所致也今也先寔意送朕回又被喜寧阻住

因問聖母及今 上安否泣數行下既又問舊
臣數人又曰在此踰年始見卿等實因極言王
振寵任太過致有今日 上皇曰我亦知之無
事時人皆不言今乃罪我我悔何及也先宴實
等遣歸期以大臣來迎即送 上皇歸國寔至
京奏請遣使奉迎具言鹵請和是寔不許八月
都御史楊善侍郎趙榮同也先使右丞把委議
和報命見也先也先聞善言大喜許歸 上皇

次日也先設讌餞 上皇也先自彈琵琶妻妾
奉酒善等待飲也先令善坐 上皇曰太師着
坐便坐善對曰雖在草野不敢失君臣禮也先
歎羨曰中國好禮教居數日也先築土臺奉
上皇臺端率妻妾首長膜拜獻鞍馬貂銀二鼠
皮襖弓若箭賽利王亦打野盤進酒 上皇行
也先與首長送車駕可半日許下馬叩頭跽解
弓箭撒袋戰裙以進諸首長羅拜伏哭而去伯

石圖書 卷三
顏帖木兒獨送 上皇至野狐嶺進酒帳房既
畢屏人語使哈銘上奏 上皇慰勞之麾使回
北 上皇至唐家嶺遣使到京詔諭避位免群
臣迎十六日百官迎於安定門 上皇自東安
門入 上迎拜 上皇答拜拜畢相抱持而哭
各述授受之意推讓良久乃迎 上皇至南宮
百官隨至南城請朝見勅曰先帝遺命祖宗鴻
業付畀於朕深為荷負之重去年秋北鹵傲虐

率衆犯邊有窺竊神器之意朕不得已親統六
師往問其罪不意天示譴罰被留鹵中蒙聖母
上聖皇太后皇帝賢弟篤念親親之恩數遣人
迎取上賴天地大恩祖宗洪福幸得還京余文
武羣臣欲請朝見重以眇躬辱國喪師有玷宗
廟又何顏見余群臣乎所請不允自景泰二年
至七年 上皇在南宮景泰八年正月 景帝
不豫司禮監太監王誠與大學士王文等謀迎

立襄王世子未定群臣且上章請惟景帝所立
都督張軌與其弟輓武清侯石亨太監曹吉祥
謀請上復位鴻臚主簿萬祺知祿命告亨曰
皇帝在宮奚事他求亨告太常卿許彬彬曰社
稷功也雖然彬老矣徐元玉才有膽盍圖之元
玉者副都御史徐有貞也亨等夜過有貞有貞
曰太上出狩非以游畋為國家耳南宮雖錮
民無離心奉以復辟天人同符在此時也一再

日再過有貞有貞升屋步乾象亟下曰可矣在
今夕相與密定計有貞曰今鹵騎薄都城公總
兵也莫若名備非常納兵禁中亨遂收諸門鑰
開門納兵近千人薄南城已四鼓天色晦冥南
宮門錮俄隱隱有開戶聲有貞使數人舉梁厲
以衝門勇士踰垣入毀之城中黯翳輓等入乃
燭太上皇燭下獨出曰尔何為俯伏合聲請
陛下登位揮士進輦皆驚顛莫能舉有貞挽之

前擁 上皇登遂夾輦行忽月星明視 上皇
顧問有貞卿等為誰各具官對昇薰入自東華
門門者呵之 上曰吾太上皇也遂翼升奉天
門諸臣推御座門中 上升座鳴鐘鼓群臣之
請立太子也 景帝許以是日朝群臣皆侍而
帝不可起有貞等號曰 太上皇復辟矣趣入
賀舉朝震駭遂皆呼萬歲日中羣臣各朝服奉
上登奉天殿行即位禮時正月壬午日也詔天
下曰朕昔恭膺天命嗣承大統十有五年民物
康阜值北鹵之變惟以宗社生民之故親率六
師禦之而以庶弟郟王監國不意兵律失御乘
輿被遮文武羣臣既立皇太子奉之豈期監國
之人遽擁當宁之位既而皇天悔過鹵首格心
奉朕南還既無復辟之誠反為幽閉之計旋易
皇儲冊立己子惟天不佑未久而亡杜絕諫諍
愈益迷執矧失德之良多致沉疾之難療朝政

不臨人心共憤乃今月十七日朕為公侯駙馬
伯及文武羣臣六軍萬姓之所擁戴遂請命於
聖母皇太后天地社稷宗廟復即皇帝位躬理
機務保固國家其改景泰八年為天順元年大
赦天下咸與維新逮少保于謙王文及都督范
廣太監王成舒良王勤張永等下詔獄命徐有
貞以本官兼翰林學士直文淵閣典機務明日
陞有貞兵部尚書兼職如故逮內閣學士陳循

蕭鎡商輅尚書俞士悅江淵侍郎項文曜王偉
古鏞丁澄沈敬等下獄出前禮部郎中章綸於
獄擢為禮部右侍郎論迎復功進封武進侯石
亨為忠國公都督張輅為太平侯張輓為文安
侯都御史楊善為興濟伯並子孫世襲論隨駕
功擢鎮撫哈銘試百戶袁彬並為錦衣衛指揮
僉事二十一日棄于謙王文范廣及太監王誠
等於市陳循江淵俞士悅項文曜免死發鉄嶺

衛永遠充軍蕭鎡商輅王偉等為民先是于謙
等下獄上猶豫曰于謙寔有功奈何有貞曰
不殺于謙今日之舉為無名獄遂決忠國公石
亨引千戶盧旺彥敬侍文華殿前上問二人
何人亨對曰臣心腹人迎請復位其功居多特
擢為錦衣衛指揮使自是求請無虛日冒功陞
職者四千餘人奪郭登伯爵以為南京都督僉
事太子太傅高穀吏部尚書王直禮部尚書胡

濙並致仕二月朔以太后詔廢景帝仍為郕王
歸西內欽天監奏革除景泰年號上曰朕心
有所不忍仍舊書之十九日郕王薨謚曰戾堊
祭如親王禮贈故御史鍾同大理寺丞謚恭愍
官其子召前南京大理寺卿廖莊復原職尋陞
南京禮部侍郎召巡撫陝西副都御史耿九疇
為右都御史掌院事召南京督儲副都御史軒
輒為刑部尚書命吏部右侍郎李賢兼翰林院

學士叅預機務於內閣詔舉庶民凡八十以上者賜冠帶京師民茹文中百有四歲上召見悅其狀貌與致辭有加禮進封徐有貞為武功伯械前給事中謫戍徐正至京磔於市命景泰妃汪氏出居舊王府先是邨王薨上欲令汪妃殉葬李賢奏曰汪妃雖立為后即遭幽廢與兩女度日若令殉死幼女何依上惻然曰卿言是朕以弟婦年少不宜存內初不計其母子

之命乃止四月己巳復立元子為皇太子襄王瞻塏來朝土木之變王兩上疏慰安皇太后乞命皇太子居攝急募勇敢士圖迎復仍乞諭邨王盡心輔政章上時景泰立己八日矣至是上得疏於宮中覽之感歎手勅取王入朝禮待甚隆追復王振官立祠祀之五月御史楊瑄河間印馬差回劾奏石亨曹吉祥家人占奪民田上嘉其敢言命戶部覈寔十三道御史張鵬等

石渠書 卷九
遂合章糾亨不法石亨疑有貞與賢主使遂與
吉祥泣於上前訴其迎駕奪門功有貞等欲
加排陷且言鵬乃已誅內臣張永從子故結黨
誣臣上怒命收鵬及瑄等悉下錦衣衛獄究
主使衛官奏右都御史耿九疇副都御史羅綺
諷使為此併執鞠之妄陷有貞賢於獄會是日
晚雷電兩雹大風拔木吉祥亨門樹折宅內水
溢數尺京師震恐翌日即赦出有貞等降有貞

賢及調御史盛顥等瑄鵬俱謫戍七月六日承
天門災詔赦天下陞李賢為吏部尚書上命
閣臣岳正草詔罪已有奸邪蒙蔽等語曹石等
搆蜚語中傷降謫欽州同知復下有貞於獄發
雲南金蓋為民八月兵部尚書陳汝言嗾邏者
奏岳正既降之任道漵逗留復發其私事逮繫
錦衣衛拷掠謫戍肅州九月勅左順門閤者今
後非有宣召總兵等官不得輒出入宮禁門十

月賜杭州府宋岳飛祠曰忠烈有司春秋祭遣
行人曹隆賫勅書禮幣聘江西處士吳與弼鹵
首亭來近邊求食傳聞傳國璽在彼石亨欲巡
邊乘機取之 上召問李賢賢言胡鹵雖近邊
不曾侵犯無故舉兵伐之恐不可若傳國璽始
皇所造李斯所篆亡國之物不足為寶 上然
之乃罷亨巡邊十一月兵部尚書陳汝言有罪
下獄死籍其家所司陳其家財於大內庶下
上召大臣入視且曰景泰間任于謙久且專後
無餘物汝言未幾何得如許贓物 上怒甚色
變石亨等皆噤不敢對

二年正月郊天禮成 上顧李賢曰朕居南宮
七年危疑之際寔賴太后保護罔極之恩無繇
得報可做前代尊上徽號賢定四字曰聖烈慈
壽太皇太后詔示天下勅修大明一統志遣建
庶人出居鳳陽 上謂李賢曰建庶人幽禁大

內五六十年親親之義寔所不忍賢對曰陛下
此一念天地鬼神實臨之 太祖在天之靈寔
臨之堯舜存心不過如此左右或以為不可
上曰有天命者任自為之遂遣居鳳陽令有司
供給聽其婚嫁出入五月江西處士吳與弼徵
至京授左諭德不受固辭遣歸賜勅褒嘉字來
寇延綏守將都督僉事張欽連戰敗之進都督
同知命佩征鹵副將軍印總延綏慶陽諸路兵
三年正月命法司錦衣秘獄無泄鹵入安邊境
總兵石彪等擊敗之四月增建南內殿宇龍水
縣撞賊鳳弟吉糾合廣西流賊為變兩廣都御
史葉盛擊敗之召石彪楊友還論功進封侯五
月禁商旅攜違禁諸物貿易諸裔中廣西流賊
破容縣劫潯梧柳慶南寧諸府州縣八月下石
彪錦衣獄十月駕幸南海子命石亨間住許冒
報奪門陞官者自首改正敢隱者罪首改者四

千餘人十一月敕諸王母干預有司事湖廣旱
饑命設棗撫賑光祿寺請陶器於饒州凡十三
萬三千有奇工部請減八萬以紓民從之

四年正月胡騎二萬寇榆林總兵官彰武伯楊
信禦之有斬獲下石亨獄藉亨及彪家上諭
李賢曰天下諸司朝覲大集旌異之典當如祖
宗之故既吏部舉右布政使賈銓梁榮蕭暄徐
景李顥按察使劉孜知府立陵故濬知州張福

知縣張瑄等十人各賜錦衣一襲鈔千貫宴禮
部隨擢暄為禮部尚書銓為副都御史二月石
亨死獄中誅定遠侯彪四月命宗室王府無子
者方許請繼室子八歲方許請名女十五歲方
許請封著為例七月湖廣當造紙工部言楚飢
請成造於不灾州縣上曰皆罷之八月命湖
廣有司加意賑恤十月閱騎射西苑賜總兵官
會昌侯孫繼宗等宴鈔騎射官賜鈔有差謂學

士李賢彭時呂原尚書王翱馬昂曰為國重武
練武先騎射皆頓首稱善遂皆賜宴鈔十一月
命都御史韓雍巡撫大同陞辭 上曰善為朝
廷守北門十二月賜致仕四川僉事王錡金以
周其貧

五年二月諭李賢曰錦衣指揮逯杲誣弋陽王
奠壘敗倫醜事今云不寔宗室如此他枉必多
因下諭曰刑獄國重事今後陳寃者三法司當

審辨毋畏嫌避疑遂遣右副使李廣駙馬都尉
柳錦與杲復往勘之勅游擊將軍都督同知和
勇統領兩京達官旗軍殺賊於兩廣修大明一
統志成御製序五月中官過南雄索知府劉寔
賄不得中官怒叱粹之遂與中官交訟 上泣
逮治京師 上親聽之論治中官罪弋陽王奠
壘竟為逯杲所誣賜自盡六月內閣李賢尚書
王翱馬昂以所在兵灾人民艱窘請下寬卹以

蘇疲困許之命花木鳥獸梨板及追馬清匠刷
卷採柴之後悉停罷蓋所罷皆民最苦而採柴
之後歲省可三十萬時所在告訐及緝訪事情
皆即遣錦衣官校藉其家李賢言其多枉因勅
法司情重者奏請餘悉發巡按御史及所司問
治七月昭武伯曹欽凶暴殺人為御史所劾
上宥之欽不自安與吉祥謀叛先一日上命
懷寧伯孫鏜與兵部尚書馬昂帥師西征莊浪

鹵寇次日陞辭欽謀於蚤朝殺鏜奪其兵入大
內吉祥以禁兵應之指揮馬亮知其謀二鼓走
告鏜鏜急至長安門告變上知命壘石塞禁
門出手詔命鏜討賊急召侍直中官縛曹吉祥
五鼓欽攻長安右門不得入攻左門又不得入
遂縱火燒東安門大雨火滅鏜與子輔軌統各
營兵會恭順侯吳瑾會昌侯孫繼宗都御史寇
深兵部尚書馬昂工部尚書趙榮并力追賊至

東市大戰軌入陣死之吳瑾寇深以救軌皆死
鏜急調神砲兵與諸營兵抵死夫攻欽受創逃
歸投晉井死捷聞上御午門朝百官下吉祥
等於御史獄而變之磔欽屍鐸等棄市流其黨
於嶺南八月旌死事追封吳瑾梁國公謚忠莊
寇深少保謚忠愍孫繼宗太保孫鏜懷寧侯馬
昂趙榮王翱李賢並加太子少保將士陞賞有
差十月鹵首阿羅渡河入套寇延綏

六年正月勅諭天下提督學較監察御史等官
陳政等務興賢育材以崇正學二月都督顏彪
等勦潯州大藤峽等處獍賊攻破七百二十一
寨斬首三千二百一十七級復所掠男婦五百
餘口賜獎勅三月皇弟九子生五月禁在外大
小衙門毋增置夾棍等件刑具八月鹵入獨石
馬營命修墻垣屯堡墩臺塹於諸邊九月皇
太后崩上御西角門諭禮部曰大行皇太后

遺誥服制二十七日除朕不忍朕仍素冠視事
西角門爾羣臣以素服朝忝待山陵祔廟畢乃
用淺色衣服以朝指揮僉事門達請別置錦衣
獄從之征進兩廣總兵官顏彪都御史葉盛等
獻所殺潮州反賊羅劉寧廣西龍山等處徭獍
韋公立等首三十五級十月上大行皇后尊謚
曰孝恭章皇后詔天下十一月合葬於景陵祔
廟嚴捕私鹽船令

七年正月郊 上病足掖而就事二月會試場
屋災舉子死者九十餘人 上憫之命有司具
木瘞之朝陽門外為六大塚題曰天下英才之
墓是月晦夜空中有聲 上諭李賢曰近聞空
中有聲天譴也宜祈禳賢對曰考之於書無形
有聲名曰妖鼓君不卹民天下怨叛則妖生焉
乞行蠲卹之政 上曰朕心也三月頒蠲卹詔
於天下七月追上宣德廢后靜慈仙師胡氏為

石園書 卷
恭讓章皇后孝恭皇后既崩錢皇后為上言
胡后賢而無罪廢為仙姑其死也人畏太后殮
葬皆不如禮勸上復其位號從之八月禮部
奏補試天下舉人十一月下錦衣衛指揮袁彬
獄時都指揮門達怙寵橫行畏彬入告因掖彬
陰私數十事上之下彬錦衣獄拷掠瀕死倭漆
軍匠楊暄力救彬得從輕調南京錦衣衛
八年正月上不豫處分後事命太監牛玉執

筆口占使書之其一東宮即位百日成婚其二
定后妃名分其三命勿以嬪御殉葬其四節省
殯殮器服書畢命牛玉曰將去閣下為朕潤色
玉至閣李賢與陳文彭時驚愴歎曰所言闕大
體非上英明不及此止殉一事尤高出古人
是月十七日上崩上尊諡曰睿皇帝廟號英
宗葬裕陵

石園書曰英宗之復辟正也徐石乘之以取功

石匱書 卷第七
名不幾以 上為孤注哉故終 英宗之世天
下一亡於土木再亡於奪門其所存者幸耳至
八年嗣統其慎其艱與正統初政相去若霄壤
焉則 英宗之得力於沙漠也不減太甲之桐
宮矣冕服奉歸復正厥辟豈倖也哉

石匱書卷第七

景帝本紀

景皇帝 宣宗次子也正統元年封郟王十四
年八月十五兵敗土木 英宗北狩十七日報
至京師大震皇太后召百官集闕下命郟王監
國二十日皇太后詔立 英宗長子見深為皇
太子時年二齡仍命郟王代攝國政六部及科
道官交章劾王振擅權誤國傾危宗社宜正刑

石匱書 卷
滅族以慰人心因慟哭聲徹中外錦衣衛指揮
馬順從旁叱各官去給事中王竑憤起捽馬順
首曰此振黨也衆爭毆之立斃復索振所親信
長隨二人亦毆殺之都御史陳鑑隨奉令旨籍
振家并其黨執振侄指揮王山至及接跪於庭
衆共唾罵之是時誼諱雜亂無復朝儀文武大
臣皆驚避王亦疑懼屢起兵部侍郎于謙直前
扶掖請降令旨馬順罪惡應死勿論獎百官各
歸蒞事皆拜謝而出棄三屍東安門外道上軍
民爭擊之衛士提水來滌血廷中儀銘曰毋其
影可以鑑明日移王座入奉天門左受朝命籍
王振家磔其侄王山於市族屬無少長皆斬皇
太后命以于謙為兵部尚書二十三日也先擁
上至大同城下索金幣許歸駕都督郭登閉門
不納廣寧伯劉安等括公私金銀共萬餘兩出
迎駕既獻鹵啖不應復擁駕去二十九日皇太

石圖書 卷一
后遣太監金瑛傳旨皇太子幼冲未能踐祚邨
王年長宜早正大位於是文武百官交章勸進
九月六日癸未邨王即皇帝位遙尊 帝為太
上皇帝大赍天下詔以明年為景泰元年御史
李著上疏爭之疏曰啓稱 帝曰殿下自稱曰
下官 帝曰御史醉邪著對曰下官正言 帝
誅之癸巳也先遣使欲送 上還京師荅以金
幣數日再遣使至書辭悖慢兵部尚書于謙見

帝泣曰鹵首不道氣滿志驕將有長驅深入之
勢宜練軍士造戰器開支倉糧為預備計 帝
嘉納施行之擢邨府官屬長史儀銘等驟列顯
官起楊洪於詔獄仍鎮守宣府于謙請釋武清
伯石亨於獄使總京師兵馬戴罪立功十月朔
也先以送 上皇還京為名與可汗脫 不花
入寇紫荆關京師戒嚴人情洶 太監金瑛召
廷臣問計侍講徐瑄以占象倡言南遷瑛叱之

石匱書 卷
明日于謙上疏抗言京師天下根本宗廟社稷
陵寢咸在百官萬姓帑藏倉儲咸在若一動則
大勢盡去宋南渡之事可鑒也瑛是謙言宣言
於衆曰死則君臣同死有以遷都為言者上
命誅之乃出榜曉諭衆心稍定時城外壩上等
處倉場草束芑料積有數百萬于謙聞鹵臨關
急令遣縱火焚之一面奏聞初九日鹵長驅至
京城西北關外都察院歷事舉人練綱再上勤
王急務疏授浙江道御史命石亨軍城北于謙
督之孫鏜軍城西侍郎江淵督之皆背城而陣
以交趾舊將王通為都督與都御史楊善守城
時衆論戰守不一主將石亨欲盡閉九門堅壁
以避賊鋒謙言不可請率先士卒躬擐甲胄出
營德勝門以示必死涕泣以忠義諭三軍人人
感奮北兵四散抄掠石亨與從子彪等持巨斧
突入其陣所向輒靡管神機營都督范廣以飛

鎗火箭殺傷甚衆北兵知我有備少沮喜寧族也先遣使索大臣出迎駕衆知其詐以通政司叅議王復為禮部侍郎中書舍人趙榮為鴻臚寺卿使鹵營朝上皇於土城也先謂尔等小官可令胡濙王直于謙石亨楊善等來辭歸上皇諭曰彼無善意爾二人宜急去二人歸鹵復悉力攻城聲勢甚急既而宣府遼東兵至軍聲稍振于謙令石亨等乘鹵移駕就高敞地俟

駕漸遠舉火炮擊鹵營死者萬餘人也先大沮復以上皇北去脫脫不花聞之亦北遁脫脫不花遣使來獻馬議和朝廷却之胡濙王直言脫脫不花與也先君臣不睦宜受其獻以間之從其言總兵楊洪孫鏜范廣等率兵二萬擊鹵於琢州紫荆等處逐至固安大捷改戶部尚書周忱為工部尚書仍巡撫南直隸時蘇松糧運不繼忱添撥民運數百萬石承造軍器數萬件

石匱書
軍需賴以不缺十一月以鹵退解嚴降詔撫安
天下楊洪等班師論功封楊洪昌平侯石亨武
清侯加于謙少保總督軍務時大臣有奏留邊
將守京師者兵科給事中葉盛上言今日之事
邊關為急宜急遣洪等固守宣府居庸從之命
寧陽侯陳懋尚書金濂等討福建盜執鄧伯孫
誅之八閩平命都督同知董興總諸道兵討廣
東盜黃蕭養鹵寇遼東提督都御史王翱等嚴

兵禦之復遁去十二月鹵寇甘州提督軍務都
御史馬昂驅人畜悉入城堡簡銳選騎射躬擐
甲胄出屯山隘以伺之鹵聞遁去尊孫太后為
上聖皇太后尊生母吳氏為皇太后冊妃汪氏
為皇后上皇宮嬪周氏為貴妃追封英國公張
輔為定興王謚忠烈

景泰元年正月朔 帝受朝免賀初七日 上
皇書至索大臣來迎廷臣奏請遣官使北進冬

石匱書 卷一
夜有旨能識 太上皇者行羣臣俱謝罪事遂
寢閏正月開經筵命副都御史軒輓鎮守浙江
無理鹽課都督汪全恃戚畹勢縱家人奪民田
御史朱英等劾之有旨責全歸田於民北鹵入
朔州大同總兵郭登敗之詔封登定襄伯是役
也登以八百騎破鹵衆數千自其入寇以來此
為戰功第一侍講劉定之上言十事皆切時務
帝嘉納之以邊圉事殷令天下生員納粟上馬

者許入監限一千人止其上選事例與歲貢同
贈前侍講劉球為翰林學士謚忠愍四月叛豎
喜寧伏誅都督董興等大破廣州賊黃蕭養誅
之餘黨悉平大同叅將許貴言鹵請和乞答使
緩兵兵部尚書于謙言中國與寇鹵有不共戴
天之仇和則背君父而違大義此理不可和鹵
貪而多詐和議既行彼有無厭之求從之則不
可違之則速變此勢不可和移文詰責許貴五

石匱書 卷一
月處州賊陶得二寇武義縣浙江按察副使陶成禦之戰死尚書于謙請立京營團操法戮左都督楊俊土木之變俊棄城逃歸今始正法六月北鹵遣使請和禮部尚書胡濙等會奏鹵使迎復當從明日 帝御文華殿召羣臣諭曰朝廷因通和壞事欲與鹵絕而卿等累以為言何也吏部尚書王直首對謂 上皇在沙漠理宜迎復必乞遣使勿使有他日之悔 帝不懌曰

當時大位卿等強朕居之非出朕心少保于謙對曰大位已定孰敢有議但欲發使盡禮少紓邊患耳 帝意始釋曰從汝從汝言已即退群臣出太監興安復出傳旨呼言尔等固欲荅使且言孰可行者孰為文天祥富弼其人邪衆未荅王直厲聲曰豈可如此言今日群臣皆朝廷人一惟朝廷用孰敢有不行者如是言之至再興安復命乃陞都給事中李實為禮部左侍郎

石匱書 卷一
羅綺為大理寺右少卿充正副使以行勅書既下則惟言報禮不及迎復實驚訝詣內閣白之遇興安興安曰汝奉黃紙幹事他何與焉實等遂偕鹵使至也先營實等朝見上皇後因言來迎之意也先曰勅書內只說講和不說接駕大明皇帝留此是一個閒人我還尔去千載後只圖個好名耳然不可輕易可令大臣來迎我即送去復再三言之實等辭上皇歸也先遣

右丞把禿同赴京時鹵主脫不花普化可汗亦遣其平章皮兒馬黑麻來議和朝廷復遣右都御史楊善侍郎趙榮使鹵報命李實等至京帝問也先講和之意虛寔如何實對曰臣入其境鹵人皆夾道謳謌沿途乳酪勸臣飲之咸願和好蓋因彼處人馬相繼病死又因離家日久和意似寔帝曰待楊善回來再議八月初二日楊善等至鹵營也先與善言大喜命頭目率

石匱書 卷六
五百騎送 上皇入塞時朝廷以鹵情多詐奉
迎禮猶豫未決千戶龔遂禁上翰林學士高穀
書言奉迎禮當從厚 主上當避位懇辭而後
受命乃可不然恐千載史書貽譏穀袖其書以
示廷臣曰武夫尚知此禮况儒臣乎王直曰此
禮失而求之野也胡濙欲封進庶見朝野同情
以感動帝心都御史王文止之陳循見之恚甚
請治其罪遂下遂榮錦衣獄尋會赦得釋十四

日 上皇至懷來將抵居庸禮部會同諸臣議
迎復儀注王文沮執廷臣相顧錯愕胡濙獨具
儀注進呈十六日 上皇自東安門入駕至南
宮百官隨至南城請朝見不允九月翰林學士
劉鉉主考順天鄉試及揭曉第一人劉宣乃盧
龍軍士也同事者欲更之鉉爭曰朝廷立賢無
方不可乃止十一月 上皇萬壽節禮部請群
臣朝賀 帝詔免朝南京吏部尚書魏驥進表

至京以老乞骸骨許之十二月胡濙請明年正旦百官朝上皇於延安門不許荆憲王請朝上皇不許

二年二月命右僉都御史王竑巡撫兩淮諸郡時徐淮大飢民死者相枕藉竑至不待奏報大發廣運官儲賑之全活者二百二十九萬餘人民謠曰生我者父母活我者巡撫竑疏至京帝於棧輶上閱疏驚曰柰何百姓其飢死矣繼

聞發倉賑救大言曰好御史不然饑死我百姓矣三月都御史王采擒苗首韋同烈香爐山平六月巡撫李匡破草塘賊七月王采率兵討貴州賊詔擇顏子後裔希惠孟子後裔希文並授翰林世襲五經博士誠意伯劉基七世孫祿亦授是職文選郎中李賢上正本十策詔翰林繕寫置之座右陞李賢為兵部侍郎浙閩盜平巡撫南直隸工部尚書周忱乞致仕命戶部侍郎

石圍書 卷
李敏代之

三年二月也先攻破普化可汗獻捷邀我使往
報上從言官議絕之兵部侍郎李賢奏製戰
車火鎗之法以禦鹵上從之以右僉都御史
李秉叅贊宣府軍務總督邊儲秉請銀三萬兩
買牛給貧民屯種四月命都督同知孫安鎮守
獨石馬營等處以都給事中葉盛為山西右叅
政協贊軍務五月詔立皇子見濟為皇太子生

母杭氏為皇后廢皇后汪氏居別宮改封上

皇長子皇太子為沂王先是帝欲易太子恐
文武大臣不從乃先賜內閣諸學士金銀陳循
輩俱不復言會有廣西土官黃珖以殺弟奪嫡
事露置獄當死珖知帝意欲易儲無人先發
乃上疏請易太子下禮部會議給事中李侃對
衆洒泣都給事林聰御史朱英陳不可不聽議
上皇太子出就沂邸而見濟立於是陞賞濫及

有滿朝皆太保一部西尚書之謠王直得所賜
扣案頓足歎曰此何等大事乃出一蠻裔手邪
吾輩媿死尚書楊翥以潜邸舊人自吳入賀僉
事陳祚語之曰公此行當諫奚賀為

四年正月河決沙灣二月召大同總兵定襄伯
郭登還朝五月以黃瓖為都督同知召至京管
事前府其家人繫廣西獄者俱宥之十月以左
諭德徐有貞為右僉都御史治河張秋十一月
皇太子見濟卒謚曰懷獻

五年正月積雪陰翳詔求直言四月南京大理
寺少卿廖莊應詔上言上皇迎歸南宮伏望
陛下篤親親之恩時時朝見仍令羣臣亦時得
朝叅以慰上皇之心不報新建隆福寺成車
駕擇日臨幸有司已夙駕除道太學生楊浩上
疏諫止之又有太學生姚顛者疏請拆毀寺院
用備倉廩不聽五月下禮部郎中章綸監察御

石匱書 卷
史鍾同於獄時皇太子見濟殤殂鍾同手疏請
朝上皇復沂王為太子下禮部會議適章綸
疏陳修德弭災十四事其一謂太上皇君臨
天下十四年是天下之父也陛下嘗受冊封
是上皇之臣也伏望時節率羣臣朝見於南
宮以敦同氣之情以隆尊崇之禮又請復汪后
於中宮以正天下母儀復沂王於儲宮以定天
下大本疏入帝覽畢大怒時已暝宮門閉乃

傳旨自門隙中出命錦衣衛即刻逮捕入獄拷
訊又二日并逮鍾同拷掠逼令誣引大臣并南
宮通謀不服復加炮烙之刑瀕死卒無一語會
天大風雨黃沙四塞乃密勅錦衣衛緩其獄令
囚禁終身六月給事中徐正密請出沂王於所
封增南城數尺伐去城邊高樹宮門之瑣亦宜
灌鉄帝怒謫戍鉄嶺衛召薛瑄為大理寺卿
詔以齊庶人贍懾谷庶人贍愜移置南京七月

石匱書 卷
十四
頒君鑒錄於群臣八月雲南總兵官檻送叛賊
思機法至京伏誅

六年正月命太監班祐鎮守兩廣總督兩廣都
御史馬昂征廣東龍水徭賊破平之七月命儒
臣編纂宋元通鑑綱目八月杖南京大理寺少
卿廖莊及前郎中章綸御史鍾同於午門謫莊
陝西定羌驛丞同死杖下綸禁錮詔獄十一月
湖廣苗賊攻圍隆里新化銅鼓諸城命方瑛佩
征蠻將軍印充總兵官往征之

七年正月于謙病 帝遣太監興安舒良更番
來視見謙自奉簡朴因以上聞特為計所資用
一切上方製之至輟尚膳醢醬蔬菜之屬為賜
駕幸萬歲山伐竹為瀝賜以和藥順天河間二
府民飢命刑部右侍郎周瑄往賑之四月沙河
灣堤成五月纂修寰宇通志書成七月命伶人
李安為錦衣百戶八月欽賜大臣子陳英王倫

石匱書 卷一
為舉人九月湖廣苗叛兵部尚書石璞討平之
以治河功陞徐有貞右副都御史十二月巡撫
江西都御史韓雍劾寧王不法并論府寮帝
遣大臣即訊削奪王護衛罪諸官寮謚宋臣文
天祥曰忠烈謝枋得曰文節

八年正月 帝不豫丙子閣臣商輅尚書于謙
率百官合疏請復東宮不許壬午四鼓奪門事
起 上皇復辟殿上鐘鼓大鳴 帝驚曰于謙

邪既聞故曰哥哥做好居數日 上皇語近臣
曰皇弟食粥可望差耳 帝竟崩號廢帝戾邨
王葬之西山妃嬪唐氏等俱賜紅帛自盡以殉
葬 憲宗十一年上尊謚曰恭定康仁景皇帝
改陵寢祭禮如諸陵先是正統中京師小兒禱
雨之謠曰兩地兩地城隍土地兩若大來謝了
土地兩御地弟城隍邨王音相近也至是果驗
石匱書曰太祖之後而功者孰不知 成祖乎

石匱書 卷
德者孰不知 孝宗乎蓋猶有 景帝為已庚
之際微 帝吾其披髮左衽矣其德如何曰在
知人在安民其不復辟者理也易太子者勢也
又曰宋高之不欲歸其父其兄也羈之也以父
在故羈之也議和議歲幣羈之之術也 景帝
之不欲歸其兄也棄之也以兄非父比故棄之
也社稷為重君為輕棄之之術也羈之則鹵以
羈應徽欽之死朔漠終^以羈死棄之則鹵亦以棄

應 英宗之得歸天朝終以棄歸何天之巧弄
若此邪使 景帝狡而一以宋高之故智為之
計陷出帝而又得天下之美名豈不兩得而天
肯若是哉

石匱書卷第八



憲宗本紀

純皇帝 英宗長子也母周太后生時紅光滿
室其歲天下大稔 英宗北狩邠王監國慈壽
皇太后立為太子方三歲邠王即位立其子見
濟降封沂王 英宗復辟更名 上復立為皇
太子 上廣額豐頤方面大耳目睛如漆光彩
射人左右莫敢仰視出閣講學敏於讀書使習



石匱書 卷一
騎射侍膳問安孝敬備至 英宗大漸召屬後
事既崩群臣勸進以正月乙亥即皇帝位下詔
以明年為成化元年大赦天下罷鎮守內官及
輯事官較議上兩宮徽號以李賢彭時議得並
尊錢太后仍照上聖例加二字曰慈聖皇太后
周貴妃止稱皇太后詔天下錦衣衛都指揮門
達有罪下獄謫戍南丹衛召袁彬復還舊職三
月復前御史楊瑄張鵬修撰岳正等官命甘肅

總兵官宣城侯衛涇巡撫都御史吳琛率師討
西番破之復定襄伯郭登爵鎮守甘肅七月立
皇后吳氏八月修 英宗實錄十月廢皇后吳
氏冊立王氏為皇后調右僉都御史葉盛巡撫
宣府羊太平侯李瑾興濟伯楊宗等爵命兵部
以迎駕奪門冒功者俱奪級李賢請復于謙等
官級 上是之以順義縣抄沒曹吉祥地一所
撥為宮中莊田皇莊始此

石匱書 卷二
成化元年正月詔釋戍邊陳循江淵俞士悅王文子宗彞于謙子冕謙壻朱驥等並放還原籍仍給還家產冕自龍門所上疏訟父寃帝憫之追復謙故秩遣行人往祭其墓復冕世襲千戶二月躬耕籍田於山川壇之南皇太后千秋令僧道建設齋醮禮部尚書姚夔欽會大臣收買楮香詣寺行禮為太后祈福給事中張寧劾之不報兩廣蠻寇作亂命都督同知趙輔為征

裔將軍韓雍為左僉都御史贊理軍務率兵討之三月幸太學四月襄鄧流民劉千斤等數十萬人作亂攻劫州縣贈兩廣死事副使毛吉等官五月修比干墓於汲四川賊趙鐸伏誅九月發銀四萬賑鳳陽徐州飢祠宋儒楊時於延平以羅從彥李侗配十二月祀元儒劉因於容城荆襄賊劉通石和尚起命撫寧伯朱永佩征鹵將軍印克總兵官工部尚書白圭提督軍務往

石匱書
卷
征之

二年二月重修闕里孔廟成御製文紀之大學
士李賢丁父憂命傳而奔喪塋畢亟來賢乞終
制不許江淮旱人相食命都御史林聰往賑撫
之聰奏借江南支運糧儲數十萬賑之并給穀
種從之都督趙輔僉都御史韓雍等討廣西蠻
寇大破之兩廣平封趙輔武靖伯世襲擢韓雍
左副都御史提督兩廣置武靖州南京兵部尚

書李賓奉勅賑濟南流民五月李賢還京翰林
修撰羅倫論李賢宜聽終制黜為福建市舶司
副提舉禁侵損古先帝王忠臣烈士名賢陵墓
八月諭祭故少保兵部尚書于謙復其子冕為
府軍前衛副千戶十月襄陽賊首劉千斤僭號
於南漳命撫寧伯朱永尚書白圭督兵討平之
班師論功永進封侯加圭太子少保十二月迤
北瓦剌太師阿失帖木兒遣使入貢令順天府

收養市巷疲癯殘疾於養濟院

三年正月賜朝鮮國王琛曰周却旅焚朕甚慕
烏王三致白鵲烏海青諸物獵致珍異未免勞
民或生其咨夫王詩書禮義之國也尚忱念之
三月召羅倫還復為翰林院修撰尋以疾辭歸
貴州山都掌蠻作亂破四川合江諸縣命襄城
伯李瑾兵部左侍郎程信發川廣雲貴番漢兵
討平之六月戊申雷震南京午門七月鹵寇榆

林孤山叅將湯胤勳力戰死之加封漢董仲舒
廣川伯宋胡安國建寧伯蔡沈崇安伯真德秀
浦城伯八月 英宗實錄成九月鹵破開城縣
知縣于達教死之徙縣於固原禮部尚書姚夔
言光祿寺供應宜從元年詔例從之十一月翰
林編修章懋黃仲昭檢討莊杲諫上元張燈
上怒杖闕下調外任十二月始立十二團營刑
部郎中彭韶勘真定民田劾外戚周彧恃強侵

石園書 卷五
佔忤旨下詔錦衣獄尋得釋荆門州訓導高瑤
請復景泰廟號下禮部議曰邨王繼位六七
年間行事具在寔錄其廟號非臣下所敢輕議
左庶子黎淳獨言景泰一時君臣之失而責瑤
妄言事遂寢

四年二月以水旱免高郵州秋糧六萬五百七
十石有奇馬草九萬五百餘石陝西土達滿四
及據石城官軍失利逮陳介任璿吳宗劉清馮
傑等下獄六月慈懿皇太后錢氏崩命大臣議
葬所大學士彭時曰此一定之禮無可議梓宮
當合葬裕陵主當祔廟上御文華殿召閣臣
面議上曰慈懿太后當何如彭時對曰宜依
正禮行庶全聖孝上曰朕豈不知但與周太
后有碍故令介等議務使得宜商輅曰外議洵
洵若不合葬則人心不服且於聖德有損劉定
之曰孝子從義不從令雖聖母有言亦不可從

上曰合葬固是孝然失聖母心亦豈得為孝乎
彭時曰 皇上大孝當以 先帝之心為心
先帝待慈懿太后始終如一今若安厝於左而
虛其右以待後來則兩全其美矣 上領之令
百官再議僉曰時等言是內批猶未允時等及
姚夔帥百官伏文華門號哭不起聲聞於內
上感動太后亦悟宣諭曰卿等議慈懿太后合
祔陵廟固朕素志但於聖母有妨故未即允朕

心終不自安再三據禮祈請聖慈開諭特賜允
諾卿等其如前議施行百官懽呼而退以旱災
免江西秋糧二百八十八萬六千三百餘石七
月上慈懿皇太后尊謚曰孝莊睿皇后九月
望見掃三台彭時乞休不允疏請修省因及貴
妃萬氏專寵學士萬安認為同宗竊弄朝政亟
請罷斥優詔答之十月御史林誠劾輅不職因
及景泰中易儲事輅求退 上曰朕用卿不疑

石圍書 卷
何恤人言欲遣謫誠輅奏言臣嘗勸陛下優容言官已荷嘉納如修撰羅倫輩皆復收用今因論臣而斥責之如公論何乃釋誠復職十一月都御史項忠馬文升等督兵進攻石城擒及賊滿四等捷聞且止援師有勅獎諭石城賊復立平涼達官鎮撫火敬為主拒官軍項忠等復率兵悉殄之十二月定簡除保舉官員例修復運河壩閘

五年春論平滿四功擢劉玉左都督項忠右都御史太監劉祥加歲祿罪失機等官任壽吳琮陳介俱謫戍兩廣劉清馮傑坐激變棄市三月正一嗣教大真人張元吉坐奸淫械繫至京下獄論死六月復御經筵視午朝

六年三月免河南糧三萬七千六百石有奇草四萬八千餘束免蘇松常鎮四府去年秋糧一十四萬八千餘石屯糧七千一百餘石免池州

寧國去年秋糧一萬八千七百餘石宣州衛屯糧二百六十餘石四月以水災免溧水溧陽句容六合江浦當塗蕪湖七縣糧稅共三萬七千四百餘石京畿大水命右都御史項忠巡視順天河間永平三府忠多發官廩又設分勸法得米十六萬石銀布牛俱各萬餘所活三十萬人六科給事諫建西山佛閣詔止之七月皇子生皇妃紀氏出紀氏尚在御侍上幸之有娠萬

貴妃嘗掠頻死胎竟不墮上令託疾居安樂堂以痞報而屬門官護衛皇子生之乳太監張敏使侍女哺以粉餌彌月西內廢后吳氏祗之以右副都御史王越總制延綏三邊軍務十月總督兩廣韓雍等奏斬藤峽殘賊二百餘徒燒毀電白縣治刑部覆奏張元吉行刑詔免死杖之百發肅州衛克軍以水災免保定等衛子粒二萬三百石以旱災免河南民田夏稅三十七

萬七千七百石軍屯子粒八千六百石
七年正月京畿飢勅戶部發太倉粟一百萬斛
減價糶以利民糶惟升斗不許滿石飢者獲濟
定長運著為制以水災免福建稅糧一萬五百
餘石襄陽賊李胡子作亂命右都御史項忠討
平之九月置榆林衛以水災免直隸鳳陽府州
縣夏稅麥九萬二千餘石絲九萬五千二百餘
兩十月立皇子祐極為皇太子萬貴妃出尋患

痘疹薨謚曰悼恭太子濬通惠河舊道十一月
彗星見出天田入太微垣羣臣皆言君臣懸隔
情意不通請時召閣臣面議政務彭時力請允
行內臣走內閣言曰上御殿召見厭煩瑣勿
多言有事俟再見可盡時等諾之至期召見時
言天變可畏上曰已知卿等盡心辦事時又
言昨准御史言減京官皂隸與俸文職尚可武
官不免怨望上曰卿即傳旨該部仍舊萬安

石園書 卷
遂叩頭呼萬歲時與商輅皆同聲叩頭命賜酒饌而退自後不復召見及見諸內臣乃謂人曰諸閣老嘗言不得召見及見無一奇謀至論止呼萬歲四方因傳為萬歲閣老十二月大學士彭時等因彗星屢見進修德安民大要七事嘉納之諭德謝一夔上弭變五事禡職為民

八年正月星變免慶成宴以陝西左布政余子俊為右副都御史巡撫延綏七月北鹵寇臨洮鞏昌巡撫都御史馬文升敗之追至黑水口擒其平章鉄烈孫斬首數千級命兼節制三邊九月鹵復寇常州深入固原及好水川文升檄召諸路兵暗伏湯羊嶺鹵至遇伏驚遁盡棄輜重擒斬二百餘級因改其嶺為得勝坡勒石紀功修隆善寺陞工匠三十人為文思院副使寫碑官為尚寶司少卿工科給事中王詔等極諫不聽十二月以旱災免順德真定等府秋糧九萬

七千餘石穀草二萬餘束綿花五十三萬餘劬
九年二月以災荒免湖廣武昌等府糧三十二
萬餘石朝廷好寶玩有言宣德間王三保出使
西洋所獲奇珍異貨無筭上命中使至兵部
查三保使西洋水程車駕司郎中劉大夏匿之
不出科道官連章進諫事遂寢勅儒臣訂刻宋
儒朱熹通鑑綱目六月延綏從鎮榆林十月閱
武於內苑公侯以下皆騎射英國公張懋三發
連中上大喜賜銀幣金帶遂命掌中軍都督
府事提督五軍營十一月王越襲鹵紅鹽池大
破之賜勅獎諭十二月勅翰林儒臣修續資治
通鑑併纂宋元綱目敕邊軍遇賊率衆對敵及
衆寡不敵者雖失利不罪其閉門坐視見賊及
退者乃坐失機

十年正月勅王越專居固原總督三邊諸鎮軍
馬三月起致仕右都御史林聰掌南京都察院

石匱書 卷
事以水災免壽泗和三州霍丘等八縣去年秋糧三萬七千餘石鳳陽留守左等七衛子粒七千五百餘石以旱災免湖廣武昌等七府去年秋糧五十三萬五百餘石武昌衡州十一衛子粒二萬九千六百餘石八月命巡撫陝西都御史馬文升率民勦岷州叛番平之九月以水災免直隸吳江等一十四縣子粒共四十三萬四千六百石馬草一十六萬九千八百九十餘束

十一月復邨王帝號勅諭文武群臣曰曩者朕叔邨王踐祚戡難保邦奠安宗社亦既有年屬寢疾彌留之際奸臣貪功生事妄興讒構請去帝號先帝尋知誣枉深懷悔恨以次抵奸於法不幸上賓未及舉行朕嗣承大統一紀於茲敦念親用成先志其邨王可仍舊皇帝之號遂上尊謚曰恭仁康定景皇帝修其陵寢十二月罷湖廣寶慶等府縣淘金時內費日侈帑藏

日匱乃命寶慶等府開金場淘煎巡撫等官命所屬十二縣開二十一場歲役民夫五十五萬有奇僅得金二十五兩巡撫等官奏工多金少徒害生民請有司取贓罰銀易金上供從之十一年二月詔開河南宜陽等處銀洞申明酷刑之禁五月勅翰林院官定議皇子睿名以聞上親定其名曰佑橈皇子年長六歲外人不知乃因勅部擬名大臣始入賀上曰皇子既出

何以處之商輅對曰皇上即位十年儲副未定天下人心屬望久矣當立為太子上曰即舉行乎對曰今天氣尚炎俟秋涼舉行上曰然輅復曰皇子飢飽寒煖之節須勞聖慮上曰朕知悉矣輅等退賜酒饌於文華門萬貴妃知之驚曰何獨不令我知遂具服進賀厚賜紀氏擇吉日召皇子入昭德宮次日徙紀氏於永壽宮中外慮之六月萬貴妃酖殺皇妃紀氏贈

恭恪莊僖淑妃大學士商輅舉宋宸妃故事殯
殮如禮七月朵顏三衛裔人請開馬市不許十
一月冊立皇長子為皇太子詔告天下

十二年三月陝西都御史余子俊奉詔議弭盜
安民選將厲兵之策奏事宜七條下部議行之
五月通惠河成七月京師黑青見妖人李子龍
伏誅十月朵顏三衛裔人復請開馬市不許勅
邊臣防邊置饒平縣十一月續資治通鑑綱目

成 上製序弁首十二月內旨開設鄖陽府
十三年正月增先師蓬豆樂舞之數日本入貢
始設西廠命太監汪直選錦衣衛官較百餘人
刺大小事件方言俚諺悉採以聞三月商輅疏
直十罪兵部尚書項忠偕九卿科道亦疏直及
帝瑛過惡 上怒革去西廠帝瑛謫戍宣府四
月汪直復開西廠會御史戴縉以九年滿不得
陞上言直所行皆公正不宜革直遂奉命仍坐

石圖書 卷
廠縉亦驟進用歷陞都御史下項忠於獄幾死
之五月巡撫陝西都御史余子俊定民山番叛
賊克其四族斬首四百級捷聞賜勅獎勵召拜
兵部尚書加太子太保論紅鹽池撲鹵功加王
越太子太保仍掌院事十月復立哈密衛於苦
峪谷以淮安鳳陽飢荒暫止徵備用馬詔會舉
將材嚴文武乘輜之禁詔稽覈遼東屯田許朝
鮮國市弓角十一月暹羅國來貢

十四年三月皇太子出閣行冠禮詔簡儒臣充
東宮官時東宮內官覃吉溫雅誠薦知大體通
書史道太子以正言正事賜東宮五莊吉備曉
以不當受曰天下山河皆主所有何以莊為辭
之上杭盜起詔高明為左僉都御史率兵討平
之置永定縣於上杭谿南里八月戊申早朝東
班官若聞有甲兵聲者皆辟易不成列衛士露
刃備不虞久始定莫知故已命班居下者百餘

石圖書 卷
人跽午門踰時釋之因申明朝儀八事十一月
始令翰林官習儀修南京棧殿十二月諭戶部
臣曰今歲北直隸水災殊甚聞紫荆關水門被
水闔流至涿則人民禾稼災困可知有田畝應
免者悉免之申在外武官私役軍士禁稅

十五年三月免荆襄德安府衛夏秋糧二十三
萬三千石六月逮遼東總督馬文升下獄謫戍
四川八月浙江叅議張敷華身蒞賊巢曉諭礦

賊皆降十月命汪直監督軍務撫寧侯朱永佩
征鹵將軍印充總兵官討建州裔巡撫遼東右
副都御史陳鉞贊其軍復命朝鮮國王李婁出
兵夾擊之十一月朱永襲敗建州兵十二月封
朱永保國公加汪直食米歲三十六石陞陳鉞
右都御史冒功陞者千九百人賞者千五百四
人

十六年正月禁雲南邊軍交通外裔命太監汪

直監督軍務兵部尚書王越提督軍務保國公
朱永佩平鹵將軍印充總兵官率京軍萬人赴
延綏禦鹵叅將等官皆令直推舉二月詔天下
學較孔子廟庭所在凡過門者皆下馬汪直王
越襲破鹵於威寧海子奏捷乞班師許之加汪
直歲米四十八石封王越威寧伯仍以太子太
保兼都御史掌印提督團營如故六月禁貴戚
世家侵占民田巡按遼東御史強珍奏建州班
師止何鹵即四入靉陽清河殺掠男婦五百餘
人頭畜亡筭寔繇前巡撫都御史啓襲邀功致
其報復諸守將不能禦却之又畏罪貪功隱匿
不聞直待朝廷論功之後始以入奏請逮問欺
罔用正厥罪兵部尚書余子俊覆奏引皇明祖
訓叅錢累犯死罪不宜再縱當從珍言上命
守將吳瓚崔勝戴罪殺賊鎮守太監常朗停歲
俸半年總兵緱謙與錢各停俸一年餘皆屬珍

逮問之兵科給事中吳原御史許進亦論劾帝
朗等冒功匿罪雖已停俸尚宜重處因醜詆陳
鉞上曰是業處分姑已之已汪直自遼東還
奏珍行事平方所忝被擯人畜皆妄請治其欺
罔命錦衣衛千戶蕭聚往勘若不寔即械京鞠
之七月逐自宮以求進者申明存卹孤老之令
蕭聚至遼東不行勘驗但械珍以來汪直先執
珍拷掠之然後奏聞命會官廷鞠坐奏事不寔
贖杖還職內批謫戍遼東十一月以旱災免順
德府所屬九縣秋糧一萬八百石有奇草一十
九萬餘束十二月命汪直同太監傅恭劉恒於
神機營把總仍提督十二營鹵入大同命直與
越永等監京軍往擊之

十七年正月西域進獅子至嘉峪關奏請大臣
迎接職方郎中陸容言獅子固奇獸然在郊廟
不可以為犧牲在乘輿不可以備駮服無用之

物不宜受禮部尚書周洪謨亦言不當遣官迎
接乃遣內臣迎之二月初十日南京及江北四
府山東河南等府州縣俱同日地震有聲三月
以水旱霜雹等災免山西太原等府州衛去年
夏稅七萬三千四百石秋糧四十萬一千九百
石草八十萬五千三百九十束汪直報大同提
遂獻俘加直歲米三百石永世襲爵越加陞太
子太傅歲增祿四百石仍提督團營廕一子錦
衣百戶七月命汪直總督軍務王越佩平胡將
軍印統京營兵分道勦鹵所在鎮守總兵巡撫
等官聽節制不遵號令者以軍法從事十一月
汪直奏至宣府分守要害鹵知有備遁去近邊
無烽火乞班師上曰冬月正互提備十二月
命王越佩征西將軍印鎮守大同仍與汪直提
督京營宣府右路軍馬

十八年三月賑濟蘇松淮揚山西大同飢民罷

西廠勒兵部尚書陳鉞致仕六月鹵寇延綏河
西清水營等處邊將分兵禦之有斬獲論功行
賞命雲南布政司歲祭故學士王禕祠八月久
雨衛漳漳沱等河漲溢運河口岸多決河南城
署廬舍壞人畜死亡不可勝計

十九年正月祀故南京吏部尚書魏驥於縣之
德惠祠以配宋令楊時二月贈大理寺寺丞鍾
同子越官勅有司月給同妻米三月禁勢家中

鹽以侵商利四月巡撫陝西都御史阮勤奏岐
山有周公廟咸陽有周公墓沔有諸葛亮鳳翔
有范仲淹藍田有呂大忠大臨大鈞祠竝歲久
淪毀乞修治賜祭上從之五月減浙江銀課三
之一鎮守大同太監汪直馳奏鹵將犯邊請其
所統達官頭目都督深等千一百人兼程赴援
以兵部尚書張鵬等議時方盛夏師難久戍勿
許六月調汪直於南京御馬監八月鹵復犯邊

巡撫宣府都御史秦紘總兵官周玉指揮孫成
等擊鹵勝之賜獎勅降南京御馬監太監汪直
為奉御除威寧伯王越名編管安陸州錦衣衛
指揮吳綬戍邊兵部尚書陳鉞工部尚書戴縉
侍郎張頤並除名為民復馬文升強珍項忠職
予致仕九月妖人王臣伏誅授吏部聽選監生
陳獻章為翰林簡討許歸養十月召朱永還命
右副都御史程宗巡撫雲南封都督趙勝為昌
寧伯傳陞僧錄司繼曉為左善世惠昇為右善
世十二月吏科給事王瑞等言傳奉得官者幾
千餘人一時名器冒濫已極伏望皇上一清仕
路以肅朝綱 上是之

二十年正月京師及永平宣府大同遼東同日
地震宣府裂湧水天壽山密雲古北口居庸關
一帶城垣墩臺驛堡多潰裂人有壓死者東廠
行事司禮監太監尚銘有罪押赴南京守備太

監杖三百充淨軍種菜孝陵四月立殫忠效義
二營選閱京衛舍人餘丁聽調遣御史十員清
閱南畿及浙江等逃亡軍後建宋儒陸九淵兄
弟象山書院於貴溪縣歲一祭五月起馬文升
為左副都御史巡撫遼東九月巡撫都御史葉
淇奏山西連年災傷平陽一府逃移者五萬八
千七百餘戶內西邑猗氏兩縣飢餓死男婦六
千七百餘口蒲解等州臨晉等縣餓殍盈途不
可數計父棄其子夫賣其妻甚有全家聚哭投
河而死者棄子女市井而逃者雖嘗設法勸借
加意撫卹其柰散給不周乞發太倉銀備賑
上曰山西凶荒民莫必命覽奏深用惻然其亟發
京庫銀三萬齎付淇賑之十月給空名度牒一
萬紙分送山陝令募民願為僧道者令詣被災
處輸粟十石給度之刑部員外郎林俊極論僧
繼曉太監梁芳罪下錦衣具獄杖而降為州判

官後軍都督府經歷張黼疏抃六逮獄調之給
宛平大興二縣貧民布五千五百疋有奇命寧
夏甘肅榆林鎮守等官加意安撫流民十一月
朶顏衛都督阿兒乞蠻遣其弟影克孛羅送所
獲北鹵生口兵部審係牧鹵上曰塞外牧放
為生追逐水草其常事何罪之足誅其編戍之
賞孛羅以慰其勞諭三衛貢裔毋得貪掠啓邊
通玄羽教廣善國師繼曉乞歸養母許之詔母
終供職如故萬全右衛百戶常瑛有罪伏誅總
督大同宣府軍務戶部尚書余子俊言鹵已遠
遁請班師以省儲費命太監張善定西侯蔣琬
悉統京軍還京子俊暫晉總督令冬末具奏而
還運河南兌軍糧三萬五千石於山西採荒十
二月預度天下僧道六萬人以秣山陝飢命工
部侍郎杜謙修濬運河命戶部侍郎李衍理陝
西邊儲以備鹵詔開中兩浙鹽課以給三邊發

江南折糧銀十五萬兩并關中兩淮山東四川
鹽課二百萬引於陝西榆林等處以給邊儲命
有司歲祭故廣東巡撫都御史楊信民祠

二十一年正月甲申朔申刻有火光自中天少
西下墜化白氣復曲折上騰其聲如雷踰時西
方復有流星如碗大赤色自中天西行近濁尾
跡化白氣曲々如蛇形墮正西轟如雷震地
須臾止勅曰上天垂戒災異迭見歲暮及今正
旦星變有聲如雷朕甚驚懼尔文武百官其指
陳國家生民利病朕采行之復林俊為刑部員
外郎張黼為南京左軍都督府經歷降李孜省
上林苑監左監丞鄧常恩本寺寺丞繼曉革去
國師為民迫奪誥勅巡按山西御史周洪奏翼
城絳陽城垣曲等縣飢民嘯聚為盜請發兵捕
之上曰民迫飢寒朕甚憫焉其令鎮守巡撫
等官宣布朝廷德意如再執迷不服然後相機

石園書 卷
二十
勅除勅總督陝西軍餉戶部侍郎李衍兼理賑濟戶部郎中張禎主事吳紀佐之刑部侍郎何喬新往山西工部侍郎賈俊往河南吏部郎中吳珉等十三人佐之付以京庫銀二十五萬四月以山陝飢甚廣開納中鹽例

二十二年正月勅河南按察僉事傅希說兼理鳳陽等府賑濟飢民二月詔移河南開封府存留米十二萬石於陝西六萬三千石於河南府賑飢五月下翰林侍講尹龍獄除名為民罷吏部尚書尹旻以工部尚書李裕代之九月南京兵部尚書王恕上言去年星變革除傳奉諸官復多夤緣進用政令不信何以示人語多激切忤旨令恕致仕工部主事王純言恕社稷大臣不宜輕棄下純詔獄謫思南判官遂改兵部尚書馬文升於南京以代恕罷大同巡撫余子俊子俊在大同修邊墻設亭徼工程已見次第論

者劾其糜財病民令致仕以忤太監常眷逮廣
東左布政陳選卒於道故吏張聚上書訟選寃
不報十二月復召余子俊為兵部尚書

二十三年正月國子生虎臣上疏諫萬歲山勿
架棕棚從之命吏部特選臣知縣萬貴妃卒葬
天壽山五月庶吉士鄒智上欽崇天道疏規切
時政不報七月追謚大理寺丞鍾同曰恭愍八
月庚辰上不豫命皇太子暫視朝於文華殿
夜金星犯亢宿上大漸召皇太子至命早嗣
大統以祖宗為法太子稽首受命己丑上
崩九月上尊謚曰純皇帝廟號憲宗十二月葬
茂陵

石匱書曰 憲廟有聖政二曲從禮官言錢皇
后得祔太廟一也追復 景帝位號二也於乎
不可復得矣

又曰旱乾水溢何代無之成化年間以水旱歲

石匱書 卷第九
免秋糧幾什百萬免馬州亦幾什百萬不為不
多矣然攷之本紀韓雍項忠每歲出師必獲奇
捷軍儲未嘗告乏則又何邪然則今之預徵三
四年猶言不足者是豈飽上又豈飽下也哉

石匱書卷第九

孝宗本紀

敬帝 憲宗長子也母曰紀淑妃 憲宗王皇
后無子萬貴妃寵而妬它妃不得子淑妃一幸
上為萬貴妃所譖逐既有娠及生周太后王皇
后私育之而不敢以聞及六歲 憲宗方知有
上即冊立為皇太子 憲宗崩以其年九月壬
寅即位大赦天下以明年為弘治元年始 憲

宗冊上為皇太子時詔至南京瑞雲見孝陵如車蓋既稍長仁孝恭儉聞於東宮及是持麻衰絕酒肉日侍靈幄哀擗有加時覽記孝經尚書家禮大明律四書有疑義即召問法吏儒臣天下翕然望治於是放省內苑鳥獸虎豹之屬勿飼之使自斃追奪李孜省鄧常恩趙玉芝等故所賜冠劔印章謫戍之降太監梁芳陳喜帝興於南京間住其餘以左道附孜省進者悉黜十月享太廟樂設不作上周太皇太后王太后尊謚曰聖慈仁壽立張皇后詔天下降革成化中傳奉冗員及大慈恩等寺法王佛子等職御史姜洪湯鼎庶吉士鄒智連章劾大學士萬安許致仕追尊紀淑妃為皇太后上尊謚十一月賊破揭陽縣置孝豐縣起致仕尚書王恕為吏部尚書改馬文升為左都御史尚書耿裕為南京兵部尚書禮部侍郎丘濬進所撰大學衍義

補嘉納之陞本部尚書以李攷省罪重及梁芳
陳喜常與鄧常思等俱逮繫錦衣獄辛巳憲
宗喪百日矣先是上服喪二十七日禮官請
易服如制入朝上素服如故羣臣服吉者皆
趨出至是百日又如之進士潘府請行三年喪
下輔臣詳議禮部侍郎倪岳定儀注三年不鳴
鐘鼓不受朝賀朔望宮中素服舉奠繇是上
孝德感中外十二月塋茂陵以紀太后祔己丑
祧懿祖皇帝祔憲宗主太廟作奉慈殿奉祀
紀太后

元年正月改尚書何喬新為刑部尚書鹵寇請
鹵蘭州等處分守指揮廖斌等戰敗之賜璽書
閏正月始用朔望御奉天殿百官公服朝參禮
李攷省死於獄其他方士仍戍邊紀太后賀人
其親屬莫知遣人入賀求之科道官劾奏諸武
弁不職上曰將材難姑評留其稍可者二月

祭先農遂耕藉封哈密衛左都督罕慎為忠順
王鹵寇廣寧叅將崔勝等連敗之賜璽書三月
視學釋奠先師加幣用太牢改分獻曰分奠賜
祭酒閭司業震坐講勅修 憲宗實錄南京吏
部主事儲燿薦舉遺賢丁璣張吉王純教毓元
李文祥 上付吏部起用加贈前少保于謙特
進光祿大夫柱國太傅謚肅愍建祠賜額旌功
五月嘉興賊陳輔作亂命侍郎彭韶巡視浙江
六月命馬文升提督團營操練陞養病給事中
賀欽為陝西叅議辭許之八月鹵數寇獨石萬
全及甘肅等北鹵小王子伯顏猛可遣使來朝
九月官紀太后親屬貴旺二人追贈太后三代
修其先塋之在賀者十月代王獻海青報書返
之曰朕靡敢盤於游詩不云乎示我周行叔祖
或有忠謹可時益朕十一月賊陳輔平妖僧繼
曉伏誅十二月中嚴勢要中益禁令公侯駙馬

伯子孫讀書習禮國子監

二年正月戶部尚書李敏奏畿內隙地仍當與民詔從之遣戶部郎中江漢王宏分賑四川飢更發銀二萬為飢民具耕種二月御史湯鼐與壽州知州劉槩私議朝政坐以妖言論死劉吉攬入鄒智名下詔獄王恕力諍三人得末減謫官四月都察院覆奏廣東叛賊繫獄三百餘人久恐生變請皆決之上曰豈無可矜疑錦衣

驛人令巡撫秦紘覆審之以王恕老免其午朝刑部尚書彭韶上鹽場圃詩分八節各繪為圖裝冊上進使上知貧竈之苦留覽五月河決汴入淮後決黃陵岡入海戶部郎中周軫疏皇庄屬民宜革官庄名目不報七月以孔鏞為田州知府招平峒獠八月勅戶部侍郎白昂修理河道十月以周經為禮部右侍郎大同巡撫許進劾武邑王亮縱不律寔跡謫為庶人徙太原

十一月築高郵湖堤十二月鄖陽都御史戴珊
令諸府豪右自首匿流聚田稅俱免罪以戶帖
給之連山縣民告紀貴紀旺非太后宗支命給
事中珪御史祐入賀詳訪其虛寔

三年正月摠督兩廣都御史秦紘調漢達官軍
征瀧水後山等巨寇平之二月戶部以鳳淮揚
鄖襄南陽鄧唐諸府水旱免其糧草麥絲之稅
上曰凶歲損上甚稱朕指急行之三月命天下
州縣預備倉積糧視里數為差以定黜陟損糶
蘇州倉米四萬以濟飢給魯子廟祀田令同姓
一人上廟給田戶五灑掃戶十免其繇四月舉
懷才抱德山林之士五月祠唐韓愈於孟七月
給事中珪御史祐還言紀貴紀旺詐冒亡驗發
戍邊九月命脩理邊牆三年一遣大臣閱視閩
九月授宋朱熹九世孫貞為本縣訓導十月增
祀元韓建於余闕廟撤兒罕道南海貢獅却之

四年正月戶部尚書李敏疾乞歸 上曰君臣一體卿毋去使醫視卿二月封張巒為壽寧伯 勅三法司曰曩天下諸司審錄重囚矜疑及辯遣者奚啻十數百人與其寬終孰若謹始其令繼今問刑之際察審辭色加意究之四月勅司禮監太監韋恭同三法司執審勘問官有故失入等罪其不究五月予故刑部尚書吳雲贈謚 竝故翰林侍制王禕祠雲南七月增城山賊藍漢等卒八月 憲宗實錄成九月皇子生漳州賊溫文進等平十月黃河溢命有司量賑開封懷慶二府及揚德宣武睢陽三衛被災家十二月貴州苗賊乜富架等殺掠都勻清平諸處土魯番速檀阿里麻王遣使貢獻還城池人口并金印一厚賜之

五年正月命織絲粒絨毼曳撒於甘肅陝西御史張文諫命減之二月命陝巴襲封哈密忠順

王三月丁丑名皇子戊寅立為皇太子大赦天下命吏部訪求太祖功臣子孫之失祿者進封張巒為壽寧侯四月給事中王綸請絕龍舡燈火之戲并撤戒壇齋醮納之七月命修宋岳飛祖墓之在湯陰者有司春秋祭命三法司刪定問刑條例以輔大明律所不及以蘇松浙江水災山東旱災勅鎮巡等官加意蠲賑十一月令有辦米助賑者授武職官十二月壽寧侯張巒卒使其子鶴齡襲封陞次子延齡為都督同知逮荆王見瀟上與廷臣會訊之降為庶人錮西內

六年二月詔以太廟配享功臣子孫列在編氓殊失報功之典訪得開平王常遇春玄孫復李文忠玄孫璿鄧愈五世孫炳湯和六世孫紹宗可令世襲指揮使各銓附祖塋衛以便其奉祀命浙江左布政劉大夏為僉都御史督治張私

河道四月賜滁陽王後琥冠帶奉滁陽王祀土
魯番阿里麻率衆夜襲哈密忠順王陝巴殺其
都督阿木郎遂據哈密地勅責之命兵部侍郎
張海前府都督同知緱謙往經畧五月免兩浙
鹽課六月飛蝗蔽天三日遣順天府丞畢亨行
縣督捕七月賜荆庶人見瀟自盡十月行取番
僧領天竺耒居大慈恩寺禮部尚書倪岳給事
中夏昂柴昇諫止之命歸德州修微子祠西安
知府嚴永清疏言陝西織造綵裝絨氍之苦命
織未就者悉罷

七年正月巡撫山西張敷華奏乞增解池鹽課
以補宗藩歲祿從之五月命太監李興平江伯
陳銳協同都御史劉大夏治張秋決河大夏發
丁夫數萬於黃陵岡南浚賈魯河一帶分殺水
勢又浚孫家渡口別開新河一道導水南行繇
中牟至潁州東入於淮又浚四府營淤河繇陳

留縣至歸德州分為二流一繇宿遷縣小河口
一繇亳州渦河會於淮築長堤起河南胙城經
滑長垣東明曹單諸縣盡徐州長三百六十里
五旬事竣遣行人齎羊酒勞之九月召劉大夏
回院理事湖廣巡撫韓文奏歲歛乞蠲積年逋
賦以蘇民困從之勅甘肅鎮巡官賑甘涼諸邊
軍民之苦邊患者

八年二月占城國王奏被安南侵占乞命官往
問其罪大學士徐溥李東陽等持之不果發四
月封張廷齡為建昌伯復設南贛都御史轄江
西福建廣東湖廣交界以弭盜六月野先克力
來投順都御史許進疏請俯從其請沮塞土番
烏合之勢許之七月追封宋儒楊時為將樂伯
從祀孔子廟庭九月北騎擁衆入河套住牧兵
部尚書奏定馬政從之十一月甘肅巡撫許進
總兵劉寧奏請帥師襲哈密克之十二月請鹵

石圖書
卷
衛天鼓鳴江西大雷電 上命群臣修省直言
闕失戶部主事胡燿上言災變異常繇佞官李
廣楊鵬引用劉良輔左道惑聖心所致不報
九年正月增先師文廟樂器如天子之樂甘肅
巡撫許進奏令卜六阿歹與俺克孛刺仍申前
約結親并令通事張海厚齋布物撫諭裔心從
之二月諭六部都察院凡天下奏事有旨令者
詳者覆奏毋過五日看議者毋過三日岷王奏
武岡知州劉遜諸不法事命錦衣往執之科道
劉伸等論救悉下錦衣獄大學士徐溥等力諫
即日出之六月山陰蕭山同日大雨山崩水湧
漂廬舍二千餘間死者三百餘人命免被災人
口徭役滄沒漂損者給米有差七月錄克復哈
密功十二月賜故禮部侍郎兼翰林院學士薛
瑄祠額曰正學故伏羌伯毛忠祠額曰武勇
十年正月北鹵火篩繇花馬池入寇敗官軍於

神木中官織造南京奏給長蘆鹽八千引鬻於
兩淮戶部尚書周經執奏不可詔勿給二月火
篩大敗官軍於大同三月命儒臣纂修大明會
典上御文華殿召徐溥劉建李東陽謝遷至
上命司禮監取羣臣奏本付溥等曰與先生輩
計較溥等相與議定以次陳奏上覽畢親批
發行召前左都御史王越加太子太保總制三
邊軍務經畧哈密命戶部尚書劉大夏整理北
邊糧草五月京師風霾各省地震求直言時有
刑部主事鄭岳以直言下獄戶部侍郎許進疏
救得赦八月上御平臺召輔臣議政事命宋
儒周敦頤十三世孫襲五經博士九月南贛都
御史金澤調兵勦賊首滿天明等平之土番阿
黑麻送陝巴并原奪勅印抵甘州歸哈密詞部
郎中王雲鳳乞斬佞監李廣以弭災變不報十
一月下雲鳳詔獄謫知河南陝州三邊總制王

石匱書 卷
越率兵搃賀蘭山後北鹵斬首百餘級加少保
甘肅巡撫周季麟搃鹵巢首六十四級降勅獎
諭詔取太倉銀三萬兩為張燈具戶部尚書力
論止之十二月兩廣總督鄧廷瓚調兵征鬱林
川雲壚大桂諸徭獍具平之廣州知府林泮奉
總督檄會總兵征藍漢諸山洞蠻入其穴擒渠
魁奏捷

十一年正月苗賊入靖州境三月皇太子出閣

講學安南國王千奔慕天朝復哈密立陝巴遣
使來謝六月京師西門有熊入城乾清宮燬禮
部亦燬城中火災盛行下寬恤詔於中外七月
兩廣總督鄧廷瓚調兵征四會等處宿盜李景
光覃傑等殲之浙江守臣請給竹木銀鈔稅為
織造費戶部尚書周經力論關征非古且浙江
大水民困乞停織造從之八月復封陝巴為哈
密忠順王九月清寧宮災勅羣臣修省召熊仁

寺僧入大內慶讚大學士李東陽力諫止之內
豎李廣自殺藉其家得饋送黃白米薄石以千
萬計上曰妄也吾嘗幸廣第足容哉左右曰
隱語也黃金白銀上怒究問主名編脩羅祀
請上亟容以全臣工之體科道指名上上
曰人多無證姑已十一月勅兵部議修清寧宮
尚書馬文升請發內帑免征派并停止四川採
木之擾從之

十二年正月嚴左道禁二月給事中華臬論劾
學士程敏政試日漏泄命下舉人徐經唐寅獄
并逮繫敏政命都察院置對午門敏政致仕臬
調外任經寅黜克吏三月闕里宣廟災鹵寇宣
府官軍敗之四月命衢州府春秋祭宋趙抃祠
大同連破鹵九月重修清寧宮兵部議調山東
民夫七千餘人戶部尚書周經奏止之十月以
清寧宮成命大能仁寺灌頂國師那卜堅叅等

石圖書 卷
設壇慶讚三日大學士劉健等言佛老異教宮
庭禁地胡羯妄徒累日連朝喧襍掖庭驚動寢
廟深為非便 上曰卿言是顧永樂朝亦有之
健又極言 上曰有舊事姑昏後十二月命宋
程頤十八代孫繼祖襲五經博士

十三年正月問刑條例成四月鹵大入大同游
擊王杲禦之敗績守臣上失亡數不實命給事
中許天錫往按恤陣亡軍士及邊民被擄者令
平江伯陳銳挂靖鹵將軍印侍郎許進監其軍
往禦之 上御平臺召劉健李東陽謝遷出諸
章奏并諸提督逐名訪問面裁決御書手勅付
兵部行之六月鹵數入大同 上曰陳銳出師
兩月餘嬰城自守諸將怯懦不足仗其召銳還
別命保國公朱暉代之七月命朱熹十一世孫
璽襲五經博士十二月給事中天錫還奏威遠
之敗偏裨將領死者五十二人軍士失亡千有

石圖書 卷
餘人戰馬兵仗稱足 上命王杲等處決如律
總兵王璽戍邊巡撫洪漢羊職十二月給事中
張文請停免明年上元熬山烟火百官筵宴以
其費悉佐軍儲從之

十四年正月陝西西安延安慶陽潼關等處地
震有聲朝城縣地震尤甚聲響如雷震倒官民
房屋五千餘間壓死男婦一百七十口自朔至
望震尚未息縣東安昌八里徧地竅眼湧水震
開裂縫長一二丈或四五丈湧出溢流如河二
月命保國公朱暉佩征鹵將軍印總諸路兵赴
榆林禦邊右都御史史琳提督軍務暉等至邊
覘鹵所在潛師河套擣其巢穴會夜大霧鹵聞
礮驚遁毀其廬帳斬老弱百餘級而還擢大理
寺丞陳壽為右僉都御史巡撫延綏時火篩侵
犯劇甚邊堡失事鎮城晝閉壽無程赴任先恤
陣亡官軍隨易諸路將領與鹵戰三勝之遂渡

河北道保定府獻白鵲詔斥遣之五月建闕里
孔廟七月火篩復寇大同威遠閏七月兩廣總
督劉大夏遣兵捕殺嫡土官黃理伏誅山東叅
政柴昇奏水旱租稅已經奏復乞暫收原價從
之九月內旨差中官王端往武當山設像挂幡
修舉齋醮命內閣撰勅并祝文大學士劉健等
奏止之十月起戶部尚書秦紘兼左都御史總
制陝西固安等處軍務改兵部尚書馬文升為
吏部尚書十一月總督兩廣劉大夏遣兵捕攻
上思州土人黃金誅之改總漕右都御史張敷
華掌南京都察院事命刑部左侍郎何鑑賑濟
兗州徐邳等處大旱
十五年正月吏部尚書馬文升左都御史戴珊
等考察官吏有被黜奏辨者營內旨覆實文升
執例不可止之召兩廣總督劉大夏為兵部尚
書提督團營江西盜起勅御史林俊巡視兼督

軍務內旨傳陞盧龍衛指揮使胡震分守通州
御史劉玉乞塞倖門不報三月改開城縣為固
原州開設總制府祠宋文天祥於盧陵以趙士
賞等四十餘人配享四月命秦紘以原官總制
陝西三邊軍務紘奏修豫望石峽口雙臺三城
金佛峽海子口等處七堡從之祠宋朱熹於徽
如建陽祠宋江萬里於饒六月詔修清寧宮令
兵部撥用軍夫萬餘人劉大夏以工少人多奏
請減去十分之五 上納之錄劉基九世孫瑜
襲處州衛指揮使九月大放內苑禰禽獸十一
月宸濠奏易府殿琉璃瓦都御史林俊極言其
不可止之

十六年正月命翰林儒臣修歷代通鑑纂要六
月以韓文為南京兵部尚書刑部尚書閔珪讞
重獄忤旨劉大夏入對便殿 上語及大夏曰
人臣執法明主宜屈意從之 上頷之一如珪

石 卷
擬七月貴州女苗米魯作亂命南京戶部尚書
王軾兼左副都御史督兵討平之八月錄故贈
學士劉球曾孫祠官之九月遣都御史王璟巡
視浙江副使汪舜民巡視淮陽僉事閻璽巡視
廬鳳隨宜賑濟北直山東河南湖廣有被災郡
縣皆如例恤之十月祀元陳澔於都昌

十七年二月巡撫北直隸都御史縉以淮揚廬
鳳四府并徐州災傷請折收今歲兌糧十五萬

五千石備賑三年後補還上曰既災重民飢
以流亡其即如奏不必補還命造延壽塔朝陽
門外大學士劉健諫上曰其即罷三月壬戌
太皇太后周氏崩丁丑既退朝上以錢太后
與裕陵異塋不合禮召劉健李東陽謝遷面議
復講祔廟禮曰好為朕處之連稱心腹大臣呼
先生既對上下板階顧內臣啓扉立送出戊
寅又議之乃下廷臣集議既議上癸未又召議

石圖書 卷
之凡三召對乃命特建廟奉享乃稱太皇太后
以伸朕尊親之意壬午上周太后尊謚詔天下
已酉祔塋於裕陵四月重修闕里廟成御製碑
文遣大學士李東陽往祭告立碑劉大夏為兩
畿浙江江西河南山東請蠲夏稅許之命它災
傷處撫按官皆勘寔蠲免取回南京蘇浙等處
織造內臣六月兵部尚書劉大夏自劾乞休不
許召問故對曰民貧恐變本兵重地臣不足任

之上曰夫徵於民有常制乎對曰近恐多問
兵曰貧等民因舉鐸木香材無藝之征與轉漕
番操了責私役諸苦上曰豈知至是其條聞
既條上嘉納之仍詔諸司議處各條弊政與分
外之徵以聞上問大夏曰歲儲不給財安在
對曰臣昔備員廣東見廣省歲廩與中鎮歲索
殊不相當上諦思久曰求如鄧原來麥秀者無
寧已上諭大夏曰事有不可每欲召卿以非

石圖書 卷
部事止有當行罷者卿以揭帖密進大夏對曰
不敢上曰何哉大夏對曰先朝李孜省可以
為戒上曰國事也豈孜省比大夏對曰臣下
以揭帖進朝廷以揭帖行是六前代墨勅斜封
之類也願陛下外付府部內諮閣臣公是非
為上稱善鹵數入潘家口等處北首小王子
營大同宣府邊外聯絡四十餘里兵部以聞
上曰邊事重即推選廷臣有文武畧者分付諸

邊整飭之辛巳召劉健李東陽於煖閣命語劉
大夏謹備鹵健請并整點京營官軍聽征慎選
總兵官上可張懋健對須習戰者上曰在
方畧東陽曰京營兵徒虛名耳故有十萬今損
過半古云足食足兵今乃兩乏臣思及此寢食
不下上曰軍不堪削將宜恤士東陽曰近工
役太多官軍困以窮外衛輪班不足坐此矣
上曰宣德以前內官監自有人匠營繕之事不

及軍也東陽曰陛下習典故幸甚朝廷養軍
故不為工役所以養其銳氣上曰然語健東
陽曰先生輩腹心大臣國事不言朕惡從知之
皆諾叩頭出次日健等上禦寇安邊事宜上
深嘉納令行毋後鹵入大同遊擊衛勇與指揮
鄭瑀禦之軍各殊死戰瑀手刃數騎為所支解
勇竟失利還鹵入延綏宣府七月大同鎮巡言
鹵掘墩殺軍上召健東陽遷至煖閣曰墩軍
我赤子也被殺如此苦何可言朕與作主其即
日出所選京軍一萬禦之健等對曰皇上垂
念赤子宗社之福京軍恐未可輕動也上再
三言三臣皆不敢決東陽曰近北鹵交通朵顏
潮河川古北口甚可慮聞賊在大同稍遠欲東
正不知何處若彼聲東擊西而我軍出大同未
免顧彼失此須少待其定徐議所向劉健大同
險遠東鎮尚可支潮河去京師一日切近宜先

慮上曰今亦未便出備而待耳皆稱善後三日召劉大夏面諭大夏力言不可上曰太宗朝頻年逐鹵何以不可出京軍大夏對曰今芻穀乏而兵馬疲將材鮮而士卒玩何可望太宗朝抑太宗朝立福亦嘗陷軍出不能弭賊且因害人徒費財力有損無益戴珊曰大夏言是上曰幾悞乃更命侍郎李鏊大理寺少卿吳一貫通政叢蘭分往經畧邊關九月上

召劉健等曰大同總兵官江奏臨陣用軍法先生擬許之恐邊將且輕戮皆未敢對健曰臨陣用軍法所從來矣人不効死難取勝上曰雖然命將出師可也邊摠兵禦敵者第許以嚴法從重治東陽曰奉而不許恐將難健曰昨兵部擬奏云尋常小敵偏裨出戰毋得用軍法此有斟酌上曰旨曰是將且玩其明白言之十月上諭劉健等曰昨講官講陳善閉邪釋陳說

不如云敷陳以善道啓沃他、不如之皆對曰
善 上曰語日講官要明白透徹毋有顧諱乃
盡論思十月 上召劉大夏從容問裁抑內臣
事左右顧皆離數丈許大夏久不對 上曰畏
之乎猶疑朕聽寺人之君語久踰浪行 上命
左右曰朕與劉尚書話長尚書老掖出之

十八年正月 上召大夏珊議政賜白金二錠
曰朕聞朝覲日文官避嫌有閉戶不與人接見

者如卿等雖開門延客何害且命曰勿朝謝恐
公卿聞而愧二月祠故都御史羅通於居庸四
月上召劉健等諭曰太常寺奏鋪戶領物價
中有洪武等錢市不通使何也健對曰必自朝
廷先之如賞賜折俸鹽鈔之類無用舊錢乃可
遷曰請禁私錢東陽曰鑄錢徒費有司之慢也
健等因奏今公私困竭之時鑄錢最要他若屯
田茶馬皆理財事不可不講東陽曰鹽法尤重今

石圖書 卷
壞盡矣諸邊開中徒名耳商人無利皆莫肯上
納 上問故健等因極論奏討之弊東陽曰奏
討之中又有夾帶奏討一夾帶十商人無利坐
此也健等又言 高帝時初行茶馬歐陽駙馬
坐私販茶斤論死高后不敢救其嚴如此今王
府歲祿萬石不薄矣今亦恒有奏討之恒求庄
田稅課朝廷念親，輒許之常額有限自後宜
絕 上曰善遂召戶部尚書韓文令計議益法

舊制及諸弊端以聞戶部主事李夢陽上疏言
事末請裁抑外戚張氏張鶴齡等奏辯夢陽謗
訛母后有斬罪十 上下夢陽錦衣獄置對
上問劉健曰李夢陽言事若何健對曰小臣狂
妄 上默然謝遷曰心無非為國 上領之會
科道交章救 上曰夢陽妄言其罰俸三月居
有間 上問劉大夏近外事何如大夏曰釋李
夢陽中外皆歡呼 上曰朕始欲輕譴此人左

右輒曰夢陽奏涉皇后即欲輕亦須杖而遣之
已顧大夏曰知其意否大夏對臣不知上曰
杖必死之渠輩快矣柰朕殺諫臣何學士張元
禎上疏勸經筵講太極西銘諸書上索太極
圖觀之曰天生斯人開朕也五月上不豫六
日昧爽司禮監太監戴義急召劉健李東陽謝
遷入上燕服榻坐呼前三人皆前叩頭上
命左右水布拭舌熱既曰朕承統十有八年今
三十六歲遘疾殆不興故召先生健等皆慰藉
上曰朕自知命也後曰朕守祖宗法不敢怠荒
天下事多累先生執健手若永訣者曰東宮十
五矣未選婚可急令禮部行之太監扶安李璋
捧紙及研義奉朱筆上口授義遺旨義謹書
上執健手曰先生輩輔導之勞朕所備知東宮
慧幼嗜佚先生勸之學成就之皆飲泣對辛卯
上召皇太子語曰朕不豫皇帝屬介務遵祖法

石 國書 卷
奉兩宮修德用賢毋有怠惰禮儀悉依先帝遺
典祭素羞午刻有旋風起大揚塵雲蒙三殿空
中若有騎龍升者 上崩六月庚申上尊謚曰
敬皇帝廟號孝宗十月庚午葬泰陵方掩壙有
五色雲見陵上

石匱書曰孝宗朝有三大臣烏王恕馬文升劉
大夏君明臣良一日千古其餘如秦紘余子俊
倪岳戴珊許進周經韓文張敷華輩敷歷中外
無不用當其才僂力同心克襄至治成弘之際
可謂盛矣其後 武宗嗣位巡狩田獵狗馬車
騎干戈服御流賊巨璫齋醮土木有一於此皆
足以滅亡其國乃終 武宗之世民安物阜劇
賊四起皆得殄滅使非 孝宗十八年之培養
其亦何足以供後人之琢削也哉



石匱書卷第十

武宗本紀

毅皇帝 孝宗長子也生二歲立為太子稍長
 英敏好騎射 孝宗大漸召大學士健東陽遷
 榻前執手以託及崩 上以五月壬寅嗣皇帝
 位詔以明年為正德元年大赦天下尊皇祖母
 王太后曰慈聖康壽太皇太后皇后張氏曰皇
 太后調練武等營太監繁等於耀武等營以尚

衣等監太監祥等莞神機營自內旨兵部請如
即位詔書裁革諸添設監鎗分守守備內官戶
部請裁革各倉庫監局莞事內官皆不許九月
許慶雲侯周壽壽寧侯張鶴齡家人等買長蘆
兩淮鹽引十月祧熙祖十一月命太監興司香
太和山蕪分守湖廣科道官奏初詔革天下守
備內官非舊額者墨未乾遣興無以示天下信
不允十二月立仁壽宮十皇莊勅修孝宗實錄
元年正月京師地動天鳴五星凌犯星斗晝見
白虹災異疊見以太監劉瑾管五千營張永管
神機營并中軍頭武二營徐智管奮武營馬永
成管神機營右掖王潤管神機營中軍二司以
太監牛總鎮兩廣二月以都知監左監丞能守
大同以御馬監左監丞彬守右衛乙丑耕藉田
三月隕星如雨幸太學以太監宏管神機左掖
三司景昌管左掖三司調馬永成中軍二司孫

和神機營右掖尚膳監太監果乞監督京倉許
之四月吏部尚書馬文升罷府部官張懋等上
書諫騎射詔褒之五月以太監軻管効勇營賢
管神機營右哨舉鎮守江西兵部尚書劉大夏
乞歸許之以太監魏彬管神機營中軍頭司六
月辛酉雷震郊壇禁門太廟脊獸奉天殿鸛吻
大學士劉健李東陽謝遷上疏諫馳騁荒淫等
事不聽七月彗星見參井掃太微垣太白經天

以太監劉雲守備南京劉璟鎮守浙江岑章鎮
守遼東梁裕鎮守福建張永鎮守山東孫清鎮
守貴州王宏鎮守薊平山海等處以劉瑾為神
機營把總同提督十二營授孔彥繩五經博士
主衢州孔子廟祀八月冊皇后夏氏及德妃沈
氏賢妃吳氏大角星搖動十月戶部尚書韓文
科道等官各上疏乞誅劉瑾等八人大學士劉
健謝遷李東陽持之甚急內監王岳范亨徐智

亦密疏攻之詔捕劉瑾等下獄瑾等泣訴上
前上為之震怒立命瑾等分據要地瑾掌司
禮監事并提督團營兵馬勒大舉士劉健謝遷
致仕遣王岳范亨徐智鳳陽守陵劉瑾於中途
縊殺之戶科給事中劉蒞上疏極陳時政下獄
刑科給事中呂紳上疏乞留劉健謝遷下詔獄
十一月山西道御史劉玉極論劉瑾勉留健遷
責成輔導下獄黜為民杖欽天監五官監候楊
源於闕下謫戍死肅州路南京六科給事中戴
銑十三道薄彥徽等上疏黜權閹留輔臣以安
宗社劉瑾大怒捏旨差官校逮繫錦衣獄罷戶
部尚書韓文閑住戶科給事中徐昂論救除名
勒左都御史張敷華致仕以宣府總督劉宇代
之降南京兵部尚書林瀚為浙江左叅政致仕
十二月工科給事中陶諧上疏乞宥日逐侍從
遊逸諸人數其誤國之罪黜職罷戶部郎中李

石匱書 卷
夢陽下詔獄尋赦歸兵部主事王守仁疏救戴
銑等下獄廷杖之謫貴州龍場驛丞劉瑾收天
下章奏於私宅票旨批出徑行之景皇后汪氏
薨

二年正月命甘肅鎮巡官採辦野味捕取土豹
於邊方詔上元節勿禁民間作樂令吏兵二部
凡進退文武官先於瑾處計議允行方許進本
閏正月以故永平大長公主府節為酒醋麪局

外廠添設邊關隘口守備內官南京國子監祭
酒章懋乞休致許之鹵大入花馬池錦衣衛逮
到南京科道戴銑薄彥徽等二十八人并呂翀
劉蒞各杖三十發為民二月劉瑾傳諭都察院
各道有奏章必先呈稟仍行南京都察院一體
遵行劉瑾為晉藩事惡禮部尚書張昇不附已
勒令致仕三月榜奸黨劉健等於朝堂頒示天
下取趙福等六十三人育鷹子內苑遂於內苑

石匱書 卷五
初造新寺陞大慈恩寺禪師領占竹為灌頂大
國師大能仁寺禪師麻的實哩塔西麻拶耶那
卜堅參大隆善護國寺禪師普肖藏卜為國師
皆予誥四月勅西廣都御史熊繡致仕大學士
李東陽疏諫內苑御船獵獸詔褒荅之劉瑾裁
革天下提學官吏部尚書執奏不可止之劉瑾
將弘治元年以後守正職官封贈恩典悉行追
奪五月命預新明歲鰲山諸燈賜寧王宸濠音

樂院色長榮等四人冠帶勅各鎮守太監干預
刑名諸政度天下僧道四萬人寧王宸濠乞復
護衛許之七月罷每歲修邊役輸資京師復開
白塔河八月黃河清慶雲見翼軫分野 肅皇
帝生於興邸罷三邊總制楊一清命江南買果
品捕禽鳥征商使致之修南海子殿宇橋梁造
豹房 上自此居豹房天下事益委瑾九月錦
衣指揮成藁城民增獻地為皇庄納之錦衣指

揮于永善陰道秘戲上悅之以為都指揮同
知柳慶猺獐帝胡宣等構亂兩廣總督徐陳金
討平之十月賜皇親沈傳吳讓靜海縣莊田六
千五百餘頃十一月裁革天下巡撫并裁革天
下按察司兵備官以孔聞禮為五經博士王子
思子廟祀於鄒十二月劉瑾誣湖廣巡撫劉纓
擅關荆夔道路逮詔獄廷臣論救釋之劉瑾羅
織浙江副使邊憲以覈遼東邊儲不清罰米二
千石逮南京刑部侍郎劉憲以巡撫寧夏事下
獄卒雲南屬裔酋阿本構亂巡撫都御史吳文
度討平之于永矯旨索回女善西域舞者十
二人以進

三年正月李夢陽下錦衣獄翰林修撰康海申
救得釋南康縣民吳登顯等三家端午兢渡以
擅造龍舟捕之藉其家二月吏科都給事中王
承裕上疏言時政罰米三百石輸邊逮陶諧謫

成肅州衛三月改翰林編脩顧清等為部屬焦
芳子焦黃中會試中式芳欲子為殿元衆考官
抑置二甲首芳銜之改清等官授黃中檢討及
劉宇子劉仁等七人俱為庶吉士尋擢編修劉
瑾脩理庄田擅掘天地壇後土堆侵占苗竹廠
等處官地五十餘項拆毀官民房屋三千九百
餘間發掘民間墳墓二千九百餘塚逮御史徐
禎下獄謫戍邊未行死於獄逮前總制三邊都
御史楊一清至京王鏊李東陽力救之得釋四
月劉瑾假湖廣災傷為名奏差同鄉侍郎韓福
出理糧餉逮御史王時中下獄枷脰法司前戍
遼東鉄嶺衛仍罰米一百石輸邊封內臣馬永
成谷大用等八黨父皆為都督五月命戶部左
侍郎韓福兼左都御史督理湖廣逋賦南京大
饑勅南京運米三十三萬石轉郵鳳陽南京兵
部尚書何鑑執奏止之劉瑾將已故戶部尚書

秦紘通政強珍各籍沒財產家屬發遣充軍以
右都御史熊繡先撫大同范爛布豆罰米五百
石輸邊以給事中安奎御史張彧盤糧報數不
明枷脰長安門外六月劉瑾執朝官三百餘人
下詔獄時蚤朝有遺匿名書於丹墀者書內備
言劉瑾亂政瑾下殿入班詰問無肯承者乃傳
旨五品以下官三百餘人午門跪聽處分至未
牌不放時酷暑暴烈日中仆地死者十餘人至
晚悉械送錦衣獄追究無踪跡大學士李東
陽奏釋之逮前戶部尚書韓文下錦衣獄考訊
欲置之死監禁數月罰米一千石押赴大同親
納更以他事罰米二千石家產不能償皆稱貸
以給逮南京戶部尚書王佐致仕南京戶部尚
書張縉下獄罰佐米一千石縉米五百石七月
劉瑾勅令南京戶部尚書林泮劉吉致仕查都
御史劉孟到任延遲枷脰吏部門外命樂工教

樂以盛慶成之宴民間有善眩戲者許進之京
師八月勅令南京戶部尚書雍泰致仕吏部尚
書許進削籍為民逮除名編修劉端以妄薦雍
泰罰米二百石輸大同逮致仕南京刑部尚書
樊瑩以守松江裁減官布罰米五百石逮前兵
部尚書劉大夏南京刑部尚書潘蕃下獄發衛
各永遠充軍劉瑾以劉宇為吏部尚書曹元為
兵部尚書九月劉瑾禁各處有司不許奏災異
劉瑾怒都察院審錄重囚內寫劉瑾傳奉字樣
數多罪之都御史屠滸率十三道御史謝罪御
史跪階下瑾數其罪斥責皆叩頭不敢仰視十
月四川渠盜藍廷瑞鄔本怒起漢中攻陷郡縣
起右副都御史林俊發兵討之十一月劉瑾創
立真觀於朝陽門外大學士李東陽為製碑文
修撰何塘見劉瑾不屈乞致仕十二月劉瑾構
前巡撫延綏都御史陳壽罪罰米三百石輸居

庸

四年正月 憲廟廢后吳氏薨廣東兵備僉事
吳廷舉督兵征十三村池水清洞巨盜平之二
月勅故大學士劉健謝遷為民著令餘姚人毋
官京師三月禁百官有名天者四月鹵數寇大
同命有司送諸府樂工於教坊脩 孝宗實錄
成劉瑾以弘治中纂修大明會典襍入新例壞
祖宗舊制悉毀之纂修官梁儲毛澄傅珪皆降
職五月逮廣東兵備僉事吳廷舉下獄七月日
本南海首遣使來貢廣東樂昌仁化徭獍與郴
桂賊構逆總督兩廣右都御史劉洪調狼兵及
官兵二萬討平之八月陞大隆善護國寺國師
普肖藏卜為法王利麻羅竹班卓班丹瑞竹班
卓羅竹朶而只堅參俱為左覺義道錄司左正
一柏尚寬為真人劉瑾以南京兵部尚書何鑑
巡撫江南事罰米百石原藉上納 上特命蠲

之九月畿內盜起遣御史寧果殷毅薛鳴鳳督捕羣盜吏部推張泰為戶部尚書劉瑾勒令致仕下刑部侍郎陶琰獄罰米四百石劉瑾誣平江伯陳熊賍私逮獄黜伯爵籍沒財產全家押發海南衛充軍十月四川保寧流賊劉烈聚眾作亂僭號稱王侵掠陝西漢中等處罰南京禮部尚書孫需米二百石輸邊尋令致仕十一月降徐淮捕盜御史薛鳴鳳為徐州弓手超陞曹雄為左都督劉瑾私置軍器十二月鹵入花馬池統制尚書才寬死之予贈謚閱武西內予冒國姓稱義子者朱鐸等十二人為錦衣衛百戶朱璽等四人為所鎮撫謫戍平江伯陳熊并其妻子於海南保寧流賊藍廷瑞僭稱順天王鄔本恕稱括地王廖惠稱掃地王合眾十萬寇湖廣鄖陽等處改右副都御史林俊巡撫四川發兵禦之亦不刺阿爾禿廝掠西寧諸番命選精

通樂藝者八百戶於樂院

五年正月裁江西鄉試解額二月禁新城萬安人仕者選除為京官三月沔陽洞庭水寇丘仁楊清等攻掠城邑官軍屢失利總督洪鍾以計擒之陞大能仁寺國師卞堅參禪師劄巴藏播為法王都綱卞領占為佛子公葛端竹堅播札失為禪師封致仕右都督神英為涇陽伯大理寺右評事羅僑輿櫬直言下廷議莫敢是命降為教職四月安化王真鐸反命涇陽伯神英挂平胡將軍印充總兵官太監張永總督軍務起前都御史楊一清為提督出師討之師未至寧夏游擊仇鉞襲真鐸遂平五月湖廣盜劉唯華洪景清等掠桂陽指揮鄧爰死之百戶于江力戰擊殺景清惟華并力刺江亦死六月陞大慈恩寺佛子乳奴領占捨利札俱為法王上自命曰大慶法王因鑄大慶法王西天覺道

石圖書 卷
圓明自在大定慧佛金印兼給誥命鐫印曰天
一七月總制尚書洪鍾總兵官毛倫擒斬湖廣
賊楊清立仁等平之改蒲田人監察御史陳茂
烈為晉江教諭八月太監張永自安化還上
戎衣御東長安門文武大臣候橋東頌繫寘鐻
獻其俘金鼓之聲振天上置酒勞永諸閣侍
此夜劉瑾先退永密奏曰寘鐻以誅劉瑾為名
致寇者瑾也因上其十七事曰瑾且反上曰
負我負我齊請亟之諸閣皆詆瑾上自執之
夜繫之菜廠降為奉御旦藉沒之得偽璽一牙
牌五百扇中置刀二及衣甲弓弩之屬上大
怒付獄下廷議磔之收其黨吏部尚書張綵及
掌錦衣衛指揮使楊玉掌鎮撫司事指揮石文
義於都察院獄黜大學士曹元及其黨二十餘
人皆為民凡瑾所更置予奪者悉復故革寧王
宸濠護衛以慶王台不救正寘鐻反革護衛及

祿米之一九月加張永歲祿米四十八石賞銀
伍百兩紵絲五十表裏封仇鉞為咸寧伯上
曰張永奉命出師討叛定民還奏逆瑾消變甚
大歲賞止其身未稱下兵部議尚書王敞會諸
臣議永救寧中外兩建奇功其兄弟並宜封伯
以稱國家報功意上曰是乃封永兄富泰安
伯弟容定安伯四川流賊藍廷瑞鄒本恕廖惠
攻破通江城巡撫都御史林俊等擊敗之走陝
西十月陞國師羅竹班卓丹瑞竹為灌頂大國
師禪師領占陸竹為國師給番僧度牒三萬漢
僧道士各五千以廣番教桃源洞賊汪澄三王
浩八等劫掠樂平餘干諸縣破安仁霸州強賊
劉七等詣州自首貫其死斬逆瑾親屬傑等十
五人瑾姪劉二漢黨張文冕楊玉等於市凌遲
石文義張綵死獄中肆屍剉之詔復少師劉健
少傅謝遷吏部尚書許進戶部尚書韓文兵部

尚書劉大夏工部尚書楊守隨南京兵部尚書
林瀚左都御史張敷華等官致仕如故復給事
中湯敬禮等十六人御史陳琳等三十五人官
查明叙用陞王守仁為廬陵知縣四川都御史
林俊奏擒獲賊首廖惠餘俘斬無筭

六年正月四川都御史林俊秉元旦進兵圍燒
江津逆賊曹甫等殲之以楊一清為吏部尚書
起李夢陽為江西提學副使調南京刑部主事

王守仁為吏部驗封司主事召何鑑為刑部尚
書以太監甄謹鎮守河南王潤鎮守湖廣畢真
鎮守山東商飈鎮守福建張倫鎮守雲南黎安
鎮守江西李嵩分守居庸張鳳守備紫荆許全
守備淮安梁泰管廣東市舶二月巨盜劉七等
聚眾攻安肅縣劫去在獄盜黨齊彥名劫掠畿
內州縣四月命太監張永同刑部尚書何鑑右
都御史王鼎大理寺卿張綸審囚凡矜疑閱寔

石圖書 卷
者奏聞從未減釋之江西盜起命守制右都御
史陳金總制江浙閩廣等處軍務率副總兵張
勇討之五月以何鑑為兵部尚書提督團營六
月總制尚書洪鍾四川巡撫林俊陝西巡撫藍
章會兵討藍廷瑞鄔本恕等賊擒之七月四川
都御史林俊乞致仕許之以惠安伯張偉充總
兵官右副都御史馬中錫提督軍務統京營兵
征流賊時劇賊劉六趙風子等分掠河南山東

擁衆北向京師戒嚴張偉馬中錫逗留觀望遣
錦衣官校逮之下獄論死八月大發兵討劉賊
命伏羌伯毛銳充總兵官太監谷大用總督軍
務兵部侍郎陸完提督軍務擢山東樂陵知縣
許達為山東按察僉事備兵於武定州劉七楊
寡婦以千騎犯利津達率衆破之賊遠遁不敢
犯賊攻徐宿州靈璧虞城等縣官兵及賊戰於
白龍王廟小黃河賊楊虎以舟覆死十二月賊

破舞陽葉寶豐裕州等州縣裕州同知郁采死
之命右副都御史彭澤討河南流賊是月趙風
子入泌陽進攻鈞州不克

七年正月黃河清伏羌伯毛銳與流賊劉七戰
大敗撤回京師總制彭澤統各路兵敗趙燧於
西河縣遣太監陸閻監鎗督諸軍進討流賊二
月江津殘賊方四等劫掠南川等縣都御史高
崇熙等邀擊敗之三月都御史彭澤同總兵仇

鉞分調諸將擊趙燧等於西平大敗之南贛都
御史周南攻破大帽山巢賊張番壇等盡平之
四月都御史彭澤大敗趙燧於六安州湖廣僉
事郭韶復敗趙燧於應山縣總制彭澤巡撫劉
丙督各路軍馬復追敗趙燧等於應山井子鋪
隨州蓬醵山等處賊黨劉惠劉資等潛匿山谷
逃命江西副使周憲移軍攻華林賊於仙女寨
拔之邊軍李鎡敗劉六等夥賊於臨朐沂水殲

之五月趙燧掠河南州縣為延綏寧夏官軍所
敗轉寇至六安官軍復追擊之衆多散亡劉三
楊虎邢老虎俱死走至商城燧窮感髮髮為僧
將渡江投江西遇武昌軍人趙成執之解官獻
俘閏五月流賊劉六劉七齊彥名等為官軍所
敗奔黃州府掠軍民船入洋子江下南京至鎮
江為揚州官軍所逼六月復自通州泝流上至
九江七月又下南京凡三往來沿江一帶荼毒
甚慘八月劉六等停住狼山遇颶風碎船賊上
山被官軍圍殺生擒齊彥名劉七落水死餘賊
及龐文宣俱擒獲解京九月論平流賊功封太
監谷大用弟大寬為高平伯陸閏弟永為鎮平
伯仇鉞進封咸寧侯並賜誥券世襲都御史陸
完加太子少保召回京掌院事廕一子錦衣百
戶十月內旨調邊軍入衛遣司禮監與谷大用
同至內閣議李東陽等力辨以為不可翌日乃

石圖書 卷
以內降行之大同游擊江彬等入京遂得寵幸
十一月少師大學士李東陽乞致仕許之雲南
十八寨裔出降巡撫都御史洪遠安撫之詔建
鎮國府於大內西城四川漢中劇賊廖麻子喻
恩俸等內江劇賊駱松祥等崇慶劇賊范藻等
分剗州縣命都御史彭澤同總兵時源等出征
蜀盜十二月詔修豹房鹵亦不刺殺阿爾倫可
汗走西海鹵中立阿不孩為可汗妖人李五以
幻術惑衆倡亂官兵敗之五遁走

八年正月江西桃源賊汪浩八等復亂率五洞
蠻兵與東鄉賊分剗州縣命操都御史俞諫同
總兵劉暉率狼兵征勅詔建延壽寺於西內殿
二月四川巡撫高崇熙以盜賊不平逮下獄四
月起副都御史陳壽巡撫陝西寧王宸濠蓋陽
春書院僭號離宮濠懷不軌招致術士李日芳
言城內東南有天子氣因蓋書院以當之江西

兵備副使胡世寧征東鄉劇賊樂庚二陳邦四
等平之四月總督彭澤率苗兵征漢中劇賊廖
麻子等平之詔開設皇店五月蒙古入寇大同
渾源靈丘繁峙等處江西叅政吳廷舉單騎入
桃源諭散汪浩八等為賊所留劫以威不動久
之因結其左右有謀勇者使執其頭目以歸六
月河決黃陵岡浙江總督陶琰應天巡撫王縝
江西總制俞諫夾攻桃源賊汪浩八等於徽衢

平之七月西僧欲奪甘州民田遣官督建禪寺
禮部尚書劉春不可止之八月哈密忠順王速
檀拜牙即走降土魯番滿速兒遣人據哈密詔
立皇莊五所九月總制彭澤討內江劇賊駱松
祥等平之詔建凝翠大素等殿江西副使胡世
寧請總督巡撫城廣昌南豐新城以固防禦捧
檄督成之十月賜義子錢寧以國姓掌錦衣衛
事甘肅巡撫趙鑑浚渠招屯募民益兵邊民賴

之十二月江西總督俞諫調兵征建昌賊徐九齡等平之詔贈誠意伯劉基太師

九年正月寧王宸濠獻異燈上命張於乾清

宮燈着柱壁如畫以羶幕承簷貯火樹焉火不戒延及外宮殿上見火燄悅之戲語曰燒棚

總制彭澤討崇慶劇賊范藻等平之上在豹

房二月河南巡撫陳珂奏沔池河清二百餘里

上始微行黃花鎮等處三月江西總制俞諫檄

兵備胡世寧等會兵勦臨川四寨宿盜盡平之

寧王宸濠乞復護衛屯田許之大學士費宏執

不可諸近侍共譖於上勅令致仕八月命都

御史彭澤總督甘肅等處軍務經畧哈密上

設東西兩官廳禁中視團營練兵以太監張忠

領東邊將許泰領西復設勇士營領以神周劉

暉皆賜國姓為義子四鎮兵號四外家復使江

彬兼統之上自領中官善騎射者為一營曰

石匱書 卷
中軍江彬數為上言邊塞之樂上大造刀
銳甲箭將游幸焉九月上狎虎被傷閱月不
視朝無敢言者編修王思具疏諫杖闕下降三
河驛丞尋以傷重死十一月整理陝西糧儲侍
郎馮清奏改西安延綏慶陽等府糧草皆徵折
色銀兩解邊下部從之十二月上為羶宮以
齋門廡帷幕至於溷厠畢具陝人造之一年乃
成

十年正月土魯番火者他只丁寇赤斤苦峪諸
處二月禮部尚書毛紀乞停遣使西域齋番供
上諭知之車駕自西安門出外經宿而回大學
士楊廷和梁儲靳貴上疏止宴游不報閏四月
召甘肅都御史彭澤回京掌院事澤奏土魯番
速檀滿速兒王畏威悔禍已將哈密城池金印
獻還乞將鎮巡官各加恩典遂取澤回京而哈
密終不可復七月謫光祿寺少卿楊瑞出知瀘

石匱書 卷
州上好養畫眉每日至光祿索子鵝頭數十
作畫眉食瑞言天下民窮財盡何處討許多子
鵝頭大加裁損 上命中涓詰責瑞衣白布褶
跪午門外 上怒謫之北鹵大掠固原平涼等
處朱寧以鈔一萬發浙江十一府易銀三萬兩
右布政方良永疏劾之寧懼乃委過下人追所
發鈔而以價銀還民良永三上疏乞休許之十
月江西副使胡世寧奏寧王謀為不軌宸濠賂

用事者中以危法逮捕之拷掠備至御史徐文
華等訟其寃乃得減死謫戍遼東十一月嬖佞
言西域胡僧有知三生者西人謂之活佛 上
使太監劉元往迎率指揮千戶百餘人甲士千
以珠琲為幡幢黃金為七供賜法王金印袈裟
及其徒饋賜鉅萬計勅以十年往返得便宜處
置錢物益發官軍護送之十二月命太監郭原
鎮守遼東劉祥鎮守延綏寧成總鎮兩廣許蒲

石匱書 卷
鎮守江西王保鎮守四川

十一年正月令居庸闕擒致生虎豹御史屠僑
言居庸闕東北陵寢地諸兵以守闕為重不宜
使擒生不報二月都督馬昂之妹美已適人有
娘江彬以聞上召之昂妹善騎射解胡樂鞋
語上嬖焉以昂為右都督賜第太平倉東馬
氏一門無大小皆賜蟒衣宦者呼昂舅科道官
諫不從已上從數騎過昂飲酒酣召昂妾昂

不應上怒起昂妹乃踈三月兩廣總督陳金
調土漢官軍征府江兩岍相江等村巢宿賊平
之四月安南陳嵩弑其主黎明日被弑無子國
人共推立其子黎讓管國事年號光紹陳嵩子
陳昇占據諒山府等處稱王年號天應五月贈
故布政使陳選為光祿寺卿與謚收自宮男子
三千四百人充海戶人月予斗米以內官監賜
鎮守騰衝金蓋七月鹵入宣府總督侍郎丁鳳

石匱書 卷
調兵禦却之九月土魯番復據哈密侵肅州守
將芮寧禦之敗沒十月廿肅兵備副使陳九疇
敗土番於肅州兵部尚書王瓊劾彭澤賄鹵啓
釁乞宥勘從之推南京鴻臚寺卿王守仁為都
察院左僉都御史巡撫南贛汀漳等處十二月
蒙古犯山羊口入宛平清水社殺掠人衆

十二年正月丁丑朔晡鳴鼓漏下十刻乃朝朝
散百官吏卒相失譟沸有踐死者戊寅召內閣

府部大臣及科道官左順門召甚急曰己丑郊
既將畋南海子皆諫己丑郊畋南海子文武大
臣追從駕方縱獵門閉立而待既晡使歸候承
天門漏下十刻駕還宮庚寅御奉天殿群臣行
慶成禮既夜宴辛巳賜所獵獸於諸大臣及五
品以下二月織造袍服於陝西以太監吳絰崔
安守備南京鹵入開原鎮裔堡叅將孫棠太監
王秋等禦之追至創忽兒河斬首八十六級三

石匱書 卷一
月南贛巡撫王守仁調三省兵攻寇信豐龍南
流賊連敗之四月土魯番陰遣使寫亦虎仙以
秘術干進賜預養子之列五月 上微行至石
經山數日乃還南贛都御史王守仁調兵攻何
塘洞山寨賊首詹師富等及長富村等處二十
餘巢平之守仁上疏自請提督軍務兵部尚書
王瓊力請與之六月土魯番誣奏都御史彭澤
陳九疇激變番裔下兵部議以欺罔逮下獄尋

命會議內批褫澤等為民七月 上幸南海子
馳一騎而已從近嬖數人部院臺諫諸臣詣跪
海子門請還蹕 上使使慰之示還期至期不
至諸臣洵 欲再往有言古天子四時巡狩南
海子階序耳洵洵徒搖人心諸臣乃止八月甲
辰 上微服出德勝門幸昌平欲出居庸關關
御史張欽兵而立關門以攔駕三抗章 上不
得出乃往東馬房轉通州循南海子返豹房丙

石匱書 卷
寅 上復出德勝門趨居庸辛未 上度關門
曰始張御史閉關今亦來此遂幸宣府令谷大
用禁閱癸酉梁儲請還澤不報九月 上獵陽
和城天雨冰雹軍士有死者夜隕星如雨駕幸
大同北鹵擁衆數萬犯陽和掠應州命諸將擊
之鹵引去駐澤宣府江彬宣府人欲挾 上自
恣始誘為西北之行既幸宣府遂營建鎮國府
第時 夜出見高門大戶即馳入或索其婦女

於是富民賂彬求免久之軍士樵蘇不繼至毀
民屋廬以供爨市肆蕭然白晝戶閉十月南京
吏科給事中孫懋疏乞罷黜江彬不報南贛都
御史王守仁率官兵討汀州左溪賊首藍天鳳
等平之十一月南贛巡撫王守仁率兵征桶岡
賊巢及穩下諸坑等巢俘斬六千六百級破巢
八十有四釋其脅從千餘流亡復業請立安遠
縣從之十二月大學士楊廷和及九卿至居庸

石園書 卷 二十七
關請駕有禁不得出關疏請回鑾不報閏十二月大學士楊廷和等以次出視郊祀如常儀有旨戒諭京城九門守門官勿放朝官出城丁亥立春上迎春宣府以大車數十使僧與女共載女執毬車驅之轂擊僧首相觸或墮上大笑樂歲盡駕還京至日命文武百官具綵帳數十綵聯千數不敢稱尊號惟稱威武大將軍文武列銜名亦不敢稱臣是日天子擁邊騎戎

衣裹赤劔而騎炬光煜煜浴鐵間群臣服曳撒大帽衣偏裨繫鸞帶叩頭迎道左既至幄天子下騎坐羣臣手進紅椀夾陳羊酒白金綵幣廷和奉觴儲注冕奉果紀奉金花天子接飲曰朕手斬鹵首一於榆河皆叩頭賀遂起馳入宿豹房論應州功太監張永魏彬張忠加歲祿廕一任江彬封平鹵伯許泰封安邊伯諸臣濫賞者九千五百五十五人又勅兵部曰總督軍務朱

壽親統六師勦除鹵寇汎掃腥膻安民保衆雄
威遠播邊境肅清神功聖武宜加顯爵以報其
勞今特加威武大將軍公爵俸祿仍諭吏戶二
部知之

十三年正月庚戌大祀天地於南郊祀畢如南
海子觀獵辛亥夜還宮壬子御奉天殿群臣行
慶成禮以所獵獐鹿賜文武大臣及科道等官
辛酉復如宣府南贛巡撫王守仁密計擒泃頭

賊首池大鬚等尋進兵攻上中下三泃及九連
山等巢悉平之二月太皇太后王氏崩越三日
上還京乃發喪謚大行皇太后曰孝貞純聖后
三月詔遣中官劉充迎活佛使烏思藏淮陽巡
撫叢蘭南京兵部尚書喬宇疏斥佛老無益乞
還充勿遣不報南道御史林有年極諫忤省逮
詔獄四月上以大行皇太后梓宮將祔塋親
往天壽山祭告六陵至陵上忽馳馬下山陪

石園書 卷
祭官皆驚散 上宿於帳殿遂往黃花鎮密雲
等處游幸五月駕還京六月 上遣太監蕭敬
傳旨近年鹵首犯順承平日久恐地方兵戎廢
弛其遼東宣府大同延綏陝西寧夏甘肅尤為
要地特命總督軍務威武大將軍總兵官朱壽
統率六師隨布人馬或攻或守即寫各地方制
勅與之使其畢掃羶羶靖安民物至於河南山
東山西南北直隸倘有小寇各給與勅書使率

各路人馬剪削朱壽者 上之別名是日隨召
內閣大臣及九卿科道官至左順門諭意衆皆
泣諫不聽召梁儲面促草勅儲伏地流涕免冠
請死良久釋之禮部尚書李遜學等廷議建儲
君居守朱寧陰受寧王賄謀入寧世子江彬欲
立所厚遠藩梁儲正色危言議遂寢七月鞋鞞
擁衆深入陝西固原靖鹵臨洮鞏昌秦州等地
方殺掠西去兩廣都御史楊旦調官軍土兵征

河源等縣蘇洞十八山滴水巖青龍岡帽子峰
等寨徭獍平之駕復北幸黎明繇東安門出群
臣送者五十二人駕度居庸關歷懷來保安諸
城堡遂駐蹕宣府初江彬勸上於宣府治行
宮越歲乃成糜費不可勝計復葺豹房所貯諸
珍玩及巡遊所收婦女寔其中上甚樂之每
稱曰家裏八月駕自宣府萬全衛歷天城陽和
至大同九月駐蹕大同又至偏頭關凡車駕所

至貴近多先掠良家子女以充幸御至數十車
在道日有死者左右不敢以聞十月駕渡黃河
駐蹕榆林江西巡撫孫燧捕宸濠賊首吳十三
等繫南康府獄濠恐泄謀陰令賊黨劫獄奪去
十一月駕至綏德州幸總兵官戴欽第尋納欽
女戊寅駕自榆林歷米脂綏德渡河幸山西石
州汶水諸州縣十二月駐蹕太原先是幸偏頭
關取太原晉府樂工楊騰妻劉良女嬖之及是

石匱書 卷
復召見大得幸

十四年正月戊辰駕發太原壬子至宣府往返
數千里皆輕騎戎裝冒風雪以行二月駕還京
師三月上自稱總督軍務威武大將軍太師
鎮國公朱壽巡南直山東江南湖廣翰林科道
交疏進諫上大怒下黃鞏陸震夏良勝萬潮
陳九川高鏊於錦衣衛獄命舒芬張衍慶姜龍
馮涇孫泰顧崇等百七人跪午門外五日林大

輅周叙余廷瓚等七十餘人俱下獄明日同黃
鞏等六人亦跪五日京師陰霾晝晦人情
震駭宮城內海子水溢過御橋四尺許橋下鐵
柱七齊折如斬有錦衣指揮僉事張英曰是大
變故明驗駕出必不利肉袒挾兩囊土跪端門
外衛士詰之曰至尊若出生靈無依英當隨駕
若遇變寧死此即自刃其胸衛士奪英刀不死
亦下獄鞠治問英何囊土為恐灑血汚帝廷土

掩之耳法司坐英妄言擬斬詔杖八十遂死
上怒諸諫官命錦衣衛將舒芬等百有七人午
門前各杖三十為首者謫外任餘俱罰俸四月
將黃鞏等六人林大輅等七十餘人各杖五十
戎革降調有差時被杖死者陸震余廷瓚馮涇
等十餘人駕遂不果出福建福州軍亂誅其首
惡進貴等五月御史蕭淮劾奏寧王宸濠不法
事命太監賴義駙馬都尉崔元都御史顏頤壽

往戒諭之六月太監義等行未至寧王宸濠殺
都御史孫燧副使許逵以及傳檄州縣以李士
實劉養正為軍師左右丞相叅政王春為提督
軍務大元帥兵部尚書戊寅逆濠遣涂欽率賊
首閔念四吳十三等奪船順流攻南康九江府
兵備副使曹雷知府陳霖汪隸等遁走城破并
諸屬縣皆陷逆濠遣王春等發旁縣諸賊黨并
令畢真反抗州為應都御史王守仁設計為公

石匱書 卷
文誤逆濠不敢速發飛報請命將征討移檄遠
近暴露宸濠罪惡遂起兵討逆七月逆濠會李
士實劉養正造偽檄指斥朝廷屬宗黨拱楸與
萬銳等留兵萬餘守南昌自與拱楸李士實劉
養正閔念四等六萬人號十萬出鄱陽舳艫蔽
江而下聲言直取南京都御史王守仁率知府
伍文定等會於臨江樟樹鎮五日下南昌擒宜
春王拱楸及偽太監萬銳等千餘人宸濠反兵
歸救王守仁逆擊於黃家渡敗之次日我兵復
與濠戰大敗之再次日我兵火攻濠舟衆遂奔
散執濠并其母子郡王將軍儀賓及偽官等數
百餘人奏捷表都御史孫燧副使許逵忠節逮
濠黨太監蕭敬吏部尚書陸完等藉其家八月
下詔親征大學士梁儲蔣冕扈從時王守仁捷
音未至京諸邊將在豹房者多獻擒濠之策
上亦欲假親征南游遂自稱威武大將軍總兵

官太師鎮國公朱壽往江西征宸濠遣邊將江彬許泰劉暉太監張忠張永魏彬先領兵繇大江至江西都御史王守仁上疏立止聖駕親征不聽九月駕發京師至涿州幸太監張忠私第王守仁發南昌督解逆濠等獻俘闕下張忠許泰等謂當縱之鄱湖俟駕親與遇戰而後奏凱論功連遣人迎至廣信守仁不聽乘夜過玉山張永已候於杭州守仁與永言江西民不堪命

大亂之後又遭大兵必逃聚山谷為亂土崩之勢萬不可支永深然之守仁以逆濠付永遂歸江西十月壬辰朔駐蹕保定府張宴後堂與巡撫都御史伍符藏閹醉之以為樂癸巳發保定戍戍至臨清山東鎮巡官皆從癸丑駕自臨清復還北初駕南征與劉氏有約劉贈以一簪且以為信過蘆溝馳馬失之大索數日不得至臨清使使召劉以無信物辭上乃乘車舸晨

石匱書 卷
夜疾歸至張家灣與劉氏俱載而南道遇湖廣
叅政林文績入其舟奪其妾乃行十月壬午發
臨清十一月辛卯發濟寧丙申至徐州辛丑御
龍舟乙巳至淮安清江浦幸太監張陽第集漁
人捕魚為樂時江彬縱恣旗牌官拷縛郡縣長
吏通判胡琮懼而自縊南京守備成國公朱輔
見即長跪總兵鎮遠侯顧仕隆不為屈即窘奪
之又遣官較四出索民家鷹犬珍寶古器無得

免者壬子駕在清江浦群臣於張陽第稱賀甲
寅駕至淮安却侍衛步入城幸總兵顧仕隆第
已未至寶應縣漁汜光湖十二月辛酉朔至揚
州府太監吳經前往選民居壯麗者為總兵府
矯旨刷處女寡婦因取其金無金者悉送入府
壬戌上以數騎獵城西遂幸上方寺命總兵
神周搜括泰州鷹犬辛未傳旨正月於南京郊
祀天地大學士梁儲蔣冕力諫而止戊寅大閱

石匱書 卷
諸妓女於揚州撫按官具宴却之命折價以進
癸未渙於儀真之新閘因視大江命江彬攝祭
明日幸民黃昌家閱太監張雄守備馬吳所選
妓以其半送舟中乙酉渡江丙戌至南京丁亥
祭太廟太監張永復命先見 上備言王守仁
之忠有詔召守仁至南京張忠等從中沮之仍
命巡撫江西陞吉安知府伍文定為江西按察
使贛州知府邢珣為江西布政司右叅政太監

張忠邊將許泰劉暉等復營內旨領京邊官軍
萬餘人往江西勦捕宸濠餘黨時江西已寧忠
等搜求微隱羅織平民妄濫誅戮軍馬駐匝省
城五月糜費浩繁萬民嗟怨湖廣鎮守中官李
鎮附江彬橫肆誅求巡撫都御史秦金奏鎮不
法事不報

十五年正月庚寅朔謁孝陵丁酉 上迎春於
南京備諸劇戲如宣府戊午以通謀宸濠執太

石匱書 卷
監畢真劉卿劉璟都指揮廖鵬齊佐王準都督
同知王猷等下錦衣獄二月駕在南京江彬統
領邊軍數萬恃恩跋扈南京兵部尚書喬宇持
正鎮靜每事裁抑彬亦敬憚不敢肆彬每假傳
旨有所求為宇必請面奏彬計輒阻三月楊廷
和毛紀題請回鑾舉大禮以安人心不報五月
駕幸牛首山再宿諸軍夜驚左右皆不知上
所在大擾久之乃定七月駐蹕南京既久復有

游蘇杭泛江浙泝湖湘登武當之意畿內郡縣
供億不支梁儲蔣冕懇請回鑾執奏跪泣自未
至百詔中官取奏入且諭之起對曰臣未奉俞
旨不敢起中官復出傳允回鑾乃起八月壬辰
詣孝陵辭癸巳受江西俘丁酉旋蹕發龍江辛
丑至儀真壬寅漁於江口次日如瓜州避雨民
家夕宿望江樓癸卯自瓜州濟江登金山遂如
鎮江幸致仕大學士楊一清家明日復幸烏入

石圖書 卷
書室取冊府元龜文獻通考以進又明日飲於
其第樂作分題製詩十章賜一清命和進為易
數字一清厚有所獻 上大悅及駕還凡五幸
焉又幸故大學士靳貴第時樞在堂 上臨嗟
悼之命所從番僧為誦經薦福庚戌發鎮江壬
子復宿望江樓癸丑駕至揚州仍寓總督府丁
巳撫按等官設宴慶功用金銀牌各二軸一旒
帳綵帛若干疋其餘折價以進戊午發揚州庚

申駕至寶應復漁於汜光湖鎮守太監立得索
貢物不得以鐵索擊知府蔣瑤辛卯駐蹕淮安
都御史叢蘭總兵官顧仕隆等進賀功金牌花
紅綵帳 上戎服簪花鼓吹入城過山陽縣學
入取學宮通鑑諸書以出遂宿故尚書金濂第
丙寅至清江浦復幸太監張陽第踰三日上
自泛小舟漁於積水池舟覆溺焉出左右呼萬
歲曰龍也十月駐蹕通州羣黨欲自獻宸濠俘

襲功張永曰昔未出京宸濠已擒柰何襲之於
是以大將軍鈞帖令王守仁重上捷音守仁乃
節畧前奏入諸人名於疏內上之十一月甲申
執吏部尚書陸完等至行在下錦衣獄起陞胡
世寧為右僉都御史巡撫四川丁亥傳旨擇日
詔告仍命六部都察院通政司大理寺鴻臚寺
錦衣衛六科十三道每衙門止留佐貳官一員
其餘併內閣皇親公侯駙馬伯俱赴行在十二

月己丑平鹵伯朱彬奏奉威武大將軍總兵官
太師鎮國公朱壽指示方畧擒獲宸濠逆黨乞
明正其罪有旨褒諭賞廕賜宸濠死燔屍揚灰
甲午駕至京師文武百官迎於正陽橋南是日
大曜軍容俘諸從逆者及家屬數千人陳輦東
西上戎服乘馬立正陽門外閱視良久乃入
諸俘自東安門經大內出丁巳乃補郊初獻
上拜伏嘔血扶歸於齋宮踰宿乃歸內群臣問

安左順門女直指揮速黑忒進小熊一特納之
太監于經侍疾頑復上斥之使就學內書堂
壬子力疾視朝降手勅改王瓊為吏部尚書
十六年正月上力疾詣奉先奉慈二殿及皇
太后宮行禮出視朝以不豫改郊二月又改郊
古田蠻賊平三月丙寅上寢疾豹房大漸惟
太監陳敬蘇進二人在左右乃謂之曰朕疾殆
不可起矣爾等與張銳可召司禮監官來以朕

意達皇太后天下事重其與內閣輔臣議處之
前諸事皆繇朕而誤非汝衆人所能與也俄而
上崩於豹房敬進奔告慈壽皇太后乃移殯於
大內是日傳遺旨諭内外文武羣臣以朕疾彌
留儲嗣未建朕皇考親弟興獻王長子年已長
成賢明仁孝倫序當立已遵奉祖宗兄終弟
及之文告於宗廟請於慈壽皇太后即日遣官
迎取來京嗣皇帝位奉祀宗廟君臨天下又傳

石圍書 卷
遺旨豹房隨侍官軍勞苦可憫令永勛泰憲提
督統領加意撫恤罷威武團練營官軍還營各
邊及保定官還鎮革各處皇店管店官校并軍
門辦事官旗校尉等各還衛其各邊鎮守太監
留京者亦遣之哈密及土魯番佛郎機等處進
貢裔人可給賞令還國豹房番僧及少林和尚
各處隨帶匠役水手及教坊司人南京馬快船
非常例者俱放遣已上數事雖奉遺旨寔內閣

輔臣請於太后而行者皆中外素稱不便故釐
革最先奉皇太后懿旨下江彬詔獄論死藉其
家四月上尊號曰毅皇帝廟號武宗五月葬康
陵

石匱書曰 武宗英果剛決足大有為之君使
其循規蹈矩一出於正以之繩 文皇帝之武
不難也乃流連荒亡恣意游佃萬乘之軀等於
一擲其不致顛覆社稷者亦幸矣乃七年以前

受逆璫之禍九年以後受延幸之苦其間劇賊
強藩四下逢蠶起卒賴賢臣次第撲滅非祖宗
積德之厚其能奠安若此也哉



石匱書卷第十一



世宗本紀

肅皇帝興獻王長子也 憲宗十子長 孝宗

次貴妃邵氏子興王興王封楚安陸 上生之

年為正德二年翼軫見慶雲楚分也正德十六

年三月 武宗崩無子慈壽皇太后使司禮太

監霽壽寧侯鶴齡駙馬都尉元奉金符至興邸

上迎國門外既受詔乃登座受符朝羣臣四月



壬午辭園寢癸未發安陸渡河拏舟父老相告
曰昔聖天子生年此河清三百里者三日茲其
徵夫壬寅 上至自安陸大學士請從東安門
入居文華殿俟勸進 上曰此皇太子禮我奉
遺詔嗣皇帝遂以癸卯受臣民箋於行殿入大
明門日中即位頒詔除舊以明年為嘉靖元年
丙午遣司禮監奉迎母妃於安陸召故大學士
於內閣發御馬監太監張忠于經蘇縉充軍孝

陵衛降劄太監谷大用立聚等有差賜故司禮
監太監王岳范亨官執巡撫宣大都御史甯采
於京師立故都督馬雲葉旺祠於遼東貴州普
安賊阿則阿工得就禽餘黨悉平五月詔錄故
諫南巡諸官死者追贈諭祭廕子生者起取復
職陞用日精門灾閉大理礦命群臣議興獻王
主祀封號禮部尚書毛澄會公卿等六十餘人
上議漢成帝立定陶王為嗣而以楚王孫後定

石匱書 卷一
陶師丹善其合禮今 上宜以 孝宗為考而
稱興獻王為叔父以益王子崇仁王後興獻稱
考而顧稱益王為叔 上曰父子可互易若是
邪其更議大學士楊廷和蔣冕毛紀復言程頤
濮議最為得體興國祀事暫屬崇仁王侯皇次
子生復承王後情理允愜不報錢寧江彬伏誅
大賚臣民軍士起彭澤為兵部尚書孫交為戶
部尚書林俊為工部尚書禮部尚書毛澄再以

興獻王王祀廟號請 上曰事大其再議六月
繼內苑禽獸大黜罰正德中內侍奸黨戮宸濠
逆黨於市賜故指揮牟斌帝璽祭賜故都御史
孫燧副使許達贈廕謚祠南昌曰旌忠兩畿山
東河南陝諸郡大旱疫停織造絨袍於陝罷抽
分內臣七月存問故大學士劉健謝遷戶部尚
書韓文鹵寇莊梁洮岷諸處寧津盜起大同卒
索糧詳欲亂斬其首五人以殉觀政進士張璁

石匱書 卷
疏言時議欲考 孝宗而叔興獻王者拘定陶
濮王陳跡耳漢哀宗英立為皇嗣育之宮中猶
有父子之道今 皇上以倫序當立循繼統之
義非為 孝宗後也稱興獻王以皇叔鬼神既
不安矣稱聖母以叔母得不為 皇上臣乎謂
皇上以繼統而尊崇其親則可謂以繼嗣而自
絕其親則不可今惟別立興獻王廟隆以帝禮
聖母亦以子貴尊與帝並庶全父子之倫而不

失尊親之孝矣 上喜曰此論出吾父子獲全
矣因諭廷和曰此議寔遵 祖訓據古禮爾曹
何得誤朕廷和曰書生不知國體復持上
乃召廷和等入諭且手敕曰卿等所言亦是但
罔極之恩不容不報今尊父為興獻皇帝母為
興獻皇后祖母邵氏為康壽皇太后以伸朕為
子之情廷和曰禮為人後者為之子所生者為
伯叔不啻降其服且異其名也臣不敢阿順封

還手勅八月兵科給事中夏言等奉命查革武職凡正德年間巧立別名陞授職級者三千一百九十九名尚書彭澤覆奏盡革之九月癸酉聖母至通州以徽號未定駐留不入上聞之涕泗號泣啓慈壽皇太后願避位奉母歸藩群臣惶懼無措壬午日至京繇大明門入上迎於闕內從朝議不謁太廟止見奉先奉慈二殿下劄諭曰罔極之恩無繇以報其勉承朕命朕

考稱興獻太皇帝聖母稱興獻皇太后廷和言興獻帝后尊稱已極若復加皇字與孝廟慈壽並稱是悖所後而重本生任私恩而忘大義臣等死不塞責上曰朕奉昊天至情不必拘於史志可勉加皇字母為托詞吏部尚書喬宇率百官爭皇字不可加上曰慈壽皇太后旨爾群臣其勉承之廷和等乃乞罷歸不報給事中熊浹兵部主事霍韜同知馬疇中監生何淵

巡檢房濬各上疏議大禮一如張璉議下禮部知之巡撫雲南都御史何孟春奏興獻帝宜止稱皇叔請去父字十一月修武宗實錄論平宸濠功封王守仁為新建伯逮四川巡撫馬炅下獄或故尚書王瓊於邊贈故翰林修撰羅倫官賜謚張璉再為大禮或問以獻重建乾清宮或上自文華殿入居之罷廣西香貢逆番馮亦虎仙伏誅誅雲南十八寨賊阿寺等十二月存問故南京禮部尚書章懋內閣九卿翰林科道連章累疏皆言張璉倡為邪說請罷斥不聽除璉為南京刑部主事

元年正月己酉朔上御朝不賀己未大祀天地清寧宮後小室災楊廷和言火發風迅且迫清寧後殿豈興獻帝后加稱祖宗神靈或有未協者乎給事鄧繼曾主事高尚賢等亦各上疏上心動乃俛從廷議稱孝宗為皇考慈

壽皇太后為聖母興獻帝后為本生父母不稱
皇陝西甘州五衛軍大亂殺巡撫都御史許銘
焚其屍大能仁寺妖僧齊瑞竹正德間賜璽書
金印賞賚無算上從工部侍郎趙璜言簿錄
財貲及玄明宮佛像毀括金屑一千三十兩悉
給商以償宿逋禮部郎中屠墳發檄徧查京師
諸淫寺悉拆毀之二月詔曰聖母慈壽皇太后
敬相 皇考孝宗訓育朕兄 武宗尉有令聞

皇嫂表正宮闈母儀有年聖祖母貴妃事我
憲宗澤隆啓佑本生父興獻王總明仁孝本生
母興獻王妃莊敬勤儉誕育朕躬丕承前列謹
奉冊寶上聖母尊號曰昭聖慈壽皇太后皇嫂
曰莊肅皇后又奉聖母懿旨上聖祖母尊號曰
壽安皇太后本生父曰興獻帝母曰興國太后
大禮既舉洪恩誕敷布告天下三月以水灾免
河南開封府及汝州秋稅叙翊戴功封廷和冕

紀爵伯壽安皇太后弟邵喜興國太后弟蔣倫
各封伯壽寧侯張鶴齡加太師禮部尚書毛澄
加太子大傅世襲錦衣太監張錦等九名承奉
官等二十七人皆授太監加祿蔭廷和冕紀乃
上疏辭封兵部尚書彭澤復奏正德中權奸用
事封錫太濫 皇上釐革殆盡乃以定策之功
封廕至五十三人非所以為訓也宜聽辭免從
之各廕一子惟外戚伯如故六月南京大水勅

諭文武群臣同加修省併遣官賑卹被災之處
九月辛未冊立皇后陳氏十一月庚申壽安皇
太后邵氏崩禮部請服十三日而除 上曰以
二十七日及期猶不忍除也曰山陵未定其攷
憲宗朝喪錢太后禮毛澄言錢太后崩距塋不
遠故暫持凶以待今山陵尚未且將獻歲不宜
縞素臨元會 陛下孝思深執請止鍾鼓毋御
中門 上乃勉具黑翼善冠素服角帶御西角

門還宮仍素朔望罷殿上又欲討莖茂陵廷和
曰不可乃卜地陵右焉十二月遼東開原大飢
免徵椿棚馬價鹵掠偏頭關

二年正月應天鳳陽山東河南陝西地震給事
中黃臣請塞傳乞之門以消災變不報叙從龍
功以故太監趙山等養子為錦衣世襲指揮兵
部尚書彭澤及科臣夏言等爭之不聽楊廷和
疏請斥遠僧道停罷齋醮九卿喬宇等各疏諫

止優詔答之五月丁丑雷雨交作擊觀星臺候
風杵連石座碎之定興廟祀典太常卿汪舉請
用十二籩豆如太廟禮禮官賈詠言正統本生
義宜有異八佾太廟之禮也安陸宜少殺以避
二統之嫌 上曰樂舞已定令所司修之何孟
春等力諍不報十二月遣內臣蘇杭織造工部
及科臣各諫不聽命廷和撰刺堅執不從 上
怒其違抗切責之廷和遂移疾乞休允之

三年正月五星聚於營室大賑江南飢二月給事中鄧繼曾言批荅朝旨頃多從中不出閣擬恐二三大臣不得圖政左右羣小復竊權希寵如正德時上怒下詔獄謫之南京刑部主事桂萼上正大禮疏言 皇上非為人後而為入繼之主當考興獻帝母興獻后併錄都御史席書吏部員外方獻夫二疏以聞上曰此禮闕係綱常會文武羣臣集議禮部尚書汪俊等上

所議禮極辨桂萼等議禮非是上諭曰正統大義不敢有違第本生至恩情欲兼盡其叅衆論詳議以聞楚王榮誠以儀賓沈寶疏上代府長史李錫南京都察院經歷黃綰錦衣千戶聶能與璉議令上益心動命取席言桂萼併從里中起霍韜詣京集議興國太后千秋節命婦各上箋賀宴賚倍常南畿諸郡大飢人相食江盜白晝搶掠巡按朱衣上其事命戶部侍郎席

書發帑藏截漕粟賑之又發帑金十五萬分賑淮鳳二府江盜勅操江伍文定勦捕四月立興帝廟於大內給事安盤上疏言恭穆既不得入太廟自不應稱皇考上曰朕本生聖母躬親奉侍而本生皇考遠在安陸於卿等安乎奉先殿西室所司亟脩葺以盡朕歲時追荐之情禮官即日具儀仍執違旨者罪無赦五月予蔣冕致仕編修鄒守益再疏爭大禮修撰呂柟上疏

極言時事泣下鎮撫司拷訊謫其官定奉先殿西室名觀德殿奉安興獻皇帝神主霍韜赴召力辨二父兩統之非而席書亦上大禮考議璉等至復條七事以上俱留中鴻臚寺少卿胡侍言祖訓兄終弟及蓋嚴嫡庶防覬覦耳魯嬰齊不受命歸父漢病已不受命昭帝何必受命乃為後哉上怒謫為潞州判官六月以張璉桂萼為翰林學士方獻夫為侍讀學士土魯番

寇甘肅巡撫都御史陳九疇禦劾之詔旌遺忠
劉蒞賜祭塋復其家員外薛蕙上為人後解二
篇為人後辨一篇命鎮撫司逮訊之御史段續
陳相各疏萇等假議禮以干進不宜驟加清秩
上怒其排妬忠良逮謫浦外七月璉萇上言今
日典禮顧與禮官辨晰列十三事以上何孟春
為論條辨 上切責之 上罷朝齋居文華殿
金獻民徐文華倡言諸疏留中必以 孝宗為

皇伯考矣何孟春曰慈懿太后塋禮部尚書姚
夔率百官伏哭文華門力爭 憲宗從之此我

朝故事也楊慎曰國家養士一百五十年伏節

死義正在今日王元正等遂定期群臣於金水

橋曰萬世瞻仰在此一舉不力爭者共擊之於

是何孟春等二百二十餘人俱跪伏左順門大

呼 高皇帝 孝宗皇帝聲徹於內 上使司

禮諭退不從 上命錄為首者以學士豐熙給

事中張翀等八人下詔獄楊慎一元正乃撼奉
天門大哭羣臣皆哭聲震闕上大怒命逮馬
理等一百三十四人俱下詔獄併何孟春金獻
民等共二百二十人為首者戍邊四品以上奪
俸五品以下朴謫豐熙等二百八十餘人各杖
有差病創卒者十有七人八月大同軍亂殺巡
撫都御史張文錦九月汪偉鄭岳徐文華與璉
等辨論未決武定侯郭勛遽曰祖訓如是古禮

如是人臣事君將順其美璉等言當於是書夢
璉獻夫會公鶴齡侯勛仇鸞等六十四人上言
三代之法父死子繼兄終弟及今孝宗有

武宗為子不宜更立皇上為後人無二本

孝宗伯也宜稱皇伯昭聖母也宜稱皇伯母
允合天理協人情獻皇帝立別禰廟不入太廟
尊親兩不悖矣於是稱孝宗曰皇伯慈
壽太皇后曰皇伯母獻皇帝曰皇考獻皇后曰

聖母詔諭天下安陸松陵山 上既改名顯陵
百戶隨全請改遷命多官集議工部尚書趙璜
席書等力言不可遷乃止十一月遼東妖賊李
真陸雄等聚衆入山海關怒主事王冕守臣以
聞命各鎮巡官逐捕

四年正月西鹵寇甘肅總兵姜奭禦之苦水墩
敗之起致仕大學士楊一清為兵部尚書總督
三邊軍務三月御史王懋郭楠先後乞優卹議

禮臣之死杖下者 上怒謫懋為邊方典史逮
治楠為民修獻皇帝實錄仁壽宮災四月黃屋
顯陵殿改陵署曰監衛曰顯陵衛日本使宋素
卿論死罷市舶絕其貢光祿寺署丞何淵請立
世室祀皇考太廟下禮部議不可命再議璵夢
與議亦不可曰臣故言當考獻皇帝廟京師耳
不敢言祀太廟也席書乃會廷臣議請於甌城
之東皇城之內立一禰廟前後寢如文華規制

出入不與太廟同門坐位不與太廟並列祭用
次日廟欲稍遠庶以成祖廟獨尊之體避兩廟
二統之嫌上可其奏命度地興工親定其名
曰世廟七月命建崇先殿九月以曰方災異諭
上下同加脩省工部尚書趙璜請罷玉德殿等
工併世廟及仁壽宮完日乃可議興他工上
嘉納之併罷仁壽宮召採木侍郎王軌來京十
二月刊布太祖御製洪範序及御註無逸伊
訓三篇為一書曰書經三要閏十二月以大禮
集議成進席書太子太保諸與議者皆陞寔授
一級以璵夢為詹事府詹事獻夫謫為少詹事
降岷王彥汰為庶人

五年二月亦卜刺往牧寧夏賀蘭山後將以冰
合渡河入套提督王憲總兵杭雄戰却之畿內
飢命發縣倉庾及太倉錢穀賑之十月御製敬
一箴及註范浚心箴程頤視聽言動四箴頒賜

大學士費宏等各疏謝編修孫承恩進鑒古韻
語十一月淮河泛溢十二月四方災異叠見以
水旱雷雨地震山崩奏者日數省有奏水雹大
如人頭捲裂民舍百數十室江南婦生子六日
四面有角手足各一節獨爪鬼聲河南生牛犢
一身兩首鄖陽牛產二身併心肺膽各二江西
虎具人手足大學士楊一清以修省上言勅曰
覽卿疏者再論之至切朕涼寡冲昧日夜惟治
未盡知民欲求直言或有不實朕過多不自悟
其悉陳之庸開朕心毋忌以不盡

六年正月勅大學士宏同議禮諸臣璉夢等纂
修明倫大典二月鹵犯宣府中路叅將王經力
戰死之上聽革退千戶和奇仇構下廷和子
兵部主事惇壻修撰承勛欽禔惇職為民承勛
閑住起羅欽順為禮部尚書不至三月贈宸濠
死事瑞州知府宋以方光祿寺卿廕一子四月

起羅欽順為吏部尚書復不至五月京師兩錢
六月兩廣總督姚鏌請討田州叛賊岑猛起新
建伯王守仁以兵部尚書總制兩廣及江西湖
廣軍務八月命吏部左侍郎桂萇著刑部事兵
部左侍郎張璉署都察院事少詹方獻夫署大
理寺事平反囚李福達獄釋之論御史馬錄等
罪張璉疏請各省鄉舉俱炤兩京例命京官往
試京闈分考亦用甲科以羅真才從之奪武定
侯郭勛提督團營十一月大學士楊一清等言
近畿八府土地多為各監局及勢豪之家乞討
或作草場或作皇庄民各失其常產願自今凡
有請乞絕勿復許令戶部推侍郎及科道官有
夙裁者往勘一清遂薦閑仁太監張永詔起永
提督團營兼查畿內地土十二月以張璉入內
閣兼署都察院事桂萇陞禮部尚書方獻夫陞
吏部侍郎霍誦陞翰林學士

七年二月勅戶部議甘肅邊儲久缺其詳畫經
久之策以聞胡世寧請復鹽法以紓邊困納之
給事中陸粲請增築邊墻如楊一清初議詔
發帑儲佐之三月南贛巡撫汪鋐奏元日甘露
降於長泰等縣上遣官祭告薦宗廟勅製忠
靖冠服五月兩廣總督王守仁報思田賊平六
月明倫大典成御製文序之定議禮諸臣罪以
楊廷和為罪首編氓毛澄以下罪各有差九月
河道總督盛應期議開新河功垂成而罷議者
惜之十月丁未皇后陳氏崩閏十月冊順妃張
氏為皇后十一月御製顯陵碑文以桂萼入閣
辦事

八年二月王守仁卒於安南道詔以守仁擅離
重地非事君之道况學術亨功多有可議命會
官集勘大學士桂萼曰守仁事不師古言不稱
師欲立異以為名則非朱熹格致之論知衆論

之不與則著晚年論定之書號召生徒互相倡
和其門人為之辯謗至謂杖之不死投之江不
死以瀆天聽幾於無忌憚矣若勅捕逆濠論功
足錄宜免奪伯爵以彰大信申禁邪說以正人
心從之三月 上以春旱躬禱於南郊山川社
稷不雨御製禱雨不應自咎說示群臣四月戶
部侍郎王軌言 皇上命臣清查莊田見勲戚
之家占據膏腴跨連郡邑乞如成周之制隨其
品級定擬多寡別其親疎量為裁革其自置田
土不報納糧差者追斷如功臣田土例分外強
占者俱給還原主詔從之八月給事中孫應奎
陸燾王準先後論劾張璫悞恣桂萼貪濫狀
上怒曰朕以璫萼為朕正父子之名委以重任
乃頓失前志朕不敢私璫其解相還省圖後用
萼奪散官學士職銜以尚書致仕因下二臣罪
狀大治其黨與 上曰應奎首發璫萼若可赦

也燦準不蚤言非本忠並逮問謫其官詹事霍
韜意一清為之詆一清上前甚急上復曰
老臣乃負朕又下一清狀於九卿使自劾上
予歸遂召璉還復璉散官職銜如故上曰科
道官無一言一清者非附即畏其各奪俸三月
十月吉囊俺荅寇榆林寧夏塞王瓊督兵禦之
遂引去乾清宮內西七所房災刑部員外邵經
邦諫復相璉募下鎮撫司嚴訊戎邊十一月陝
西僉事齊之鸞進河南饑民所食蓬子封題賈
獻乞頒臣工使知民瘼十二月羌戎寇鞏昌提
督軍務王瓊勦平之頒大學衍義於廷臣時隆
冬無雪上躬禱得雪親詣壇謝方獻夫穆孔
暉等各獻靈雪賦頌及詩歌優詔報聞
九年二月給事中夏言請行皇后親蠶禮上
大悅勅曰古者天子親耕王后親蠶以勸天下
朕甚慕之今歲朕躬祀先農禮三月戊辰祭社

稷畢祭先農東郊耕藉夏言請分南北郊 上
悅并命定朝日夕月禮丁巳皇后蠶北郊延綏
大飢賑五月躬祭告上帝宗廟興工於園立六
月禮官李時與璵議姚廣孝削髮被緇配享太
廟似有未安宜移祀大興隆寺從之大明集禮
書成御製文敘之十月改奉孔子為先師母王
四配皆稱子十哲以下稱先賢左立明以下稱
先儒母公侯伯殿稱廟象易主兩國子祭用十
簋十豆天下學宮八簋八豆樂六佾立啓聖公
祠祀叔梁紇以顏無繇曾點孟孫氏配罷從祀
申黨公伯寮等改祀林放蘧瑗等於鄉增入后
蒼王通歐陽修胡瑗蔡元定等祀兩廡十一月
戊子園立成 上躬視之辛丑園立習儀禮畢
宣大學士璵禮部尚書時益等次日有誤否即以
聞甲辰往視牲南郊乙巳誓百官奉天殿丙午
告配於 太祖己酉始以冬至郊還御奉天殿

行慶成禮大赦天下庚戌大宴以夏言為翰林院侍讀學士兼都給事中十二月臘御製蜡樂詩祈嗣太廟世廟撤文華殿釋像告奉先宗先祀伏羲神農黃帝堯舜禹湯文武周公孔子加贈故江西副使許達禮部尚書以贈太常寺少卿黃宏光祿寺少卿馬思聰配享南昌祠

十年正月 上幸大祀殿禮畢諭璵曰二聖配帝之典決不可為自來只是祖配天尋親定祈

穀祝文儀注止奉 太祖配賜張璵改名孚敬

字懋恭御書賜之三月耕藉田四月行大禘禮

於太廟五月旱 上躬禱雨於殿閏六月雷震

午門西角樓御製祝文行露告禮併詔修省刑

部主事李瑜言劉基翊運之功宜配享龔封與

徐達並願興亡繼絕 上允其請併詔求常遇

春李文忠湯和鄧愈後六月行人薛侃請導

祖制擇親王一人在京司香名守城王乞查例

行之上怒逮問究主使累及太常卿彭澤孚
敬惡夏言囑侃使引言及廷鞫侃瞋目曰張少
傳趣我上者與言何與上釋言出孚敬密疏
二以示廷臣斥其忤罔着致仕去澤遣戍侃為
民九月無逸殿颶風亭成召翟鑾李時汪鉉同
觀收穫十月詔籍沒已故太監谷大用家產十
一月遣行人召張孚敬建祈嗣醮欽安殿以禮
部尚書夏言充醮壇監禮使侍郎湛若水顧鼎
臣充迎嗣導引官文武大臣連日進香上親
行初終兩日禮

十一年正月賑畿內災桑西苑二月上祀先
聖先師文華殿嘉穀產蘄水薦太廟三月張孚
敬至進太子太師華蓋殿大學士四月令進士
毋得遽考選科道官五月大祭地方澤始遣代
封常遇春八世孫玄振為懷遠侯李文忠七世
孫性為臨淮侯鄧愈六世孫繼坤為定遠侯湯

和六世孫紹宗為靈壁侯六月封劉基九世孫
瑜為誠意伯重刊二十一史成七月黃河決魚
臺九月科臣魏良弼以彗星辰見東方叅張孚
敬竊權驕橫妖星示儆孚敬疏辨秦鰲復劾孚
敬強辯飾非媚疾愈甚乞亟罷黜以回天意
上曰秦鰲言出忠謹令孚敬自陳准致仕十月
編修楊名上修省疏斥汪鉉郭勛之奸并乞罷
工作禱祀 上怒收繫械訊鉉具疏謂名與廷
和同里代為報復 上益怒命究主使名瀕死
無所指兵部侍郎黃宗明疏抹 上曰宗明即
其主使也併鞫之名成邊宗明調外任御史馮
思上疏乞斬張孚敬汪鉉方獻夫三奸以謝天
下 上怒逮繫即訊獄具論斬其母吳氏擊登
聞鼓聲寃子行可請以身代皆不報甲午冬行
可於長安街刺血書疏自縛闕下通政陳經見
而憐之為引奏 上動容曰忠孝乃出一家邪

其賞之遂得減死戍雷州十一月四川巡撫宋
滄獻白兔汪鉉等各獻詩章

十二年正月河南巡撫吳山獻白鹿夏言請告
廟受賀許之復召故大學士張孚敬三月幸太
學皇后親蠶於內苑四月應天巡撫陳軾獻白
兔時白鹿鵲兔疊至重出詔天下勿來獻汪鉉
作詩美上謙德褒荅之張孚敬至詔天下博
求曾子嫡裔襲五經博士如顏孟二氏五月

上演馬南城還御環碧殿召孚敬時獻夫鑾同
觀之馬有玉麟飛白玉馴碧玉驕照夜壁銀河
練瑤池駿飛雲白凡七因使中官領四臣看花
嘉樂館上乘玉麟飛轉御重華殿召論時政
賜酒饌服色賦君臣同游詩六月彗星見上
曰彗四見矣朕擇日祇祭便殿文武群臣其痛
加修省八月皇第一子生詔寬恤天下十月復
楊一清官大同兵變總制張瓚撫定之慈壽皇

太后弟張鶴齡有罪延齡以不法論死鶴齡革
爵皇子薨謚哀冲太子十二月鹵犯寧夏總兵
王效副總兵梁震擊敗之

十三年正月廢皇后張氏冊德妃方氏為皇后
二月祀太學釋奠先師進諸生橫經布講五月
內苑先蠶壇繭成進絲上御重華殿召大學
士孚敬武定侯勛等五人入觀祀天青爵作紀
樂同游詩因賜五臣扇曰與卿同涼七月南京

太廟灾甲子子聞上曰擇日齋沐而廟慰禮也
人子赴父母變何待正衣冠其即以丁卯詣告
天遂廟慰八月造神御閣南內奉藏列聖御容
下為石室金匱貯寶訓寶錄十月南京兵部主
事劉世龍上言大臣群僚表率勲戚國家故舊
陛下誠知大臣之才可則禮之宜優不宜倏斥
倏用或因事械繫或捶楚之張延齡憑寵為非
盛滿不戒寘之重辟無足惜第恐無以慰孝

宗在天之靈安昭聖太后垂老之心上以世
龍訕上庇逆命械繫京師治之十一月郊製大
報歌於齋宮十二月選淑妃以備九嬪禮部請
廣求之兩畿河南山東上曰本廣嗣也使
者四出擾民謂朕色荒其第選之京城內外
十四年正月改建世廟於太廟左方癸未雪諭
閣臣禮官曰天賜時玉未得與卿一見禮部尚
書夏言因獻天賜時玉賦丙戌莊肅皇后夏氏

崩祔塋康陵四月張孚敬病札諭曰惟古近之
君剪鬚療臣今朕有自驗飲子特賜卿服後告
朕何如有頃孚敬力乞休許之初薦新麥內殿
賜百官麥餅七月禮部請百官預習萬壽賀儀
上曰建廟未成祖考未妥朕辰敢賀至日常服
御殿如朔望禮尚書言言皇上厚自貶以明
孝而臣子不能抑誠其日請常服御朝百官公
服鴻臚寺具班百官致詞行五拜三叩頭禮許

之御史曾翀戴銑論劾南京兵部尚書劉龍刑
部尚書聶賢工部尚書王紘戶部侍郎張雲刑
部侍郎陳璋工部侍郎甘為霖大理寺卿吳惠
太僕寺卿詵光巡撫甘肅都御史趙載請罷之
下吏部覆尚書汪鉉皆議留上譙鉉曰安得
此相譽是閹官人亦阻直言因召大學士時面
諭之上謂龍誠人也其才鈍謂賢衰矣宦成怠
謂璋光皆老矣謂紘介不通謂雲急人為霖才
人也謂惠無華國之文不如宋也謂載才無過
因分別去留而奪鉉俸一月御史曾銑平廣寧
亂卒再召費宏為大學士八月見費宏文華殿
西室賜銀圖書一令盡心入告命雲貴自開科
取士九月罷吏部尚書汪鉉修獻皇帝誕宮曰
啓祥宮費宏卒於位十二月冊封淑女曹氏為
端嬪告廟受賀上曰兩京祭酒士表也今其
廷推著為令十二月田州土目蘆蘇殺本州

判岑邦相以叛湖廣九谿灣諸處峒賊平

十五年正月 上御朝以宗廟未成簡朝禮三

月加致一真人邵元節道號賜玉帶冠服 上

諭夏言朕將詣天壽山謁陵且預作山陵烏言

對山陵重事請遣官相兆得兆以報然後并修

謁禮 上曰得兆而謁陵不敬其先修顛謁禮

然後卜兆丙子奉皇太后率皇后謁七陵擇陵

域十八道嶺上見官吏生儒父老昌平州復稅

糧三之一轉祭宣廟廢后景皇帝二陵於西山

泛舟西湖還四月遣祭孝顯二陵五月毀禁中

佛殿建慈慶慈寧宮夏言請瘞佛骨於中野

上曰瘞中野將來豈無竊發以惑愚衆其燬之

通衢永除之凡燔佛骨佛牙等萬三千餘斤再

召張孚敬七月重錄寶訓寶錄改神御殿為皇

史宬專藏之別飾景神殿以奉列聖御容八月

鹵入京州莊浪總兵王輔姜奭兩破之九月改

悼靈皇后曰孝潔遷主於奉先殿西室十月戊子皇次子生 上祭南郊詔天下及朝鮮安南二國群臣請賀地震 上曰朕懼上天其已賀十一月宗廟成奉 太祖主於故太廟 太宗列聖於新廟修內奉先殿大修金錄醮於玄極殿七晝夜以謝儲祥以大臣為上香監禮迎詞引導等使如舊十二月廢后張氏薨以宗廟成加上兩宮徽號鹵大入延綏總兵王效白爵大破之以皇嗣生錄邵元節禱祀功加授禮部尚書給文官一品服俸

十六年正月癸卯皇三子生二月赦諸臣謫戍者百四十人惟馬錄呂經馮恩楊慎王元正劉濟豐熙邵經邦不與三月進武定侯郭英配享太廟皇四子生五月雷震謹身殿鷓鴣吻七月以水免隨沔漢陽三州縣稅糧命撫臣賑之八月以莫登庸募議征安南順天水灾命有司賑之

九月夏言劾應天試錄萊問郊祀語含譏訕而
同考官不書名大不敬又摘廣東錄語多不經
命逮繫典試江汝璧歐陽衢廣東巡按余光俱
詔獄貢士不得應試南宮十月以鳳陽諸府灾
蠲其稅糧賑之十二月以陵工稽緩革工部尚
書甘為霖職下郎中錦衣獄

十七年正月 上祈穀於太祀廟二月 上如
天壽山祀陵三月巡按福建御史李文陽進甘

露九菟薦宗廟詔威寧侯仇鸞佩征西將軍印
充總兵官征安南以兵部尚書毛伯溫贊其軍
四月景星見請賀許之大旱 上躬禱兩御製
祝文藝之不應復於宮中默禱大雨沾足群臣
表賀六月通州同知豐坊請建明堂加尊皇考
獻皇帝廟號稱宗以配上帝 上嘉納之戶部
侍郎唐胄疏諫黜為民八月吉囊犯河西劉天
和率所部禦却之陞和兵部尚書總制如故九

石圖書
月諭禮部曰 皇祖肇造區宇 太宗中定艱
難宜同稱祖號獻皇帝躬備大德延及朕身宜
薦宗稱於是尊 文皇帝為成祖皇考獻皇帝
為睿宗配上帝詔示天下辛巳奉睿宗神主祔
太廟 上詣山陵行秋祀禮十二月癸亥章聖
皇太后崩壬子駕發京師詣山陵大峪山躬往
襄事

十八年正月勅諭禮部曰朕以皇考顯陵建造
狹隘欲躬詣與大臣周閱卜造重建玄宮擇二
月十五啓行冊立元子為皇太子第二子為裕
王第三子為景王以方士陶典真為神霄保國
宣教高士典真即仲文師事致一真人邵元節
時元節病不能從乃薦典真命吏禮二部給與
誥印仍許携其家於官尚書許讚等各疏請止
南幸不允命皇太子監國乙卯駕發京師三月
丁卯夜半行宮火延及御寢 上遑遽莫知所

避錦衣陸炳排闥入負 上出焰中闈婢有焚
死者越三日乃行次亢村行殿復火 上大怒
乃逮繫撫按三司官下詔獄遣駙馬鄔景和往
祭漢世祖諸葛亮羊祜及武當山神庚寅駕抵
承天府駐舊邸御雲宮謁皇考於隆慶殿辛巳
駕幸純德山降輦稽首騎登山陵立表於寢陵
之北甲申享上帝於龍飛殿奉皇考配頒詔天
下壬辰駕發承天念所經供億良苦復承天府
田租三年湖廣河南有差壬子駕還京師五月
幸大峪山閱工奉章聖皇太后梓宮謁承天合
塋顯陵諭禮部曰南巡因謁陵寢及視大峪已
畢然峪地空淒豈如純山完美決奉慈駕南祔
建聖諭於承天府榜其城樓曰顯親達孝之城
六月雷震奉天殿左吻命修省命東宮啓本如
永樂初例八月頒御製大狩龍飛錄於文武群
臣及各王府二聖梓宮合塋顯陵九月 上諭

輔臣曰朕欲命東宮攝國靜攝一二年即可親
政太僕卿楊最上疏直諫逮訊死獄中

十九年正月 上疾不朝壬寅拜天玄極殿乃

朝二月建宮祈醮三日三月乙未黃霧四塞隨

變紅赤色暴風壞文德長安二坊西長安中門

椽木之鎖皆斷 上曰風霾之變天三愛我矣

占曰兵喪失今西北邊最急兵部集議所以備

之四月不雨庚寅 上宮祈癸巳兩大學士言

賀五月建雷殿工部尚書溫仁和言內外大工

宮則慈寧慈慶景陽仁壽諸陵離宮沙河離宮

及方中壽宮殿則奉先三殿謹身欽安宇則皇

穹壇則崇穹厨庫則神厨神庫樓則麗譙陵則

六陵碑則六聖景帝墳則頴薊戚均諸王端德

諸妃嬪二三歲間其費白金六百三十四萬七

千八百有奇承天所請又百七十餘萬各衙門

修建復日催督帑藏已竭臣部萬不能支乞聖

明裁度命暫罷其可已者八月萬壽節建三晝
夜醮告天玄極殿郭勛以方士段朝用見曰能
化物為金銀因以所銀器進上大悅曰仙術
出世殆天授也因授朝用紫府宣忠高士薦其
器於太廟加勛祿米百石九月賜故忤逆瑾者
工科給事中許天錫祭壘十一月鹵入延綏總
督尚書劉天和檄總兵周尚文大破之殺其王
子忻古四百餘級上悅論功有差十二月春
坊贊善羅洪先司諫唐順之司經局正字趙正
春請以來歲元旦見皇太子於羣臣上不悅
曰儲貳臨朝必君父其不起矣狂躁不道其姑
黜為民

二十年二月詔修承天府志三月楊爵上書極
言上罷朝廢講聽信方士煩興土木任用夏
言郭勛而拒直諫之臣上怒甚下鎮撫獄命
長繫之四月安南莫登庸面縛軍門納款請罪

命降安南國為安南都統使司以莫登庸為安南都統使給銀印取毛伯温回京宗廟災成仁二主燬恭奉成仁二主於景神殿五月戶部主事周天佐請宥楊爵杖繫之竟死六月俺荅乞貢不許遂入寇邊官降黜有差七月以宗廟災罷萬壽賀八月起翟鵬為兵部尚書總督北邊軍務昭聖皇太后崩令夏言致仕逮郭勛於獄論死十月復夏言原職入閣視事巡按陝西御史浦鉉請宥楊爵命械繫來京訊之十二月南科王燦論總督遼薊胡守中乾沒帑金擅伐塞上古松數萬株鹵騎長驅遂無扞蔽復索富商宿將金錢詔逮至會訊論斬

二十一年正月給事胡賓請出通倉粳米百萬減價發糶以賑近畿飢歉從之五月論平安南功加巡撫蔡經兵部尚書七月革大學士夏言職閑住因責臺諫不糾言者七十三人奪級外

補嚴嵩入武英殿預機務南北科道沈良材王
燦陳詔等各劾嵩狡獪貪婪其子世蕃招權納
賄疏入不報九月工部員外郎劉魁言頃營泰
亨殿大高玄殿工作頻繁財力告絀請紓民
上怒杖繫之郭勛庾死十月宮婢謀弒上寢
榻方皇后走救乃免遂命不分首從悉出磔收
誅及曹妃自是上移御故成祖宮西苑不
復居大內十一月告宮變於中外郊遣代自是
以為常

二十二年二月方士段朝用下獄論死大治鹵
入大同罪總兵王陞白爵張達李秦皆論死賜
正德中罵寘鐫死者姜漢祠三月安南都統使
莫福海等謝恩修貢六月科臣周怡劾翟鑾嚴
嵩憑藉寵靈恃恩修怨奏上杖闕廷下獄長繫
之七月久旱上躬禱雩壇是日大雨文武疏
賀御製感雨詩上曰朕非賴天地洪恩曷除

宮變烏有今茲朕辰且至醮朝天宮七日醮之日白鶴四十餘翔空中群臣賀十月鹵入延綏游擊張鵬總兵吳英副總兵蔣存禮叅將周文等戰勝之

二十三年八月日本貢使釋壽光等至詔以違例却之內苑嘉禾生一莖雙穗者六十有四穹壇靈黍五出者一禮部請賀上曰毋虛敬直不可訕君毀道大學士翟鑾二子汝儉汝孝同

舉進士給事中文等論劾主司江汝璧秦鳴夏阿比舉座主彭鳳歐陽暎私授關節上勒鑾父子皆為民逮汝璧等杖罷之十月大同順聖川卒劉伏玘擒獲叛首王三以獻命磔之告郊廟社稷十一月詔秉一真人禮部尚書陶仲文職掌玄教保護邦民其加秩少師以示酬獎十二月湖貴苗久叛巡撫萬鏜遣人誘苗帥龍來以一千戶為質龍至遂殺之彼亦殺千戶鏜遂

石圖書
奏苗平班師功賞遷叙有差禮部請上朝正
受賀上曰要名耳欲圖報者竭誠職務今天
下安

二十四年正月嚴中外奢靡之禁續纂大明會
典二月罷元世祖祀燬其主三月建祈年醮朝
天宮五日上曰風沙日作二麤失滋或曰上
召亦恐群下有失職者須存人心勿謂天數朕
將叩帝祈霖十日其止屠罷刑如例四月總督

兵部侍郎張漢陳將官贖罪條格請得斬不用
命者以勵諸將上怒下法司駁議請上
裁上曰上將生殺焉漢無君作威甚顯恣鎮
撫司加拷訊之謫漢鎮西戎七月太廟成御史
周冕言廟貌鼎新不宜遣官代祭下詔獄尋釋
之八月永和王知煥獻白鹿上壽遂告鹿瑞於
太廟是時上重冀仙冀下示命有司掩融豁出
故御史楊爵給事中周怡工部郎中劉魁詔獄

皆從之爵怡魁甫出三日吏部尚書熊浹以止
箕仙諫忤旨遂命逮繫爵怡魁如故鹵大入大
同叅將張鳳指揮劉欽千戶李瓚與報効生員
王邦直死之九月陶仲文請建延壽醮太和山
從之賜傳以行再召大學士夏言楚世子英曜
殺其父上曰命告皇祖夜斬之焚其屍十
月吏部尚書熊浹諫止箕仙令休致仍遣官校
監於邸次

二十五年正月御史周冕請東宮出閣講學
上曰是典禮出自上非如外事可建白冕輕妄
奏瀆其降邊方襍職再言者加罪之四月立賞
格招徠男女亡入鹵者兩應祈羣臣賀上悅
七月鹵入延安慶陽諸處總督侍郎曾銑遣叅
將李珍夜出塞劫其營敗之久兩賑京師飢
上曰鹿瑞龜祥洵呈去歲今朕辰日近醴泉復
出承華雖聖賢不恃以怠也而不可不敬謝其

自二十五日至八月望舉謝停封供事母慢八月加封陶仲文伯爵九月湖貴苗復叛柳州賊常金田等平賞兩廣撫鎮張岳陳圭等功十月鹵犯保安掠慶陽和川王府奉國將軍充灼謀勾鹵伏誅決重囚張延齡胡守中皆伏誅十二月總督都御史曾銑請復河套夏言主其議以請上壯而許之

二十六年五月總督侍郎曾銑逐套鹵勝之遂遠徙不敢近塞陞俸一級賜白金文綺七月以浙閩近倭改南贛都御史朱紉為浙江巡撫兼管海道勅紉嚴泛海通番勾連主藏之禁十一月宮中夜火詔速赦諫官楊爵等於獄皇后方氏崩曾銑陳邊務十八事詔獎之令本兵議行曾銑劾鸞十罪令逮繫訊治以王繼祖代之二十七年正月鹵入遼西大掠罷巡撫都御史胡宗明以李珣代之嚴嵩論曾銑開邊啓釁貽

石渠書 卷一
禍封疆夏言附會和同誤軍國大事命廷臣集
議吏部聞淵禮部費宋都御史屠僑等覆言輕
信曾銑致開邊釁命奪言師傳以餘官致仕逮
銑詣京即訊兵部奏俺答等與套鹵謀寇延寧
嵩曰此曾銑開邊召之也會勘以聞仇鸞因訐
銑尅取軍糧倖免重罪倡復套謀自解法司會
擬銑罪律無正條擬以交結近侍官員創具獄
報可斬於市妻子流三千里逮夏言至京上疏

自理為嵩所陷尚書喻茂堅以議貴議能請不
聽竟坐與銑交通律斬其妻蘇氏請以身代
上曰蘇氏亦流人安得代邪五月孝烈皇后葬
永陵六月大同女年十七化為男十月殺大學
士夏言於西市

二十八年二月鹵寇宣府指揮江瀚董場戰死
覆全軍遂東犯永寧關南大震大同總兵周尚
文等戰敗之尚文自頌功累疏請叙上銜焉

三月皇太子冠尋薨謚莊敬五月總兵周尚文
卒科臣沈束請封爵上怒束肆欺市美予廷
杖詔獄錮之十月以苑田穀瑞免刑囚十一月
巡撫河南胡纘宗按陽武知縣王聯以殺人事
坐絞子萊走京師於長至日假朝衣隨班奏纘
宗私隙故入人罪述其迎駕詩有穆王八駿飛
空電湘竹英皇淚不磨為呪咀上怒逮訊刑
部尚書劉訥等奏王聯以死囚誣妄纘宗詩詞
頌美無謗訛語嵩謂訥以同里故黨纘宗上
怒曰既頌美乃云湘竹英皇何邪纘宗廷杖與
訥俱削籍

二十九年四月湖苗平六月鹵犯大同總兵張
達悉所部迎戰馬蹙見殺副帥林椿往援亦死
之八月鹵大入寇自白河東渡潞水西北行大
掠民斃焚其廬火日夜燭天至東直門執御廐
內臣八人去見俺首踞坐毡帷謂曰若歸見天

子好為我致書及啓書多嫚語求入貢 上召
嵩本階入便殿示以鹵書授劄令各書所見群
臣顧莫敢發司業趙貞吉抗言此不必問恐後
生懦夫闇不解事鹵闖入內地許之貢何異城
下盟時已暮命馳騎召吉入對西苑貞吉大言
陛下宜御奉天門下罪已詔速獎故都督周尚
文并釋沈束獄以作人心并請士卒得一首予
百金損十萬金鹵且立畫乃即擢貞吉兼御史

齋金五萬往募首功以仇鸞為平鹵將軍總督
諸鎮援兵分道禦鹵以楊守謙為兵部侍郎兼
都御史副之命僉都御史商大節領所募伎勇
異等別為一軍 城內外時諸鎮援兵雖盡至
皆遠屯藉口逐鹵鸞軍之徒游移張兵勢守謙
兵少不敢擊徒堅壁城下鹵大焚西北隅火明
西內西北隅多內臣園舍皆環 上泣將帥不
力文臣制之故鹵得如此民逃鹵求入者門閉

率號哭城下 上亦聞其聲益趣戰守謙等猶以兵部尚書丁汝夔未檄調為解 上震怒曰獨不畏朕癸未御奉天殿乃命執汝夔下獄復遣官自軍前逮楊守謙即訊刑部彭黯會訊汝夔守謙罪斬爰書稍緩 上怒黯等比周亦逮獄廷杖奪俸丁亥丁汝夔楊守謙棄西市傳首九邊司業趙貞吉廷議狂誕齋募金不得首功杖九十謫荔浦典史己丑鹵將金帛人畜北去

欲西奪白羊口出塞仇鸞率諸鎮兵尾之阨險不得出乃稍棄餘物從東南行至昌平猝與鸞遇縱騎蹂躪鸞軍創幾獲焉得裨將力援免鹵循古北口故道出塞鸞先後得二百級自劾無功詔進太保賞賚甚厚九月刑部郎中徐學詩言賊至門庭 陛下有諭令人盡言所以破逆擒鹵者切見嚴嵩奸貪特甚嵩子世蕃竊權擅政臣謂正本清源無如亟罷嵩父子 皇上

石 卷
攬權穆清之上六卿分職則天下自安 上曰
廝學詩乘上言以報私忿下鎮撫拷訊之
三十年正月錦衣衛經歷沈鍊劾嚴嵩父子十
大罪 上曰廝鍊罔上沽名錦衣衛其捕杖之
尋發口外為民三月俺荅去冬求貢朝議不許
仇鸞密遣家丁時義結俺荅義子脫々使貢馬
互市俺酋利貨幣譯書送總督蘇佑以聞兵部
尚書趙錦與嵩贊成其事 上乃起史道往大

同理互市兵部員外楊繼盛諫開馬市 上謂
阻撓邊務令錦衣衛訊杖貶狄道典史四月開
馬市於大同鎮羌堡俺荅與子脫々共易馬二
千七百餘匹六月都御史商大節奏京城防守
官軍為仇鸞分調住劄包藏禍心宜稍裁抑鸞
上疏力排之詔杖訊以失事軍機律擬斬斃於
獄十月侍郎何棟擒獲朵顏叛逆哈舟兒陳通
事訊鞠禮部請告謝靈壇郊廟行獻俘禮十一

石 仁宗神主升祔孝烈皇后主太廟第九
室史道主互市鹵以羸馬索厚值弗予輒大譁
大同市則寇宣府宣府市則寇大同甚者朝市
暮寇并掠羸馬而去

三十一年二月詔修太和山玄帝宮罷大同馬
市仇鸞慮譴請選宣大精銳兵萬人發帑金二
十六萬為戰資 上不許諭嵩曰金民血也鸞
去歲調兵不一戰軍興數百萬即戰當何如其

弟令戰三月裕王景王行冠禮把都兒辛愛原
入犯遼東總兵姚天謨守備王相力戰死之四
月倭寇浙東倭率萬人自浙江舟山象山等處
登岬攻破黃岩縣流劫餘姚山陰等處殺掠居
民無計事聞命王忬提督軍務巡視浙江七月
鹵寇薊州甚急仇鸞病疽請輿疾出本兵趙錦
奏強鹵壓境人心洶々大將病不能起臣請躬
出視師代鸞督戰 上謂本兵不當輒出命侍

即蔣應奎掌戎政游擊陳時代之鸞聞命恚極
死徐階因密疏鸞通鹵誤國上大驚命陸炳
會三法司擬罪奏鸞謀反律當追戮詔剖棺斬
首梟示九邊妻子家丁皆斬沒其貲八月建景
王府於湖廣德安府十月御史王宗茂劾嵩負
國大罪併選郎萬家附權納賄謫縣丞以本兵
趙錦阿附仇鸞謫戍邊起翁萬達為兵部尚書
十一月上思楊繼盛馬市疏皆駭乃自典史
遷知縣俄遷南戶部主事三日遷刑部員外尋
改武選司御史喻時疏忝嚴嵩不報
三十二年正月兵部員外楊繼盛疏嚴嵩額政
誤國五奸十大罪疏中有 上如不信則請召
二王問之上曰斯繼盛本心探測朕意故引
二王好無上也錦衣其杖之百四杖一更人已
下刑部尚書何鳌當詐傳親王令 律絞海賊
汪直糾漳廣群盜大舉入寇自台寧嘉湖至蘇

松迄淮北濱海數千里同時告警鹵寇宣府大同總兵劉海郭都死之武選郎中周冕劾嚴世蕃奸狀削籍詔京師城外城四月倭犯太倉州攻城不克分掠有失舟倭四千人突至平湖海寧等境官兵禦之皆敗殺把總指揮千百戶縣丞諸官奪舟而去倭犯松陽知縣羅拱辰禦却之倭浮海俞大猷以舟師邀擊斬獲亡筭鹵犯遼東總兵岳懋等擊敗之五月倭攻上海縣知縣喻顛科逃匿指揮武尚文縣丞宗鰲死之七月俺荅把都兒等大舉入寇攻挿箭等路閩南大震固原寧夏游擊陳鳳朱玉夾擊之遂馳去陳璋敗倭寇斬首千餘級餘浮海東遁九月上以四方飢民未聚京師出太倉米數萬石平價糶復思民有身無一錢者仍坐斃道路令以六分出糶四分賑飢民九月鹵犯山西巡撫趙時春禦之敗績總兵李洙與其子松死之

三十二年二月倭犯松江殺縣丞劉東陽四月
倭犯嘉興都指揮周應禎指揮李元律等死之
倭薄通州揚州千戶洪岱以兵援之戰歿倭夜
襲崇明知縣唐一岑死之倭薄蘇州城大掠七
月以王忬為右都御史巡撫大同八月總兵俞
大猷敗倭於吳淞都指揮任錦敗倭於長礁十
月鹵攻薊鎮邊牆警報至遣廠校往察其狀
見楊博環甲登陣宿止古北口垣上衆將士守
禦甚力上大喜發萬金犒守牆將士總督楊
博總兵周益昌各賜衣一襲倭寇分掠嘉湖十
二月禱雪不應禮部請再祈上曰朕欽玄膺
祐今夏秋雨水雖多已苑田嘉禾特出五穀之
精乃寶也茲不敢邀速効於神其無舉祈報典
焉

三十四年正月命宋儒朱熹裔孫源襲五經博
士倭犯乍浦陷崇德復攻德清殺把總指揮梁

鷓等六人二月工部侍郎趙文華奉命祭告海
神并視師江南三月任環督舟師與倭戰於南
沙野茅洪敗之四月鹵寇宣府青邊口堡叅將
李光啓等禦之兵潰被執罵賊死之并殺指揮
黃添祥等八人五月倭寇四千餘人自柘林犯
嘉興總督張經分遣叅將盧鏜等水陸攻之保
靖宣慰使彭蓋臣與倭遇於石塘灣大敗之倭
走平望俞大猷及永順宣慰使彭翼南邀擊之
倭奔王江涇永順兵出泖湖攻其前鏜及保靖
兵躡其後共擒斬一千八百餘人溺死者亡筭
餘寇奔歸柘林遣官校逮張經及叅將湯克寬
以失機論死經上疏自辨不報倭寇常熟知縣
王鈇禦之鄉官錢泮率民兵追寇於上滄港為
倭掩擊俱死之六月倭據江陰蔡涇閘知縣錢
鏞率狼兵禦之死於賊任環大猷敗倭於鶯豆
湖俘斬百餘副使王崇古敗倭於靖江七月倭

突入歙縣流劫績谿等縣蕪湖縣丞為賊所殺
犯江寧鎮指揮朱襄戰死倭犯南京八月都御
史曹邦輔圍倭於泚墅關倭殊死鬪殺指揮張
大綱時僉事董邦政把總姜宇督沙兵守陶宅
邦輔檄使助戰倭敗奔吳舍盡殲之文華自將
四千入邀擊殘孽約邦輔會勦同力進兵倭盡
銳衝文華師大潰文華慙憤乃疏邦輔邦政避
難趨易乞加重究詔下邦政於總督逮問胡宗

憲誘汪直投降掩襲殺之十一月讞京城大辟
囚詔決九人張經李天寵以失機律斬嚴嵩攬
入兵部員外楊繼盛名并決天下寃之游擊曹
克新統川兵邀擊倭於周浦總兵俞大猷又追
倭於老鶴嘴奔新塲十二月山西河南陝西同
時地震如雷或地裂泉湧或城郭房屋陷入地
或平地突成山阜壓死官民八十三萬有奇南
兵部尚書韓邦奇光祿卿馬理祭酒王維禎同

日震死

三十五年正月趙文華祀海還吏部尚書李默以盛氣折之文華遂劾默部試選人策題以漢武征伐西裔而海內虛耗唐憲功成淮蔡而晚業不終語意謗訕上怒下獄刑部尚書何鰲擬子罵父律絞死於獄三月顯陵工殿成四月倭寇温州同知黃釗死之倭寇萬餘趨浙江皂林游擊宗禮帥兵九百人禦之於三里橋斬首三百餘賊首徐海等駭懼稱為神兵會橋陷軍潰禮等俱死之復遣趙文華視師江南五月倭圍延按阮鶚於桐鄉胡宗憲使間賂賊首徐海其黨陳東麻葉漸與海貳引去海遂計擒東葉百餘人以獻其部衆遁者我兵追破其舟斬溺殆盡六月倭寇破慈谿城省祭官杜槐及父文明率兵追敗於王家團一日戰十三合殺寇三十餘人以兵少父子戰歿七月命孔子六十五

代孫尚賢襲封衍聖公九月胡宗憲以計誘徐海居沈庄且與議和而文華力主勅督兵甚嚴以書遺宗憲責其逗兵自老遂集諸路兵圍之數重縱焚其廬死者甚衆後從溺屍中識徐海屍浙郡遂寧十一月獻倭俘加文華少保宗憲右都御史各廕一子錦衣千戶鹵寇遼東塞總兵殷尚質游擊嚴懋官死之奪總督王忬俸延按蘇志臯落職賜嚴嵩免朝仍腰輿入直

三十六年二月鹵入大同殺守備唐天祿殘毀村堡三十二所三月鹵犯延綏四月雷雨大作火光驟起奉天華蓋謹身三殿午門及左右廊盡燬六月止陝西採礦工部尚書趙文華以三殿功屬工部屢疏乞歸時上方修玄禁奏疏而言疾尤諱文華以病請觸上怒罷之俺荅子辛爰妾與收令哥通逃入關楊順納之以聞辛爰索之甚急給歸叛人丘富相易於是遣還

辛爰召諸婦環視磔之而富卒不歸科臣吳時
來劾順納亡啓爨反受其欺巡撫洛楷受賄隱
匿本兵許論比周為奸命逮順楷詔獄與許論
俱削籍叙宗憲擒汪直功加太子太保八月萬
壽節浙江都御史胡宗憲進鮮芝七十本福建
都御史阮鶚進一百四十本江西都御史馬森
進一十六本以賀十二月廣東扶黎葵海諸山
峒賊馮天恩李汝瑞等平山西平遙賊田武平
以水災免遼東諸衛所稅糧預領太倉銀五萬
優卹之

三十七年正月光祿寺火三月倭寇福建命浙
江巡撫阮鶚往勦之尋削籍科臣吳時來上疏
劾嵩父子惡跡上怒逮繫之獄具擬辟鄭曉
不可降旨廷杖謫戍嶺南四月漳倭大至犯浙
福沿海郡邑陷福清執知縣葉宗文劫庫獄攻
惠安殺知縣林咸五月大同圍解時楊博督大

兵趣援鹵聞遁去留博視鎮事胡宗憲獻白鹿
大旱上齋祀高玄大雨沾足群臣表賀蒲州
潮州地震六月浙西倭分掠樂等縣閏七月楊
博以大同右衛築土堡墩臺接連左衛濬濠二
道各長十八里胡宗憲再獻白鹿於齊雲山
上曰一歲二瑞天眷非常命告謝玄極殿太廟
以宗憲忠敬陞一級百官表賀九月禮部類進
四方獻芝凡千八百六十有四詔更廣求徑尺

以上者命唐順之視師浙江與胡宗憲協謀勦
賊

三十八年正月前軍都督府火二月巡按方輅
劾巡撫都御史王忬失策逮獄論死四月倭寇
攻破福安縣往來沿海諸郡邑而廣東流倭在
詔安漳浦者尤夥福建人大譟謂胡宗憲嫁禍
於閩宗憲論劾總兵俞大猷不感倭柯梅坐令
得奔毒兩省詔逮大猷京師治之南直廟灣倭

石匱書 卷五十五
合衆來攻淮安巡撫李遂督叅將曹克新戰敗之溺死甚衆山西卒亂都指揮鄭印討平之五月召總督楊博回兵部管事八月征倭總督胡宗憲與都御史李遂命劉顯率官軍殲江北倭於劉家庄奏捷總兵劉漢破鹵於豐州十一月詔以朱熹原籍婺源縣子孫朱暨世襲五經博士十二月贈故蘇松兵備任環為光祿卿祠蘇州廕其子

三十九年正月嚴嵩令都御史鄔懋卿總理天下鹽政騷動海內二月原任中允郭希顏上安儲疏內有言建帝立儲 上曰立子為儲帝誰可建者命各科集議禮科藍壁等擬妖言律就江西決之傳首天下胡宗憲獻上汪直獄命梟示之浙江兵部議擒直賞 上曰玄祐也不奏謝人心歎命告玄極殿而論宗憲功有差南京軍亂殺督儲侍郎黃懋官事聞命擒治為首者

石圖書 卷七
斬之三月寧夏地震嘉興湖州地震屋廬皆倒
進胡宗憲尚書督師勅寇巡撫亦聽節制總兵
繇掖門晉謁行屬禮八月御史鄭存仁劾鄭曉
褫職胡宗憲獻芝草五白龜二 上悅賜金幣
金彩鶴衣一龍禮部請謝玄告廟許之不數日
白龜亡 上曰天降靈物朕固疑其塵寰不久
十一月術士陶仲文死

四十年二月京師旱 上禱玄壇得雨分遣御
史王大任姜儆往天下訪仙術異人及秘方符
篆四月萬壽宮災乃 上齋所隨命築之鹵犯
延綏六月詔賞歸附裔人衣幣有差八月南御
史林潤劾鄔懋卿五罪懋卿疏辯令供職如故
御田產嘉穀異穎同本者四十有九田官以進
告太廟百官表賀十月令南畿人不得典南試
禮部奏四方進芝凡七百六十九本命加意採
五色盈尺者淮王獻白雁二賜金幣 上曰天

降祥羽其廟告

四十一年三月詔罷親耕親蠶五月御史鄒應龍劾嚴嵩子世蕃孫嚴鵠嚴鴻家奴嚴年羅龍文等大逆不道詔嵩致仕世蕃即訊坐烟瘴充軍鵠鴻龍文等戍邊年錮於獄應龍超遷通政叅議六月鄔懋卿巡行淳安慈谿知縣海瑞霍與瑕以貧邑供帳疏簡懋卿嗾巡鹽御史袁淳劾之並落職九月三殿工成景王薨十月刑科

陸鳳儀劾胡宗憲十罪命繫京即訊削籍十一月顯陵守備內侍張方等言冬至日甘露降顯陵松楸上以冬至奉安獻皇帝后神几於宮而甘露應期降大悅禮部請令百官稱賀許之十二月倭寇興化府逮宗憲至上曰罪宗憲後來誰與我任事其釋令閑住

四十二年三月詔修鳳陽祖陵四月重修興都志副總兵戚繼光督浙兵至福建與總兵劉顯

俞大猷大破倭賊於平海衛倭寇悉平九月詔
罷江南加派兵餉銀兩嚴嵩上疏言臣年八袞
願 皇上哀臣無告放歸子世蕃孫鵠以終餘
年不許鹵寇遼東總兵楊照追擊遇伏戰死遂
寇京東勅諸大臣分兵守重城諸門趣諸鎮兵
入援十二月無雪 上親禱得之群臣表賀
四十三年正月命發戶部銀三萬兩敕劉籌給
犒邊軍徐階曰春防既賞秋防將引以為例賞

則不以為息不賞則適以生怨不若足其糧餉
而賞則以待有功詔是之閏二月廢伊王典楨
為庶人國除三月熱審法司宥死罪矜疑者二
十一人戍邊四月大雩祈得雨表賀七月鹵大
入寇至張家灣將攻通州犯京師以張家灣河
水凍而還十月以高敗大計京官十一月御史
林潤劾嚴世蕃羅龍文逃戍而歸聚眾數千大
治私第乞正刑章以絕禍本詔逮治之又以科

石圖書 卷
臣言逮胡宗憲至京仰藥死林潤復劾鄔懋卿
命削籍

四十四年正月 上不豫二月 上疾有瘳三
月副總兵郭成等擊倭於海中沉其舟斬首百
餘級倭患絕嚴世蕃羅龍文逮至京刑部尚書
勘其交通倭鹵謀逆有狀命即斬世蕃羅龍文籍
其家餘遣配有差四月宮恠有黑氛木綿見披
欄藻井上 上惡之議內禪亦竟止五月陶仲

文黨胡大順撰萬壽全書一秩併鉛藥因道士
藍田玉通意於趙楹獻之 上問曰此云箕書
扶箕者何在田玉遂詐旨徵大順入 上悟曰
朕未嘗召安得輒來命錦衣衛訊之復命司禮
監鞠得詐傳狀皆論斬楹斃於獄九月山西巡
撫張檟言吳時來董傳策張紳王宗茂等首發
嵩奸流離瘴癘乞宥過錄用 上怒命錦衣繫
京訊鞠十月奉安睿宗獻皇帝慈孝獻皇后神

主於玉芝宮

四十五年正月賑畿內飢民諭徐階欲南幸承
天拜顛陵取藥服氣階奏止之二月主事海瑞
上疏極諫上大怒抵其疏於地已復取再讀
之歎息自悔疏竟留中踰月始下瑞詔獄三月
詔開新河新河為盛應致所開故道自南陽以
南東至夏村又東至留城凡一百四十一里悉
依應致所鑿河形開濬深廣漕運利之五月

上久御西內黑氛擾宮心疑之諭內臣慎火六
月山東妖人張朝用以白蓮教惑衆副使黃忠
捕誅之九月詔禁僧尼戒壇說法四方游僧並
聽所在有司遞回原藉十月上不豫上服
長生等藥性燥烈毒發難痊命出沈束於獄減
兩淮鹽課仍依舊額閏十月壬辰鹵犯延綏駐
內地六日攻柘窰窰略盡甲辰犯大同威遠等
處叅將崔世榮戰死十一月修顛陵寢殿成更

碑題曰大明睿宗獻皇帝陵十二月 上大漸
還乾清宮翌日崩徐階等啓請裕王入主喪事
以大行皇帝賓天告奉先殿報訃音宗室諸王
上尊號曰肅皇帝廟號世宗葬永陵

石匱書曰 世宗在位四十五年無一日敢忘
與獻帝后者其尊親未免踰分亦聖孝之過也
諸臣能於將順之中稍寓匡救則猶可及為也
楊廷和蔣冕輩毋乃過於激乎張璁以強詞奪

正理持偏矯枉反失其平遂不復可底止矣雖
然 世宗以藩邸入嗣大統不數日而議大禮
廷臣大老六十餘人以去就爭之而畧不為動
言官二百二十人伏闕號慟以生死爭之而亦
畧不為動雖則其孺慕真誠出繇天縱乃宸衷
獨斷百折不回非大有為之君能若此哉

石匱書卷第十二



穆宗本紀

莊帝 世宗第三子也母杜太后帝辟盤之日
首取龍旂畫鼓及五行志每取輒進 世宗世
宗竒之長而丰神秀朗舉止端莊見者謂有帝
王之度始封裕王與莊敬太子同日受冊中官
誤送太子冊寶於帝所而裕王冊寶乃在太子
宮是時莊敬已屬疾竟薨中外曰天所啟也



世宗而立太子皆薨其後春煠高益惡言立儲
事諸方士有言於世宗者曰二龍不相見於
是帝仍為王出居邸者十餘年絕不得召入中
外莫測屢有言者然而世宗意固自定世
宗末年海瑞上疏切直上私命錦衣母死之
世宗崩乃入踐太子位焉是為嘉靖四十五年
十二月壬子頒詔以明年為隆慶元年大赦天
下釋海瑞於獄元年正月冊陳氏為皇后李氏

為貴妃吏部奏請卹錄先朝建言得罪諸臣生
者宜遵詔錄用戮死者應復或贈蔭諭祭從之
詔下方士王金等獄論死嚴黨鄒懋卿成邊奪
故真人邵元節陶仲文誥命仆仲文墓碑燬大
內齋醮宮殿上孝慈皇后尊謚曰開聖皇太皇
后陞兵部主事海瑞為尚寶丞禮部尚書高儀
請冊立皇太子上諭皇子尚幼先賜名而後
冊立追贈故新建伯王守仁為侯謚文成周尚

文為太傅謚武襄二月贈刑部尚書鄭曉為太
子少保謚端簡奪尚書徐杲官及其子錦衣世
職尋謫戍三月封皇親杜繼宗李銘為伯馬芳
破鹵於宣大戰於威寧再戰於黑山斬首九百
餘級許群臣嫡母在得贈生母量釋高墻庶人
四月重錄永樂大典書成修世宗實錄六月
九卿科道連章劾閣臣高拱寺丞何以尚請尚
方劔斬拱頭拱因謝病求去許之七月賜楊繼

盛謚忠愍蔭一子應尾入監讀書原任山東副
使王世貞上書訟父忤寬詔復忤原貶傳諭聖
駕十二日幸藩邸高儀恐以巡幸開游逸端䟽
請停止科臣何起鳴王好問各䟽諫不從朝鮮
使者請留觀幸學許之八月科臣吳時來薦談
綸戚繼光宜督練邊兵從之上幸太學祭酒
司業坐講如儀御史耿定向請南畿鄉試監生
去四字編號是科監生中式不及額遮典試王

石邑書
希烈孫鋌道毆之詔刑部查名坐戍後復編號
如初 上欲詣天壽山行炷祭禮徐階諫止之
遣大學士陳以勤祭先師孔子九月御史龐尚
鵬劾內閣郭朴無相臣體乞致仕去大學士徐
階請罷提督團營內使從之十月鹵寇薊州殺
叅將吳昂黃台吉寇偏頭關 上怒命逮繫鎮
巡劉燾王之誥副叅田世威等訊治命閣部與
文武臣察商禦邊策以聞召戚繼光入京協理

戎政科臣陳瓚追論楊順侵盜邊儲及與路楷
構殺沈鍊謫戍未足盡辜鍊子襄亦為父訟寬
乃復逮順楷下獄訊楷論斬順死獄中科臣魏
時亮請祀薛瑄陳獻章王守仁於孔廟下部議
十一月 上親幸南郊行大祀禮封李肱為朝
鮮國王十二月鄭王厚烷以嘉靖中諫事立削
爵錮高墻至是復國加祿米是歲減免天下田
糧九百九萬八千六百九石有奇

二年正月亨太廟正一真人張永緒失職死詔
停正一真人封號奪其印止以裔孫張國祥為
上清觀提點講官趙貞吉遷南京禮部尚書時
貞吉年六十餘議論侃々上手詔諭輔臣調
吏部侍郎林燠代之而留貞吉講筵太監李芳
請裁損近年所加粳米四千五百石青鹽三萬
斤允之科臣后呈疏六事上怒命廷杖六十
黜為民二月上耕籍田大祀天地于南郊駕

詣天壽山謁諸陵三月冊立皇太子五月陝西
民李良雨變為婦人六月王時舉王之垣各疏
乞正位中宮以端治本上曰后多病移居別
宮病愈即還宮汝不知內庭事無多言七月徐
階上疏乞休許之十月內降取買真珠黃綠玉
等項戶部尚書劉體乾執持不行予閒位十一
月太監李芳屢以直言忤旨杖八十送刑部候
決尚書毛愷言刑人於市與衆共之非特使死

者不寬亦令生者不犯芳供事內廷罪狀未明
莫知所坐 上曰芳無禮第錮之十二月廢遼
王憲儼是歲免天下存留田糧二百三十四萬
九千三百有奇

三年正月總理練兵都督戚繼光條陳練兵事
宜兵部請取回總兵郭琥獨任繼光詔從之高
儀䟽請東宮出閣講學 上曰待十二齡來說
二月 上免喪猶不親政吳時來上保泰丸劄

不報摠督譚綸築薊州昌平墩臺四百七十二
座三月土星逆行犯太微垣上將星五月御史
詹仰庇言 陛下取戶部銀盡以供造鰲山修
理宮苑花欄龍鳳鞦韆架傳造監櫃玉盆諸費
使群小因而乾沒為聖德累不小 上怒命錦
衣衛杖百為民淮揚徐大水奏聞勸借買穀十
五萬石截漕三萬石以賑之六月以海瑞為右
僉都御史巡撫應天八月釋原任副總兵田世

威叅將劉寶於獄令立功自贖九月 上大閱
將士于京營教場十一月尚寶司丞鄭履淳上
疏勸 上用賢納諫廷杖一百下詔獄十二月
起大學士高拱入閣兼掌吏部

四年正月陳以勤乞骸骨歸許之二月大學士
趙貞吉兼掌都察院王俊民唐樞以議禮得罪
援登極詔復戒廕子高拱謂前閣臣階歸過先
帝以行己私是教天下以逆不可 上詔曰大

禮斷自皇考諫者本屬有罪今不加甄別盡行
卹錄何以仰慰在天自後有借例市恩歸過先
帝者重論不宥高拱復請兵部添設侍郎二員
諳練兵務或遇巡邊員缺即便差往於軍務有
濟 上褒嘉如議行四月刑科舒化以審鞫請
釋繫獄司丞鄭履淳內官李芳等詔釋履淳為
民芳等充南京淨軍五月承運庫太監崔敏請
年例金寶戶部執奏停止不允科臣李己陳五

德切諫 上怒杖一百繫獄黜五德為民俺答
孫把漢那吉與俺酋有却挾其妻闖入邊提督
王崇古留之俺酋歸鍾愛此孫願執叛人趙全
等請款因擁衆至邊崇古諭以存卹恩而要其
縛叛示信酋婦感且媿曰漢乃肯全吾孫吾且
嚙臂盟世服屬無貳奚有於叛人遂訂盟通貢
市馬于是俺答款塞縛叛人獻闕下誅之封俺
酋為順義王諸下皆解辯受封比屬國崇古以

款鹵功加少保兵部尚書世錦衣千戶飲至告
廟群臣遷賞如例御史張守約追論故錦衣都
督陸炳罪籍其家八月刑科給事中舒化等請
釋戶科給事李己內犯張思等分別情罪得旨
己釋為民思等繫獄如故

五年二月許天下朝覲官謁見皇太子於文華
左門五月敘廣西古田平寇功督撫李遷殷正
茂提兵官俞大猷各陞賞有差八月詔以故禮

部左侍郎薛瑄從祀孔子廟庭其神主序于先
儒呂祖謙之下十月命盜決徐邳上下河防者
如決河南山東河之罪貴州土舍安國亭來降
十二月女直窺遼東總兵李成梁等大破之
上御門宣捷受賀

六年正月皇太子行冠禮閏二月 上出御皇
極門疾作還宮 上疾有瘳三月皇太子出閣
講書四月浙江黑青見五月南直隸龍目井化

為酒 上不豫二十五日召閣臣高拱張居正
高儀至乾清宮受顧命 上倚坐御榻后及皇
貴妃咸侍東宮立于左拱等跪于御榻下命宣
顧命曰朕嗣祖宗大統六年偶得此疾遽不能
起有負 先皇付託東宮幼小朕今付之卿等
宜協心輔佐遵守祖訓保固皇圖拱哭奏曰臣
受 皇上厚恩誓以身報東宮雖幼祖宗法度
具在臣務竭忠輔佐不敢愛死且奏且哭大慟

不止兩宮亦失聲二內臣扶拱起遂長號以出
異日 上崩是夕中官馳至內閣議垂簾事閣
臣高儀正色言曰我祖宗以來無此制中官沮
塞而入六月上尊號曰莊皇帝廟號曰穆宗九
月葬昭陵

石匱書曰以 肅皇帝之英斷在位四十五年
綜核寓內蓋亦百廢具舉矣在後人祇應守成
不變納天下於休和焉故 穆宗垂拱六年無


所事、如漢之惠文無以異也諸臣受釐宣室
止言溫樹可臻治平矣使於此際尚事更張思
變成法曹參有言陛下自察聖武孰與高帝觀
臣能孰與蕭何賢邪

石匱書卷第十三

神宗本紀

神宗顯皇帝 穆宗長子也母李太后隆慶二
年三月冊立皇太子太子甫六歲敏睿不凡一
日遇閣臣於御道曰先生良苦翊贊輔臣頓首
謝曰願殿下勤學答曰方讀三字經應答暇豫
虞音清朗輔臣悚悅

六年六月 穆宗宴駕太子即皇帝位詔以明



年為萬曆元年大赦天下時閣臣高拱當國有
內使傳旨拱叱曰旨出何人 上冲年皆若曹
所為吾遂若曹必盡始已乃命御史程文駱遵
等劾馮保等欲盡出之保按其奏俟張居正視
陵歸遂召成國公內閣六部至會極門宣旨責
拱專擅無人臣禮勒令致仕拱伏地不能起居
正掖之出翌日踉蹌僦騾車出都上兩宮尊號
陳太后曰仁聖皇太后李太后曰慈聖皇太后

上御平臺召張居正至座前曰先生為 父皇
陵寢勞苦又曰 父皇簡先生輔朕既受顧命
當悉心匡扶居正頓首泣謝曰今國家要務惟
在遵守舊制不必紛更至於講學親賢愛民節
用又君道所先乞聖明留意 上曰善賜銀幣
出 上少年英察 穆宗恭妃遣內使以金壺
遺其家為門者所訶 上答內使三十以百金
遺妃曰妃家貧以此給賜 先帝賜器不可出

也張居正請上御日講三日一視朝勿以寒暑小故罷廢兼請酌定朝講日期詔曰朕方在諒陰哀慕深切日臨朝政心實未安今後除大禮大節并朔望升殿及遇有大事不時召大臣諮問外其常期每月定以三六九日御門聽政餘日俱免朝參十二月張居正進帝鑑圖說上嘉納之

元年癸酉正月御史李頤請祀布衣胡居仁於

孔廟兩廡二月嶺東惠州盜藍一清據洋烏潭馬公等寨為寇巡撫御史殷正茂討平之九月輔臣講宋仁宗不喜珠飾上曰國寶惟賢珠玉何益因述中宮好裝飾朕每事抑之居正頓首稱善上又言秦始皇銷兵木槌何嘗不殺人居正曰一二戍卒便能止天下所以可畏惟民上曰然居正柄政上罷遇隆渥日侍講筵諸官出就直廬召居正入於文華殿後張小幄

造膝密語正字官皆走避言已方入一日在直
廬感病 上親調椒湯賜之隆冬進講以片氈
鋪地使居正立時溫足十日有客星經天御史
胡濬上疏請放宮人內有唐高不道則天虐之
語觸慈聖怒削籍為給事中李己論救并黜之
翰林院脩撰張元忭論救且請太后於宮中講
列女傳不報

二年甲戌正月蒙古三貢禮成加王崇古太保

西南裔都蠻據古瀘戎地出沒為寇總督曾省
吾討平之六月翰林院產白燕內閣生嘉蓮閣
臣等進獻聖母中宮馮保謂輔臣曰 主上冲
年不可以異物啟其好 上遂以白燕送出
穆宗實錄成十月命明年元夕罷烟火鰲山十
二月輔臣張居正率吏部尚書張瀚兵部尚書
譚綸進御屏、中畫天下疆域上粘文武百職
姓名 上命設于文華殿後省覽

三年乙亥正月武清伯李偉請價造坟工部尚書郭賓議折銀二萬兩上嫌其薄張居正曰孝在無違當節之以禮貴戚之家不患不富患不知節越分之息非所以厚之也上從之十一月御史傳應禎上疏引不足之說以譴居正四年丙子正月六日上御文華殿謂居正曰應禎以三不足之說誣朕予廷杖先生何不肯居正對曰應禎狂悖妄言死有餘辜但朝廷待

言官當存軀上曰先生不要避怨居正曰臣受皇上厚恩捐糜難報何敢避怨上曰科道官何以申救居正曰此皆故套上曰疏中言應禎有八十老父即取登科錄視之有母無父何謂不欺居正又申解一二語上乃霽顏御史劉臺劾奏居正專擅威福引用張四維張翰為植黨居正甚怒見上辭政伏地不肯起上為下御座手掖之詔下臺獄廷杖遠戍居正

疏解免杖奪職還里二月遼東總兵戚繼光脩
三屯營城五月重脩大明會典七月夏麥不登
又多水旱上賜民田租詔責有司加意牧養十
月山東巡撫都御史奏昌邑令居官貪鄙竊取
帑金上曰此人乃進士何無耻如此居正曰
惟恃進士故敢放肆皇上惟當攷其功能不
必拘以資格若不要錢者雖異途下僚亦當顯
擢如貪賊壞法即高第貴遊亦當重處上曰

善

五年丁丑復龍帟山提點張國祥真人名號給
還金印五月詔脩慈慶慈寧兩宮張居正言兩
宮規制甚備又極壯麗足以娛聖母萬壽不宜
更改上入告聖母得罷從六月嶺南巡撫都
御史凌雲翼部署官兵號二十萬征羅旁克木
齋山破其岩峒拓地數百餘里請置郡縣八月
世宗寔錄成上奉聖母懿旨今歲大喜暫免

行刑居正執奏不可 上曰聖母奉佛故不忍
耳后正奏曰佛氏所稱地獄刀山劍樹剉燒春
磨其慘更甚于行刑 上大寔諭止勿停九月
張居正喪父 上手諭宣慰遣官賜賻又命司
禮監差官同居正子嗣脩馳驛營塋事完日迎
母侍養居正屢疏守制不允乃乞暫遵諭旨辭
俸在官守制從之十月朔彗星見斗牛間其尾
指婺女長數十丈大內火編脩吳中行檢討趙

用賢刑部員外艾穆主事沈思孝合嗣上疏言
張居正忌親貪位居正大怒四人同日受杖刑
部觀政進士鄒元標至午門親視四人杖畢持
疏復上次日杖八十謫戍貴州都勻衛

六年戊寅正月禮官請舉大婚詔首輔張居正
充納采問名使戶科給事中李洙疏言張居正
凶服不宜預吉事請改命不允上行冠禮三月
大婚禮成上兩宮徽號仁聖皇太后加懿安慈

聖皇太后加昭文張居正請假歸葬允之總兵
李成梁報遼東大捷六月張居正奉旨還朝
上遣中使郊迎居正入朝凡見文華殿西室
上問沿途所見稼穡民情與邊疆守戍諸事款
語良久乃予休沐十日十二月宗藩要例書成
頒示宗室諸王府

七年乙卯正月毀天下書院二月河工成四月
詔停鑄大錢五月工科都給事中王道成等奏
言蘇松大水請酌減織造段疋上諭減半七
月張居正查萬曆七年以前帶徵錢糧悉行赦
免上允行之

八年庚辰三月上躬耕籍田設專官纂脩會
典九月彗星見西方犯天市垣太白晝見又有
客星赤如火見東方二十七日未時星月皆見
上露禱宮中加意脩省先是傳旨選女子二百
人充六宮以天變罷之宦者李貴米鳳侍慈聖

石 卷
太后 上恚之一日乘酒呼貴鳳以佩刀擊之
幾斃太后怒甚 上請罪以居正言亦出其近
侍孫海客用革五人以謝十一月詔度民田張
居正請申勅強宗勢要無敢阻撓以故莊田屯
田民田職田養廉田蕩地牧地皆就彊理無有
隱匿十二月張居正纂累朝寶訓四十四款進
呈 上嘉納之

九年辛巳正月朔日烈風竟日無光首輔張居
正請令翰林院官分番入直應和文章或令侍
上請讌質問經義陳說治理如唐宋故事四月
文華殿右宣勤門限下石砌有天下太平四字
甚明顯中官以為天瑞聞于 上駕出視顧左
右曰試鏟之如真入石數寸石工鏟之未及分
而字滅 上御經筵出南京給事中傅作舟告
荒疏問曰淮鳳頻年告灾何也居正對曰此地
方多荒少熟即如訓錄中所載元末之亂亦起

石匱書 卷
於此今當破格賑之得允 上大閱張居正請
存問原任少師除階以彰優禮者碩舊典九月
諭停刑十一月張居正十二載考績加上柱國
太傅支伯爵祿居正疏辭上柱國止加太傅閣
臣之領三公始此

十年壬午正月順義王俺答死 上嘉其款貢
年久恭順不渝特賜祭賻四月佳胤定淝江兵
亂民亂進右都御史兼兵部左侍郎五月 上

以端陽節命為龍舟戲既治具彗星見西北
上曰天教也其亟己六月朔日食三日彗出五
車口柱星以南首輔張居正卒于京贈上柱國
謚文忠遣官諭祭護其喪歸八月皇第一子生
詔赦天下是年王杲既誅其子阿台叛勾連蒙
百數掠孤山鐵領李成梁勦兵出塞大破之
十一年癸未三月上西宮徽號仁聖上加康靖
慈聖。上加明肅六月浙江巡撫都御史張佳

亂奏請減織造以寬民力從之八月上躬祀
山陵十月慈寧宮火御史李植叅馮保十二罪
上執保於禁中御史江東之亦疏論保罪狀因
謫保奉御居南京籍其家十一月都御史李松
與李成梁計服海西

十二年甲申四月御史羊可立追論故輔張居
正罪惡詔奪居正官及謚籍其家刑部主事董
基諫內操謫邊方八月定從祀學宮真儒王守

仁陳獻章胡居仁九月順義王黃台吉死子杜
力克襲

十三年乙酉四月御史鄧諫請停止燒造磁器
從之時四方旱暵上步行祈禱詔免天下災
傷地方田租一年六月慈寧宮成命擇中秋吉
日奉迎聖母還御新宮七月封杜力克為順義
王哈屯比妓為忠順夫人八月起海瑞為南京
右都御史

十四年丙戌正月皇第三子生進其母鄭氏為
貴妃刑部主事孫如法奏恭妃誕育元子五年
未聞進封鄭一生子即封貴妃何以釋天下之
疑請並進二妃則群疑定 上怒降邊職二月
輔臣申時行請冊立東宮科臣姜應麟沈璟亦
具疏請 上怒謫之六月畿內大饑七月水旱
異常閣臣請急安撫流移禁輯攘奪十月南太
常寺卿沈子木疏言 建文皇帝御宇四年不

得一盂麥飯下同齊民于誼不忍且 文皇帝
常命以天子禮葬矣近奉明詔褒表死事諸臣
皆祀而建文獨不祀於德意未稱宜詔禮官定
議或專祀或祔食懿文太子之側不允

十五年丁亥正月申時行等請並舉建儲封王
吉典二月重脩大明會典成十月鄖陽兵變守
備三鳴鶴討定之十二月那林孛羅引蒙古悅
忽太等萬餘騎急攻把大寨我兵往援圍解南

京都御史海瑞卒詔贈太子少保謚忠介

十六年戊子 上御經筵覽貞觀政要曰唐太

宗多有慙德魏徵大節有虧命以後講禮記其

貞觀政要停勿講三月國子監司業王祖嫡請

復建文年號改正景皇帝實錄下閣臣議申時

行奏建文復號未敢輕議遂寢九月禮部郎中

高桂論順天主試黃洪憲舉子鄭國望稿止五

篇首名王衡係輔臣王錫爵子素號多才疑信

相半李鴻係申時行壻內有閑節因字詔禮部

覆試御史馬象乾劾東廠張鯨亮惡并指輔臣

王錫爵阿從失職 上怒下鎮撫司問十二月

給事中李沂復劾張鯨 上怒廷杖六十革職

為民

十七年己丑正月劉汝國自稱順天安民王橫

行斬黃間白晝張蓋入縣治開倉廩取富民粟

散給饑民官兵逐之往 敗衄都御史周繼以

石門書 卷一
聞調吳楚兵大敗之生擒汝國寇遂平二月覆
試舉子王衡等八人俱准會試奪高桂俸四月
王錫爵請視朝建儲大理寺評事錮于仁疏進
酒色財氣四勿藥箴 上惡之斥為民十二月
四川播州宣慰司使楊應龍所部何思宋世臣
上變告應龍反詔黔蜀兩省會勘是年慈谿縣
有紅血從艸湧出約有八處大如盆面高有一
尺血腥濺船上船即出血濺入人足亦出血

約半時方止

十八年庚寅六月北鹵寇陝西大帥劉成嗣禦
之不勝鹵遂入犯洮河副將李聯芳戰歿以戎
政尚書鄭洛為七邊經畧使切責順義趣之東
歸而聲火首之罪草其市賞逐之遠去西邊以
安九月詔停刑十月兩京九卿科道合詞懇請
冊立東宮 上諭冊立事科道等官不瀆擾便
于明年冬舉行十一月十九日聖母萬壽 上

出臨受賀詔先朝兵部尚書于肅愍謙改謚忠肅

十九年辛卯三月彗星見西北方有冒宿度分尾長尺餘已而在東北方室壁宿度分尾長二尺次輔玉錫爵給假歸省八月太白經天

二十年壬辰二月西夏哮拜哮承恩作亂命都御史魏學曾督師討之五月倭酋關白平秀吉襲破朝鮮朝鮮王李昞倉卒棄王京奔平壤請

援廷議先發游擊史儒防義州遣遼陽副總兵祖承訓統兵三千渡鴨綠江援之七月祖承訓兵至平壤敗績史儒死之兵部尚書石星使幕客沈惟敬往倭宣諭惟敬抵平壤歸報秀吉願入朝與朝鮮並為外藩星以聞加惟敬游擊往諭倭撤兵歸島以兵部侍郎宋應昌為東征經略主事劉黃裳袁黃為畫八月贊上念寧夏師老無功罷提督魏學曾以葉夢熊代之九月三

日大將軍李如松平寧夏噶拜闔室自焚生得
拜子承寵侄承恩等獻俘京師十一月上御
門受賀詔承恩極刑承寵等駢斬長安市頒示
天下及四裔君長詔慰慶王復寧夏今年田租
十二月以李如松為東征提督如松至軍大會
文武將吏誓師渡江是月蜀撫逮楊應龍詣重
慶對簿法當斬應龍請征倭自效乃舍之

二十一年癸巳正月李如松平壤大捷朝鮮四
道並復王端平壤如松駐師開城是月輔臣王
錫爵還朝上密疏上傳諭三皇子並封為王
以待將來有嫡立嫡無嫡立長工部郎中岳元
聲儀制司郎中顧允成張納陞合疏爭之刑科
給事中王如堅光祿丞朱維京疏繼上上怒
如堅維京謫戍允成納陞降級調外惟元轂得
免四川巡撫都御史王繼光以播事罷黜上
命兵部侍郎邢玠總督川貴相機勦撫二月輔

臣王錫爵請會議冊典不允復請面陳冊儲事
宜上諭昨卿懇請召對具悉忠懇朕非不從
卿言因見大小諸臣紛疑訕不知是何人主
使朕耻為臣下挾制謗祖蔑訓國體何在以此
未欲見卿今卿又有此奏若是認錯置朕何地
朕正為卿含忍欲商量別處之法不可黨衆激
惱以辜朕意既是如此俱不必封少俟三兩年
中宮無出冊立三月閔白入犯經略宋應昌檄

劉綖陳璘水陸濟師上發同金二十萬以佐
軍興李如松襲倭將平秀嘉於龍山燒其倉粟
倭乏食遂棄王京遁還釜山上乃諭朝鮮王
還都王京七月彗星犯紫薇垣八月萬壽節請
受朝賀不報

二十二年甲午二月皇長子出閣講學玉牒成
刑科給事中楊東明進飢民圖說三月河南巡
按御史陳登雲封進饑民所食雁奠輔臣王錫

爵八疏乞休許之八月議東裔納款尚書召星
力主之詔小西飛入朝決計諸臣面議要以三
事一勅倭盡歸巢一既封不與貢一誓毋再犯
朝鮮乃定封議命臨淮勳衛李宗城充正使副
以都指揮楊方亨同沈惟敬往

二十三年乙未正月議封閔白禮部議日本有
王更封閔白不便或即以所居島封之上准
封日本王號給金印行長以下授都督僉事四

月搃督邢玠至蜀以檄宣上威德招應龍來
待以不死重慶太守王士琦單騎往松坎應龍
果面縛請死罪膝行前席叩頭流血請得執罪
人齎贖鍰敵庭中搃督以聞上可其奏加邢
玠右都御史歸朝太守王士琦陞川東兵備使
彈治之七月復建文皇帝年號

二十四年丙申正月東封使李宗城至對馬島
太守義智進美女行帳宗城留戀無意渡海復

石 臣 書 卷 九
誑以倭裔兇悍謀刺使臣宗城惧棄璽書奔慶
州副使楊方亨聞於朝乃改方亨為正使惟敬
副之立限渡海三月乾清坤寧兩宮灾六月楊
應龍復叛連破餘慶州塘二司及興隆徧鎮都
勻各衛七月仁聖皇太后崩九月楊方亨沈惟
敬奉冊如日本平秀吉郊迎受封朝鮮王遣使
致賀秀吉怒其以卑官微物來賀明屬欺凌奏
聞處分事遂中变十二月遣太監張忠往山西

曹金往浙東趙欵往陝西及河南畿內各開礦
詔採木於四川廢吏部大遷河決黃涸口議濬
沂河以濟徐邳運道砌埽仁堤擁護陵寢

二十五年丁酉正月石星請自往朝鮮諭兩國
就盟退兵不許二月東封使楊方亨歸直陳封
事始末并上石星私書因叅惟敬辱國及星彌
逢罪狀命逮石星惟敬以邢玠為總制麻貴為
備倭大將軍楊鎬為經畧楊汝南丁應泰為贊

畫刑部侍郎呂坤䟽陳天下安危言織造採木
開礦皇店之害不報三月楊應龍流劫江津縣
及南川五月備倭將軍麻貴抵遼陽望鴨綠東
發經畧邢玠䟽請募兵川浙并調薊遼宣大山
陝兵^及福建吳淞水兵六月倭出釜山逼梁山熊
川沈惟敬率兵二萬出入釜山與倭合邢玠以
計縻之授意楊元襲執惟敬而倭之嚮導始絕
七月泰山崩裂一里餘皇極三殿災下詔戒勵
群臣并下罪己詔八月京師地震山西河津等
縣池塘水溢十一月經畧渡鴨綠江二十九日
抵王京所調宣大建浙諸路兵具集探倭屯蔚
山游擊擺審以輕騎誘倭入伏敗之倭盡奔島
山游擊茅國器統浙兵先登又連破之倭堅壁
不出楊鎬分兵圍十日倭嚙絀充饑檄行長援
救行長以銳倭三千救之虛張聲勢鎬聞報即
倉皇撤兵倭襲兩協棄輜重走贊畫丁應泰勅

揚鎬喪師黨欺 上罷鎬以大學士張位揭薦
揚鎬併勅致仕

二十六年戊戌正月東征經畧邢玠以前後缺
水兵無功乃益募兵江南請海運為持久計二
月都督陳璘以廣兵劉綎以川兵鄧子龍以浙
直兵先後至詔以天津巡撫萬世德代揚鎬經
理朝鮮邢玠分三協為水陸四路相機進勦四
月遼東告警總兵李如松襲之死于陣詔李如

梅自朝鮮馳還代之贈如松寧遠伯加少保謚
忠烈五月科臣戴士衡指呂坤閏範圍說上言
菟楛之形已分語侵鄭貴妃知縣樊玉衡援引
歷代帝王嫡庶廢立之事以為鑒戒名曰憂危
竝議戚臣鄭承恩疏辨并奏士衡假造偽書中
傷善類目為二衡以激聖怒欲并殺張位宮嬪
有強諫者 上意釋二臣皆謫戍六月差內監
李敬採珠廣東九月東征將士分道進兵劉綎

石田書
卷
偏行長營陳璘舟師協堵麻貴抵蔚山董一元
進取晉州各有斬獲倭退保泗川老營十一月
福建都御史金學曾報平秀吉七月九日病死
各倭皆有歸志宜急擊勿失十七日五鼓清正
先走麻貴遂入島山酉浦劉綎陳璘等四下截
殺倭遁歸錦山盡殲之捷聞 上發同金十萬
兩犒賞勅給事楊應文勘東征功次楊應龍統
苗兵大掠貴州洪頭高坪新村諸屯已又侵湖

廣四十八屯執原奏讐民宋世臣父鑿及羅承
思家屬慘戮以殉貴州巡撫都御史江東之疏
請防禦安南進代身金人俯伏鐫其背曰安南
黎氏世孫黎惟潭不得蒲伏天門恭進代身金
人悔罪乞恩二十五字

二十七年己亥二月貴州巡撫都御史江東之
令都司楊國柱帥兵三千襲應龍應龍迎敵於
飛練堡國柱死師盡殲事聞江東之坐浪戰罷

以郭子章代而四川巡撫都御史譚希思改總督特起前御史李化龍兼兵部侍郎節制川湖貴三省兵事決意進勦命東征將帥劉綎麻貴陳璘董一元回兵南征四月十八日畝俘平秀政平正成並梟磔傳示九邊五月總督郭子章至蜀請設標兵檄總兵萬鏊自松潘移重慶并調集鎮雄永寧各漢土兵設防六月應龍犯綦江游擊房嘉寵戰歿綦江陷上追褫兩省巡

撫譚希思江東之各為民緹騎逮兵備副使王貽德賜劔懸賞嚴旨進勦七月給事中楊應文叙東征功次首陳璘次劉綎又次麻貴而董一元始破三寨終掃諸巢功亦難泯經畧邢玠等陞賞有差八月陝西狄道縣城東五里地名毛冢坡山忽崩裂百餘丈冲成一池山南平地湧出大小山五座山未崩前每夜火光四出有聲如雷又地遠近常聞鼓樂之聲九月太白經天

十月劉綎統兵至蜀總督郭子章為諭苗禰言
招慰賊黨

二十八年庚子二月朔大集文武於重慶兵分
八路斬關而入劉綎戰九盤山連破土月二城
吳廣燒二關奪三山八路兵登固破大城應龍
闔室自焚吳廣急覓屍出焰中生獲其子朝棟
弟兆龍等百餘人檻至京師四月武昌人千餘
集撫按門控稅監陳奉之毒害遂擁入奉署焚

燬一空五月南京守備太監查六安州礦有無
狀知府具地圖上言六安有礦高皇帝恐人
盜採傷皇陵來脉故六合衛官特重巡山之任
不敢妄議開取詔允之八月撤回朝鮮留守兵
將鄖陽樓鐘自鳴十月戚臣鄭國泰疏請皇子
先冠婚後冊立科臣王士昌糾之都給事王德
完舉漢文帝慎夫人事請薦厚中宮上震怒
廷杖一百為民十二月獻俘闕下劉應龍屍磔

朝棟兆龍等于市梟示各裔分應龍地為二郡
屬蜀首曰遵義屬黔者曰平越

二十九年辛丑二月京師地震少監馬堂解進
大西洋裔人利瑪竇所貢方物六月武昌民復
變圍稅監陳奉、逃匿楚王府執委官六人投
之江有旨謫知府王禹穀知縣鄒光弼為民蘇
州稅監委官橫行飢民葛成倡義毆殺委官七
人身自投獄冬十月冊立元子為皇太子恭上

慈聖太后徽號群臣表賀存問在籍閣臣申時
行王錫爵手勅冊立元子諭知之

三十年壬寅二月冊皇太子妃郭氏熒惑入太
微閤二月禮科給事中張問達奏邪士李贄立
言乖僻舉止恠異所著藏書焚書惑世誣民有
旨逮下詔獄火其著書贄死於獄三月吏科給
事中曹于汴劾奏邢玠經畧播州苟且卒事經
畧朝鮮掩敗支吾欺君悞國輿論快之內使辱

侍郎敖文禎於宣武門詔司禮查治陝西黃河
竭流二十四日六月稅監潘相毆辱江西宗室
九月辛巳夜流星數百出參宿入天苑十月壬
辰夜南京星隕如雷丙申孝陵災十一月內官
奏山西煤窰每年變價五千兩有旨開取
三十一年癸卯正月遣給事中夏子暘行人崔
德冊封琉球十二月有投匿名書于各署大約
言鄭貴妃欲危太子事題曰續憂危竝議輔臣

一貫請嚴行逮捕 上震怒召皇太子慰安之
太子泣 上亦泣隨令內監以慰安太子語諭
內閣時沈一貫方以楚宗事恨郭正域疑妖書
屬正域為之下令大索緹騎四出給事錢夢皋
直指正域且及輔臣鯉發卒圍正域舟捕其僕
隸乳媪下詔獄考訊無所得長安無敢偶語者
吳江人沈令譽以疑似捕治詞連卽卽于王立
王士驥皆坐斥并捕僧達觀下獄亦被五刑死

石田事 卷
錦衣周嘉慶遭盜闔門慘掠獄久不成最後得
皦生光者下獄拷掠皮肉俱盡禮部侍郎李廷
机及趙立卿告輔臣朱賡謂即此可具獄賡勸
一貫如机言刑部尚書蕭大亨必欲窮究之御
史沈裕力持具獄 上命磔生光事遂得解
三十二年甲辰正月叙播功李化龍加少保郭
子章都御史并尚書田樂蕭大亨各蔭子世錦
衣劉綖陳璘等各陞賞有差三月山東巡撫都

御史黃克纘奏稅府太監委官解銀于路詭稱
被劫累地方賠償請通行申飭五月兩廣總督
戴耀極言中官採珠之害初粵中香山澳九裔
貿易番舶所艤漸乃築城聚室儼然立一番主
交構中官流毒殊甚七月連日大雨都城崩壞
兵部武選司主事徐鑾上言弭災寔意請收回
礦使戶部尚書趙立卿諫言蒼生繫爛已極天
心示警特嚴礦稅貂璫侍從發掘墳墓奸淫子

石 卷
女侮官虐民貽禍慘酷俱不報河決蘇家莊水
澣豐沛十月瓊州生黎以香易六千巡兵奪于
黎人憤擊殺數人去叅將偉功率衆掩之大敗
督府遣師又敗後調數萬人擊之黎人走險深
入得老弱首以捷報

三十三年乙丑正月考察京官時主察當屬吏
部侍郎楊時喬輔臣沈一貫畏其方嚴請以兵
部尚書蕭大亨主筆徐觀瀾以不及降時論不

平給事中錢夢臯當外補特旨留用即中劉元
珍御史朱五弼主事龐時雍後先論一貫權奸
誤國俱謫外九月京師地震十一月皇元孫生
上皇太后徽號太子生母恭妃王氏為貴妃十
二月罷開礦內外官回京泰州天鳴是年秋鎮
江華山忽裂下視昏黑南京教場夜隕星或墮
地化灰或自空中墜地有聲尋竟無跡

三十四年丙午正月內官楊榮在雲南殘吾軍

民軍官賀世勳韓光大糾衆燬其第殺之上
聞大怒輔臣朱賡奏曰陛下無以一人故變動
一方後數日傳旨首事者正法中使罷不復遣
乃捕世勳於獄二月倭酋原家康代平秀吉為
王盡誅其大臣移秀吉子秀賴于大板八月御
史、學遷請閣臣兼用外臣十月兵科給事中
宋一韓以棄地陷鹵叅劾李成梁十一月南京
妖賊劉天叙聚衆千餘約冬至百官謁孝陵伏
兵陵上縛之據城僭號事露禽獲四十九人獄
成磔一斬一餘悉克戍

三十五年丁未二月京城守門內官毆殺秦興
知縣三月雲南巡撫都御史陳用賓昏貪虐下
土人鄭舉誘阿克謀復土官糾衆裔目同時起
兵殺指揮金守仁執推官白明通劫庫放獄屠
戮甚慘閏六月京師大水詔發銀米賑濟七月
稅使梁永在陝西橫甚怒縣令滿朝荐相抗上

石
疏逮治舉朝論救不聽尋中旨撤回十二月朝
鮮國王李昞殂

三十六年戊申三月起劉綎雲南提兵討阿克
主事鄭振先疏劾輔臣朱賡十二罪降三級調
外遼東前屯軍變欲殺稅監高淮不果旋有旨
撤淮回京朝鮮國王妃金氏請立其次子光海
君李琿詔議之卒如其請五月草陳用賓職逮
京聽勘以薛夢雷代南京天鳴聲如濤鐸旬餘

乃止貴州苗仲亂九月宰審入犯開原叅將李
如楠按兵不出湖廣巡撫都御史張問達疏災
民危困上罷稅科銀兩未解者留備採木又
念浙西水災留發淮鹽銀五萬兩賑濟十一月
又詔留稅銀五萬兩賑濟蘇松常鎮四府又發
鹽課儀真稅銀共十五萬兩賑濟浙江杭嘉湖
三府補贈陳猷章謚文恭胡居仁謚文敬
三十七年己酉正月北鹵在邊請賞民間訛傳

石匱書 卷 廿
警至街市喧擾安定德勝二門百姓爭入城避
難九門晝閉二月吏部叅糾擅去詔臣時工科
給事中孫善繼挂冠長往劉道隆繼之顧天峻
等出都尚在近郊議處有差五月吏部尚書孫
丕揚受事兩月所推上內外大僚䟽揭一槩不
報春夏二季選過各官以吏科無印官不得領
憑哀號于長安道者數百人丕揚因上䟽乞休
不許命發餉募兵以援遼左是年薊鎮地陷遼

東地震江西福建同日大水掩死人民以十餘
萬計山西大旱甘肅地震如雷搖倒邊牆一千
一百餘丈壓死軍民八百餘人城垣衙舍毀壞
無算山東旱蝗畿南真定諸處大旱赤地千里
三十八年庚戌三月京師風霾異常又日久不
雨苗麥槁焦四月初二日戌時正陽門樓災聖
諭內閣朕昨承聖母傳諭自春至今旱魃為災
小民飢饉欽降銀十萬兩賑濟務使得沾是惠

以仰體聖母憫恤元：至意又諭內閣朕見聖
母頒降帑銀賑濟朕將累年御前積餘及新到
折直稅銀共五萬兩又諭令中宮等各出費剝
一并給發且朕欲發米數萬石以救畿輔災民
卿可詳議來行

三十九年辛亥四月十九日怡神殿災輔臣葉
向高請留北直山東山西河南稅銀一半令地
方官多方賑恤五月京師大水長安門一帶皆
成長河水深六尺輿馬不能行九月皇太子生
母貴妃王氏薨秘不外傳越四月閣臣為請乃
宣十月女直請導諭願減車價入貢及還張其
哈喇佃子即前李成梁所棄地也科議請釋建
州為外懼姑置侵地先許貢救寧東方詔報可
四十年壬子二月吏部尚書孫丕揚挂冠出都
六月副都御史許弘綱開列臺互缺之各差緊
急具揭內閣七月蒙古忠順夫人死撫臣言其

石園書 卷 十一
納貢四十年最稱恭順宜加褒卹以勸九月內
使群毆駙馬冉興讓于大朝門外興讓及教習
官賈之鳳各疏辨奏御史耿鳴雷亦言國體凌
裔已極皆不報興讓置冠帶長安左門而逃東
廠奏聞上大怒差錦衣衛官尋訪奪興讓父
官三遣官諭輔臣李廷机入閣廷机陛辭出都
門十一月吏部尚書趙煥疏稱四川建昌裔裸
作亂乞速點巡差以靖地方十二月礼科范濟
世奏請皇太子代行禘祭禮

四十一年癸丑正月群臣合詞請福王之國詔
以明春舉行七月武弁王日乾訐奏奸人孔學
與姜內相莊上插盟請妖人王三詔至家呪咀
太子又刻木為太后皇上像釘其目又約趙思
聖在東宮侍衛帶刀行刺語多涉貴妃福王輔
臣葉向高語通政具叅疏與日乾疏並上而密
揭奸徒所為大類往年妖書但妖書匿名今兩

造具在一鞫自明 皇上靜以處之其奸三敗
上覽日乾䟽大怒及見向高揭默然霽容將揭
䟽擯藏之向高復密奏速令福王之國上納之
尋以他事下日乾于獄八月釋滿朝薦王和才
卞孔時於獄十一月內官邢洪糾其黨四十餘
人於午門外凌誅御史某各御史奏聞不報皇
太子妃郭氏薨十二月延鎮三次大捷議行陞
賞

四十二年甲寅二月皇太后李氏崩頒遺詔于
天下寬釋楚宗人幽禁三月福王之國河南百
官送于郊外四月福建稅監高案率其從人突
至巡撫都御史署執都御史袁一驥及其子至
本署毆之復拘執按察司官六月葬孝定皇太
后於昭陵輔臣葉向高上乞休第六十二䟽得
請

四十三年乙卯五月初四日有男子張差持赤

石圖書 卷 廿四
挺突入東宮傷門者內侍集執之下法司問御史劉廷元疏言跡涉風癩提牢官王之寀重加訐問胡士相等定為風癩提牢官王之寀重加訐問言有馬三道誘至龐劉二太監處語多涉鄭國秦國泰出揭自白科臣何士晉請窮其事 上大怒召皇太子及諸皇孫詣慈寧宮太后几筵前行告慰禮詔群臣入見御史劉光復以班後高聲頌聖 上疑其有他言執付法司遂誅張

差於市斃龐劉二侍于內庭嚴諭內閣張差事不得株連事遂寢于是罷王之寀官補何士晉于外次日縱釋馬三道于獄着刑部重擬劉光復罪奪刑部侍郎張問達俸七月淮南大雨山東旱蝗屬裔虎墩免愆犯廣寧錦義套鹵分寇延綏孤山副總兵全軍覆沒八月京師地震四十四年丙辰正月武臣凌應登御史凌藻冲于朝有旨會勘禮科余懋孳御史李養志各

以恭應登罰俸御史翟鳳翀亦以論應登訶外
四月京師大雷電雷火焚稅監張燠房屋五月
江西大水六月京師大風散若轟雷正陽門外
民房棹楔一時倒塌

四十五年丁巳正月太常寺卿林學曾等公疏
請釋累臣劉光復貴州苗仲肆虐黔中貴州巡
撫都御史張鶴鳴集兵分道勦之二月皇太子
出閣講學三月考察京官鎮撫司理刑缺官日

久無人問斷監犯多淹繫死亡家屬聚哭長安
門外七月京師恠風山西大旱山東蝗宣府天
鳴地震九月湖廣承天等處夏旱水蝗蝻蔽
天各官請賑詔停刑山東星隕天鳴地裂龍闕
江西大水十月命鼎渭准封代藩世子北鹵犯
喜峰口隆德殿灾纂脩玉牒成延僖宮又灾十
二月礦賊高二集聚千人流劫靈寶縣獄庫石
知縣却之已追獲伏法是歲江北鼠千萬成群

石圍亭 卷
啣尾渡江而南食苗幾盡

四十六年戊午四月女直兵襲撫順執游擊李永芳城遂陷總兵張承胤全軍覆沒京師正陽門外河水三里餘赤如潰血命總督汪可受出關調度李維翰移駐遼陽起廢將李如柏總遼東兵徵廢將杜松屯山海關劉綎柴國柱等赴京以楊鎬為兵部侍郎經畧五月女直兵剋撫安山岔白家冲三堡經畧楊鎬兼程受事以二

十一日抵山海關得尅堡報疏請就近徵調

上罷維翰令鎬兼攝巡撫兵部請發餉二十萬解赴各鎮調兵諭總兵杜松劉綎星馳出關給太僕寺金六萬兩市戰馬巡撫李維翰失城喪師革職為民七月賜死事總兵張承胤謚立祠名旌忠增設遼東巡撫以常寺少卿周永春往九月東方有白氣長經天名蚩尤旗主兵象十一月北關齋長金台失以勦女直一寨來告賜

石圖
卷
廿七
白金二千兩綵緞二十表裡十二月特旨命鄭
養性襲其父右都督是月海州遙見白虹貫日
如日並出者三白氣直罩城上

四十七年己未正月援遼游擊佟國祚叛去二
月十八夜司天占火星逆行二十日京師風霾
晝晦黃塵四塞有頃赤光射人如血西長安坊
樓盡折其占四裔來侵 上傳諭東征將士無
飭諸邊備三月楊鎬誓師遼陽分四路進兵杜

松越五嶺關抵渾河方半渡北騎萬餘忽遮擊
衝我師為兩松血戰突圍自午至酉力竭死之
開原僉事潘宗顏亦以是日力戰歿劉縱獨縱
兵馬家寨口深入三百里連尅十餘寨越四日
北兵詭漢裝誘墮重圍夾攻衆遂潰縱戰沒游
擊喬一琦斬大胡血戰四晝夜北兵必欲生縛
之投崕碎首而死惟清河一路李如柏以經畧
令箭撤回不見一騎而還廷議以如柏為女直

堦見疑遼東巡撫都御史周永春請都督李如
楨代將詔廷臣會議給事中李奇珍謂李氏跋
扈如楨以弟代兄出土人擁戴恐為唐李藩鎮
之漸上竟遣如楨往撤如柏候勘諭經畧楊
鎬戴罪視事趨宣鎮總兵劉孔胤就近出關應
援上遣內臣往遼陽荐陣亡將士御史楊鶴
請卹故帥劉綎家屬及塑死事諸臣像廟食京
師以倡忠義四月女直兵縱掠鉄嶺柴河撫安
等堡宣鎮營兵鼓譟不赴調詔逮治總兵劉孔
胤五月女直兵深入撫順更以偏師躡鉄嶺撫
安堡戶科李奇珍論楊鎬李如柏逗留觀望
上命逮治候勘六月十五夜女直兵直薄開原
城立陷十九日以三萬騎圍鎮西堡潘鐵奔潰
上乃超擢熊廷弼僉都御史兼兵部侍郎代楊
鎬經畧廷弼疏請決策恢復開原上賜劍令
刻期從事廷弼單騎就道改差御史張銓巡按


遼東遣給事中姚宗文查閱援遼兵馬二十五日女直兵從三岔堡入攻鐵嶺城陷八月二日熊廷弼受代翌日入遼陽斬陣遊擊劉遇節等設壇躬祭撫清開鐵死事軍民分兵布置要害上度廷弼已交代蒞事十三日遣緹騎逮治楊鎬二十一日女直兵直抵金台失寨自寅迄午旋陷隨攻白羊骨寨應時火閔相繼淪沒上以遼數告急起擢徐光啟以少詹事兼河南道御史專練京兵予總督汪可受回藉經畧熊廷弼疏稱瀋陽空城難守遼陽用集兵力上諭酌量緩急務保孤城過其深入十一月二十一日己刻日生暈兩耳及黑氣二道芒色甚異司天失占

四十八年庚申正月釋御史劉光復為民三月十七日遼陽火藥局焚燒闔城驚擾兵部得報張皇分布京師防守四月大行皇后崩六月十

二日女直兵乘經畧閱邊離遼陽以萬騎繇撫
順關入萬騎繇東州堡入溪至潭河總兵賀世
賢柴國柱設防瀋陽却之上特發固金三十
萬兩犒賞遼軍七月十五日丙申上疾大漸
召英國公張惟賢大學士方從哲尚書周嘉謨
李如華黃嘉善張問達黃克纘侍郎孫如游入
見于弘德殿諸臣候安畢嘉謨以用人請上
俞允之上問遼事如何嘉善對曰臣當戮力

料理即日盪平上頷之諸臣叩首出即日
上崩上尊號曰顯皇帝廟號神宗葬定陵
召遺書曰神宗冲年嗣位英明果斷有江陵輔
之其治績不減嘉隆迨二十年後浚居不出百
事業挫養成一骹跛之疾且又貪嗜無厭礦稅
內使四出虐民辟如養癰特未潰耳故戊午前
後地裂山崩人妖天變史不勝書蓋我明之亡
徵已見之萬曆末季矣乃世以其靜居無事稱

為福主則世豈有一日萬幾之主可僅：以無
曰福也哉



名蹟書卷第十四

光宗本紀

貞皇帝 神宗長子也萬曆二十九年冬十月

冊立為皇太子少時英敏 神宗呼膝前屬對

出對曰敬天地太子應聲曰孝父母 神宗曰

對韻宜平太子曰除舍父母莫對天地 上悅

四十八年七月十五日 神宗崩詔傳位

太子二十日有旨停止礦稅：監張燝馬堂胡

賓潘相立乘雲蓋行撤回又旨發內帑銀一百
該部差官星夜解赴九邊犒賞務沾實惠
又旨遵父皇遺言着封皇貴妃鄭氏為皇后禮
部查例未行皇貴妃鄭氏進美女四人八月初
一日丙午皇太子即皇帝位西廂卜召免來貢
二日復王昺駙馬都尉三日南直隸巡按奏停
織造詔從之起陞汪應蛟工部尚書董從需右
侍郎上御朝以文華殿狹小朝儀不肅諭內
閣起建皇極門殿發內帑二百萬兩刻日興功
南贛撫臣周應秋起解存積銀一百萬兩助邊
四日起陞鄒元標大理寺卿劉光復光祿寺丞
周曰庠太僕寺卿朱一桂太僕寺少卿朱國祚
南京禮部尚書馮從吾尚寶寺卿李宗延光祿
寺少卿定三六九常朝諭遼東經畧熊廷弼曰
特命爾調度戰守相機征勦暴露良
苦賜白金綵幣用彰恩施科臣周朝瑞奏慎初

三要請停止金花銀兩 上怒其妄黜之起鍾

一饒仲萬建崑王佐秦聚奎劉文炳滿朝荐

等寺部司官吏部請冊立東宮 上諭立東宮

謹遵遺詔於釋服後舉行一日定朝儀勅欽天
監造曆吏部周嘉謨開列昔年為國本建言得
罪諸臣王德完等凡三十二人有旨議用九日
以袁應泰撫按遼東起太常寺少卿陳紹以王
佐為倉場尚書十日 上不豫十一日御史舒

榮都請追究楊鎬李如柏鄭之范劉國縉保舉
之人以治誤遼之罪十二日 上御門後傳諭
內閣朕今早御門見有班行後隨從執步洒金
大扇回至省愆居有散班官于會極門高聲唱
道朕深思治理朝儀嚴肅豈容褻慢卿可傳示
各官以後凡遇臨朝務要十分敬慎如仍前肆
亂朝儀定行重治不宥陝西臨鞏間已時
黃河泛白未時徹夜澄清上下數十里共三日

十四日聖壽節傳免內醫崔文昇下通利之藥
晝夜三四十起支離床褥間鄭貴妃屢趨
旨邀封太后再下禮部具儀侍郎孫如游乃言
本朝無例可據十五日御只鄭宗周上輔臣方
從哲書責以用藥乖方之故冊立東宮萬不可
緩從哲乃奏言聖躬未愈請命皇長子別住慈
慶宮漕督王紀奏請釋宗藩充斬十六日上
不視朝群臣齊赴宮門恭候萬安十七日皇親
鄭養性請收皇貴妃封后成命久之乃允點用
閣臣何宗彥劉一燝韓爌仍起舊輔葉向高嵩
書朱國祚俱入閣辦事十九日禮部侍郎署部
事孫如游等上皇考大行皇帝皇妣孝端皇后
尊謚依擬上諭禮部議一生母皇貴妃徽稱
并遷祔禮儀二十日給事楊漣言聖躬遠和明
文昇藥誤所致宜發司禮監究問召皇長
子於前以發天性之真和二十二日傳錦衣衛

官宣楊漣并召大學士方從哲英國公張惟賢
及六部科道官等進見待詔上且杖漣既入
目注漣久之諭曰國家事重卿等盡心朕自加
意調理二十三日定瑞惠柱三五封國初議東
昌平陽已而惠柱二府改於荊州衡州禮部奉
旨元妃郭氏才人王氏俱加封皇后者即議謚
及合行禮儀具奏上又諭選侍李氏侍朕勤
勞撫皇長子如親生厥功甚茂着封為皇貴妃

二十四日戶部奏請添設海運兵備駐札淮安
往來津開間專理運事二十五日大學士劉一
燝韓爌充經筵日講二十六日上疾大漸召
大學士方從哲劉一燝韓爌及英國公張惟賢
尚書周嘉謨李如華孫如游黃嘉善黃克纘都
御史張問達給事中范濟世楊漣御史顧慥于
乾清宮上御東暖閣倚榻憑几皇長子侍立
諸臣問安畢上命諸臣前連諭曰朕見卿等

甚喜從哲曰臣等請皇長子居東宮上曰令
他別處去不得科臣說宜常在朕前極是因諭
封李選侍為貴妃者再孫如游奏曰東宮冊立
後典禮次第舉行上首肯群臣以慎藥進
上曰十餘日未用矣停視久之命皇長子代諭
諸臣乃退邊餉御史萬崇德奏請截漕糧二十
萬石以濟遼并請造船以運餉二十七日以李
騰芳鄭以偉教習庶吉士二十八日刑科魏應

嘉請正李如柏李如松逗遛誤國之罪二十九
日 上再召方從哲等十二人于乾清宮諸臣
問安畢 上顧皇長子諭群臣曰卿等輔佐他
為克舜之君語未既李選侍披幘而立呼皇長
子入嚕 語復趨之出皇長子含憤向 上曰
要封皇后 上不應復視群臣曰輔他要緊又
云壽宮如何諸臣以皇考山陵對 上曰是朕
壽宮乃諭要緊者再又問有鴻臚寺進藥官何

在從哲對云有李可灼自云仙丹臣等未敢輕
信 上即召可灼進診視具言病源 上喜命
趨和藥進 上飲湯輒喘藥進乃受 上喜稱
忠臣者亦諸臣出宮門外頃中使傳聖體用藥
後煖潤舒暢思進飲膳諸臣歡躍而退可灼及
御醫留日晚可灼出輔臣遞訊之可灼言 上
恐藥力竭再進一丸亟問後何狀可灼言傳安
如前至五鼓宣召急諸臣趨進而 上以卯刻

上賓矣諸臣入宮哭訖畢即請見皇長子擁入
慈慶宮請即日登極不允楊漣左光斗疏請李
選移宮皇長子着司禮監按盜藏諸侍收李進
忠劉朝等選侍踉蹌移至熾鸞宮語具三異祥
臣會議 先帝即位僅匝年善政已足十秌豈
可使年號不存今議萬曆年號斷自七月終止
今年八月初一 先帝登極之日至十二月終
斷宜借之 先帝俱稱泰昌則 先帝之年號

不虧萬曆之寔數不減殿下明年之改元不礙
詔從之泰昌元年九月初一日庚辰皇長子即
皇帝位八月給事中惠世揚劾奏輔臣方從哲
庸回比阿妨賢病國有破壞封疆十罪而諂事
鄭貴妃包藏禍心交結劉遜李進忠助選侍占
住乾清黨護崔文昇李可灼輕君上之身命
其悖逆不可勝誅有旨慰留十二日女直入撫
順大掠而去十五日御史馮三元論經畧熊廷
弼無謀者八欺后者三命凡卿科道會議江西
大水十七日科臣楊漣劾熊廷弼宜自量才力
早決去留毋悠泛議勤以誤國事女直分路入
犯瀋陽楊漣劾兵部尚書黃嘉善一籌莫展請
加誅斥十九日南京太常寺少卿曹珍請寃醫
藥奸黨陰謀言二十年来忠臣義士受杖受謫
以爭冊立者正以先帝故耳今先帝卒崩
之變當與先年梃擊青宮同一奸謀先帝之

升遐一日不明則內廷之奸謀一日不破內廷之奸謀一日不破則聖躬之安危未能全保廷臣不得以糊塗潦草遂結此案二十二日御史張循德糾熊廷弼遼事大壞宜正典刑二十四日赤氣亘天二十七日上傳諭內閣朕昔幼時選侍李氏恃寵氣毆聖母致成疾崩逝朕終天抱痛前皇考病革大臣問安選侍逼封皇后威挾朕躬至今含羞避毒暫居慈慶宮李氏

令李進忠劉遜傳言每日章奏必先奏看過方與朕覽即日欵垂簾聽政朕思祖宗家法有此規制否朕今奉養李氏噉鴛宮仰遵遺愛寔不敢怠恐外廷未知故諭從哲等具揭封進上再諭發抄從哲又揭曰事關宮闈不宜輕洩惟望益宏聖度無念舊惡經畧熊廷弼繳還上方席藁待罪十月初一日黃嘉善罷以黃克纘署部事丑日以巡撫袁應泰經畧遼東十一日敗

女直于灰山命行人徵輔臣葉向高朱國祚史
繼階沈淮何宗彥入閣十八日內傳尚書孫如
游入閣辦事御史賈繼春安伸田珍合疏糾之
二十四日噦鳶宮火 上諭內閣曰皇五弟與
諸公主見居勗勤宮與噦鳶宮甚遠差人守護
今噦鳶宮雖燬選侍李氏暨皇八妹俱無恙十
一月庚戌朔命兵科朱童蒙往遼東會勦熊廷
弼功罪十二月十二日都給事中楊漣疏述移

宮始末 上命昭示中外以釋群疑大學士方
從哲以病請致仕去二十七日都給事中楊漣
上疏乞歸許之二十八日 上傳諭大小臣工
以後大臣進退取自上裁小臣去留悉聽部議
如有擅自去職者廷議治罪

召匱書曰貞皇帝以一月沮而我明之氣數薄
矣 神宗御寓日久萬事草塌 貞皇帝一旦
起潛邸而撤礦稅發內帑起直言勤召對翻然

蹴大床之天下而使之覺人且謂之一月之唐
虞為臣工海甸方思改頭換面以共濟太平乃
竟以一月殂而我明之氣歟薄矣嗚呼惜哉

石匱書卷第十五

熹宗本紀

愍皇帝 光宗長子也泰昌元年十一月十六歲
在宮中好嬉游日與太監魏進忠輩為馬駝抵
角之戲進忠以皇長子為奇貨日事引誘旦夕
不離秋九月朔 光宗升遐閣臣劉一燝等哭
臨大內請見嗣皇李選侍閉之煖閣不得出太
監王安給選侍強抱以出諸臣見即叩頭呼萬

石
歲推主慈慶宮初六日即皇帝位以明年為天
啟元年大赦天下

元年正月癸酉朔 上御殿群臣朝賀宴朝鮮

陪臣享太廟御史焦源溥叅刑部尚書黃克績
不能執法請誅文昇反為群犯開罪二十二日
上行冠禮御史周宗建請謚先臣顧存仁顧憲
成陶望齡王世貞四人賜三王府庄田復駙馬
王昺膳養田租二月追首于香爐山大破之舉

經筵草場火長陵軍鼓譟三法司會審楊鎬李
如楨等律各斬爍後處決從之免親藩貢馬撫
諭西鹵閩三月命纂脩 神宗光宗兩朝實錄
風霾詔九邊嚴加防備荆王助餉 上賜璽書
嘉其忠義命南京諸司預建黃冊庫房慎重圖
籍營慶陵封郭振明博平伯王天瑞永寧伯王
昇新成伯起孫熹南吏部尚書魏養蒙南戶部
侍郎魚僉都御史總理糧儲朱延禧南祭酒昭

和殿災三月海州吳金祖叛欽卹遼東陣亡將
吏劉綖王宣杜松各贈少保予謚廕潘宗顏光
祿卿董如礪張文炳各僉亨女直渡渾河犯瀋
陽按臣張銓下令遷降裔于城外賀世賢不從
將士憑濠而守賊驅土填塹蜂擁過濠城內降
裔應之開東門入尤世功死之賀世賢率屬西
奔瀋陽陷女直乘勝過伐于河直抵遼陽袁應
泰出城督戰彼勢猖獗我軍不支敵以步兵攻
西門應泰復入城李永芳詐請降應泰許之命
豎受降旗城上敵兵擁至薄暮城樓火起降裔
內應盡樹黃幟大開西門李永芳賀世賢並轡
入城應泰自焚死張銓何廷魁崔儒秀同日死
之金復海蓋州衛悉陷四月諭吏部曰熊廷弼
守遼一載未有大失袁應泰一敗塗地當時倡
議何人將祖宗百戰封疆袖手送人若不嚴核
何以敵後准借大工銀十萬兩修山海城監軍

高出自遼陽亡奔航海歸朝揭請割廣寧餌西
鹵以禦御史劉廷宣劾之逮問命科道尹同臯
等分宮簡練遼東巡撫薛同用告病奏議王化
貞代之贈遼陽死事將吏張銓大理寺卿尤世
功陳策少保崔儒秀何廷魁光祿卿各賜謚廕
童仲揆張名世吳文傑周敦吉戚金鄧起龍秦
邦屏各都督同僉獲通鹵傳報人劉保琛之甲
戎發冊迎皇后張氏文武命頃奉詔朝皇后于

武英殿五月冊立張氏為皇后王氏良妃段氏
淑妃六月起熊廷弼為尚書仍經畧畿輔大旱
上於宮中虔禱素服御門勅百官同加脩省夜
半甘雨千里經略熊廷弼請添設監軍諸司併
保繫臣高出降二級胡嘉棟降四級戴罪立功
再題用原任主事劉國縉起升登萊招練副使
佟卜年升登萊監軍僉事推官洪敷教升取方
司主事軍前贊畫七月上諭留乳母奉聖夫

人客氏于大内准照皇祖戴聖夫人余氏例伊
男加升錦衣衛指揮太監王安發為淨軍八月
毛文龍恢復鎮江經畧熊廷弼奏汰退不堪援
軍女直襲金州二十二日祧廟九月廣西肇慶
府地裂湧血免湖廣災傷田租鎮江復陷遼東
巡按方震孺請特旌血戰誓死之將張神武下
兵部議十一月套鹵入犯延安皇極門成裔首
良定等犯甘肅鎮番等處叅將王承恩率兵拒
之斬獲甚衆十二月四川蘭苗倡亂土目樊龍
樊虎統領調兵至重慶密受首長奢崇明奢寅
父子逆謀挾衆煽亂殺巡撫徐可求等遂據重
慶陷遵義石柱宣撫司女官秦良玉起兵勤王
進圍重慶賊攻合州江津知州翁登彥知縣周
禮嘉率衆禦之攻興文知縣張振德死之賊逼
成都以左都御史張問達為吏部尚書鄒元標
為左都御史

二年正月遼東撫臣王化貞請以六萬師進戰
寇可一舉盪平經臣熊廷弼請如撫臣請併亟
罷臣以作戰士之氣下兵部會議經撫去留詹
戚繼光子錦衣衛指揮使世襲四川霍賊攻犯
成都指揮周邦泰戰敗投降指揮丹世洪雷安
世翟英死之女直臨河欲渡總兵劉渠駐兵振
武禦之王化貞欲誘其深入以驍騎感之可以
大創各道為非計乃止化貞又招西鹵萬騎至
邊作為聲援兵部尚書張鶴鳴以清河瀕危自
請視師詔加太子太保賜蟒玉尚方劍便行宜
事何棟如陞太僕少卿贄畫發帑金三十萬兩
速解山海應用女直渡河逼西平堡羅一貫死
守用砲擊死甚衆復犯振武總兵劉渠方集陣
先鋒孫得功故化貞所任心腹將也推渠當先
未及戰得功呼曰兵敗矣率所部走渠畧陣馬
蹶被殺初秉忠扶病上馬中箭死李永芳還攻

石園書 卷一
西平剋之一貫自刎廣寧聞報一城闕然爭奪
門走化貞方晨起閱書西將江朝棟排闥大呼
化貞不知所為倉皇借馬突出得功還失主帥
遂踞城降敵以黃袱迎敵過河化貞從數騎走
閭陽適廷弼自石屯引兵至化貞相向哭廷弼
顧笑曰六萬軍蕩平竟何如化貞慚尋向廷弼
議固守寧前計廷弼曰晚矣公不受給募戰不
撤廣寧兵于振武當無今日此時冰解之勢誰

與為守惟有護百萬生靈入閩勿以資敵乃整
衆西行化貞與寧前道張應吾殿後時敵無追
者得緩轡以旋按臣方震孺在廣寧尚卧未起
聞撫臣走亦單騎遁監軍牛維曜邢慎言隨之
高出胡嘉棟韓初命隨經畧自石屯赴閭陽尋
隨經畧退走閩上惟高邦佐留松山沐浴衣冠
向西再拜而縊其僕高厚從死二月主事王之
寀追埋張差舊案有旨已經 皇祖處分不必

石
追論閻鳴泰袁崇煥監軍山海三月命解經邦
為經略辭不赴任削之改命王在晉以兵部尚
書兼右副都御史經畧遼薊津萊軍務命宿將
杜應奎蕭如薰等募兵訓練備用川師克復安
岳樂至二縣四月奢寅敗走成都圍解復遵義
府議撫西鹵輟寶和店稅以太僕卿董應舉兼
河南道御史管理直隸天津等處屯田安插遼
民又發銀十萬兩給置耕牛尚書王紀都御史
鄒元標大理卿周應炆具經撫獄詞俱依律處
斬廿七日酉時大雨雹五月授毛文龍總兵王
一寧通判贊畫發糧二十萬石銀十萬兩解毛
文龍仍頒給勅印旗牌假以便宜行事貴州土
酋安邦彥叛攻陷龍里甕進圍成都山東妖賊
徐鴻儒倡亂攻陷鄆城撫臣趙彥發兵捕之六
月浙江巡撫蘇茂相請追恤昭代第一慘忠方
孝孺准與祭墓謚祠山東妖賊復陷鄒滕二縣

石圖書 卷八
山東都司廖棟破武安賊巢焚之川師克復渝
城督臣張我續請超擢城守諸臣翁登彥等九
人恤贈死節諸臣張振德董盡倫等十二人七
月淫雨傾壞山海邊垣官民廬舍無算遼陽城
火山東一日二捷朝鮮入貢賜勅旌其忠節厚
賚遣之免磁器等稅八月山東妖賊流劫金山口
徐州震動九月冊封信王冊封光廟選侍李氏
為莊妃演象所內火藥房燬十月川湖總督張
我續獻俘并樊龍張彤黑蓬頭等首級貴州賊
酋安邦彥破遵義復圍省城以撫臣李樞為兵
部右侍郎兼右僉都御史按臣史永安加太僕
少卿守城禦賊贈死難副使孫好古大理寺卿
贈袁應泰兵部尚書給祭筵贈土司彭象古彭
象周彭鯤翔彭天祐各都督等官鄒城恢復徐
鴻儒就擒伏誅巡撫趙彥恭報山東蕩平二十
七日城守火藥被焚左都御史鄒元標四疏乞

休許之翰林院脩撰文震孟上疏陳勤政講學之寔庶吉士鄭鄴繼之俱降級調外任十一月贈徐可求右都御史十二月東省賊平修復孟氏墓廟以趙彥為兵部尚書魚右都御史以張鳳翔馮嘉會為都察院右副都御史俱照舊巡撫黔師擊殺逆酋安邦俊等餘黨潰散

三年正月黔撫王三善解貴陽圍隨三路進師使張孝出鴨池劉超出陸廣三善師無紀律恣行搶掠賊皆守險遺財物餌之土官蒙詔賣陣先逃賊乘之官兵大敗姚旺等三十七將皆死二月鳳鳥集于大崑五月川兵克復遵義朝鮮逆臣李暉殺其主李綜自立登萊巡撫袁可立請兵討之永寧大捷六月羅平沙賊作亂雲南巡撫閔洪學平之七月川師進勦尅險圍破蘭草并獲偽官偽勅八月麻羊島守備張盤收復金州九月福建紅裔築城于彭湖十月己卯皇

子生平遼總兵毛文龍奏滿蒲昌城之捷請兵
餉命給漕糧十萬石閏十月毛文龍奏涼馬佃
獲牛馬大捷詔賜金蟒獎諭發帑金三萬兩充
賞南京齊庶人睿熿與妾人陳鼎相謀不軌即
時擒治四川總督朱燮元奏捷十一月冬至
上祀天於園丘戊季可灼敘川貴功總督朱燮
元等陞賞有差十二月女直棄廣寧四衛城盡
遷其民于海上川貴總督張我續病免以楊述
中代之平遼總兵毛文龍報牛毛之捷又報烏
雞大捷并奏其贊畫王一寧罪逮治論死
四年正月朱燮元敗賊于永寧長興民吳野樵
作亂殺知縣石有怕主簿徐可行王三善駐大
方久軍心玩懈食亦既班師還省賊步躡之
至楊冢海賊截路大戰賊敗復行又二日抵化
節賊擁出圍之官兵大亂三善中鎗落馬為所
執全軍覆沒川師入龍場擒逆首奢崇明及其

妻安氏二月免川廣閩浙香貢四川總督朱燮
元議處蘭地以赤水河為界河以東龍陽一路
屬貴州河以西至永寧屬四川就永寧設道府
與遵義相犄角三月廕魏忠賢弟侄一人錦衣
百戶四月川貴總督楊述中聽勘以蔡復一代
女直攻旅順堡都司張盤大敗之五月以許顯
純掌北鎮撫司理刑加魏忠賢原廕侄男二級
賜進忠名忠賢贈石有恒太僕寺少卿六月左
副都御史楊漣疏叅魏忠賢二十四大罪傳旨
一切政事皆朕親裁宮闈事情嚴密外廷何以
透知是欲屏逐左右使朕孤立楊漣尋端沽直
姑置不問即中萬燝劾奏忠賢盜權擅利諸不
法狀逮燝杖之內侍群毆于門立斃七月杖汪
文言為民詔逮御史林汝翥命下汝翥惧內侍
毆逃遁自詣遵化軍門獄具題仍解京廷杖六
科廊失火大學士葉向高乞致仕許之河決賑

石 卷 十一
恤山東江南水旱災民島師報三捷冊封光廟
選侍傅氏為懿妃李氏為康妃八月黔師寇岩
頭砦九月磁州漳河得玉璽龍紐龜形文曰受
命于天既壽永昌撫臣程紹以聞 上簡內運
庫軍器精堅者特解赴關門議恤死事撫臣王
三善毛文龍獻俘并請餉樞輔孫承宗出關視
師福建撫臣南居益遣兵破走紅裔焚其城獻
俘奏捷起曾于汴南都御史慶陵工完以災改
折江南漕糧左都御史高攀龍疏叅貪污御史
崔呈秀草賊聽勘山西巡撫缺會推謝應祥御
史陳九疇言昏耄不堪疑魏大中有私內旨九
疇大中及吏部員外郎夏嘉遇皆降級調外尚
書趙南星都御史高攀龍各引罪求罷免之科
臣沈惟炳論救亦降調十一月署吏部事侍郎
陳于庭會推冢宰以喬允升馮從吾汪應蛟名
上內諭吏部都察院濁亂已久顯是陳于庭揚

石田書 卷
連左光斗箝制衆正抗旨徇私大不敬無人臣
禮都草賊為民選郎張光前御史袁可立房可
壯疏認會推與聞各降調刑部尚書喬允升引
疾求歸起崔景榮吏部尚書李宗延都察院左
都御史大學士孫承宗奏請還朝恭賀萬壽仍
欲白奏机且不允毛文龍以李永芳招與同叛
私書上奏加左都督賜蟒衣大學士韓爌引疾
歸十二月以御史梁夢環奏復逮汪文言

五年二月內諭湖廣山東江西福建試錄策問
有詆毀朝政語將正副考官八人俱降級調外
御史楊維垣奏奪侍郎王之采官大理寺丞徐
大化叅楊連左光斗黨同伐異招權納賄詔俟
汪文言逮至一併究問三月女直削平金州城
兵躡旅順文龍不能救張盤被執朱國昌戰死
初六日 上幸太學釋奠先師雲南撫臣閔洪
學奏報擒獲逆酋安應龍建徐州新城于雲龍

山遣內使冊封李暉為朝鮮國王道繇皮島賜
文龍勅諭及蟒衣銀幣鎮撫司許顯純勘問汪
文言獄辭連趙南星楊漣左光斗魏大中繆昌
期袁化中惠世揚毛士龍鄒維漣鄧漢盧化鰲
夏之令王之案錢士晉徐良彥熊明遇施天德
請下法司研鞠忠賢仍發顯純嚴刑究問以封
疆一案楊漣左光斗袁化中魏大中周朝瑞顧
大章奉逮追贓其餘趙南星等俱削籍發撫按
提問追贓四月科臣霍維華疏三案是非大畧
言擁立之時方從哲范濟世顧慥俱在何煩劉
一燝楊漣左光斗居功排選侍者王安一人而
李進忠劉朝無罪擬斬選侍不妃不后而何以
垂簾風顛之張差劉廷元岳駿毅口詞明白恊
當王之案陸大受造舛繆之說開釁骨肉孫慎
行起自田間借題紅丸加方從哲以弑逆之罪
獨黃克纘王志道徐景瀛汪慶百范濟世昌言

鑿足砥一時之柱監生楊維休草莽一介何
從而注朝廷之起居伏乞將一應章疏宣付史
館以垂信史五月科臣楊所脩請將三案章奏
大畧編次成書刊行天下六月下周朝瑞袁化
中左光斗顧大章魏大中楊漣于北鎮撫司七
月御史倪文煥疏論東林渠魁尚伏奏李邦華
李日宣周順昌林枝檣削奪八月御史張訥請
廢天下講院變價助工鄒元標孫慎行馮從吾
余懋衡俱削籍鄭三俊畢懋良姑剋帶間住楊
漣斃獄樞輔孫承宗決閔內冗兵歲省餉七萬
有奇毛文龍獻俘解活擒者七名稱中路逃去
二名行至廣鹿島另解六人換去前裔科臣楊
文岳叅之不報冊封任氏為容妃決熊廷弼傳
首九邊九月門工成左光斗魏大中袁化中周
朝瑞斃獄御史賈繼春請蚤寔爰書魏忠賢取
旨楊漣左光斗串通王安倡為移宮之說與魏

大中同朝瑞袁化中黨護熊廷弼破壞封疆貪
其重賄託汪文言內探消息巧借別題以掩罪
廷弼已決楊漣已死顧大章係同惡送法司從
重擬罪爰書既成頒行天下顧大章自盡于獄
下惠世楊于鎮撫司十月上宣兵部尚書高
第至文華殿賜尚方劍坐蟒玉帶銀幣命經畧
遼東十一月旅順城破詔停刑戍原任吏部尚
書趙南星錦衣衛田爾畊邏執僧人本福有詩
扇為揚州知府劉鐸所書訛刺時事忠賢出旨
逮之并逮作詩歐陽暉下獄擬罪

六年正月女直入犯圍攻寧遠袁崇煥禦却之
聖諭袁崇煥血書示衆將士協心滿桂等捍禦
孤城天心奮勇朕心嘉悅戶兵二部發銀十萬
兩犒賞二月袁崇煥陞僉都御史滿桂趙率教
各總兵都督同知成張慎言逮周宗建繆昌期
忠賢取李寔空印奏本填周起元周順昌高攀

石匱書 卷一
龍李應昇黃尊素俱係和黨遣官旂逮問鎮撫
司奏報緝獲奸細武長春係叛將李永芳壻下
刑部擬罪三月朵顏等衛裔人妙朵兒進貢經
略高第引免袁崇煥為巡撫發內帑銀十六萬
兩并內庫軍器給山海各鎮充賞以激勵將士
給肅寧伯魏良卿四代誥命賜魏良卿養贍地
土七百頃命內監劉應坤陶文紀用等出鎮山
海科道官疏爭不聽以王之臣經畧遼東封西

洋砲為安國全軍平遼靖鹵大將軍遣官致祭
四月下周宗建繆昌期北鎮撫司獄高攀龍卒
時有旨逮攀龍官旂擬于十八日開讀而攀龍
先于十七日溺池死緹騎至蘇州逮周順昌時
民變毆殺官旂數人撫臣毛一鷺奏聞有旨密
捕為首顏佩常等五人戮之李應昇周順昌至
京下北鎮撫獄五月繆昌期斃獄王恭廠地火
起勢同崩裂都城西南一方十餘里屋宇倒塌

男婦死者五百餘人皆身無寸絲黃尊素到下
鎮撫獄薊門地震朝天宮火大學士顧秉謙進
三朝要典副本又茶進 神宗實錄副本六月
工禮二部請給魏忠賢祖父祭墓誥命詔以伯
爵例行初五日寅時京師地震天津三衛亦震
宣大同日震倒壓死傷更慘周順昌周宗建斃
獄閏六月時京師荒旱降詔卹民黃尊素斃獄
東廠傳旨抄沒吳養春家私將黃山地畝盡充
公用李應昇斃獄下周起元于北鎮撫女直侵
并西北部落七月王之臣袁崇煥會議總兵滿
桂掛征鹵將軍印鎮守三海駐札關門兼管四
路二月變賣黃山立限嚴追程夢庚等贓銀十
三萬六千西吳養春贓銀六十餘萬西山場木
殖銀三十餘萬兩山場地三千四百餘畝連變
賣以助大工復以妖術下劉鐸于刑部獄與其
黨曾雲龍彭文炳劉福等即便會官處決鎮撫

石匱書 卷一
司奉上傳犯人徐日強等着送刑部擬罪張國
紀身係皇親宜恪遵禮義不得濫用匪人着行
省改九月女直主病死詔諭停刑以三韓功晉
魏良卿肅寧侯十月叙三殿功魏忠賢晉秩上
公魏良卿晉封寧國公遼東巡撫袁崇煥遣喇
嘛僧鎰南木通女直朝鮮國王李暉奏辯國內
事情有旨獎慰并慰毛文龍稱毛帥而不名十
一月詔卹徐朝綱合門死節南京地震十二月
以劉志選奏逮王之寀戍孫慎行

七年正月朔上御新殿百官朝賀給內臣關
防點生顧同寅私撰祭熊廷弼文事發到廠斬
于西市二月盜竊天壇神器信王出府成婚信
王辭免贍田差太監胡良輔鎮守海外等處差
太監苗成暨金捷郭尚禮於皮島等處駐札督
權餉運遼撫袁崇煥奏北騎求款情真三月三
王辭朝啟行之國念驛遞疲苦辭免欽賜馬匹

上允之脩築董家口山東巡撫李精白報產麒麟朝鮮告急命毛文龍出師援救封涿房等礦洞敘滇捷四月工部主事呂下問勘賣黃山殘虐激變百姓焚解求殺之下問道免皇陵失火延燒四十餘里東江將士高萬重李鏞徐敷奏逃散毛文龍報請正刑又報晏延關之捷增定大帥杜文煥駐寧遠尤世祿駐錦州侯世祿駐前屯左輔駐大凌河滿桂駐開門節制四鎮仍賜劔以重事權五月總兵滿桂塘報官兵破敵于瓜籬山六月女直攻寧遠總兵滿桂等大戰敗走之及錦州圍解總兵趙率教恭報一月三捷兵部奏北騎傾巢而歸有旨嘉廠臣秘計妙算屢建奇功兵部霍惟華覆奏廠臣茅土尚覺其輕良卿太師尚欠一級嗣後諸臣疏頌皇皇上上公並稱豐城侯李承祚請封魏上公為王是時天下府州縣皆建有魏公生祠以浙江撫

臣潘如禎為倡皆御賜祠額騷動天下海寇鄭芝龍等犯閩中銅山中左等處上不豫遣官魏良卿代行孟烱享廟禮宣延鎮之捷七月刑部請出竇承武竇濬于獄立功贖罪袁崇煥以病乞歸賜兵部尚書王之臣尚方劔駐劄寧遠一片石西界忽生鉛礦可資火器命會同督撫道府開採煨煉敘錦寧三捷功魏忠賢弟侄一人特封安平伯魏良棟准封東安侯八月十八日上疾大漸有旨諭吏部奉聖夫人客氏子侯國興進封伯爵傳諭加宮保卿貳者五百餘人二十二日上崩遺詔信王登極上尊謚曰愍皇帝廟號熹宗

石匱書曰我明三百年宦官之禍始於正統橫於正德復橫於天啟正統正德猶對口發背之症壯年力旺毒不能內攻幾死復活天啟則病在命門精力既竭疽發骨旋癰潰毒流命與俱

石匱書 卷
盡矣 烈宗雖烏鵲哉其能起必死之症乎且
又求愈太急多服劫劑元氣日耗神氣不守風
邪卒乘有立斃已矣則是宦官之禍種毒既深
國與隨盡可不畏哉可不畏哉

石匱書卷第十六

皇后本紀

孝慈高皇后馬氏宿州閔子鄉人先世默采太
保父馬公母鄭媪馬公貧而俠歲儉以女托定
遠人郭子興后智而能勤女紅精異子興夫妻
視如己女子興為濠帥奇 高帝收之幕下以
后與婚子興男數困帝后左右之嘗懷焦鎗腐
膺從在軍恐 帝倉卒迫隄之不時度歲飢餓

石田書 卷一
糗餌自不宿飽有識記書札委受倉卒未嘗失
遺 帝帥師渡江后率諸將士妻妾從完緝衣
鞋給士怕至夜分 帝禦陳反諒龍灣后盡發
金帛衣服賞士怕語 帝以不殺人為本人心
婦即為天命 帝甚善之既即位立為皇后謂
侍臣曰昔漢光武勞馮異言倉卒蕪姜亭豆粥
滹沱河麥飯厚意久不報今皇后起布衣與朕
同甘苦常從朕軍中倉卒忍飢餓懷糗糒食朕

比豆粥麥飯困尤甚昔唐長孫皇后當隱太子
構禍皆盡孝誠謹承諸姊妹消釋嫌疑往郭氏
猜忌朕孤危甚賴后調護曲周而免視長孫皇
后尤難家有良妻猶國有良相也朕忍忘之罷
朝語后曰妾聞夫嬪相保易君臣相保難陛
下不忘糟糠妾願陛下毋忘貧賤一日 帝念
天下窮苦當饋而嘆后起賀曰陛下此心即古
人飢溺繇已之心願常存勿去及克蕪輸燕寶

重器于寤畢入陳后問高帝所得元者何
帝曰珍寶后曰元氏有此柰何不能守而失之
豈財貨非寶帝王自有寶和帝曰后意謂未
得賢和后起拜曰陛下言是南京宮闕成高
祖與后步出乾清宮帝顧后咲曰胡做亂做
做出如許大事仰視椽題見上有草工繪画深
悔失言意欲除之亟召草工下后以手自揜其
耳草工悟屢召不應遣內侍摘之下詰以不應

故草工曰少患耳聾遂釋不誅居恒常勸帝
親賢務學隨事幾諫講求古訓諭告六宮一日
集女史清江范孺人等問漢唐以來何后最賢
冢法何代最正對曰惟宋為盛后命錄其冢法
賢行誦而聽之或曰未免過仁厚后曰過仁厚
不強於剝薄乎后顧問黃老何教也而竇太后
好之女史曰清靜無為一本若絕仁棄義民復
孝慈是其教矣后曰孝慈即仁義也詎有絕仁

石園書 卷三
義而孝慈哉又常勸 帝預蓄積以禦水旱曰
堯水湯旱以有備故不害苟無預備民不聊生
矣遇旱蝗輒茹麥飯野蔬助 帝虔誠禱格念
百官、京師者俸有限請於 上常中使周給
之常宴廷臣飲饌非親嘗不進謂 帝曰朝廷
以天祿養賢必豐腴乃當今典大烹者於群臣
皆不旨微非陛下意乎 帝急召光祿詰責之
帝嘗幸太學還后問國子生幾何 帝曰數千

曰悉有家否曰亦有之后曰人才衆多廩之薄
矣妻子不贍不累心耶 帝即命月給有家太
學生糧為故事後 帝以重典肅天下后常濟
以寬仁每前殿決事有震怒還宮坐定后必詢
今日處何事怒何人因出涕諫曰陛下艱子今
已有衆子宜積德毋縱怒枉殺人性命即國祚
長久 帝每為追悔吳興民沈萬三家富甚有
盆曰聚寶能益財為 帝造都城三之一又為

帝擣軍 帝曰匹夫擣天子軍亂民也宜誅后
諫曰妾聞法也者所以誅不法也非所以誅不
祥民富敵國民自不祥不祥之民天將災之未
有不法以犯吏辟陛下何煩 上釋萬三流之
滇南瘞其盆城下名門曰聚寶 高祖兄子文
正鎮江西驕縱無道 帝誅其左右欲罪之后
諫曰文正驕縱然自渡江來克太平破陳楚也
先取建康屢戰有功守江西被圍距陳友諒能

堅守三月不下其智勇也况骨肉親侄即有罪
宜宥 帝曰后言是後文正怨望 帝怒欲致
之法又以后力諫而止宋學士濂常授太子經
以註誤寘重辟后聞為素食 帝還宮問故后
曰聞宋先生當刑祈天宥之耳因泣下曰民間
延一塾師訓子弟尚始終不忘宋先生授太子
諸王經甚劬今柰何殺之况宋先生致仕在家
又何與京師事也乃得貸妃嬪宮人被 上寵

有子者厚待之命婦入朝廷接如家人禮尚膳
御前必躬自省視宮人曰典膳有人無煩聖體
后曰婦人事夫不可不謹且吾親視不至使余
輩受責耳一日美寒帝擲羹狼籍后面后燂
再進而為改容帝怒宮人后亦為同怒執付
宮正帝稍解問后曰不自責付宮正何也后
曰妾聞明主不以喜怒加刑賞當陛下怒時恐
有疇重付宮正則酌之矣上曰爾怒何也后

曰妾之同怒所以解陛下怒也嘗語帝事机
得失本君心邪正天下安危係民情苦樂又曰
法屢更必弊則生奸民數擾必困則生亂
帝嘗命女史書之晚年好讀朱熹小學曰是書
言易曉事易行而人道無不備宜表章之于是
勅親王駙馬太學生咸講習小學性至節儉居
常服澣濯衾裯終久不忍易製衣裳緝餘帛為
巾褱曰天地生物當為天地惜之織工治絲有

荒類棄遺者亦緝織賜諸王妃公主謂之曰若
生長富貴庸詎知蠶桑之不易乎此雖荒類然
在民間即可絲亦難得不可輕棄也

高祖盛

怒有大殺戮后度不能解衣微時所服衣取糗
糒置懷中出寘御前曰主忘昔日之貧賤邪此
主昔所嘗食也 高祖每為動容洪武十五年
八月后疾 帝寢食不安群臣請取醫禱于山
川后謂 帝曰不起命也禱醫何益使醫無効

上必戮醫是益妾罪也及崩六宮外庭下至閭
巷莫不號慟葬孝陵謚曰孝慈聞之秘傳高后
五子皆娠諸宮人而后竟不誕懿文母李淑妃
成祖母碩妃傳之太常祀典及孝陵泣次確
不爽

仁孝文皇后中山王徐達長女少喜讀書一覽
輒不忘洪武九年冊為燕王妃 高皇后深愛
之曰吾孝婦也及 高皇后崩哀毀動左右執

喪三年蔬食如禮每見手澤未嘗不流涕在燕
邸助 文皇為憂勤而和厚逮下 文皇入正

大統后正位愈加祗畏靖難兵興后弟增壽有
陰戴建文帝害之 文皇將追封為后力辭
上曰非以后故后曰此陛下大德顧非妾志弟
子景昌稚無知願賜之師教平居數為 文皇
言南北戰鬪累年軍民不得休宜有以慰薦之
又言人材難得今在廷之臣皆 太祖所成就

願陛下勿以新舊為間時 文皇召翰林七臣

倚毗之與朝夕共政后悉召其命婦賜冠服鈔
幣勞慰之后觀女憲女戒諸家約其要義作內
訓二十篇復采儒釋道嘉言善行類編勸善書
示太子諸王而戒之曰積善如登山久必高積
惡如穿坎久必陷又曰為善如夜就旦漸睹天
日為惡如旦就夜漸入幽昏及有病遺命皇太
子夙夜恪勤敬事君父勿以我故哀毀傷君父

石田書 卷八
心往時余父皇靖難吾母子留守京師南兵圍城數四將校士民之妻皆擐甲曹挾矢石登城列陣以死守甚苦及內難平吾正位中宮富貴已極而將校士民之妻恩典闕然吾寢食未嘗敢忘近聞余父皇將巡狩北京意得從請加恩今不逮矣余謹志之奏聞父皇以終吾志及崩帝慟哭群臣奉慰 上曰皇后仁明賢孝漢馬氏唐長孫之流也雖處宮中一念在民繼今不

聞善言矣因為后薦大齋於靈谷天禧二寺聽群臣致祭光祿寺為具物甲午冊謚曰仁孝皇后出內訓勸善二書頒賜臣民塋長陵

孝誠昭皇后張氏永城人父彭城侯麒洪武二十年冊為燕世子妃世子監國時二王揚播流言日處危疑后小心恭孝得 文皇心 文皇嘗內苑曲宴恚監國憤 而獨念后賢呼之前指太孫曰媳婦微而與而子憤 者廢矣異時

家事大難若應承后叩頭謝尋忽退 文皇恠
密偵之則入大庖手湯醢出薦 文皇為感泣
痛飲盡歡乃罷酒自是太子得無妨而國安及
仁宗即位多所翊贊宣德元年尊后為皇太后
宣宗事太后甚謹軍國大事必稟命而行太后
亦時、詢 帝外朝所平決是時海內泰寧
帝入奉內宮出奉遊宴四方貢獻雖瓜菓微物
亦必先上母子間慈孝聞天下三年 帝奉太

后游西苑皇后皇妃侍行 帝掖與登萬歲山
奉觴上壽獻詩頌德太后悅酌賜 帝諭以保
安天下 帝稽首拜受五年春奉謁長猷二陵
如漢明帝故事親繫鞵騎導至河橋下扶輦畿
民來道拜瞻感悅陵旁老稚亦山呼迎拜太后
顧 上百姓戴君以能安之皇帝宜念 上奉
太后過農家召問其老婦生業安否皆踴躍應
對質朴如家人太后賜之鈔幣飯飲有進蔬食

酒漿者太后取以嘗時彭城伯昶兄弟從太后
召見行宮諭令謹保家族毋得恣肆以招罪愆
此時朝廷有法雖吾至戚亦不得而保全之矣
汝兄弟其朝夕在意後宣帝崩 英宗嗣位太
監王振以伴讀恩入司禮監所為多不法一日
太后御便殿召大臣英國公輔大學士士奇柴
溥尚書潑入 英宗西向立榻傍輔等西下立
左右女官雜佩刀劍侍廷中肅然太后召輔等
前曰卿等皆舊臣輔政今嗣君冲年幸同心一
力計安社稷召士奇溥前諭曰先帝監國時念
二卿孤忠屢形愁嘆及在位每語及監國時事
輒潛然涕下念二卿同憂危言在耳不忘不謂
今日得相見也士奇溥伏地泣太后亦泣左右
皆悲愴久之顧 上曰此五臣三朝所簡任
貽皇帝皇帝凡有行必啓有斷決必告非五臣
所贊決不可行也 英宗稽首受命頃之宣太

石園書 卷一
監王振伏殿下太后色頓異曰汝侍皇帝起居多不法今賜汝死於是女官加办振頸振叩頭稱萬死 英宗跪請諸大臣皆跪太后曰帝年幼豈知此輩誤人國家多矣我聽皇帝及諸公卿言姑留此奴然自今更不得令干預國事如再犯即斬勿赦時禁闈肅清諸宮中一切玩好不急之務皆斥不用禁中無差官事必付閣下票擬然後行隔數日太后輒遣中官至閣問連

日幾多事幾多章奏閣臣條對以進太后叅比之或經司禮自斷非閣臣議允者輒召振詰責繇是終太后之世振不敢專大慙伏不得作正統七年十月崩上尊謚孝誠

恭讓章皇后胡氏山東濟寧州人為 宣宗結髮后帝時海內宴安車駕頗事游幸后常乘閒規諷居二年疾無子而孫貴妃有寵宮人有子貴妃子之遂立為皇太子后遂稱疾請閒 宣

宗下詔曰比者皇后胡氏自惟多疾不能奉承
祭養重以無子固懷謙讓表請居閒朕念夫婦
之義屢拒不允而陳辭加懇至再至三已後所
志就閒別宮其稱號服食侍從一如其舊貴妃
孫氏 皇祖太宗選嬪於朕十有餘年德義之
茂冠於後宮寔生長子已立為皇太子群臣咸
謂春秋之義母以子貴宜正厥位今冊妃孫氏
為皇后尋賜胡后號為靜慈仙師 宣宗晚年

自悔欲追復后位號恨莫及每自嘆曰此朕幼
年事後仁孝皇太后憐后賢仍命入居清寧宮
進膳如常儀每燕會居孫皇后右正統初年崩
天順中孫太后崩閣臣李賢等議定上胡后尊
謚下勅言母后胡氏遺榮慕道讓位就閒優游
百年以及令終朕時冲幼不敢故違尊為靜慈
仙師祭葬之儀亦惟是稱皆所以仰成其先志
也迄今思之甚悼甚悔其議上皇后尊謚令所

石田書
司脩葺陵寢如制

孝恭章皇后孫氏山東鄒平人父忠永城主簿
彭城侯張麒妻昭皇后母也故永城人章帝為
太孫時 成祖為選婚彭城侯夫人言后於
仁宗得入宮方十餘歲 仁宗命昭皇后育之
已胡皇后中選為皇太孫妃命后嬪 仁宗即
位冊胡皇后為太子妃而亦賜后妃冠服及章
帝踐祚冊胡皇后為后后為貴妃罷冠後宮宮

人有子貴妃子之得立為太子是為 英宗皇

帝胡皇后知 上意在貴妃遂稱疾上表遜位

上許之遂冊貴妃為皇后左右 宣宗多所匡

弼及 英宗嗣統上尊號曰皇太后正統中太

監王振橫肆嫉祭酒李時勉不附已廉其微過

荷校文廟前孫太后聞之大驚召帝問祭酒儒

生師表至尊重奈何令囊頭表則地於紀綱謂

何帝謝不知太后大怒曰即不知用若為作皇

石圍書 卷
帝帝遑遽遣中使偵問乃知振所為也遂得釋
土木之難中朝洵患無君太后詔百官太子
冲幼未能理萬幾邠王 宣宗親子又年長可
嗣大統王本他姬子竟立之而社稷以安 英
宗在鹵中太后寄貂裘禦寒及在南宮時入省
視太監王誠舒良密議俟太后入以景帝旨即
留之南宮太后不敢復往石亨陰結太監曹吉
祥蔣冕等謀請復辟密白太后許之既復辟石

亨徐有貞等共傾于謙勒之於死后憐謙忠社
稷功不賞反致殺身面諭 英宗何為不留謙
以保社稷 英宗大悔悟天順中以會昌兄弟
得封爵顧不樂者累日曰何功于國家而濫受
祿秩如此物盛必衰一旦有于國憲吾不能救
之矣六年崩上尊謚孝恭

孝莊睿皇后錢氏燕山右衛人父貴以燕山護
衛千戶從 成祖北征陞都指揮僉事后以正

石匱書 卷五 十五
統七年冊立孝謹無妬忌 英宗閔后族卑微
欲侯之后輒遜謝故后外家獨不封 英宗北
狩每夜瞻北斗哀號顙天拜祈駕還倦則即地
卧未嘗就寢自是一股為痿不起以哭泣多故
一目為失明及迎駕悉宮中所有以佐費駕還
居南宮不快意后日夜為慰解保護勤至及復
辟太監冕請於皇太后立貴妃 英宗怒立斥
之先是孫太后子 英宗無敢言者太后崩后

具言之并為胡廢后白枉 上莫知毋宮人為
誰竟已而後胡廢后為故后景皇后以邴王妃
居宮中后禮焉如妯娌 英宗臨崩念周貴妃
有子后無子恐千秋萬歲後不得同穴特命大
學士李賢曰錢皇后千秋萬歲後當與我合葬
賢退而書之閣中 憲宗即位欲上西宮徽號
周貴妃不欲后並稱曰豈有無子為皇帝稱太
后者 上使太監夏時下外廷議以彭時議得

西宮並尊而更於太后上加慈懿二字成化四年太后崩因太后又不欲后合葬

上使夏時

懷恩召大臣議又以彭時姚夔上疏力爭率百官跪伏文華門外得旨合葬裕陵遷主祔廟遂上尊謚曰孝莊睿皇后

景皇后汪氏 英宗冊為郕王妃性稟真純恪脩女行孫太后雅重之郕王自監國進即位是為景皇帝立后為后后侍 帝持禮無狗鹵犯

京師后下懿旨掩骼埋胔后無子有二女次妃抗氏生子見濟景帝欲廢英宗太子立為后泣諫以為不可 帝竟廢太子為沂王立見濟而抗氏為皇后以后諫故幽之宮中 英宗復辟景帝崩后仍稱王妃欲使殉葬李賢曰妃雖立為后尋見幽抑其西女無依尤可矜閔 上曰朕謂無所置之初不計其母子卿言良是而憲宗時為太子雅知妃不欲廢立意所以事之益

恭得出侍衣食用度賜予有加憲宗又從中護持之悉得挾賞屬外二女育宮如故其一女長誓不適人憲宗強之下嫁郡馬王堅后賢且壽周太后與相得甚惟歲時召入叙家人禮正德元年薨廷臣疑葬祭王鏊曰葬以妃祭以后遂合葬二年上尊謚曰貞惠安和景皇后杭后以景泰之七年薨先祔廟 英宗復辟改封號遷別室而 景帝母曰吳太后者亦以復辟之年仍為貴妃

孝穆太后紀氏 憲宗妃 孝宗母也賀人本蠻土官女成化中大征蠻太后在俘中久之中選宮人受女史警敏通文守內藏時萬貴妃有寵而妬他姬幸上者皆治使墮妊即妊亦被其害傷柏賢妃所生悼恭太子亦為貴妃失之上嘗行內藏紀太后應對稱 上意 上悅之就藏幸太后萬貴妃知而恚甚居數月且治之

石園書 卷一
婢謬報曰病瘧于是萬貴妃譖太后 上前謫
居安樂堂亡何 孝宗生太后使門監張敏溺
焉敏驚曰今 上未子雖不敢即使 上知顧
奈何棄之稍哺餌粉飴秘之別舍此時惟 憲
宗廢后吳氏知之亦時 哺養至成化十一年
六歲矣尚不敢剪其胎髮萬貴妃不知也莫敢
言 上上平居數嘆未有太子中外亦憂萬貴
妃者一日在宮中安能使諸妃子也他日 上

召張敏擲照鑑嘆曰冉 矣而未子敏伏地曰
死罪萬歲有子也 上叱安得有敏伏地叩頭
曰有顧萬歲當為子主者臣敢出以見 上曰
老奴無傷也何以生領我視之敏復伏地言狀
憲宗召見之 孝宗髮被地走入 上懷牽
上衣游戲捋 上髯 憲宗顧視曰我子也類
我會其年五月乾清宮灾外廷憂 上無繼嗣
上乃使司禮監懷恩出謂大學士商輅等曰

石匱書 卷一
主上有子六歲莫之知因具道故群臣聞之大喜即請為 孝宗名擬 上不中 上自名之 于是 上移居紀后永壽宮數召后飲酒甚歡 萬貴妃日夜泣怨也曰群小亡狀不使我知其 六月候 上召紀后飲置毒酒中后暴薨 上 悲悼之意貴妃而不明言賜謚恭恪莊僖淑妃 張敏惧亦吞金死 孝宗竟立為太子即皇帝 位以其年追封后皇太后謚孝穆遷塋茂陵主

祀奉慈殿時萬貴妃久死中外謹譁指切妃家 監察御史曹璘請告貴妃罪先帝遷其塋削其 謚號魚臺縣丞徐頊亦請逮治當時診視諸醫 萬氏眷屬曾出入宮禁者究問所以暴薨狀僉 謂株連大獄非所以妥 先帝已之而特遣太 監蔡用之賀求紀家得繼父貴祖旺兄弟二人 以聞 上既悲傷念太后聞得其家兄弟大喜 詔名父貴為貴授錦衣指揮同知祖旺為旺授

指揮僉事賜予第宅金帛莊田奴婢不可勝計
追贈太后父為中軍都督府左都督媪為夫人
其曾祖祖父亦如之遺修太后先茔之在賀者
置守墳戶復其家先是太后在宮中常自語世
賀縣姓紀親族多不能知也太監郭鏞陸愷皆
聞之愷亦廣西人故姓李蠻中紀李同音至自
妄自稱太后兄求鎮守兩廣太監恒者為訪其
叔福與兄偕來福等皆已死愷姊婿帝父成因

出冒之有司皆待父成戚畹名所居里曰迎恩
貴旺者亦故姓李輒曰帝猶冒焉况我寔姓李
因詐為宗系上有司有司莫辨也用既與偕來
二人驟富貴父成輒生心詣闕爭辨上命郭
鏞聽之鏞亦謬逐父成婦上既使、者修治
賀先茔蠻人凡姓李者皆自稱太后家數見使
者使者還訴貴旺不寔上復遣給事中孫珪
御史滕祐間行連賀諸處珪祐微服入徭徇中

石圖書 卷三
祭得其偽歸奏 上謫罰鏞等 有差戾貴旺邊

海 上數念求太后家 竟不得其要領 弘治三

年八月 禮部尚書耿裕奏曰 臣伏見 陛下追

念皇太后 深渭陽之思 重力微 魏書力微 無舅家 之戚

使者冠蓋 結軼道路 訪求宗支 見似而喜 薄誅

其厚誣者 上聖之隆 思昊天 之極感也 粵西

昔當大征 之後 兵燹飢荒 人民奔竄 歲月悠遠

踪跡難明 陛下求之 益勤 恐天下 鑿空以應

陛下者 益巧 昔者 孝慈 高皇后 與高皇帝 並出

艱難 化家為國 白首偕老 徐王親 高皇后 父當

后之身 尋求 家族 尚不克 獲 乃立廟 宿州 春秋

祭祀 以表 霜露 今紀 太后 多離 西粵 入侍 先

帝 久賓 坤極 連賀 非徐 宿中 原之地 嬪宮 無母

后 正位 之年 陛下 風木 雖悲 訪詢 難切 安能

得其 要領 獲其 疏屬 哉 臣愚 謂可 做徐 王故事

定擬 太后 父母 封號 立祠 桂林 春秋 致祭 必有

在天之靈未歆明祀者 上曰孝穆皇太后早
棄朕躬每一思念怒焉如割初謂宗親尚可
求寧受百欺冀獲一是卿等謂歲久無從物色
請加封立廟以追慰聖母地下之孝朕虛有此
心終天痛之其依我 皇祖故事封后父為慶
元伯謚端僖后母伯夫人有司立祠桂林郡歲
歲祀大學士尹直撰哀冊有觀漢家堯母之門
增宋室仁宗之慟二語 上燕閒輒念誦欵欵

流涕廣西人有言祠伯時用美羞嘉膳輒變怪
有徵見鮮腥大驚則盼嚙惶惚祭畢人具安樂
云

孝潔皇后陳氏元城人 肅皇帝元后也少時
與諸女擲錢戲錢四側既長張太后為 肅皇
帝選婚望氣者言大名有皇后氣得后立為
上授后父萬言都督同知賜第西安門外工部
尚書趙璜言西安門近宮治萬言第請毋過高

石 廣 上怒逮營繕郎中葉寬員外翟璘下獄久
乃釋更封萬言恭和伯給世券萬言數侵牟其
縣民縣令張好古執其僕杖之亦坐下獄 肅
宗初踐祚方銳意修身齊家如古帝王其接后
以禮而他日張文二妃尚茗 上稍循視其手
后恚投盃起 上大怒竟悸墮妊崩七年十月
也 上曰上有兩宮宜殺其喪禮裁定禮部所
上儀注 上玄冠素衣十二日更服淺色衣聽

政西角門朝兩宮則具如常服百官三日臨喪
服十二日閣臣張璠以為不可請仍二十七日
制第稍殺之以別其大喪 上可其奏謚悼靈
改謚孝潔以其年別塋之天壽山襖兒峪萬歲
後母同穴也及 帝崩 穆宗即位下禮官議
以后為元配合遷奉襖兒峪梓宮合塋永陵主
祔太廟制曰可

孝烈皇后方氏 肅皇帝第二后也 帝即位

且十年未有太子張璠言古者天子立后並建
六宮三夫人二十七世婦八十一御妻所以廣
嗣也臣願 陛下乘茲鼎盛博求淑女為胤祥
計 帝從之其明年后與鄭氏王氏閻氏常氏
沈氏盧氏沈氏杜氏並冊為九嬪冠九翟冠大
彩鞠衣圭用次玉穀文冊黃金塗視皇后殺五
分之一至期 帝袞冕告太廟還服皮弁御華
蓋殿傳制遣勳戚文武大臣行冊禮既冊後皇

后朝內朝禮成百官稱賀 帝皮弁受見蓋創
禮也后端慎不怠甚稱 帝意張后廢 上屬
后舉示夏言 對曰臣請為 陛下賀天天圓
而地方者也 上喜遂以其年立為皇后進封
僖嬪沈氏為宸妃麗嬪閻氏為麗妃副之故事
立后謁內廟而已 帝以天子立三宮所以共
承宗廟禮經有廟見之文下翰林禮部議 如
旨正月壬子 帝御奉天殿遣太傅武定侯勛

為正使少傅享敬為副使持節冊立為皇后
帝率謁告太世二廟乙卯頒詔天下丁巳受命
婦朝賀於未央宮 帝之薦高皇帝后尊號也
后捧高后主亞獻睿皇后升祔忌辰 帝率后
與諸妃親之睿皇后既祥以后奉几筵恭特進
封其父都督方銳安平伯 帝待宮人下急宮
人怨謀弑逆二十一年十月 帝之所幸曹妃
及寧嬪王氏侍寢 馱宮婢楊金英張金蓮等

十餘人以組縊 帝項釵股刺其囊組誤為死
結不殊金英恐走告后 馳至解 帝組 帝
乃蘇趣捕金英訊之辭首王寧嬪曰曹妃雖不
與亦知謀是時 帝病悸不能語后以 帝命
收曹妃及金英等十餘人磔于市并收斬其族
屬 帝念曰曹妃我所愛豈宜生此心寬之銜
是言為 上德后之救之復進封父銳為侯父
之上念曹妃終疑后二十六年冬十一月宮

中火中官請救后 上不應后遂崩 上諭禮部曰皇后比救朕危奉天濟難冀相終始不意遽逝痛切朕情其葬亦元后禮先祔享太廟禮部尚書徐階力爭以孝潔皇后例請不宜祔太廟 帝不從 帝以后救寢榻之變亦念后先壓于孝潔又以睿考入太廟非臣子公論恐千秋萬歲後所祀主或非 仁宗而在睿考故欲后先祔群臣之意亦不在不欲 帝自豫廟者

以孝潔元配不祔故未敢遽祔后 穆宗即位上尊謚孝烈用禮官言奉后主弘孝殿

孝安莊皇后陳氏大名人李皇后以太子妃薨冊后繼之 穆宗即位冊為后 莊敬有聖德帝所幸無度后每正言沮之遂不悅屏居別宮者數年后疾左右無侍者外廷以為憂既疾甚詆御史詹仰庇上疏曰天子有后猶天有地分陰陽之理建天下之極者也皇后 先帝所冊

立以配 陛下以位中宮 陛下宜遵 先帝
之命篤宮闈之好以為宗廟社稷主四方家人
之則切聞皇后舉止端莊久拂聖意而去歲車
駕謁陵皇后隨輦朝野欣慶群疑消釋近聞久
離坤寧置之別宮寢食起居左右無侍以致抑
鬱成疾 陛下畧無眷顧中外憂懸萬一不起
如聖德何 上曰后無子多病近移居別宮冀
稍安適或可暢意爾不曉內廷事乃妄言浚

帝疾劇忽思后言乃召還宮歡好月餘后復規
正如初 帝頗嘉納然已無及矣駕未崩先一
日后亟召三輔臣高拱張居正高儀垂簾語之
曰上多不能起太子少所賴三先生秉公輔
政凡事無欺蔽也三臣涕泣拜命而出 神宗
即位上謚仁聖皇太后、以貞靜慈儉化訓宮
掖數戒飭外家稟禮守度以保終始萬曆二十
四年七月崩上尊謚孝安

慎嬪魏氏魏縣人事 神宗有寵萬曆三十四
年元夕御宴慎嬪侍取君民同樂意勸上停
曠稅面訶鄭貴妃為妹妯忤旨幽之七日暴卒
魏氏有女德好直諫與孝靖相結素為鄭妃所
忌 光宗七歲時有水厄魏氏力救得無恙鄭
妃恨之屢遭排斥及譴死頗著靈異 上嘗念
之卹最厚魏家人載其事傳之

召匱書曰高皇后貌同齊威后而智亦如之然
其一念好生之仁永巷脫簪有禪聖德 太祖
自擬漢高其於娥妯唯雉相去不天壤哉 太
祖敬禮糟糠死不立后雖報之獨厚然求其聖
瑞母儀足繼我高后者蓋亦難乎其人矣嗣後
孝誠孝莊代有聖德總不及孝慈高深但得其
毫髮亦足以光被彤管嗚呼盛矣

石匱書卷第十七

太子本紀

懿文太子標 高帝長子也母曰李淑妃高皇后娘為己子 帝初下姑孰名郡曰太平而太子生報至 高帝喜鑄其山曰到此山者不患無嗣稍長 帝使宋濂傳之年十四 帝即位立為皇太子以廷臣兼宮僚不別置東宮官以明父子一體君臣一心乃以左丞相善長兼太



子少師右丞相達兼太子少傅中書平章錄軍
國重事遇春兼太子少保廷臣皆兼官有差作
大本堂收插圖籍番直儒秀其中有政則太子
與群臣先決乃以上聞而諭之曰造君多睿承
君多爽造邦之君身周於艱周艱則思仁則睿
承業之君身生於安生安則墜仁則爽惟仁不
暴惟明不惑惟勞不佚惟斷不牽惟怠用爽小
子最哉 帝威嚴神武極教盡刑太子慈仁慤

勤慨然思寬通平易之政 帝嘗錄囚命御史
袁凱送太子覆審太子遞減之 帝問凱朕與
太子孰是凱頓首曰 陛下欲殺法之正也太
子遞減心之慈也宋濂之孫慎坐通胡惟庸
帝命即家誅濂太子泣曰臣顛憊無他傳惟
陛下裁哀矜濂死 帝怒曰待爾為天子而矜
之太子惧溺於汪闋出焉 帝為太子赦濂而
喜且怒曰痴兒予殺人何與汝也因令出太子

濡衣履者擢三級解衣者皆坐 帝微時嘗被
追高皇后擅 帝逃及薨以是圖授太子令佩
之一日 帝大刑人太子諫 帝默然良久翌
日遺棘材地上命太子持太子有難色 上曰
爾尚難持其復能琢治今所誅除皆天下險人
奸徒琢治燕爾福莫大焉余惧余之弗能持也
太子頓首曰臣聞堯舜之世不雕自䟽不鏤自
完臣願 陛下存其樸也 上怒投之以杙不

中太子走逐之圖墮 上發視慟哭而罷久之
使視陝可都否太子圖陝歸報仍使吏部尚書
詹徽佐太子錄囚太子戒如前徽輒重附而先
入奏至太子奏 帝曰徽所執是法也太子
又頓首曰臣聞立國之道仁厚為本法者附也
非所以附 帝怒曰孺子欲遂君耶而教我太
子坐病悸薨洪武二十五年四月丙子也戊寅
臣民入哭慰 上亦哭曰朕老矣太子亡祔葬

太子鐘山東謚曰懿文立世子允炆為太孫太
孫即位追尊太子曰孝康皇帝廟號興宗靖難
後仍稱懿文太子始 高帝將即位之歲夢如
微時游舍南見西北群鳥如燕摩天而下其數
莫量須臾少近突出一鶴徐翅東南忽不知在
惟有青幡浮空教行少頃天上有一木為朱臺
稜角四周欄檻皆繫朱黃繩臺忽轉西以左南
向見列坐擘頭抹額者數人又臺旋北向以後

向南見中立三尊其中尊美貌脩髯人世罕見
略少回顧 帝仍往西北有頃逢數道士以真
人絳衣授 帝其衣裏五綵 帝服衣忽然冠
履俱備傍有道士授 帝劔靶劔皆如牙齒
帝轉行東南途逢皂衣者來禿袖露首及兩肱
股首頂兩耳竄怒目西北往 帝再東南行過
一小川、南山北有房東西約十餘間見懿文
太子青衣而立占者曰燕者燕也其數莫量燕

軍士也鶴者燕之王突出燕王出也美貌脩髯
燕王相也燕王蓋微時所生西北竟都燕也東
南、都也衣禿袖露首若肱股失所歸也龜者
釜也釜者父也頂一龜建文承太子也怒目西
北往憤也懿文太子青衣立川南川北房其所
祀陵廢為園也

石匱書曰自古創業之君俱不利其長子其啟
以後曾無一人得逝其數而吾懿文太子適當

其阨則勿謂帝王君相能自造命者矣懿文仁
弱確守高祖冢法而力行之其亦不失為漢
之孝惠而謙讓與恬無難可靖成祖領師出
何名哉

建文太子文奎洪武二十九年十月晦生高
帝曰十月晦日皆終不喜三十一年讓皇帝
即位立為皇太子靖難兵入京年七歲矣莫知
所終建文少子文奎建文三年生二歲建文

君遜位靖難後號為建庶人者是也幽中都廣安宮 英宗復辟憐庶人無罪又繫禁請于太后出之鳳陽歲給薪米聽婚娶出入自便又與閹者二十人婢妾十餘人給使令遣閹牛玉入禁諭庶人庶人伏地頓首謝且喜且悲庶人入禁時纔二歲年五十七始出不辨外物見牛馬輒驚悸世傳 成祖入宮時建文有幼子老媪教之牽 成祖衣哭跪前求食曰孩兒餓矣餓

殺孩兒矣 成祖亦哭曰汝生帝王家寧有餓死理命善撫之不知此建文第幾子抑即太子少子也或曰牽衣哭者 成祖育之宮中未知所終

石匱書曰異姓征誅南巢放弑其子孫猶脩三恪待以不臣古人斟酌忠厚所以大服于天下也今乃一門之內自極兵威覆巢之下不留完卵懿文則亦已矣其何面目見 太祖于地下

哉

哀冲太子載真 肅皇帝長子也母曰閻麗嬪
上即位十二年始得之既越月當名諭禮部尚
書夏言曰皇子命名有勅諭故事也夫名尚不
省賜之勅虛文矣朕欲待其知事乃教識之入
禮曰父命名朕欲先告祖考為夏言對臣讀內
則篇姆先相曰毋某敢用時日祇見孺子夫對
曰欽有帥父執子右手咳而名之妻對曰記有

成此夫婦相對語非命子詞 陛下曰不降勅
甚善請擬定告廟命名制以備一代典禮 上
曰是其儀上先日告太廟寢殿其日保姆抱皇
子於寢宮擇內夫人敬慎者使剪髮留角 二
皮弁御乾清宮皇后率麗嬪具服見行四拜禮
畢皇后侍立東面麗嬪後保姆抱皇子出寢西
至殿內授后內贊奏曰皇后率麗嬪闈氏敢用
吉日祇見皇子 上降座命制詞遂執皇子之

右手而賜之名皇后敬對畢左還授皇子於保
姆皇后率麗嬪并四拜次日 上御奉天門以
皇子名勅禮部宗人府籍玉牒 上如言儀越
月皇子薨敕曰朕荷天眷予丈夫子雖即云亡
然嘗告之皇天皇祖詔示中外將冊命之矣立
傷聖母之心深切朕懷之悼其謚之曰哀冲太
子

莊敬太子載鏜 肅皇帝第二子也以嘉靖十

五年生母曰王昭嬪娠時嬪夢神人星冠羽衣
衣之嬰兒遂生太子既三日 上祭告南郊及
奉先崇先二殿遣祭北郊諸壇南北郊皆加牛
一頒詔朝鮮安南二國蓋創禮也既四歲為嘉
靖十八年其春 上將視顯陵立為皇太子使
監國并封二子為裕王三子為景王同日受冊
寶故事冊立皇太子於文華殿諸王奉大門東
廊而已是歲禮官議禮擬二王同受冊於文華

殿頃之中官誤送皇太子冊寶裕王宮中而裕王冊寶乃在太子所太子雖立幼未見祥也上自顯陵還疾良久其明年上以方段朝用言將令太子監國而退行修攝之方諸大臣固爭太僕卿劉最以諫死其冬春坊贊善羅洪先司諫唐順之司經局較書趙時春請以明歲朝賀見太子於群臣上怒曰朕久不朝病耳洪先等遂歸誠儲貳有死君父心其皆草賊為民

其明年御史楊爵上書極言朝政上復大怒吾其傳也爵坐繫獄二十三年上又以久病欲傳位其冬禮部尚書竄請上以獻歲御朝上復恚曰爾等謂吾病矣即此新序傳位太子于是群臣莫敢請上朝者然太子寔弱不任年十四而冠二日薨太子生而靈靜不悅紛華上方好神仙以其動有仙氣異之既疾仁忍北面拜兒出矣其薨也上痛甚諭群臣曰太子

疾弱生母保母告我數矣比厚皖呂時中輩誹
謗朕躬謂朕不早朝又不教習太子朕受大明
命承大道運豈使小物欺哭又累太子年十四
或可出閣講學故先冠太子如故事宣期起凡
長往嗟今失之矣紙上唐誕之物能療之乎仰
思當日聖母愛之甚至未久捨我益彰朕不孝
耳禮官議喪禮上及百官碁 上謂天子絕碁
令百官齊裹哭臨冊謚曰莊敬工部尚書顧可

學言皇太子冠其日風壞泰折坊二日逝泰與
太同未婚而死曰折爾雅曰方澤泰折祭地也
請易折以圻不聽

召遺書曰自古慎忌之主即父子亦所不免
太宗曰人心遽屬太子欲置我何地此情語也
肅皇帝之二子哀冲蚤殤無問矣莊敬甫冠而
羅洪先等一請朝見遂疑其歸誠儲貳太宗
世宗所見其有二和嗣後裕景二王終不得立

而致煩廷諍多年諸臣蓋不諒世宗肝膈而
徒事曉：則亦奚益哉

懷獻太子見濟景帝長子也母曰杭妃景

帝以成王居攝已為真既三年懷獻八歲矣意
欲立為太子太上太子在不敢明言太監王
誠舒良為帝謀請先賜大臣金于是大學士
陳循高穀人賜金百學士江淵王一寧蕭鎡商
輅人賜金五十然亦未敢發頃之廣西都指揮

黃珖上疏曰太祖百戰艱難取天下期傳之
萬世往年上皇輕身禦鹵文武将吏十喪八九
駕陷鹵廷寇至都門幾喪社稷不有皇上臣民
何歸今且踰二年皇儲未建臣惟人心易搖多
言難定爭奪一萌禍亂不息皇上即循遜讓之
美復全天敘之倫恐事机叵測反覆靡嘗語曰
天與不取反受其咎近日仰觀天象土星逆行
入太微垣與諸災變皆可畏愕願早留意萬一

石園書 卷一
羽翼長養勢權轉移委愛子于他人寄空名于
大寶階除之下變為寇讐肘腋之間自相殘感
此時悔之晚矣乞與親信文武大臣密定大計
以一中外之心絕覬覦之望疏入 景帝大喜
曰萬里有此忠臣亟下廷臣會議禮部尚書
胡濙侍郎薛琦鄒幹集文武群臣廷議衆相顧
莫敢發遲疑久之司禮太監興安厲聲曰公等
謂此事不可即勿署名無得持首鼠兩端群臣

皆唯々署議於是文臣濙等武臣魏國徐承宗
等上言黃琬奏是詔曰卿等所引皆古義近者
耆舊內臣亦來勸導與卿奏同朕不敢專上請
皇母皇太后太后曰予老矣但願宗社久安天
下太平人心如此萬不可拂朕敬承慈命禮部
具儀擇日以聞即日簡置東宮官五月甲午立
見濟為皇太子廢汪皇后立見濟母杭如為皇
后改封太上皇帝皇太子為沂王大赦天下先

石圍書 卷一
是一日陳儀伏奉天門有男子執赤挺直入擊香亭奮呼先打東方甲乙木諸內使急縛男子詔付錦衣獄瘦死乙未以東宮令大賞文武官吏軍士丙申禮部言太子冲年百官朝朔望癸丑以立太子故賞諸親王公主乙卯賞邊鎮文武內外群臣 帝既先賜諸大臣金至是復多置東宮官屬諸臣皆兼東宮官支兩俸以慰悅其心黃珖者思明土官知府瑯庶兄也瑯以嫡

為土官知府而珖以捍禦功為都指揮瑯有二子鈞庶而長鉢嫡而少瑯老請鈞代鉢怨珖時方以都指揮守備潯州兵威甚振欲殺鈞并奪鉢而襲之計授鉢聚兵五千夜馳入府襲殺瑯支解鈞甕瘞之詐言盜入府明鉢入城舉哀請珖為捕盜珖即發鉢罪若為瑯伸理者巡撫侍郎李棠使叅政曾翬副使劉仁宅往治珖陰持金多遺翬仁宅外挾兵勢相抗撓仁宅陽許之

石圍書
留暈於潯與約去至南寧珙二子迓仁宅伏甲
縛之亦誘執珙於潯聞於朝詔械繫廣西獄珙
惧乃請立儲以悅 帝懷獻既立 帝赦珙進
為都督使人撫仁宅陷以他事而棠坐致仕始
珙疏至時中朝皆曰珙遠裔何知必有受賂而
惡之者以疑江淵而 景帝下詔書天下吏部
尚書何文淵為發端語曰天降下民作之君父
有天下傳之子常自喜而誦之 太上復辟王

誠舒良皆伏誅陳循江淵發戍鐵嶺衛商輅等
廷杖除名為民王直高穀皆致仕文淵以先致
仕虞禍咽金死而珙亦仰藥自盡 上命發珙
棺鞭其屍珙子政皆誅始署議時諸臣盡唯
惟王直與給事中林聰頗有違心然竟不敢言
及太子既立復大賞金直持金歸扣案頓足曰
此何等大事出蠻裔口吾輩不能諱媿死矣直
歸年八十餘夫妻諧老相攜阡陌間課督畊種

石園書 卷
子孫更迭上壽天以雨門外江漲直與老妻躋
門望之曰當時有欲引吾入閣者西揚抑吾令
吾得志今且有鐵嶺之行得躋門望漲即成化
初修英廟寔錄史館欲書江淵為珙作疏史官
兵濬曰此殊易辨若出江公手則必用京師奏
本經若用廣西土產經則珙自為之也取視則
廣西經淵乃得免於物議懷獻太子以立之明
年薨追謚英宗復辟降稱世子

石園書曰景帝以天下為千年不拔之基立太
子易沂王自二世三世以至萬世世策非不善
也亦詎料天之遽斬其嗣哉使懷獻蚤死而不
易沂王故得策之上即懷獻蚤死而復立沂王
亦不為策之中而禹湖龍馭傳位德昭不亦
千百一主哉而曹石耽也亦何所礪其齒牙耶

石匱書卷第十八



同姓諸王世表叙

天下事除一弊則興一利興一利則又生一弊
事若循環非謀國者所能逆料也我

高皇帝驅胡出塞復我中華經始慮終防胡為
急於是大啟宗封錯布萬國擇選諸子周匝三
垂北平天險為元故都以王燕東歷漁陽盧龍
出喜峰包大寧控滹塞山戎以王寧度榆關跨




遼東西並海被朝鮮聯開原交市東北諸裔以
王遼西接古北口瀕於雍河中更上谷雲中擊
居庸蔽雁門以王谷若代雁門之南太原其都
會也表裡河山以王晉逾河而西歷延慶帝靈
又逾河北保寧夏倚賀蘭以王慶兼般隴之險
周秦都圻之地牧圉之野直走金城以王秦西
渡河領張掖酒泉諸郡西扞嘉峪護西域諸國
以王肅此九王者皆近塞下以故城郭富於曹

滕兵車雄於魯衛莫不傳以元侯翊以宿將權
崇制命勢匹撫軍肅靖沙漠則壘帳相連締好
宗潢則冠蓋相望若乃周楚齊渾魯蜀諸王並
列內郡亦皆秉鉞麾旄部兵耀武蓋草昧利於
建侯拔蕩維於宗子是蓋斟酌周漢懲創宋唐
而為之者也迨後磐石維堅龍驤莫解葉高進
賈誼之策而齊黃竟晁錯之謀凌逼既深猜忤
遂積建文數年間雉雉龍躍利害相尋靖難以

後矯枉鑿覆益篤因心矯恣復萌稍申裁抑書
勒再三規誨懇切而齊谷不悛終負私貸宣德
初二叔不靖漢以義滅趙以恩完自是以後
天子攬網結網彘臬日嚴一不律則奪祿再不
不律則奪兵三不律則奪爵賢傳終老於梁園
懿親絕跡於魏闕即使力如晉鄭無假於勤周
頑如吳楚何緣而抗漢以故八十餘年間有園
土之收未聞甸師之戮至正德中真鍤狂狡卒

起窮邊宸濠亮奸久窺神器不逾旬月身殞國
除嗣後天潢宗室上者樂善好書其次者飲醇
漁色便為賢王權柄既移藩屏日弱矣迨崇禎
末李流寇猖狂催殘藩國如園丁豎子除蔓斷蕪諸
王播遷帝閩霸越如浪蝶流螢依草附木疾風
暴雨盡歸烏有則是靖難以前鑒邊陲之弱用
以脩邊者乃適以自害靖難以後鑒宗室之橫
用以長世者至不能自存一得一失轉若軸轡

一利一弊信如合券其間訶劑極救之力則惟
 聖主明王有以權衡之矣




同姓初王表上

號謚	子	都	祿	世	改續封
秦愍王	高貳	西安	萬石	世	
晉恭王	叁	太原	萬石	世	
周定王	伍	杭州 <small>改開</small>	貳萬石	除	續封
楚昭王	陸	武昌	萬石	世	
齊庶人	柒	青州		除	續封除
潭王	捌	長沙		罪除	

同姓諸王世表

趙王	魯荒王	蜀獻王	湘獻王	代簡王	肅莊王	遼簡王	慶靖王
玖	拾	拾壹	拾貳	拾叁	拾肆	拾伍	拾陸
	兗州	成都	荊州	大同	甘州 <small>徙蘭</small>	廣寧 <small>徙荆</small>	慶陽 <small>徙常州</small> 又徙寧夏
萬石	萬石	萬石		六千石	千石	貳千石	萬石
世	世	世	無子	除	世	世	世
				續封			



寧獻王	岷莊王	谷庶人	韓憲王	潘簡王	安惠王	唐定王	鄧靖王
拾柒	拾捌	拾玖	貳拾	貳拾壹	貳拾貳	貳拾叁	貳拾肆
大寧 <small>徙南</small>	岷州 <small>徙雲南</small> 又徙武昌	宣德 <small>徙長</small>	開原 <small>改平</small>	潞安	平涼	南陽	安陞
萬石	千五百石		叁千石	萬石	無子	五千石	
逆除	除	除	世	世	無子	世	無子
	續封	續封除					

趙簡王	漢庶人	徐王	衛王	吳王	虞懷王	靖江王守謙	伊厲王
參	文貳	伍	肆	叁	懿文子一	高從孫	貳拾伍
彰德	樂安	徐州	衛州	杭州		桂林	河南
萬石	萬石	萬石	萬石	萬石		千石	貳千石
	逆除	革	革	革	魚子	除	世
		改封除	改封除	改封除		續封	

同姓諸王世表

梁莊王	滕懷王	淮靖王	荆憲王	襄憲王	越靖王	靳獻王	鄭靖王
玖	捌	柒	陸	伍	肆	叁	仁貳
安陸		韶州 <small>州改饒</small>	建昌 <small>州改靳</small>	長沙 <small>陽改襄</small>			鳳翔 <small>改懷</small>
萬石	萬石	萬石	萬石	萬石	萬石	萬石	萬石
魚子	魚子	世	世	世	魚子	魚子	世

衛恭王	拾	萬石	無子
榮王	英貳	萬石	無子
許悼王	叁		無子
德莊王	肆	濟南	萬石
秀懷王	伍	汝寧	萬石
崇簡王	陸	汝寧	萬石
忻穆王	柒		萬石
吉簡王	捌	長沙	萬石



徽莊王	玖	鉤州	萬石	世
岐惠王	憲肆	德安	萬石	無子
益王	伍	建昌	萬石	世
衛恭王	陸	青州	萬石	世
雍靖王	柒	衡州	萬石	無子
壽王	玖	保寧 <small>改寧</small>	萬石	世
汝王	拾	衛輝	萬石	世
涇簡王	拾壹	沂州	萬石	世

榮莊王拾貳
常德
萬石
世

申懿王拾叁
叙州

蔚悼王孝貳
無子

岳懷王睿壹
無子



同姓初王表下

府號
子
名
謚
除世
進封

永興
愍貳
尚烈
簡懿
世

保安
叁
尚煜
懷禧
世

興平
肆
尚炳
恭簡
世

永壽
伍
尚烜
懷簡
世

安定
陸
尚炆
罪除

南渭
隱貳
志均
懷
嗣王

同姓諸王世表


平陽	鎮安	汧陽	臨潼	宜川	富平
恭貳	惠壹	伍肆	康叁	肆	叁
濟燭	誠泳	公鐘	公銘	志焯	志潔
	簡	端懿	惠簡	莊靖	康
罪除	右秦府	世	世	世	
		嗣	嗣王	嗣王	嗣王



西河	陽曲	交城	廣昌	寧化	永和	高平	慶成
肆	叁	定貳	柒	陸	伍	肆	叁
美城	美城	美城	濟煥	濟煥	濟煥	濟煥	濟煥
靖恭	榮靖	榮順	悼平	懿簡	昭定	懷簡	莊惠
世	世			世	世	罪除	

同姓諸王世表

義寧	太谷	河東	徐溝	寧河	雲丘	臨泉	方山
莊貳	肆	叁	憲貳	捌	柒	陸	伍
奇漢	鍾鏗	鍾鏗	鍾鐸	美塢	美塢	美塔	美垣
榮康	懷僖	昭靖	悼僖	康禧	簡靖	莊簡	莊憲
世		世		世			



旌德	安溪	靖安	榮澤	新化	襄陰	河中
陸	伍	肆	叁	靖貳	肆	叁
衣楷	表禱	表秩	表標	表嫌	奇潒	奇潒
懷安	懷僖	端僖	安懿	恭裕	安惠	悼懷
			世			世
				嗣王		

同姓諸王世表

右晉府


汝南	順陽	祥符	新安	永寧	汝陽	鎮平	宜陽
定貳	叁	肆	伍	陸	柒	捌	玖
有勳	有烜	有燭	有燿	有光	有燻	有燻	有燻
悼和	懷莊	簡		靖僖	恭僖	恭靖	憲穆
無子					無子		無子



遂平	封丘	羅山	內鄉	胙城	固始	通許	原武
拾	拾壹	拾貳	拾叁	拾肆	拾伍	簡貳	叁
有頽	有煜	有燠	有燭	有燿	有	子陸	子燻
悼恭	康惠	悼惠	恭莊	莊簡		懿	安懿
		無子			無子		
						嗣王	

同姓諸王世表

臨汝	汝陰	泌陽	義陽	潁川	項城	河陰	鄆陵
拾參	拾貳	拾壹	拾	玖	柒	伍	肆
子塿	子淹	子	子圪	子墟	子堰	子雲	子陞
端懿	懷懿		康靖	溫僖	恭和	懷僖	安僖
	無子	無子			無子		



義寧	新會	河清	堵陽	臨端	魯陽	上洛	沈丘
惠肆	捌	柒	陸	伍	肆	參	懿貳
安迭	同銘	同鎬	同鉉	同鈞	同鈺	同錄	同鏞
昭安	恭簡	昭和	安僖	榮惠	恭惠	莊惠	榮戾

同姓諸王世表

邵陵	信陵	魯山	汾西	博平	曲江	海陽	崇善
拾玖	拾捌	拾柒	拾肆	拾叁	拾壹	柒	陸
安瀾	安澤	安瀛	安漕	安戎	安潔	安濠	安瀉
恭順	懿簡	康和	靖安	恭裕	恭和	康隱	恭順



奉新	益陽	應城	浦江	會稽	富陽	東會	萊陽
陸	伍	悼肆	貳拾肆	貳拾叁	貳拾貳	貳拾壹	貳拾
睦榴	睦楮	睦桎	安涇	安潔	安濯	安瀉	安瀾
榮憲	康定	恭穆	懷隱	康敬	昭穆	莊禧	榮康

同姓諸王世表


柘城	商城	瑞金	湯溪	寶坻	華亭	京山	南陵
玖	捌	柒	陸	伍	肆	叅	玖
勤煥	勤煥	勤煥	勤煥	勤炬	勤煥	勤炫	睦模
		榮簡	榮憲		榮安	溫惠	莊裕



巴陵		保寧	順慶	彰德	汝寧	安吉	修武
昭貳				拾參	拾貳	拾壹	拾
孟熄		朝堵	朝埴	勤焯	勤然	勤勳	勤煥
悼簡		恭簡			端恪		康簡
	右周府						

同姓諸王世表


江夏	岳陽	景陵	通城	通山	崇陽	壽昌	永安
拾	玖	捌	柒	陸	伍	肆	叁
孟炬	孟燿	孟炤	孟燦	孟煥	孟煒	孟焯	孟炯
康靖	悼惠	順靖	莊靖	靖恭	靖簡	安僖	懿簡



平原	長山	樂安	武岡	保康	大治	東安
			叁	端貳	叁	莊貳
賢寔	賢煇	賢煒	顯槐	顯樟	李煥	李燦
		悼隱		恭靖	悼僖	恭定
罪除	罪除	罪除	右楚府			

同姓諸王世表

安丘	鄒平	鉅野	東阿	樂陵	東甌	鄒城
靖貳	叁	肆	伍	陸	莊貳	叁
泰圻	泰騰		泰壘	泰舉	當泚	當滋
靖恭	莊靖	僖順	端懿	恭惠	端肅	康億
						右齊府



館陶	翼城	滋陽	陽信	高密	新蔡	歸善
肆	伍	陸	柒	捌	玖	拾
當沁	當澧	當漬	當滑	當涓	當評	當汲
宣思	恭安	惠和	安僖	康穆	端穆	
						右魯府


同姓諸王世表

石邑書

卷

六


內江	黔江	羅江	永川	保寧	崇慶	崇寧	華陽
和貳	叁	悼莊貳	陸	伍	肆	叁	獻貳
友藩	友坵	友壩	悅焮	悅焮	悅焮	悅焮	悅燿
莊懿	悼懷	儋	莊簡	和			悼隱



廣靈	南川	通江	慶符	汶川	石泉	德陽
簡貳	肆	定貳	陸	伍	肆	叁
遜焮	申鋸	申鑿	友壩	友壩	友壩	友城
榮虛	安靖	惠	恭儋	懿簡	榮穰	儋安
	右蜀府					

同姓諸王世表

昌安	隰川	懷仁	宣寧	靈丘	襄垣	山陰	潞城
庚貳	玖	捌	柒	陸	伍	肆	叁
仕墀	遜燦	遜焞	遜焞	遜焞	遜焞	遜焞	遜焞
溫憲	懿安	榮定	靖莊	榮順	恭簡	康惠	信順



寧津	和川	博野	溧陽	吉陽	棗強	安定	饒陽
陸	伍	肆	叁	惠貳	肆	叁	隱貳
聰滴	聰潛	聰溱	聰	聰注	成舒	成鏘	成鎔
懷莊	宣懿	端穆	榮定	恭順	靖安	悼隱	悼昭

	泰興	礪山	寶豐	富川	河內	進賢	樂昌
		伍	肆	叁	懿貳	思貳	柒
	廷埼	充州	充炆	充煜	充熾	俊積	聰涓
		懷懷	悼順	悼定	莊安	莊惠	康懿
右代府							




	洵陽	汾川	淳化	鉛山	金壇	會寧	延長
	康貳	簡貳	恭貳	叁	肆	伍	陸
	祿埤	貢錦	貞泓	貞瀨	貞洵	貞潤	貞澆
	簡	恭	端惠	榮和	恭裕	莊惠	
	嗣王	嗣王					

右肅府

同姓諸王世表

遠安	巴東	興山	潛山	宜都	松滋	益陽	湘陰
簡貳	叁	肆	伍	陸	柒	捌	玖
貴燮	貴煊	貴煖	貴泚	貴濇	貴沂	貴浮	貴涓
		肅			安惠	安僖	安儔
罪除	罪除						



衡陽	應山	宜城	枝江	沅陵	麻陽	衡山	蘄水
拾	拾壹	拾貳	拾叁	拾肆	拾伍	拾陸	拾柒
貴熙	貴燿	貴燭	貴熠	貴燭	貴煥	貴煖	貴燻
莊和	悼恭	康簡	莊惠	恭憲	悼儔	恭惠	靖和

石圖書

卷

同姓諸王世表

二

長陽	肅貳	豪堪	昭和
長垣	靖貳	恩鉀	恭順
光澤	惠貳	寵讓	榮端
廣元	恭貳	致祺	康僖
句容	莊貳	憲熾	
真寧	靖貳	秩熒	莊惠
靖寧	叁	秩	
			右遼府
			嗣王



安化	肆	秩炆	惠懿
岐山	伍	秩煉	悼莊
安塞	陸	秩尺	宣靖
平涼	康壹	遠雖	懷
岐陽	貳	遠塤	莊
豐林	叁	遠垞	溫僖
洛交	莊壹	真整	恭
肇昌	貳	真釗	
			嗣王
			嗣王
			嗣王


石田書

卷

百姓諸王世表


上

	南豐	黎山	善化	建德	漢川	長壽	遂安
	叁	肆					
	彦激	彦漢	譽桔	譽松	譽榛	譽檣	
		康靖	康簡	榮安			
右岷府							



臨川	宜春	新昌	信豐	弋陽	樂安	瑞昌	石城
獻貳	叁	肆	伍	惠貳	叁	肆	伍
盤輝	盤姚	盤炷	盤燭	奠堊	奠壘	奠墀	奠堵
康僖	安簡	安僖	悼惠	惠和	昭定	恭僖	恭靖
罪除	罪除						

建安	鍾陵	醴陵	襄陵	臨汾
靖貳	叁		憲貳	叁
觀鍊	觀錐	賦灼	冲煉	冲燭
簡定			莊穆	
		右寧府	右谷府	
		逆除	逆除	



樂平	開城	西鄉	平利	褒城	通渭	高陵	漢陰
肆	恭壹	貳	叁	肆	伍	靖壹	貳
冲然	範圮	範柳	範壑	範壻	範墅	徵針	徵鋌
定肅	懷	靖	懷簡	昭裕	莊簡	惠	恭懷
	嗣王	嗣王				嗣王	

石量書

卷

同姓諸王世表


古

廣安	彰化	高平	西德	隴西	寧遠	長泰	永福
惠壹	貳	叁	肆	康貳	叁	肆	伍
偕流	偕濬	偕樂	偕瀟	旭林	旭桧	旭橫	旭禪
悼	康	榮和	昭億	安懿	宣和		端億
嗣王	嗣王						



建寧	長洲	崑山	長樂	高淳	休寧	武鄉
陸	昭貳	叁	肆			簡壹
旭楸	融峻	融煖	融煇	謨塏	謨塔	佶焯
恭安	定恭	榮康	康懿	莊懿	安靖	庚
						右韓府
						嗣王

遼山	清源	沁源	沁水	稷山	黎城	平遙	陵川
肆	康叁	捌	陸	伍	肆	叁	貳
幼瑩	幼圩	佶焯	佶煜	佶焯	佶燾	佶焯	佶燾
宣穆	莊簡	恭定	悼懷	悼靖	昭僖	僖靖	康肅



宿遷	宜山	靈川	西陽	永年	唐山	廣宗	內丘
肆	叁	貳	莊壹	玖	捌	柒	陸
詮鏐	詮鏞	詮銖	詮鉦	幼塔	幼橋	幼林	幼嶺
崇簡	康僖		恭	榮安	悼僖	懷靖	恭僖
					無子		
		嗣王	嗣王				


石叢書

卷

同姓諸王世表

六


吳江	定陶	雲和	福山		新野	舞陽	三城
伍	陸	柒	恭		定叁	憲貳	叁
詮鑑	詮鑑	詮鐘	助泚		瓊燁	芝址	芝境
昭和	恭靖		恭和		悼懷	莊	康穆
				右藩府			
							嗣王



新城	承休	湯陰	賴昌	文城	浙陽	鄆城	衛輝
肆	伍	陸	莊壹	貳	叁	肆	伍
芝	芝娘	芝境	彌錦	彌鉗	彌鐘	彌鈺	彌鉞
	榮和	昭安	成	恭靖	温僖	恭端	恭懿
			嗣王	嗣王			

同姓諸王世表

萬安	濟源	西鄂	方城	郟城	光陽	上洛
貳	定貳	肆	叁	安壹	貳	簡壹
典欖	訖淳	謚鈇	謚鑠	謚鉞	勉	勉逞
康懿		安僖	懷僖	定		安
						右唐府
	嗣王			嗣王		嗣王



海豐	任城	齊東	淄川	昌樂	臨淄	濟陽
玖	捌	柒	陸	伍	肆	庶叁
瞻振	瞻壩	瞻坪	瞻澤	瞻埠	瞻域	瞻塗
逆除	逆除	逆除	逆除	逆除	逆除	逆除
						右伊府

新泰 拾 瞻邨 逆除

右漢府

臨漳 惠貳 祁鈞 恭安

洛川 叁 祁銀 靖懿

南洛 肆 祁鉷 安懿

平鄉 伍 祁總 榮順

湯陰 陸 祁鍋 莊僖

襄邑 柒 祁銜 恭定

汝源 悼貳 見淇 榮昭

昆陽 叁 見洽 温穆

秀水 莊貳 厚灼 憲穆

光山 叁 厚輝 康靖


獲嘉 載培 昭定

成臯 載境

右趙府

新平 靖貳 祁銳 懷僖 無子


同姓諸王世表



涇陽	朝邑	河陽	東垣	信陽	宜章	繁昌	廬江
叁	肆	簡壹	貳	叁	肆	伍	陸
祁銑	祁鏞	見瀉	見瀆	見派	見洲	見浸	見滿
安靖	榮簡	懷簡	端惠	悼懷	懷順	恭定	懿簡
		無子		無子			
			嗣王				

丹陽	真立	盟津	寧鄉	棗陽	陽山	鎮寧
柒	捌	玖	憲貳	叁	定貳	叁
見涇	見	見滋	祁鏞	祁鉦	見滂	見漢
靖和		恭懿	莊憲	安穆	恭和	恭靖
			無子			
			右鄭府			

同姓諸王世表



光化

簡貳

祐欝

嗣王


右襄府

都昌

憲貳

祁鑑

惠靖



都梁

靖貳

見濤

悼惠

嗣王

樊山

叁

見潔

溫懿

寧順

和貳

厚焜

永新

叁

厚燠

安莊

永定

載盛

端穆

右荆府

鄱陽

靖貳

祁鑲

懷僖

罪除

永豐

叁

祁鉞

恭和

清江

康貳

見澱

端裕

嗣王

南康

叁

見滄

莊惠

德興

肆

見渚

莊僖

順昌

伍

見渾

恭懿

崇安

陸

見洵

榮穆

高安	上饒	吉安	廣信		泰安	濟寧	東平
莊貳	叁	肆	伍		莊貳	叁	懿貳
厚灵	厚燭	厚燔	厚煤		祐槐	祐楫	厚燉
恭濤		肅簡			恭簡	安僖	慎順
				右淮府			



歷城	臨朐	高唐	臨清	寧海	慶元	懷安
叁	肆	伍	懷		簡貳	叁
厚燭	厚熾	厚爛	載堦	載圻	祐楮	祐
榮和	榮簡	悼億		恭和	榮康	
				右德府		

同姓諸王世表

石... 卷

瑞安 肆 祐

右寧府

光化 定壹 載均

嗣王



右吉府

興化 莊壹 祐權 簡 嗣天

遂昌 貳 祐楨 恭惠

陽城 叁 祐欒 恭僖

景寧 肆 祐椀 恭裕

太和 伍 祐樾 端僖

建德 陸 祐權 康和

嘉定 簡貳 厚炳 宣惠

新昌 叁 厚燁 端僖

慶雲 肆 厚燦 康僖

隆平 伍 厚焯 悼康

伍城 厚焯

浦城 厚焯

石... 卷 同姓諸世表

室○保安王尚煜與永興王同母王薨子志垌
立垌薨子公鍊立鍊薨子誠潢立潢薨亡後弟
誠淶以鎮國將軍進封亡後弟誠激以鎮國將
軍進封王事母孝薨子秉棧立棧薨以先世藥
冒止不嗣有宗室○興平王尚焯焯薨子志塏
立塏薨子公鏐立亡子除○永壽王尚烜烜薨
子志埴立埴薨子公錠立錠薨子誠淋立淋薨
子秉樞立樞為詩壽劉瑾用泥金書瑾誅藉得
之 武宗大怒李東陽楊廷和抃解罷王亡適
子有庶子八人鎮國將軍惟耀長先王卒有孫
懷塏王嬖內助邵生子惟熿妃沒王請邵為妃
王薨惟熿求嗣懷塏爭曰其初則皆庶也乃長
懷塏塏薨子敬鏞立鏞薨子誼沉立○庶人尚
炆初封安定永樂十六年護衛百戶誠持王募
士檄告王反削爵安置泗宣德十年放歸守愍
園除

秦隱王四子。僖王未妃薨。懷王自渭南進王未妃薨。康王自富平進王。宜川王志。焮立。焮子公銳立。銳薨。子誠灌立。灌薨。子秉櫟立。亡子除有宗室。

秦康王五子。惠王。公鍵卒亡後。臨潼王公銘。銘薨。子誠灤立。灤薨。子秉櫟立。進王為昭王。郡爵除有宗室。郃陽王公鏗。鏗薨。子誠泓立。亡子弟誠澮以鎮國將軍進封澮。灤子秉櫟。

立亡子除有宗室。沂陽王公鎔。鎔薨。子誠冽立。王事父及繼母孝。居喪如古禮。追為母服。喪。喪夫人不再娶。其祥也。萱草華雪中。弘治十四年。旌表。灤子秉櫟立。亡子除有宗室。

秦惠王一子。簡王先封鎮安。

秦昭王一子。定王。

秦宣王一子。靖王以隆德王進封。郡爵除有宗室。秦靖王三子。敬王亡子。鎮國將軍誼沒。

石門書 卷一
王詡德以紫陽王進封

萬曆甲午查屬籍秦自王而下凡三
千三十有二宗

晉

晉恭王七子。定王。高平王濟燁亡子除。庶人濟燁先封聞喜後封平陽以通漢廢正統中絕。慶成王濟炫始生之日高帝方御慶成之宴喜曰長封王以號國故他王率繫地而王

而王獨號慶成王成祖時王數以圖書擅給驛馬被譙讓成祖令諸王子練武他州縣王得潞州護衛軍人王等為強盜王不以聞遣捕曲訖之坐召還王薨子美靖立令其總旗誘妓與之姦奏陞旺為典仗有欲告王者假他事杖死之二小旗為盜王隱焉而姦其妻為人所告靖薨子鍾鎰立王妃妾可二十人四十四子百六十三孫五百十有魯孫當王之身子孫百人多不

能相識王自喜 世宗朝圖上象慶 世宗不
悅曰不費吾祿米哉王薨子奇湏立 孝宗初
王以長子代父理府事蚤死亡年七人 孝宗
冠王諸生冠使讀書火之乃以孝聞年八十餘
薨子表纘立王訥好禮年亦八十餘子知燠立
燠薨子新堤先王卒長孫慎鍾立○寧化王濟
煥正統己巳之變欲率其子六人從軍以報國
煥薨子美壤立壤薨子鍾鈞立鈞姬其父妾多

通姦衛軍妻不從輒殺之死者八人 孝宗冠
王書生冠革其歲祿于兗濠益甚九年幽高牆
卒子奇濇立未王卒子表櫟立櫟薨子知燠立
燠薨子新壑立薨○永和王濟煥有內使誠
自宮不淨與王宮人通王夫人杖死所通宮人
誠以他事請王毆死夫人及其母後有欲發其
事者王輒杖死以滅口千戶為王治私宅居王
所姦妓之生女琪求以其子為儀賓為守墳軍

同姓諸王世表

所告誠生斬煨薨于美塢立美塢蒸庶母亂其
妹致軍舍人八人入宮同姦其宮人翠兒致死
勒其妃與所愛者通妃絕之其所蒸庶女生一
子詭為宮人所育請名於朝事聞 央宗召美
塢京師覆得實誅軍人八人削美塢為庶人留
之京師子鍾鍊立鍊薨子奇消立消薨子表栒
立栒薨子知燁立燁薨子新墮立墮薨子慎錫
立○廣昌王濟煇之薨子美堅立堅薨子除
有宗室

晉定王八子○憲王○交城王美垸王妃悍妬
數箠死宮人母妃始定墳以避之以不孝賜自
盡而王亦自與平陽知府轅相惡誣奏之上
為治其儀賓瑛罪王薨子鍾鑊立鑊薨子奇渴
立渴薨子弟奇瀟子表杙立杙子從弟表
相立以藁除有宗室○西河王美塢之薨子鍾
鍊立鍊薨子奇溯立王三歲而孤而能孝母病

渴祝天甘泉湧渴愈薨子表相立亦能孝薨子
知燧立。○方山王美垣。薨子鍾銚立老無子
以所產女與其外家易男韋爵除封正德中奪
其謚有宗室。○臨泉三美塔塔薨子鍾鏐立鏐
薨子奇渾立渾薨子表杓未王卒杓子知燧立
亡子除有宗室。○雲丘王美堦。薨子鍾銚立
銚薨子奇渲立渲薨子表樟立亡子除有宗室
○寧河王美塢王所居府成化十七年有妖為
祟夜或為神像或為王侯舉火將焚宮至次年
冬宮果焚剋服器用皆盪盡

憲宗所以賜王良厚塢薨子鍾鏐立鏐薨子奇
法立法薨子表楠立孝且仁國人稱之薨子知扇立
晉憲王四子。○莊王元封榆社後為主。○徐溝
王鍾鐸絕除。○河東王鍾鏗。薨子奇淮立淮
嗜學能文氣和色溫道德仁義談吐克然薨子
表枋未王卒枋子知燧立燧薨子新墳立王富

而儉約而有禮薨子慎鍵立鍵薨子敏惣立。
太谷王鍾鉉絕除

晉莊王四子。○追封靖王世子竒源。○義寧王
竒漢之薨子表櫬立觀薨子知熾立熾薨子新塢
立塢薨子慎鏢立鏢薨子敏渾立。○河中王竒
溶之薨子表栲立栲薨子知炬立炬薨子新塗
先卒子慎鑛立。○襄陰王竒潒之薨子表鍵立
絕除有宗室

晉靖王六子。○追封懷王世孫表榮。○安王表
樞以鎮國將軍進封。○新化王追封王爵者之
子故不得封為郡王正德中劉瑾擅政竟予封
後以孫簡王追謚安子知熾又以子簡王追謚
康之王秉禮樂善有著述例除有宗室。○安溪
王表楠以鎮國將軍封亡子除。○靖安王表秩
以鎮國將軍進封有道氣能詩薨子知焮立焮
薨子新環立三世俱能詩子慎鍛其宗王傳生

也。旌德王表指以鎮國將軍封薨子知燾立
絕除有宗室。崇澤王表椽子薨子知燿立
子絕除

晉懷王二子。鎮國將軍知燦天。端王二子
晉惠王一子

萬曆甲午查屬籍晉自王而下凡二
千有五宗

周

周定王十五子。憲王母馮氏宗國公勝女。
庶人有燠初封汝南故善漢庶人定王見告反
有燠為之靖難後得白乞誅有燠。成祖赦居
之大理定王老始歸。與其弟有燧不睦於祥
符王欲誣祥符王反。詐為王報趙反書竟覺免
庶人守陵神烈山除。順陽王有烜二子除。
簡王故封祥符。庶人有燧封新安嗜人腦肝
臆常以日昃掎人殺而飶之新安之川無行人

石匱書 卷
竟坐與有燠謀祥符削王守陵神烈山除。永
寧王有炆之薨孫塲立場薨子同鉞立鉞薨子
安法立法薨子睦燃立燃薨子勤燭立燭薨子
朝塲立場薨子在鐘立之。汝陽王有燠之薨子
子舉立舉薨子同鉅立鉅薨子安復立復薨子
睦槿立槿薨子勤葵立葵薨子朝謹立謹亡子
除有宗室。鎮平王有燠德善多材工詩歌書
畫及於騎射毬鞠作道統論歷代賢王傳以壽

終子之瑛立瑛薨子同鑿立鑿薨子安淵立淵
薨亡子除有宗室。且陽王有焮亡子除。遂
平王有頰之薨子之瑛立瑛薨子同鏹立鏹薨
子安洛立王言論英發臨事有漸以壽終子睦
彛弗及王子勤熿立小不貧薨子朝塲孫在鉄
弗及嗣曾孫肅泮立。封丘王有煜之薨子之
翌立王隆準虬鬚其聲如鍾薨子同銘立其聲
類父英雄有材畧好夜宴竟薨子安湜立湜薨

同姓諸王七表

子睦 立端儉多賑捨薨子勤 紇立亡子除有
宗室。羅山王有煨之薨子妃殉謚貞烈除。
內鄉王有烟子之燧先王卒王薨孫同銀立銀
薨子安潼立崇儉省考薨子睦楫立薨子勤焯
立長子朝緝。昨成王有矯之薨子之塚立塚
薨子同鑿立鑿薨子安瀏立瀏薨子睦梳立梳
薨子勤焯立焯薨子朝整立。第十五子殤贈
固始王

周簡王十二子。靖王亡子。懿王故封通許
。原武王子埶之薨子同鐵立鐵薨子安淇立
淇薨子睦櫛立櫛薨子勤燾立燾薨子朝埈立
埈薨子在錦立。鄱陵王子墜之薨子同綏立
綏薨子安沅立沅薨子睦枸立枸薨子勤炆立
炆薨子朝墀立。河陰王子墀之薨妃殉葬謚
貞烈子同鑣立鑣薨子玄垣立垣薨子睦橘立
橘薨子勤焯立焯薨子朝廷立。項城王子堰

亡子除。且陽王子姚亡子除。潁川王子墟

墟薨子同鐘立鐘薨子安潛不及封孫睦採立

薨長子勤煥卒。義陽王子圻薨子同鏐立

鏐薨子安波立法薨子睦櫟立。子墩封未卅

卒亡子。汝陰王子燎亡子除。臨汝王子博

博薨子同銜立銜薨子安詩立法薨子睦隄立

周懿王八子。惠王封睢陽進世子竟王。沈

立王同鏘薨子安澹立法薨子睦栲立栲薨

子勤燭立法薨子朝奇立。上洛王同鏐薨

子安讓立法薨子睦楹立法薨子勤諛立法薨

子朝瞿立法。魯陽王同鉞薨子安永立法永薨

子睦杜不及封子勤仄立法薨子朝拱立法。臨

端王同鈞薨子安逸立法薨子睦繁立法繁薨

子勤綏立法亡適子有濫妾子朝望不得封降

奉國將軍除有宗室。增陽王同鉉薨子安

驛立法孫睦檉不及封曾孫勤焱立法薨子朝攬

立。清河王同鑄王嘗挾姬夜遊巡甲止王
使姬截甲耳。孝宗降勅切責王薨子安沈立
亡子弟鎮國將軍安涸子睦棧立棧薨子勤燦
立竟以冒伯父封例除有宗室。新會王同鏘
鏘薨子安渤立渤薨子睦樞立睦樞而恣睦樞
以學舉為宗正樞姤之誣其以獻女得譏以豔
曲使府中習譌之萬曆初上以宗室多無所
出祿遣給事中萬象春行議諸王府限制贍貧

宗睦樞嘆曰是齊泰黃子澄復出聚宗室千餘
人盟誓周府門出飛章造睦樞郡擊之盡其鬚
髮曰皆爾謀而群上書抗詔坐廢幽高墻除有
宗室

周惠王二十三子。世二安瀟追封悼王。○至我
寧王安湊惠王無嫡子立庶長子安瀟為世子
安瀟薨恭王立而幼安湊誣恭王母出不正不
可嗣冀得自為王弘治三年坐草爵正德初復

王薨子睦禩立禩薨子勤熒立長子朝暉不及封孫在鎡立。庶人安泛封平樂惠王世子其庶長子安瀟安泛與安淡以次受封惠王安靜不事之安瀟專權嗜利與安淡安泛等競置園園刑具集亡類為私人擊斷無諱而安泛為其惠王戒安瀟不從王怒安泛曰而傾安瀟奏請廢之安瀟亦持安泛不法事欲上告惠王薨群小惡安泛於安瀟安瀟奏安泛私壞宗廟社稷儀仗染作諸壇庫姦庶母毆死人安泛亦誣奏世子以膳毒惠王通惠王妾服中作戲下鎮巡官案驗會赦頃之安瀟死安泛侵凌安瀟妃殊甚 孝宗十三年命太監魏忠刑部侍郎何鑑徃案安泛恐益持世子毒殺惠王事并誣安瀟妃淫亂所連逮千餘人鑑等還奏

上削安泛爵降為庶人幽高墻除其封。崇善王安瀟子薨子睦禩立禩薨子勤熒子勤熒弟及封孫

朝墉亦天除有宗室。鎮國將軍安逢迎封海陽王。王時睦呆立。薨子勤終立。終薨子朝陞立。安沈未封卒。安評未封卒。安定王安源亡子除。曲江王安藻。薨子睦槍立。槍薨子勤燿立。鎮國將軍安澹未王卒。博平王安洸。惠王男子二十餘。平樂義寧諸王交闖。皆以及難。獨王脩車馬盛賓客。莫不造門教授。雅勸王讀書。王曰善。日從雅讀書也。雅年八十餘。且

卒。王為治後事。其卒也。使人視殯殮。三日。王親臨奠。為周自定憲以來。率諱死。凡喪葬事。無敢王聞者。死則曰老曰乾。王獨親臨奠。教授人謂王修義慕道。有始終。王薨。子睦柯立。柯薨。子勤煖立。煖薨。子朝基立。基薨。子在詢立。鎮國將軍安湫未王卒。聊城王安澹亡子除。汾西王安漕。薨。子睦樗立。樗薨。子勤燿立。燿薨。子朝垠立。亡子除。有宗室。魯山王安藻。薨。子

睦權立權堯子勤煥立亡子除有宗室。信陵
王安淳之堯子睦榘立榘堯子勤煥立亡子除
有宗室。邵陵王安澗之堯子睦杼立杼堯子
勤熒封鎮國將軍。萊陽王安瀟之堯子睦枕
立枕堯子勤煥立煥堯子朝睡立。東會王安
瀉之堯子睦柎立子勤煒先王卒孫朝堡立。
富陽王安濯之堯子睦桴立桴堯子勤煒立萬
曆元年革為庶人除有宗室。會稽王安濛之

堯子睦杉立杉堯子勤遜立遜堯子朝雖立。
浦江王安涇之堯子睦榭立榭堯子勤煥立煥
堯子朝郢立。麗水王安汾亡子除

周悼王九子。恭王。鎮國將軍睦柎未王卒。
○鎮國將軍睦棟未王卒。○應成王睦桎撫謙
下士以忠孝旌堯子勤熒立熒堯子朝均立均
堯子在鉅立。益陽王睦楮之堯子勤煜不及
王孫朝燿立。奉新王睦楮之堯子勤誠立煥

堯子朝延立。庶子睦榘。庶子睦榘。南陵
王睦榘博學談物廉介節儉無穀色之好所居
瓦屋不錄嘉靖季上書請立宗學以崇德教設
選科以省祿養嚴保勘以杜冒濫章冗職以除
素餐戒奔競以息贅養許拜掃以廣孝思立夏
制以省祿費。上嘉納之竟老亡子除

周恭王十四子。世子勤熄追封康王。京山
王勤炫子朝璧先王卒王薨孫在銖立銖薨子

肅沛立。華亭王勤熾。薨子朝垣立垣薨子

在鑄立。寶坻王勤炬炬薨子朝垣立垣薨子

在鈐立。湯溪王勤熾。薨子朝型立型薨子

在盞立。瑞金王勤煥。薨子朝壞立壞薨子

在鈞立。商城王勤熾。薨子朝垣立垣薨子

在鈇立。勤烜未封卒。勤煥封臨安大子

除。柘城王勤熾。薨子朝塔立塔薨子在鐸

立。修武王勤熾。薨子朝棚立。安言王勤

同姓諸王世表

石 國 書 卷 五
煥之薨子朝堤立。汝寧王勤焚王病腫幾
殆妾劉氏焚香祝天衣單三冬以分王災王愈
旋薨劉氏自經從隆慶中賜旌表。勤煇封彰
德長子朝堤

周康王四子。莊王。朝埴封順慶。保寧王
朝堵之薨子在鍛立。朝埴未封卒

周莊王四子。敬王。儀封王在鑿之薨子肅
溢立。在鉞封安昌萬曆中以孝義旌。在鈺

封遂寧子肅瀉

周敬王二子。一嗣王一闕

萬曆甲午查屬籍周自王而下凡三

萬二千八百九十七宗

楚

楚昭王十子。巴陵王孟愬亡子除。永安王
孟炯。薨子季塾立。塾薨子均鏗不及封。孫榮
澹立。澹薨子顯梧立。梧薨子英煊立。煊薨子華

石圍書 卷
珠立 珠薨子 蘊鍾立。莊王有二兄皆庶也。故
莊王王。壽昌王孟焯。薨子季圻立。圻薨子
均鐵立。亡子除有宗室。崇陽王孟焯。薨子季
堞立。堞薨子均鐵立。鐵薨子崇濯。不及封。孫顯
休嗣王。及奉國將軍榮滑鎮國中尉顯樞。顯
薰為愍王主宗祿。出息以惠金及祿。樞子妣償
精金取盈焉。宗人皆怨鎮國將軍顯樞。與其舍
虎言之。朝格之。愍王怒。笞顯樞。斃虎。罰顯樞千

金。月旦顯樞將朝於愍王。與榮滑顯薰顯樞
袖錢尺權鉞待之。薨郭群薨之王。竟賜死。滑薰
擢幽高墻降襲鎮國將軍。通山王孟燾有賢
聲。燾子季垺立。垺薨子均鍊。不及封。孫榮漣
嗣。漣薨子顯耦立。耦薨子炎。次立。愍王之及也。
世子偏脅諸王諸王皆為世子。閉惡唯王直奏。
閻王薨子華娘先卒。孫蘊鉞立。鉞薨子盛。漢立。
通城王孟燦有賢聲。燦薨子季堽立。堽薨子

均鑄先卒孫榮渡立渡薨子顯桓先卒孫英焯
立焯薨子華塹立塹薨子蘊鉢立。景陵孟昭
亡子除。岳陽王孟耀亡薨子季境立亡子除
有宗室。江夏王孟炬亡薨子季慶立墜薨子
英煥立煥薨子華壇立

楚莊王四子。憲王。康王。東安王季堞亡
薨子均鉞進嗣楚王次子均鈔立鈔薨子榮淑
立淑薨子顯椀立老成忠厚薨子英燧立。大

治王季煥亡子除

楚靖王二子。端王。縉雲王榮淋亡子除。

楚端王三子。愍王。保康王顯樟。武崗王

顯槐英耀之弒也王奔救愍王鏃傷臂事聞賜

白金三斤彩幣五黃四襲若請末請立宗學以

教諸宗高下其月餼為升黜廷臣多採用之然

為陰人毒無人理嘗被逮長子英燭

楚愍王二子。逆凶英耀。恭王

楚恭王二子。長子華奎嗣王。宣化三華璧
與華奎一乳生母胡氏

萬曆甲午查屬籍自王而下凡二十
一百三十有一宗

魯

魯荒王一子。靖王

魯靖王六子。惠王。鉅野王泰澄。薨子陽
蓋立事。繼母孝。薨子當涵立。涵薨子健樗立。樗

薨子觀燭立。燭薨亡後除有宗室。鄒平王泰
塋。薨子陽鍾立。鍾薨子當煥立。煥薨子健樗
不及嗣其子觀熾立。煥樗皆以孝聞。熾薨子願
在立。安丘王泰圻。薨子陽墜不及封。孫當
遂立。遂薨子健樸立。樸薨。子親濂立。濂薨子願
岨立。岨薨子壽錦立。樂陵王泰學。薨子陽
館立。館有三子。曰當荷。曰當漆。曰當海。館延季
才。滕滋。教之荷。海。鈇。漆。敏。滋。告王之屬。心漆荷

石 國 書 卷 三
沂恨杖稜滋竝降為庶人以漆嗣館薨漆不及
封孫健概立概薨子順垓立垓薨子壽鎬立。
東阿王恭墊薨長子陽鐔卒亡子弟陽鏢以
鎮國將軍進封孝友能詩善楷言子當統立薨
亡子除有宗室

魯惠王二子。○莊王

魯莊王十子。○懷簡世子當滋以孫端王進封
懷王。○東甌王當泚薨子健楸立楸老亡子

言宗室所以蕃繇其詐以妾媵子為嫡子臣今
六十亡息胤所受府革屯厥請以身後盡歸魯
府待給新封省民財萬一乞著為例報可王薨
爵除有宗室。○郟城王當滋亡子除。○館陶王
當惣允瑤亡子除。○翼城王當濡薨子健楸
立楸薨子觀燿立。○滋陽王當漬薨子健楸
不及嗣孫觀煒立煒薨子順垓先卒子壽鏢立
○陽信王當清薨子健杜立杜薨子觀燃立

燃薨子順埔立埔薨子壽欽立。高密三當涓
涓薨子健棧立棧薨子觀煥立煥薨子順封立
亡子除有宗室。庶人當汝故封歸善正德中
流賊攻交庶人借護軍盔甲子弩率家衆乘城
射却之朝廷降勅褒諭遂以健武聞庶人數
召袁質射與其舍人趙巖縱酒莊王有較尉智
庶人愛之屬長史魁啟莊王以為家人魁不應
密請莊王重繩之莊王諳智為樂工庶人怒欲

縛辱魁之匿不見乘醉言莊王庶人欲反王質
者東平人居鄉侮斷鄉人惡之吏部主事梁穀
者亦東平人其微時克戾倚諸惡少年既貴惡
少年尚來往其門厭苦之穀又與千戶高軋者
有怨其邑人西鳳竹入京師造穀言當汝糾衆
且為逆穀意動訪於屈昂之亦亡賴子答書愈
誑穀同邑劉昇者嘗為千戶王鑽所辱會亦自
東平來復誣鑽預謀於穀之因告變於枋一清

石園書 卷一
言質巖且通當汲反攝乾等與其所厭若惡少
年為從內庭權貴聞之欲徵封拜如真鑄故事
遂密聞於武宗兵部尚書陸完請下山東密
捕令總兵官劉暉以遼東軍駐濰寧伺變魁因
奏莊王不發禍且先內廷權貴亦示意迫莊王
莊王懼遂亦奏當汲反有旨遣司禮監太監祥
大理少卿鉅錦衣衛指揮端往執之益發兵布
置德州大名淮徐間京師洶々旬日震動既至

圍庶人宮庶人方醉卧與質等束手就縛曰我
何罪索其兵器則向射賊弓弩也巡按御史翰
臣劾奏毅報怨邀功長史魁譖子惑父並且真
法詔以翰臣為謀叛者隱匿下錦衣獄降為州
判官御史啟充等極論毅鼓煽流言啟小人生
事喜功之心致大臣輕信寡謀之失死不足盡
法豈宜與翰臣異罰不報於是下廷臣議當汲
罪無所生獨以乖違祖訓降為庶人幽高墻質

及宗屬成肅州鳳竹昂鎖徒口外魁亦妾誣坐
斬餘所連逮多庾死者中官護送當返之高墻
當返猶未知所坐中官曰當之鳳陽謁祖陵耳
比至聞曰何地也曰高墻乃大恟曰冤乎觸墻
死聞者傷之子健相立亡子除○新蔡王當汙
汙薨子健櫛立櫛薨子觀燧立燧薨子頤掛立
魯懷王一子○世子健杖以子端王追封悼王
魯悼王一子○端王

魯端王二子○恭王○東原王頤埜

魯恭王八子○溫肅世子壽鑄○福安王壽鈐

大亡子除○富平王壽鎔○常德王壽鉉進封

為魯憲王亡子○寧德王壽鉞○恭興王壽鏞

進封為魯肅王○長恭王壽鎔薨○永福王壽

鉅

萬曆甲午查屬藉魯自王而下凡七

百六十有五宗

蜀

蜀獻王六子。悼莊世子悅燦。華陽王悅燿。放肆不順。獻王惡之。王有所愛。卒王除為千戶。獻王大怒。梓罵之曰。不朝命。反耶杖之。百將械於朝。世孫友堉為請。乃釋之。而猶囚繫之數月。會太宗召寇友堉於京師。已行。獻王薨。悅燿竊發帑藏。悉取之。友堉歸。不問。悅燿反。誣奏友堉數十事。意在奪其王。成祖召八廷辯會。宴

駕。仁宗即位。遣按察副使信廉之。得其誣。遂命友堉嗣王。召悅燿。悅燿猶誣奏。上怒。抵其奏。地下遷之。武岡。其後徙岷。王武岡。徙澧。王薨。子友堉立。與其弟鎮國將軍友壁。弗友也。天順間。訟於朝。上西戒諭之。錄其罪狀。遍示宗室。諸王堉。薨。子申燧立。燧。薨。子賓涎立。涎。薨。子讓。核不及封。孫承燾立。燾。薨。子宣塏立。塏。薨。子奉銳立。○悅燿封崇寧。不得於蜀。王逃之谷。王穗

所谷王匿之令自稱為建文皇帝共舉六事王不從竟歸天除。悅炘封崇慶天除。和玉先

封保寧進為王。永川王悅焮薨子王妃何

殉王謚貞順除

悼莊世子三子。靖王。黔江王友埏天除。

億王自羅江王進封

蜀和王六子。定王。內江王友璠。薨子申

錦不及封孫賓。訖立訖薨子讓松亦不及封孫

承葵立葵薨子宣堦立。德陽王友城。薨子

申銑立銑薨子賓澗立。亡子除有宗室。石泉

王友璜。薨子申鑄立。鑄薨子賓清立。清薨子

讓機立機薨子承堦立。汶川王友塘。薨子

申銷立銷薨子賓沙立。沙薨子讓地不及封子

承焯立焯薨子宣隆立。慶符王友堦。薨子

申鐵立鐵薨子賓沾立。沾薨子讓樣立。樣薨子

承焯立

蜀定王三子。懷王。惠王。自通江王進封。

南川王申錡。薨。長子賓。謚與其兄讓。樛先卒。

亡後。次子賓。澆子讓。樛嗣王。樛薨。子承。燂先卒。

子宣。釅立。

蜀惠王二子。昭王。庶子賓。溥未封卒。

蜀昭王一子。成王。

蜀成王一子。康王。

蜀康王二子。宣圻嗣王。宣址嗣王。

今蜀王五子。世子奉銓。奉鈇封新寧未婚。

薨。三子奉銘未封。四子未名。五子未名。

萬曆甲午查蜀府屬籍自王而下凡

二百四十七宗

代

代簡王十一子。悼王以悼戾世子追封。廣

寧王遜。焮。薨。子仕。堪立。堪薨。子成。鏗立。鏗薨。

子聰。漢立。漢薨。子俊。槻立。槻薨。子充。燧立。燧薨。

子廷峙立峙薨子鵬鈞立。潞成王遜焯子薨
子仕堧立堧薨子成鏞立鏞薨子聰藻立藻薨
子俊稜立稜薨子克焜立焜薨子廷塙立塙薨
子鵬錚立。山陰王遜堪居蒲王薨子仕塢立
塢薨子成鏊立鏊薨子聰澍立澍薨子俊柵立
王多才執好佛教上書求開宗藩應舉之路王
薨子克獎立。襄垣王遜燁居蒲景泰初以孝
旌而有鷹犬之好王薨子仕壘立壘不孝不友
有淫行成化中廢為庶人弘治中以淫暴賜死
國除凡以罪除者弟姪毋得繼爵王有弟曰仕
坏其子成鏗多設財為仕坏求王仕坏得王未
封薨子成鏗立竟坐冒封除。靈立王遜炏居
絳為人驕侈而聰敏多能精通醫道歲疫施藥
活病遇井投之民皆德王薨子仕塙立塙事
父母一日三問安父亡哀毀頓絕水漿不入口
者四日成化十三年賜勅獎諭塙薨子成鏗立

鈇事父謹沒廬墓以孝旌王薨子聰瀟立瀟亦
以孝旌年八十餘薨子俊格孫元煨曾孫廷址
皆不及王世宗好壽考以聰瀟壽特予封址
子爲鍊爲玄長孫以寵之俊格嗜學善屬文聚
書萬卷尤好古篆籀墨蹟爲鍊爲王隆慶中坐
淫刑戮死曾叔祖降庶人除爵有宗室。宣寧
王遜焯居澤正統中王府教授楊普言王狎軍
武賓箠殺軍人武保兒與賓博戲惟日不足朝
廷杖治賓下書責戒王薨子仕壘立壘薨子成
銘立銘薨子聰瀟立瀟薨子俊相立相薨子元
傑立。懷仁王遜焄居霍王與宣寧王同出母
徐氏徐氏數入王宮盜其財物與二王詭言盜
劫乃威逼世孫以求免王薨子仕燎不及封孫
成鈇立鈇薨子聰淑立亡子以弟聰冽子俊榭
嗣竟以冑封除有宗室。遜焄未封卒。隰川
王遜燦居澤簡王之宮人劉生一女封壘閔郡

主劉爰之時以祿米給儀賓秦安王數阻之已而簡王出一合封識賜王啟之則無首題人及羊肝等物事聞出劉王魘魅鹵奉



英宗駕至大同王進衣衾飲饌王薨子仕燧立燧薨子成鈞立鈞薨子聰羨立羨薨子俊栢立栢薨亡子除有宗室。遜燔未封卒

代戾王二子。隱王。昌化王仕墀。薨子成鏗立鏗薨子聰濫立亡子除有宗室

代隱王七子。惠王。定安王成鱗居忻王薨長子聰滴不戚坐尼封子以下皆為奉國將軍

○博野王成煥。薨子聰漆立漆薨子俊欝立

亡子除有宗室。和川王成鏗。薨子聰潛立

潛薨子俊襲立襲薨子充焯立焯薨子廷城立

城薨子萬鉉立嘉靖二十四年府中奉國將軍

有曰充灼者聚兇徒淮等酗酒作奸坐奪祿怨

望乃與襄垣府中尉充燮謀引鹵八大同殺

代王以舉事淮密告其黨仲太仲太曰我師羅
廷璽來濟矣廷璽應州人故與其黨王廷策以
白蓮教惑衆淮遂因仲太見廷璽廷璽入見稱
克灼有天子分克灼大喜因為畫計約奉鹵小
王子入大同居之遂攻雁門取平陽立克灼為
王將胡兵四討事定然後計殺小王子克灼然
之先遣人陰持火箭燃大同積芻五六所事敗
伏誅大同總督侍郎翁萬達疏言大同土產狹
瘠祿餉不支代宗胤育日繁衆聚而貧且地近
胡馬生反側請量遷和川昌代諸府於山陝隙
地禮部議覆改遷於山西詔曰可○寧津王成
鈴、薨子聰滴立滴薨亡子弟聰冷立冷薨子
俊祿立俊祿以父冒兄封除有宗室○奉強王
成鈇、薨子聰滋立滋薨子俊棟不及封孫克
爨立爨薨子廷坑立○饒陽王成登、薨子聰
澈立澈薨子俊棟不及封孫克黠立負才辯盛

石匱書 卷一
黨與嘉靖中數以事侵恭王恐得罪 世宗念
邊乃以陳言邊事為名先暴楊鎮巡官之惠
世宗為逮繫巡撫何思總兵徐仁等充燕益驕
遂與恭王互相訐奏累疏自訟利口捷給前後
勘官莫能判巡撫候趙奏奪其祿充燕怒不承
出不遜語 世宗遣司禮少監王瑜即訊乃知
充燕誣奏下法司錮高墻除


代惠王四子。思王。樂昌王聰消居朔王薨
子俊福不及封孫充燠立燠薨子廷孺立。吉
陽王聰注之薨子俊權立二王皆以壽終子充
焯立。溧陽王聰漸之薨子俊樞立樞薨子充
不及封

代思王二子。懿王。進賢王俊楨之薨子充
焯立焯薨子廷培立亡子除有宗室

代懿王五子。昭王。河內王充熒之薨子廷
堯立亡子除。富川王充煜之薨子廷梓立梓

堯子鵠鍵不及封子鵠鏞立。寶豐王充炆亡子除。碣山王充州亡子除。

代昭王一子。恭王以恭興王進封。



代恭王四子。今王鵠鉉以太平王進封。新

寧王鵠鈞。永慶王鵠鉉。堯。四子幼未名。

萬曆甲午查代府屬籍自王而下凡

二千七百有三宗

蕭

蕭莊王一子。康王

蕭康王一子。簡王以洵陽王進封

蕭簡王一子。恭王以汾川王進封

蕭恭王六子。靖王。淳化王真泓。堯子弼

果立。果。堯子縉勳立。勳。堯子紳坑立。鉛山王

真瀨。堯子弼幹立。幹。堯子縉嵩立。金壇王

真洵。主比小人橫於外事。覺下獄。當死。越獄。其

子弼。榷酒多犯法。無禮於王。離之。坐廢。為

庶人幽高墻除有宗室。會寧王真澗、堯子
弼楹不及封孫縉、劄立。延長王真澆、堯子
弼棟不及封孫縉、燧立。

肅靖王七子。長子弼桓不及封亡子。定王
○鎮國將軍弼栢。鎮國將軍弼栢以子懿王
追謚安王。鎮國將軍弼栲。今王弼栻封開
化子縉、燧封長子孫紳、護封長孫。今王弼棟
封會昌。

肅定王二子。昭王。延安王縉、焮亡子除有
宗室。

肅懿王一子。今王紳、堯。

萬曆甲午查肅府屬籍自王而下凡

二十有八宗

遼

遼簡王十八子。貴煥母妃武定侯女大。庶
人貴烜以長陽王進封坐罪廢子豪、熾立。熾、堯

子思鈞立鈞薨子寵游立游薨子致極不及封
孫憲煥立。庶人貴燮初封遠安王嘗與其弟
巴東王貴煊上變誣簡王反簡王薨昭帝即位
竝削爵降庶人守簡園翰林學士倪謙者其妻
與貴燮母皆出武定侯謙嘗奉使遼貴燮因饋
謙謀復爵而庶人之壻魏玉武縉周遠亦詣謙
請為復儀賓謙為王等草奏得復貴燮雖未復
亦德謙寓謙物為謙受業生章黼所知謙為順

天府考試官黼不中銜為甚緝事校尉言之謙
生成王等削儀賓如舊貴燮薨除有宗室。肅
王。庶人貴煊初封巴東與遠安同免。貴焮
封潛江絕除。貴燧封且都絕除。松滋王貴
炳。薨子豪堙立堙薨子思鈞立鈞薨子寵洌
立洌薨子致棟立棟薨子憲燿立燿薨子術經
立。益陽王貴焯。薨子豪機立機薨子思鈞
立。銅薨子寵溜立溜薨子致禧立禧薨子憲燾

同姓諸王世表

立燔薨子術域以媵子降封奉國將軍魯除有
宗室。襄陰王貴焞乙薨子豪壩立壩薨子恩
鏌立鏌薨子罷浦立浦薨子致招立招薨子憲
焞立。衡陽王貴燮乙薨子豪燧立燧薨子恩
錯不及封孫罷淹立薨亡子除有宗室。應山
王貴熾乙薨子豪環立環薨子恩鐫立鐫薨亡
子除有宗室。宜城王貴燭乙薨子豪坿立坿
薨子恩銑立銑薨子罷濱立濱薨子致根立亡

子除有宗室。枝江王貴熠乙薨子豪壁立壁
薨子恩錢立錢薨子罷潤立潤薨子致樺立樺
子憲燭不及封亡子除有宗室。沅陵王貴燭
燭薨子豪壩立壩薨子恩銜立銜薨亡子弟恩
鉞以鎮國將軍進封薨子罷涑立涑薨子致枇
立貧而德。麻陽王貴燠與遼王貴烜飲酒嬉
戲走馬出小巷避不及者輒非禮箠擊或害
傷之亡子除。衡山王貴斌亡子除。蘄水王

石匱書 卷
貴燹子薨子豪立。立奎。薨子恩。鉅立。鉅。薨子寵
澍立。澍。薨子致。楹立。有賢。聾。薨子憲。熈立。熈。薨
子術。鐘立。



遼肅王一子。靖王。

遼靖王四子。榮。穆世子恩。鏞。○惠王。○肅寧
王恩。鈔子。薨子寵。汕立。汕。薨子致。楨立。楨。薨子
憲。燾立。○長垣王恩。鉀子。薨子寵。泐立。亡子除
有宗室。

遼惠王三子。恭王。○光澤王寵。濼。恭王友王
飲食服御珍玩文繡與王共。凡事必咨王。博
文而謹德。世宗製燕弁以居。賜群臣冠名。請
王疏請并賜諸宗冠。世宗製冠名保和王所
積書萬卷。賜堂名曰博文。王自構樓其中。名曰
慎獨。薨子致源立。源。薨子憲。燿立。○寵。澱夫
遼恭王三子。致。構。殤。○莊王。○廣元王致。楸
楸。薨子憲。赫立。赫。薨子術。堦立。遼王廢諸宗。隸

石匱書 卷三
楚藩王為宗理

遼莊王一子。庶人憲熿

萬曆甲午查遼府屬籍自王而下凡

七百有七宗

慶

慶靖王六子。康王。秩燾封靖寧亡子除。

真寧王秩榮亡子。薨子遠埉立埉。薨子真鏡立鏡。

薨子台洵立洵。薨子壽樾立樾。薨子倪煥立煥。

薨亡子除有宗室。安化王傳在石匱書內。

岐山王秩煉亡子除。安塞王秩炅子除。

慶康王六子。懷王。莊王。弘農王遠煥信。

用群小多不法。煥。薨子真鑰立鑰。薨子台評立

評。薨子壽樾立樾。薨子倪煥立煥。薨子伸縉立

縉。遠塢。塢。遠塢。塢。豐林王遠垞。垞。薨子真

鏜立鏜。薨子台瀚立瀚。薨子壽楹立楹。薨長子

倪榮先卒

石邑書 卷一
慶莊王二子。恭王。庶人真釧封鞏昌子。台清先卒。釧庶其妻生二女。為慶王。台泓廢。釧視其府庫。裁慶王宮眷薪祿。取其府中金帛萬計。慶王二子。鸞。欒。鸞。枋。王愛枋。惡欒。釧造王謀逆之謠。使寺人引誘欒。口熟之。常吟於府中。欲備陷王。自為豐林王。台瀚仇釧。訐為坐廢幽高墻。賜台清妻死。其二女而慶王所以徙西安時為世宗十一年。爵除有宗室。

慶恭王二子。定王。壽陽王。台濠。薨。子。鸞。禔。立。禔。薨。子。倪。勳。立。噶。拜之。亂。脅。王。求。降。王。叱之。被。拘。圍。城。賊。平。乃。出。

慶定王六子。端和世子。鸞。欒。亡後。惠王以桐鄉王進封。延川王。鸞。欒。長子。倪。燿。鸞。樞。天。鸞。札。鸞。授。

慶惠王三子。端王。倪。墻。天。華陰王。倪。焯。焯。薨。子。紳。焯。幼。

石圖書 卷
慶端王三子。憲王。鎮原王伸壇。呼拜之亂。
王欲發兵襲賊弗克。賊殺王之校尉數十人。
慶憲王二子。師錚。次子幼未名。
萬曆甲午。查慶府屬籍自王而下凡
二百六十有一宗。

寧

寧獻王五子。莊惠王。庶人盤煒封臨川天
順四年。以僭侈壓呪為其子奠埜所告。坐發守

鳳陽祖陵。以奠埜告父亦發守寧獻王墳。奠埜
生宸瀨。宸瀨生拱樞。皆不叙。嘉靖十五年。許叙
為鎮國中尉。旋以罪除。宜春王盤煥。薨子
奠埜立。埜薨。子觀鐔不及封。孫宸澹立。澹薨。子
拱樞立。坐為宸濠監軍自殺。除有宗室。新昌
王盤炷。薨。子除。信豐王盤煥。年十九。薨。亡
子妃劉氏自經。以殉。賜謚貞烈。除
寧惠王五子。靖王。瑞昌王奠埜。薨。子觀

錫立錫薨子宸灝不及封孫拱楫立宸灝黨除
有宗室。樂安王奠壘。薨子觀鑑不及封孫
宸湍立湍薨子拱權立湍樸訥鮮慧而權有文
辭薨子多煥立。石城王奠堵與寧王奠培交
惡王薨子觀鎬孝友慈惠不及封孫宸浮立浮
有母弟宸浦庶母兄宸潤弟宸灋皆淫縱多殺
已而潤灋以異母弟故與浮浦不相能弘治十
二年互訐奏與潤並降為庶人灋浦革祿米嘉

靖二十四年子浮冠帶歲祿三之一卒亡子除
而宸浮之弟有鎮國將軍宸浮者為人方正宸
灋欲屈之不得數使人私火其居而諷諸宗資
佐之以示惠宸浮辭不受宸灋敗宸浮得免有
宗室。弋陽王奠璫故與靖王有隙天間錦衣
指揮遂杲數使較尉察事中外較尉妄言王烝
其母 英宗遺書靖王特遣右副使廣駙馬都
尉栢與杲按勘靖王外奏亡有而內竇嫌王

石匱書 卷
上怒責問果之言有之。上賜王世子自盡。昇尸出焚。雷雨大作。平地水深數尺。父老驚愕。皆歸罪果。而不知王志也。然王亦嘗予府中典膳。策金毒死其內使二人。策不敢以聞。故被譙讓。子觀錄幼。以父得罪久。不敢請封。憲宗即位。封之。薨。子宸。立。胤。薨。子拱。橫立。以賢聞。宸濠伏誅。朝命統府事。薨。子多焜。立。多焜和孝文雅。亡子除有宗室。

寧靖王三子。○康王。○鍾陵王。觀。雖弘治中。自陳。驍勇善騎射。願備將帥。身報國。兵部尚書馬文升奏。弓馬騎射非宗藩所宜。鍾陵王誠自愛。宜讀書。近儒生。上可其奏。十八年。為宸濠所陷。以罪除有宗室。○建安王。觀。鍊。善。台。理。寧。庶。人。叔父也。庶人數召王。隅坐而與之。言王為庶人。言樂屢遷其坐。至前。他日。庶人鍼坐而召王。言樂遷前不得。他日。又使召之。曰。王席之根深。請

石圖書 卷一
辭庶人反王不及於禍王薨子宸瀟立瀟薨子
拱振立振薨子多櫛立櫛薨子謀龍立
萬曆甲午查寧府屬籍凡

岷

岷莊王五子。世子徽煖。與奄告其弟燦誣
毀仁廟。宣宗召質之。皆虛斬奄而遣煖歸國。
○恭王。江川王徽煖居寶慶薨子音垓立音

垓亡子弟音塾立塾薨今王膺鏖立。庶人徽
煤封廣通庶人府中家人段友洪者數以技術
進庶人為庶人言致仕後軍都事於利賓善相
庶人見之利賓言庶人有異相當主天下今歲
舉事大利庶人悅之遂造犇王金寶靈武欽武
二候銀印改元五元作勅書分遣友洪蒙能陳
添齋印金幣入苗蠻峒封都廠寨苗首楊文伯
為靈武侯天柱寨苗首金龍為欽武侯并以銀

石圖書
牌賜橫嶺峒酋吳英頭等諛使起兵來攻武
岡文伯等不敢受友洪等為鎮南王徽燦所執
巡撫都御史李實以聞遣駙馬都尉敬內官琮
徵庶人京師而湖廣總兵官保定伯瑤亦言陽
宗王徽燦與通謀亦徵八方燦燦被徵時峒苗
至為官軍所擊敗既廷鞫並降為庶人幽高墻
除。庶人徽燦封陽宗

岷恭王二子。順王。南渭王音戲居永州薨
子膺鑼封長子次子膺釵封鎮國將軍膺鑼陰
賊不道烝王宮人常璽苑人或縛柱射之讎諸
弟殺庶弟膺釵母通其妻趙王使膺釵別居以
避之膺鑼誣趙通他人逼死自縊團膺釵踰垣
免從永州守奏聞覆按寔幽膺鑼高墻王宮人
所與烝者皆賜死亡何王薨膺釵視府事正德
中以膺釵子彥濱嗣王世宗聞彥濱賢書名
御屏薨子譽樞立譽樞有行誼湖南飢有數十

石圍書 卷
人盜王困王捐困以與盜絕除

岷順王六子。簡王。建昌王膺鋪以孝聞成

化十年賜獎諭王薨子彥濬立濬薨子譽櫛立

櫛薨子定焯以鎮國將軍未封卒孫幹理。充

城王膺焜王凌母擊兄居父喪酣飲禱城隍不

驗葦墩之有忤者輒剪其鬚髮成化二十二年

廢為庶人幽高墻除。黎山王膺鈗。薨子彥

漠立漠薨子譽枚立枚薨子定羨立羨薨長子

幹礪。沙陽王膺鈞。薨子彥淵立絕除。唐

年王膺錄。薨子彥淵立長子譽樂絕除有宗

室

岷簡王三子。靖王。南安王彥泥嘉靖四年

坐內亂咀咒魘魅通苗裔行劫奪降庶人幽高

墻爵除彥泥既久幽其子譽棟請棄祿入養

上寢其奏。南豐王彥激。薨子譽桐立長子

定獎

岷靖王六子。康王。善化王。譽楛以賢聞。王薨子定焮立。焮薨子乾坤立。長子企鉅。建德王譽樅。薨子定焮立。焮長子幹堦。長孫企鉅。漢川王譽榛以賢聞。王薨子定焮立。遂安王譽樺絕除。長壽王譽禧絕除。岷康王六子。采煊未封卒。今王。綏寧王定光長子幹址。南漳王定燿絕除。祁陽王定燁長子幹堦。廣濟王定燄長子幹堦。

今王三子。青林王。幹垣絕除。世子幹堦以南昌王改封。常寧王。幹坤。

萬曆甲午查岷府屬籍自王而下凡一百九十六宗

韓

韓憲王四子。恭王。襄陵王。中秋王。孝事父母。正統己巳率師勤王。英宗後元年惠王奏王性至孝。母八十一得危疾。割股肉作汁剪髮。

和之藝香禱天母泄下取嘗之數日瘳王年五十有七故抱氣羸悴自母病解氣積遂散誠孝感通顯有徵驗 上賜勅獎諭 憲宗初鹵入河套王請率子孫及塔從軍褒詔不許為人忠孝讀書節儉好禮為藩輔元年七十餘無疾考終平生先後蒙璽書褒詔者六薨于窆址立 武宗初惠王奏王讀書守禮嘗刲股愈母父薨刻木供奉忌日必哀時新不荐不敢食待諸弟友愛

調軍較貧乏塋其不敢舉者年七十餘猶北向扶杖拜祝節慶 上致書獎諭曰敬問高叔祖襄陵王年高德盛孝義彰聞朕不勝嘉悅夫宗室天下表有此善行宜用旌庸尚懋初心允終令譽俾諸後進觀法同歸王妃劉氏亦有賢行朝命謨文立石王薨子徵鈐立鈐薨子鎮國將軍偕泚孫旭橦未封皆先卒自冲秋至於旭橦五世同居孝友作述嘉靖十一年賜璽書魯孫

石 國 書 卷 三
融焚立嘉靖三十二年以與長樂王融煇慶陽
王謨塾及諸宗室二百餘人訐奏定王為奸利
竝革祿樊薨子謨塏立塏薨子朗鑽立。樂平
王冲焚 憲宗十七年康王偕瀟奏臣魯叔祖
樂平王冲焚登年八袞累善百行乞賜褒旌為
宗室勸 憲宗致王書曰韓王秦魯叔祖年高
德邵善行昭彰朕聞甚悅足以增光本支永楷
親族寃厥底歸且賢東平其益加調攝願養天

和副朕瞻念之意焚薨子範塏先卒孫徵鉅立
鉅薨子偕泐立泐薨子旭樞先卒孫融熨立熨
薨子謨桐立。臨汾王冲焜絕除

韓恭王五子。懷王。靖王。褒城王範塏。

薨子徵鉅立鉅薨子偕泐立泐薨子旭欄立欄
薨子融烝立烝薨子謨坦立子朗銓未封卒亡
子除。通渭王範墅。薨子徵鉢立鉢薨子偕
涇立涇薨子旭楊立楊薨子融洸立洸薨子謨

端立長子朗鈇。平利王範壑亡子除

韓靖王二子。惠王。漢陰王徵。魏王薨無嗣

其疾也。妃父周恂取他人子為王子。既長得封

成化十四年。事覺。斬恂。沒其家。受封男女皆賜

死。追削王謚。降庶人除

韓惠王七子。偕汾未封卒。悼王。康王。

偕泓未封卒。偕潯未封卒。高平王偕樂

薨。子旭。樽立。樽薨。子融。烜立。鎮國中尉旭。柳。烜

父行也。私挾姪外游。烜通其妻謀殺之事。覺。論為

庶人除。西德王偕澗。薨。子旭。樅先卒。孫融

燿立。燿薨。子謨。埴立

韓康王七子。昭王。隴西王旭。林。絕除。寧

遠。王旭。烜。薨。子融。煥立。煥薨。子謨。堉立。堉

子朗。鎮立。旭。樅未封卒。長恭王旭。橫。薨

子融。焯立。焯薨。子謨。墳立。絕除。有宗室。永福

王旭。禕。薨。子融。樊立。樊薨。子謨。壇立。建寧

王旭楸、薨子融焯立。王貧以受封金卅質金於宗室借決、子旭楸難之以多取息事聞坐廢為庶人。除有宗室。

韓昭王四子。定王。長洲王融焮、薨子謨。瑋先卒。孫朗鏡立。崑山王融焮、薨子謨。瑋立。瑋子朗鏡立。長樂王融焮、薨子謨。瑋立。

韓定王五子。安王。高淳王謨。瑋、薨子朗鏡。長子環。淳。休寧王謨。瑋、薨子朗鏡。立。絕除。慶陽王謨。瑋、薨子朗鏡。立。絕除。通安王謨。瑋。長子朗鏡。

韓安王十子。肅帝末年以宗室祿不足詔身不及王者許其嫡長子繼王。餘子如敬秩。郡王。夫絕。虛其爵不得繼。著為令。安王以世子不及王。其嫡子朗鏡。餘子皆封鎮國將軍。

韓王九子。今王景泌。崇明王景清。薨。

子達栲。長吉王景淵長子達植。保德王景
灝。灝子幼未名。綏平王景洛。灝亡子除
。咸陽王景漫。襄立王景洙。固原王景渭
。第九子景余。

萬曆甲午查韓府屬籍自王而下凡

三千七百有二宗

潘

潘簡王七子。康王。陵川王信燧。灝長子

幼墜不及封子詮鏐立鏐灝長子勛讓不及封

子胤杲立杲灝子恬燾立。平遙王信燭。灝

子幼墜立亡子除有宗室。黎城王信燭。灝

子幼墜立亡子除有宗室。稷山王信燭。灝

子幼墜立拱灝子詮蓋立蓋灝子勛泣立泣灝

子胤柯立柯灝子恬焯立焯灝子理塌立。沁

水王信煜。灝子幼墜立墜灝子詮鏐立鏐灝

子勛瀝立瀝灝子胤榘立榘灝子恬焯立焯灝

子瑄堦立長子効鏗。沁源王佶煒。堯子幼
堦立堦堯子詮鍾立鍾讀書好文堯子勛溱立
溱堯長子胤楊不及封孫怡煒立煒堯子瑄堦
立長孫効鏗萬曆十五年坐逼死族祖降庶人
潘康王七子。莊王。清源王幼圻博學多著
述圻堯子詮鏘立鏘堯子勛瀉立瀉堯子胤杓
立杓堯子怡熒立。遼山王幼瑩成化十九年
王妃堯來辭內官遣祭 憲宗曰禮也而王辭

豈以為厲耶無他也王承之王堯子詮鉞立鉞
堯子勛澄立澄堯子胤杞立長子怡煒。內立
王幼墳。堯長子詮鉞不及封孫勳滌立滌堯
長子胤秘不及封孫怡熙立熙堯子瑄堦立。
廣宗王幼琳亡子除。唐山王幼塢。堯子詮
鉞立鉞堯子勳激立激堯子胤樞立樞堯子怡
煒立煒堯子瑄立。永年王幼塔。堯長子
詮鏘長孫勳浚皆不及封魯孫胤禰立禰堯子

恬焯立焯堯子瑄封立子效璽

潘莊王七子。恭王。靈川王詮錄以孫憲王

追謚安子勛智以子憲王追謚惠憲王既進封

遂進封惠王次于鎮國將軍胤樛為德平王以

續靈川之後而靈川之郡爵除樛堯子恬焯立

長子瑄雖。宜山王詮鏞堯子勛渥立長子

胤樛得罪於父長孫恬焯。宿遷王詮鏞堯

子勛澤立澤堯子胤杼不及封孫恬焯立亡子

除有宗室。吳江王詮鏗堯子勛涓立涓堯

子胤楸不及封子恬焯立。定陶王詮鏘堯

子勛湮不及封孫胤樛立長子恬焯。雲和王

詮鍾亡子除


潘憲王四子。宣王。鎮康王恬焯 穆宗朝

以孝義旌亡子除。恬契夫。安慶王恬焯

穆宗朝以孝敬旌

潘宣王七子。今王。保定王瑄坦。德化王

石匱書 卷一
理熒。靈壽王理瑱靈壽而下以例不得封潘恭
於天子天子悅之與之封而不祿。六合王理
瑱。理睦。第七子未名
今王一子。世子效鏞



萬曆甲午直屬籍潘自王而下凡九
百九十有二宗

唐

唐定王三子。靖王。新野王瓊。煒。定王庶子

王薨謚悼懷子恭簡王芝城立王有繼妃曰邢
太妃甚賢善為王持家薨子宣懿王彌鏞立薨
子榮信王宇滄立薨子康靖王宙梳立薨子頽
燦立。憲王

唐憲王六子。悼簡世子芝壩。莊王自舞陽
王進封。三城王芝境通經書精書畫好禮有
名弘正間亡子以蕩陰王子鎮國將軍彌瑩奉
王祀爵除。庶人芝坦封新城 孝宗十三年

生炮烙刑人子彌鏡助為虐除。承休王芝娘
王靖王繼妃焦氏出妃愛之每入宮母子坐食
相對不為禮遇節旦召樂婦入戲笑莊王啟焦
欲責之焦不問王值其出宮召詰之語不遜王
忿觸之芝娘詈王蠶王之侍從母焦怒持鐵槌
王門王開不敢出妃弟環遂與芝娘誣莊王毆
罵繼母意圖不軌王亦奏芝娘淫亂事王坐草
爵 憲宗二十年也 孝宗七年復之子彌銀

立有賢聲莖之日牽絛而號者數千人子宇淵
立淵薨子宙枝好學識典故不及封子碩燦立
○蕩陰王芝垓個儻好文不問家食貧而好施
薨子彌鏐立長子宇澄賢不及封子宙榮立榮
薨亡子除有宗室

唐莊王五子。成王。浙陽王彌鏗亡子除。
文成王彌鉗穎哲儉素善詩賦書隸廣置園圃
亭榭以延賓客士大夫過南陽皆造門末見子

宇溫嗣王追謚王為恭郡爵除有宗室。郾城王彌銀、薨長子宇清不及封孫宙桃立桃薨亡子除有宗室。衛輝王彌鎬、薨子宇漳立漳薨子宙桐不及封孫碩煥立煥薨亡子除有宗室

唐敬王一子。順王

唐順王一子。今王

今王五子。長子器。櫛。餘子幼

萬曆甲午查唐屬籍自王而下凡九

十有三宗

伊

伊厲王一子。簡王

伊簡王二子。安王初以庶子封洛陽以子悼

王追封謚安郡爵除。光陽王勉。卅亡子除

伊安王四子。悼王。方城王謨。鑰。薨子訢

注立注薨長子典。榕不及封孫褒。煥立煥薨今

石
王珂墻立。西鄂王諲缺。薨子訢。滌立。滌薨。亡子除有宗室。定王初封郟城。以進封郡。爵除。

伊定王二子。莊王。敬王初封濟源。以進封郡。爵除。

伊敬王二子。庶人典模。萬安王典欝。薨。今王褒煖立。

伊庶人一子。庶人褒熾。以父故。謫竟絕。

萬曆甲午查伊府屬籍自王而下凡

八十宗

靖江

萬曆甲午查靖江府屬籍自王而下

凡三千三百二十有二宗

懿文太子四子。虞懷王雄英。懿文太子長子。母開平王女。以洪武十五年薨。年十四。追封虞謚懷。吳王允燭。讓皇帝同母。建文初用皇

弟封杭未之國 成祖即位降封廣澤王居其
漳其年召還以不能匡 建文帝削爵為庶人
與其姪屬銅鳳陽竟卒 英宗復位出其姪屬
厘庶母姊妹五六人有年八十餘者。衡王允
燧建文初用皇弟封未之國 成祖即位降封
懷恩王居建昌其年削爵為庶人。徐王允燾
母呂木妃與吳王同封八歲耳 成祖入南都
降封敷惠王隨母於懿文太子陵園居二年詔
曰朕聞帝王之道立愛惟親為子不祇不及於
父朕長兄懿文皇太子降年弗永厥子嗣立崇
信姦回顛覆舊章戕害骨肉舉兵相嚮朕惟祖
宗積德之勤父皇母后創業之艱不得已遵奉
祖訓將除君側以幾周公之義少主自絕於天
闔宮赴火朕既即位長兄諸子允燧允燾允燾
並錫王爵不意弗省自生疑懟朕念至親免為
庶人用保全之未有承祀朕痛切心其第四子

石田書 卷
允燠生十四年矣改封甌寧王世奉太子祀展
予同氣庶盡親又二年郊中火王暴薨年十
六謚端簡為人聰慧而端謹

漢

漢庶人十子。世子瞻垣先庶人卒。庶人瞻
圻。憾父殺其母證父於朝父惡之言於昭
帝褫王守陵鳳陽誅其紀善李遜。瞻空封濟
陽。瞻域封臨淄。瞻埜封昌樂。瞻塏封海
豐。瞻邛封新泰已上皆坐逆幽死

趙

趙簡王二子。世子瞻坂先王卒謚悼僖。惠
王以安陽王進封

趙惠王八子。悼王。臨漳王初璿坐與靖王
同虐葦服減祿薨子見德立德薨子祐杙先父
卒孫厚炆立炆薨子載塏立塏薨子翊翎立。
湯陰王初鎬坐與靖王同虐葦服減祿子見準

以悉繼母賜死除有宗室。襄邑王初錕、薨
子見滌立亡子弟見沂立薨子祐檠立檠薨子
厚燔立燔薨子載垓以擅婚事例除有宗室。

洛川王初銀、薨子見渥立渥薨子祐架立架
薨子厚烙先父卒孫載垓立垓薨子翊鏐立鏐
薨子常渲立。初鉞夫。南樂王初鉞坐與靖
王同虐革服減祿薨子見瀾立瀾薨子祐楨立
楨薨子厚燭立燭薨子載壘立壘薨子翊鏑立

。平鄉王初總、薨子見洸立洸薨子祐楸先
父卒孫厚燦立燦薨子載坳立以私收濫妾除
趙悼王三子。靖王。汝源王見淇、薨子祐
桐立桐薨子厚焞立焞薨子載堽未封卒絕除
。昆陽王見洽絕除有宗室

趙靖王三子。莊王以清流王進封。廣安王
祐枳、薨子厚燻立燻薨子載堂立堂薨子翊
鏘立。祐打夫

趙莊王五子。康王。江寧王厚煉。薨子載
堞立。堞薨子翊銘。光山王厚輝絕除。秀水
王厚燭絕除。厚燧夫

趙康王二子。獲嘉王載培以孫常清追謚恭
○成臯王載堯康王之縊也對侍兒咄咄自語
若有所恨者殆為妃與成臯王外論洵於成
臯王先是洛川王翊銘爭民田彰德通判田時
雨撻其奴論戍亡何湯陰王府奉國將軍厚燾

厚燾與彰德知府傅汝礪求祿汝礪亦囚其奴
不與王使家人詣府求解汝礪不見時雨時
雨復語侵之然王殊無恚於時雨也王暴薨成
臯王懼得罪汝礪時雨威逼之以狀聞世宗
詔械繫京師論汝礪戍極邊時雨歸斬於趙時
論寬為堯堯子翊銘立銘薨子常洵立翊銘父
子風流儒雅駸然方駕河間矣
趙恭王一子。世子翊錡謚安

趙安王一子。今王

今王三子。世子由松。二子三子皆幼

萬曆甲午查屬籍趙自王而下凡六

百二十有三宗

鄭

鄭靖王四子。簡王。新平王。祁銳。大亡子除。
○涇陽王。祁銳。信諛。撥置世子。逼人致死。天順
三年。召入朝。戒諭。銳薨。子見溢。立溢為世子。荒

淫亡度。母妃張氏。常制教之。母薨。溢殺一犬。殮
而埋。壅之以比母。及襲封。宿娼。喪次。妃郭氏泣
諫。溢怒。撲之。言以絕其飲食。皆殺其從婢。復強
納母妃女弟為妃。兄所奏。孝宗八年。革爵
朝邑王。祁銳亡子除。

鄭簡王十子。世子見溢。追封僖。盟津王見
滋。王出府。別居。竊世子金冊。以去。他日復入簡
王宮。欲取寶簡王索出其世子冊。以是怨簡王。

遂不復朝。凡朝廷慶賀，進表箋禮，皆廢。他日輿而過涇陽王門，見涇陽王不下。妹廣寧郡主及笄，府中製臥牀，奩具碎而焚之。又強娶良家子為宮婢，多占軍較，至百餘人。簡王不能制，以奏聞。純帝二十年，革爵，令戴平巾，習禮讀書。敬帝即位，得歸及歿。肅帝賜謚子祐，樵多行不義，惡於恭王。東垣王見湏王狎家奴安童，數欲殺其妃。憲宗斬安童，禡王為民父，乃復

王薨，以子懿王進封，追謚定懿王世子厚。焯仍襲東垣，爵焯薨，子載塽立。塽薨，子翊鎧立。河陽王見瀉，殤除。信陽王見浪，殤除。且章王見洲，夫亡子除。繁昌王見渡，薨子祐，栲立。栲薨，子厚，灤立。廬江王見滿，薨子祐，栲立。栲薨，子厚，亮立。亮薨，子載，禋立。丹陽王見達，亡子除。真立王見消，亡子除。鄭僖王二子。康王。祐，憶，殤。

石園書 卷一
鄭恭王三子。世子載焞。德慶王載封薨子
翊鏗立。崇德王載陞亡子除

萬曆甲午查鄭府屬籍自王而下凡

二十有一宗

襄

襄憲王三子。定王。寧鄉王祁鏞亡子除。
棗陽王祁鉦。薨子見沔立沔。薨子祐。摠立善。
文章精騎射力能制奔馬博涉星曆兵農醫卜

之書言休咎多中好持論經濟之術嘉靖初上

書 世宗請伯 孝宗考興獻王 世宗褒諭

之更請除宗人祿使其以四民自為生賢者用

射策應科寢不行康王為王病廢不能事承奉

邵亨挾權自恣拷死王舅王恧之剔其兩目坐

奪爵嘉靖四年也十八年上狩承天念王前

䟽復王。薨子厚燭立燭。薨子載堙立

襄定王三子。簡王。陽山王見沔。薨子祐

石匱書 卷一
揭立以子莊王進封郡爵除。鎮寧王見漢寬
仁樂善王薨子祐禰立禰薨子厚從立從薨子
載塔立

襄簡王二子。今王以安福王進封。鄭城王
載鴻先封隆慶避。穆宗紀年改今封。永城
王載圻亡子除

萬曆甲午查襄府屬籍自王而下凡
三十有七宗

荆

荆憲王二子。靖王。都昌王初鑑。薨子見
潭立潭死於見瀟子祐禰立禰薨子厚熈立熈
薨子載塔立載塔佯狂放紛至扶人眼長子翊
鐸先卒子常灃未封

荆靖王三子。庶人見瀟。都梁王見溥為見
瀟所殺見瀟廢子祐欄進王郡爵除有宗室。
樊山王見溥。薨子祐構立構薨子厚峻立峻

薨今王載珍立王讀易窮理折節士大夫間諸
王通刺士大夫故不名王獨名郡王女得封而
請祿於朝王有四女不為請下嫁於士人隆慶
中請自試不報長子翊鉞與諸弟翊鏗翊鑿皆
工詩兄弟相倡和號花萼社

荆和王三子。端王。富順王。厚焜。幼孤未就
傳稍長媿與其長者語乃潛心學問至忘寢食
薨子載拱立拱薨子翊鉞立為今王長子常福

○永新王厚燠能詩薨子載壕立壕薨子翊鍵
先卒孫常渭立為今王

荆端王一子。永定王載盛以子恭王追謚莊
郡爵例除有宗室

荆莊王三子。恭王。德安王翊鏞薨

荆恭王三子。世子常冷隆慶三年以罪降庶
人。敬王以泰寧王進封郡爵例除

今王四子。世子由樊餘子以工進封格於例

不得郡王爵

萬曆甲午查屬籍荆自王而下凡一

百四十有五宗

淮

淮靖王三子。鄱陽王祁鎮亡子除。康王。永豐王祁鉞。薨子見淨立見淨文而好士得教授李勲知其賢延以為子師亡何薨子祐相居王喪不敬勲以書諫王庶幾改之勲辭王歸

王曰噫吾可一日無先生相薨子厚焯立焯薨子載址不及封子翊鉞立鉞薨子常澗立

淮康王七子。安王以世子卒亡子用姪定王


追封。端王先封靖江用子定王追封郡爵除

○南康王見淞。薨子祐桐不及封子厚燾立

長子載趨。德興王見渚。薨子祐榘立榘薨

子厚燾立燾薨長子載琛孫翊鍊。見汴未封

卒。順昌王見澤。薨子祐樞立樞薨子厚焯



石匱書 卷
立煊薨子載圭。崇安王見洵。薨子祐幹立
亡子除

淮端王二子。定王。莊王以鎮國將軍進封

淮莊王八子。憲王。高安王厚炆。薨子載

椿立。椿薨子翊鉞立。上饒王厚燿。薨子載

塢立。吉安王厚燾。薨子載堞立。廣信王

厚燾。薨子載堡立。厚燾未封卒。嘉興王

厚燾。薨子以擅婚降奉國將軍。紹興王厚

懌長子載。封長孫翊韜

淮憲王四子。恭王。今王以建昌王進封。

金華王載。塔子翊鎬。華陽王載。域亡子除

淮恭王一子。榮昌王翊鏡。亡子以弟建昌王

嗣王追謚昭

萬曆甲午查淮府屬籍自王而下凡

一百有四宗

德

德莊王三子。○泰安王祐楄庶長子也。王薨子厚熿立。熿薨子載堦立。亡子除有宗室。○懿王○濟寧王祐楫亡子除

德懿王五子。○東平王厚燾改封世子不及王以子恭王追謚懷。○歷城王厚燿亡子除。○厚熾未封卒。○臨朐王厚熾薨子載堦立。堦薨子翊鉞立。○高唐厚燾亡子除

德懷王三子。○恭王○臨清王載堦。○薨子翊鉞立。長子常瀝。○寧海王載埒。○薨子翊鐸立。德恭王四子。○定王○堂邑王翊鐸。○利津王翊鐸。○薨長子常瀟不及封卒。亡子除。○翊鐸未封卒

德定王五子。○今王○安陸王常濬。○紀城王常澍。○嘉祥王常注。○清平王常濬

萬曆甲午查德府屬籍自王而下凡

一十有四宗

崇

崇簡王三子。靖王。瑞安王祐桓。薨子厚
燹不及封孫載埴立亡子除有宗室。慶元王
祐樞。薨子厚燹不及封孫載圻立亡子除有
宗室

崇靖王二子。恭王。懷安王厚燹王年八十
餘薨子載垌立長子翊鑽長孫常濶

崇恭王二子。莊王。歸德王載墀亡子除有

宗室

崇莊王一子。今王

今王二子。泰和王常漣改封世子絕除。南
陽王常澤改封世子郡爵除

萬曆甲午查崇府屬籍自王而下凡
二十有七宗

吉

吉簡王一子。悼王庶子也封常山仁且孝簡

同姓諸王世表

王無嫡改封為世子不及王以子定王追謚悼
吉悼王一子。○定王
吉定王一子。○端王庶子也其初封光化
吉端王四子。○今王庶子也其初封龍陽以弟
莊王亡後進王。○長沙王翊鉉長子常潁。○穀
成王翊鉉長子常蒞。○莊王以嫡子王
今王三子。○世子常淳餘子以今王進封故如
其故秩為鎮國將軍

萬曆甲午查吉府屬籍自王而下凡

一十宗

徽

徽莊王六子。○簡王以興化王進封。○太和王
祐棧。○薨子厚炬立炬薨子載墜立。○遂昌王
祐樞。○薨子厚燦不及封孫載埉立亡子除。○
景寧王祐椀。○薨子厚燦立燦薨子載塽立隆
慶三年與都御史党以平爭訟有司奏治之父

石門投井死除。建德王祐檉。薨子厚焯立。
焯薨子載塔立塔薨子翊銘立。陽城王祐藥
。薨子厚燾立燾薨子載埽坐。淫妓服舍亮。廢
人廢庶人。

徽簡王五子。恭王庶子也。自安邑王進封。
嘉定王厚燠。薨子載端立端薨子翊釜立。二
子除。新昌王厚燾。薨今王載埽立于翊銘
以濫妾子降封鎮國將軍。慶靈王厚燠。薨

子載壁立壁薨子翊鎔立。厚焯封隆平。殤除
徽恭王十一子。庶子載埽封伍城。或畿以內
行恭王賜之死不得白。再拜而縊。亡子除。庶
人載埽以輔城王進封罪除。太康王載坳。
陽夏王載斐諸子以濫妾子降封。德平王載
堯。滎陽王載塔。薨子翊銘立。懷慶王載
暹子翊銖以擅婚子降封鎮國將軍。咸平王
載塔長子翊鏗先王卒。延津王載埽子翊銜

石圖書 卷
○孟津王載堙。○上蔡王載堙。長子翊銀。

徽庶人七子。○翊錡封安陽。○翊鈞封萬善餘。

子皆以父累廢為庶人。

萬曆甲午查徽府屬籍自王而下凡

一百有三宗

益

益端王四子。○莊王自崇仁王進封。○金谿王

厚煌。○薨子載學立。學薨子翊鏗立。鏗薨子常

拾立。○玉山王厚燠。亡子除

益恭王五子。○世子載增進謚昭王。○安東王

載環。吃好受經。長子翊鏞。○舒城王載煊。○薨

子翊銀立。銀薨子常泖立。○阜平王載堞。○薨

子翊銓立。長子常冽。○銅陵王載壤。○薨子翊

鈺立。鈺薨子常派嗣王

益昭王四子。○今王。○輔國將軍翊鉷。冠帶庶

人翊鑿。輔國將軍翊鍾。三宗者以其母庶不王

五量壽

卷

同姓諸王世表

七翊鍾以學名於藩

今三十一子。世子常遷有文名。黎立王常

溱。浦陽王常漿善畫。溥河王常泐。堯有

遺腹子。華山王常汎風雅有父風。筠谿王

常浚好學。羅川王常濟堯有遺腹子。安仁

王常滌。德化王常淦。十子未名。十一子

未名

萬曆甲午查蓋府屬籍自王而下凡

八十有八宗

衡

衡恭王七子。莊王。王田王厚煙。堯子載

塘立長子翊鍊。新樂王厚燠。堯子載璽立

王嗜古好脩善文章嘗為皇明聖政頌十五篇

贊美。高皇帝。高唐王厚煥好文章王堯長

子載墀不及封孫翊鍊立。齊東王厚炳。堯

子載壘立。堯子載鏞立。邵陵王厚燿長子

載增長孫翊鉞。漢陽王厚禎。薨長子載塵
不及封。亡子除。

衡莊王七子。康王以東昌王進封。安王以
武定王進封。郡爵除。平度王載柳。薨子翊
鏞。寧陽王載塿。昌樂王載堉。亡子除。壽
張王載塢。亡子除。商河王載塔。長子翊鏗。
衛安王三子。今王。鎮國將軍翊釗。翊銳。以
安王進封。故不得郡王。

今王六子。世子常。庶餘子皆以進封。故封輔
國將軍。

萬曆甲午查衛府屬籍。自王而下。凡
五十有八宗。

榮

榮莊王六子。懷穆世子。福寧王厚燾。亡子
除。惠安王厚熉。薨子載塾。立塾。薨子翊鏞。
立。永春王厚烈。薨子載垣。蚤卒。亡子除。

富城王厚焚之薨子載墻立長子翊鉉。貴溪王厚寔子載堺蚤卒亡子除

今王一子。世子翊鈐

榮世子一子。世孫常滾



萬曆甲午查榮府屬籍自王而下凡

三十有四宗

蔚 孝宗次子

蔚悼王厚熹母張皇后三歲薨追謚

岳 興獻王次子

岳懷王獻皇后生而殤嘉靖四年追封三十九年賜名厚熜

世宗 五王景王以下

穎傷王載直殤

戚懷王載甦殤

薊哀王載墮殤

均思王載鳳

賢宗附

輔國將軍當漬魯鉅野王諸孫也慷慨有志節
嘉靖中上書請停郡主縣君卹典以蘇民困已
奏其己身及其子一歲祿佐縣官䟽通運河賜
勅獎諭已請以父子祿佐賑封內飢民勸上
法祖宗重國本裁不急息土木詞甚愷切上
嘉其意賜敕褒之祿不許辭

鎮國中尉觀煇字中立魯鉅野王諸孫也父奉
國將軍澧根博學多文坐客常滿嘉靖中以賢
孝旌煇被服儒素雅好著述執母喪哀毀甚至
嘗獻太平圖繪卷世宗嘉獎之南州有處士
趙甲者窮而依煇館穀周卹三十年如一日弟
觀謙亦以詩畫著名請辭祿廬墓不允同時有
鉅野中尉願塚安丘將軍願鑄皆個儻有逸才
聲詩清拔而樂陵王之子願埏亦善詩

輔國將軍成鉅弟成鏐代隰川王諸孫也父仕

石匱書 卷一
塏坐罪幽鳳陽嘉靖初病死成鋹微服走視自
劾越禁乞負父骸骨歸葬即不得請願留墓側
詔許鋹祭父塋所即歸雲中卒叛成鏐上書叛
卒之變幸獲銷平貪酷官吏實其彙端臣妄有
慮天下之變隱於民心異日不獨一雲中而已
究消弭之術莫若先清仕途嚴誅貪酷語甚切
直上詔諸司府綜核考察歲終藩臬入賀條
奏所屬賢否送部撫按躬咨訪假手雷同皆自
成鏐發之世謂鋹孝鏐忠有兩難焉

鎮國將軍成鏞代靈立王子也事父母以孝聞
親歿廬墓側負土壘塚號泣不絕世宗朝賜
勅獎諭資金帛詔禮官曰宗室中有如成鏞者
乎其令撫按官奏聞

鎮國中尉睦榑字灌甫周鎮平王諸孫也父奉
國將軍安河以孝行聞榑妊十四月少端穎朗
詣李夢陽一見大奇之年十五封則與晉江王

慎中郵陳束結社講藝劇心古作顧謂不足進
於道乃覃精經書當是時河洛間宿儒衛君聘
名易和太芳名書周伯昌名詩周涿之名春秋
許守謙名禮榘先後從遊之尤遠易春秋易初主
王弼後復取鄭玄謂鄭學莫備於唐李鼎祚刻
其集解以傳而自為春秋傳明筆削之旨是時
海內藏書家稱江都葛氏章立李氏榘盡購得
之起萬卷樓誦其中一切諸王孫世祿之習

泊如也士大夫宦中州者扣以經濟鑿中窾
縉紳過大梁莫不傾蓋造門或竿牘相通千里
定執家故饒貨僮奴數百人皆逐羸車肩麥執
蕪自給客擔簦至者悉館穀之初高陵呂柟仲
木與榘講易東坡之上驚曰子輔嗣流也新鄭
高拱為相問易大義云何榘曰大易之旨以退
為宗萬曆初詔建宗學府中推舉為宗正絃誦
之聲徹於朱門年七十餘卒門下士五百餘人

頌德而臺請轉聞於朝賜祭塋若謚詔加祭塋
烏與檟同時有將軍安流者一歲喪母事父至
孝父病草焚神教之割臂為湯父食病已後年
垂七十追母不逮廬墓三年詔旌表其門晚益
精名理延納詞人人稱況為小山

弋陽奉國將軍多煌父拱檜豪爽喜客善詩多
煌恂謹孝及與弟多炆多燦多炤皆文雅著名
遠邇知交子弟群從莫不執文子謀壯謀趨謀

趨謀重並嫺詞藻善承父志而多炆更潛遊吳
楚間所至傾坐其家以精鐵冒閩賓客延選鐵
為豁臨絕命其子以白幘鶴氅殮附門人子弟
私謚曰清敏多炆子謀輝與族人多燮謀熾堪
謀燁竝放志文酒間娛樂終世

奉國將軍拱杓拱檠竝瑞昌王後也父曰宸渠
坐宸濠建繫中都拱杓請以身伐兄弟二人好
學儒雅而拱檠尤辯博有智數上書言事

石園書 卷一
世宗朝並承褒獎拱杓子多炘拱榘子多燠竝
博雅有文而多炘以孝稱瑞昌府又有多燿與
多燠竝有時名

輔國將軍字決新野王諸孫也五歲喪明從師
氏畫掌識文字耳授書日記千言久之博通群
籍明習其後又精太乙六壬遁教方技諸公爭
造其門嘉靖中陳便宜數十事著名獻錄辯疑
碑各一卷唐成王以摩天王目之子宙松力舉

千斤好劍嗜書慕古節俠廉義之風松子碩燠
字孔炎封鎮國中尉博雅慷慨益弘家學與其
子器封並以文詞名號南陽父子萬曆中吏科
給事中張應登疏諸藩文行可宗正者周則安
侃勤莫勤此趙則載埽載堆載炕襄則載埽載
幸楚則英燠南昌則多燠多炘多燿多炘於唐
則孔炎父子

天子之子封親王國一字謚一字俗曰一字王

石 卷
親王支子封郡王國二字謚二字俗曰二字王
郡國支子曰鎮國將軍從一品鎮國將軍子曰
輔國將軍從二品輔國將軍子曰奉國將軍從
三品奉國將軍子曰鎮國中尉從四品鎮國中
尉子曰輔國中尉從五品輔國中尉子曰奉國
中尉從六品鎮國將軍子雖嫡不得世為鎮國
矣中尉而下雖支庶皆得以中尉稱其名也
高皇帝預定十二字于生以聞付宗人府世取

一字為上名下名翰林院擬字請下宗人府編
諸玉牒字不盡出於字書取五行為序意制之
而意音之親郡王之妻皆曰妃親王嫡子封世
子妻曰世子妃世子嫡子封世孫妻曰世孫夫
人世孫嫡子封世曾孫妻曰世曾孫夫人郡王
嫡長子妻曰長子夫人長子嫡子封長孫妻曰
長孫夫人鎮國將軍妻曰夫人輔國將軍妻曰
淑人奉國將軍妻曰恭人鎮國中尉妻曰宜人

石匱書 卷
輔國中尉妻曰安人奉國中尉妻亦曰安人亡
別嫡庶子凡宗祿親王歲萬石或不能一萬本
色折鈔兼支不等郡王千石本色三之折色七
之鎮國將軍千石輔國將軍八百石奉國將軍
六百石鎮國中尉四百石輔國中尉三百石奉
國中尉二百石本色四之折色六之親王之女
曰郡主郡王之女曰縣主縣主之下曰郡君郡
君之下曰縣君縣君之下曰鄉君尚之者皆曰

儀賓尚郡主從二品尚縣主從三品尚郡君從
四品尚縣君從五品尚鄉君從六品郡主歲祿
四百石縣主三百石郡君二百石縣百五十石
鄉君一百石本色二之折色八之儀賓歲祿視
其主若君世子世孫以其將繼爵中尉既盡其
女曰宗女其壻曰宗壻滋多矣皆不祿親郡王
初封曰封子孫正繼曰襲弟姪以他爵續封曰
進以子孫襲王得封謚曰追亡封者之子孫例

不得受封如正襲謚用陰文親郡王亡子絕封
曰絕除以罪革曰罪除犯逆曰逆除以例革曰
例除親郡王世子死曰薨長子以下曰卒庶人
曰故以罪賜死曰誅 高皇帝之初封諸王也
置相傳以下官屬亞京卿護衛精兵萬六千人
牧馬數千匹冕服九旒七章車旂服飾下天子
一等天子資重臣至太師丞相公侯拜伏謁其
尊也如此名山藏曰凡郡王之謚皆以備榮哀
不闕其德善予是以削不載



石匱書卷第十九



開國功臣侯者世表叙

至正末季豪傑並起卓萊手提三尺與我

高皇帝同定天下者公十人侯五十七人伯六

人是皆開國元勳食租衣稅雖不得分土臨民

而鐵券寶綸天盟廟授追崇之禮過於商周世

宥之恩寬於漢魏矣乃一旦藍胡黨起誅鋤萬

數相國恠於繫蕭督府嚴於誅越一時功臣十



去六七竊恠諸臣皆戮之捐軀入水土火為
高皇帝滌蕩腥膻洗濯日月者也乃烹完走狗
罪以吠堯扶盡良弓誣以射影封之不足乃盡
殺之豈非秦始皇之故智乎然考諸臣所以行
事皆失其理夫風雲之際雷霆乃轟霜雪之餘
李梅不實大禹尚宜勞績周公以之退遜是皆
田間武夫附翼攀鱗安知守滿居成之道乎况
夫高皇帝睿聖神武刑賞號令雷厲風行出


其不意者哉是以徐達醉驚而趨寢湯和稽首
以還鄉馮勝有瘞械之疑終遭仰藥藍玉有折
鍵之勇遂致徇遊不善處身自難救死靖難以
後輝祖以抗節守瑩景隆以負國墮戶江陰以
被劾收券長興以傲上奪田越雋安陸之流載
復載仆終淪氓隸從龍氣焰白馬盟寒開天佐
命落落如星晨不復能興武繼絕矣夫以常李
鄧湯之功而裔末流於荒徼眷屬幽於都闕圭

組委於沈塗工師作室誰賀主人上賓飲庖猶
賚行炙繼體賢君守文令土能不惻然動心也
耶是以弘治五年 孝宗皇帝求得常遇春玄
孫復李文忠玄孫璿鄧愈五世孫炳湯和六世
紹宗令為世襲指揮使銓註衛公近其祖塋以
便奉祀嘉靖十年 世宗皇帝以刑部主事李
瑜言進享劉基太廟伯其子孫仍命求四臣後
許之傳襲以不廢 高帝報功之意武二興滅


天下皆歸成季有後善人競勸聖君之舉真足
風起天下矣其餘同事諸公予特詳列其姓氏
封號作為世表使後之君子思念開國勲庸之
盛亦得藉以觀感焉

開國功臣侯者世表

姓名	功	封邑爵	祿	進封	除世	續封
徐達	開國	信國公	伍千石	世		
李善長	開國	宣國公	四千石	韓	除	
常遇春	開國	鄂國公				懷遠侯
李文忠	開國	曹國公	三千石		除	臨淮侯
馮勝	開國	宋國公	三千石		除	
鄧愈	開國	衛國公	三千石	申	除	定遠侯



湯和	開國中山侯	五千石	信國公	除	靈璧侯
唐勝	開國延安侯	五千石	除	除	
陸仲享	開國吉安侯	五千石	除	除	
周德興	開國江夏侯	五千石	除	除	
華雲龍	開國淮安侯	五千石	除	除	
顧時	開國濟寧侯	五千石	除	除	
耿炳文	開國長興侯	五千石	除	除	
陳德	開國臨江侯	五千石	除	除	



郭子興	開國華昌侯	五千石	除	
王志	開國六安侯	九百石	除	
鄭遇春	開國滎陽侯	九百石	除	
費聚	開國平涼侯	五百石	除	
吳良	開國江陰侯	五百石	除	
吳楨	開國靖海侯	五百石	除	
趙庸	開國南雄侯	五百石	除	
廖永忠	開國德慶侯	五百石	除	

韓政	胡美	傅友德	朱亮祖	康茂才	楊璟	華高	俞通源
開國	開國	開國	開國	開國	開國	開國	開國
東平侯	豫章侯	潁川侯	永嘉侯	蕪春侯	營陽侯	廣德侯	南安侯
五千	五千	五千	五千	五千	五千	六千	五千
百石	百石	百石	百石	百石	百石	百石	百石
	臨川侯	嘉國公					
除	除	除	除	除	除	除	除
						無子	

黃彬	曹良臣	梅思祖	陸聚	汪廣洋	劉基	薛顯	沐英
開國	開國	開國	開國	開國	開國	開國	開國
宜春侯	宣寧侯	汝南侯	河南侯	忠勤伯	誠意伯	永誠伯	西平侯
九百	九百	九百	九百	三千	二千	五千	二千
石	石	石	石	石	石	石	石
							黔國公
除	除	除	除	除	除	除	世
					續		

石賢書

卷

開國功臣世表

六



仇成	征西	安慶侯	二千石		除
藍玉	征西	永昌侯	二千石	涼國公	除
譚成	征西	永平侯	二千石		除
張龍	征西	鳳翔侯	五百石		除
吳復	征西	安陸侯	五百石		除
金朝興	征西	宣德侯	五百石		除
曹興	征西	懷遠侯	二千石		除
葉昇	征西	靖寧侯	二千石		除



曹震	征西	景川侯	二千石		除
張溫	征西	會寧侯	二千石		除
周武	征西	雄武侯	五百石		除
王弼	征西	定遠侯	五百石		除
陳桓	平南	普定侯	五百石		除
胡海	平南	東川侯	五百石		除
郭英	平南	武定侯	五百石	翊國公	世侯
張翼	平南	鶴慶侯	五百石		除

開國功臣世表

李新	汪興祖	張赫	朱壽	孫怡	俞通淵	張銓	胡顯
汝陵	開國	海運	海運	征胡	征南	征蠻	江蠻
崇山侯	東勝侯	航海侯	舳舻侯	金寧侯	越雋侯	永寧侯	梁國公
五千石	五千石	二千石	二千石	二千石	二千石	千五百石	
除	除	除	除	除	除		除

徐達鳳陽人以開國功佐太祖定天下以大將軍生致張士誠封信國公洪武三年封魏國公賜誥命鐵券造八功坊第京師封十六年卒年五十四追封中山王謚武寧二十一年子輝祖嗣以抗靖難師幽卒永樂五年子叙嗣洪熙元年子顯宗嗣卒亡後正統十三年弟承宗嗣天順八年甫嗣正德十三年甫孫鵬舉嗣隆慶六年子邗瑞嗣萬曆二十三年子弘基嗣達三

石匱書 卷八
子增壽別封定國公有侍

李善長定遠人居中讓士士得以飽戰洪武元年封宣國公三年進封韓國公賜誥命鐵券第
京師封二十一年以胡惟庸黨論死爵除有傳
常遇春定遠人以猛戰克服吳漢平定中原北
破開平擒元三五子還師道卒年四十先副大
將軍致張士誠封鄂國公二年追封開平王謚
忠武三子長子茂襲封鄭國公坐訟婦翁馮勝

安置龍州二十一年更封次子昇為開國公嗣
子繼祖安置臨安衛爵傳弘治六年世其玄孫
復南錦衣衛指揮使嘉靖十年續封八世孫玄
振懷遠侯二十八年文濟嗣萬曆間亂緒嗣有
傳

李文忠臨淮人 高帝姊子從起兵東定浙北
致元順帝孫買的里八剌於應昌洪武三年封
曹國公賜誥命鐵券策示師封十五年卒年四

石圍書 卷九
十六追封岐陽王謚武靖十七年景隆嗣永樂
元年以周王劾削爵啟門正統十二年貫開爵
停弘治五年世其玄孫璿南錦衣衛指揮使嘉
靖十年續封八年孫性臨淮侯亡子十二年璿
三子沂嗣十五年底竹嗣萬曆三年言恭嗣有
傳

馮勝定遠人以都指揮從克漢及吳竟定天下
洪武三年封宋國公賜誥命鐵券第京師封二
十二年除有傳

鄧愈虹人自盱眙率所部從於滁陽累戰功竟
定天下洪武三年封衛國公第京師封九年以
征西將軍討土蕃部成功道卒年四十一追封
寧河王謚武順十年鎮嗣改封中十八年征進
江西有功卒亡後鎮弟銘以功授指揮僉事從
愈征巖亡於軍子源以散騎隨征沙漠還病故
子挺挺子炳弘治五年世炳南錦衣衛指揮使

正德八年繼坤嗣嘉靖十年續封定遠侯三十
 六年祖錫嗣隆慶六年祖錫孫世棟嗣有傳
 湯和鳳陽人以滁陽王牌頭為招討授統兵元
 帥累軍功洪武三年封中山侯十一年進封信
 國公賜鐵券第京師封二十六年卒年七十追
 封東甌王謚襄武子鼎自致功累都督府僉事
 征雲南道卒贈信世子鼎子晟蚤卒晟子文瑜
 胎癰不能公弘治五年錄和六世孫紹宗南錦

衣衛指揮使嘉靖十年續封靈璧侯十四年佑
 賢嗣三十九年世隆嗣萬曆中之誥有傳
 唐勝宗鳳陽人五十八從起兵從下常宣娶池
 高郵安慶九江南昌敗友諒禁江口五潭醴辰
 荆諸郡拔延安有功洪武三年封延安侯賜誥
 券侯二十四年坐亂宮誅國除

陸仲亨鳳陽人從下南昌合肥安豐敗友諒彭
 蠡自將取英德清遠靖江廣州洪武三年封吉

安侯授世券侯二十四年坐家奴發反謀誅國除

周德興鳳陽人從渡江取金華安慶高郵安豐
合肥贛安福永新自提兵拔安吉西安洪武三
年封江夏侯賜世券侯二十三年坐帷簿不修
論死國除

華雲龍安豐人起小校從克采石攻下金陵擒
元將李將軍分取廣德禦龍江戰彭蠡從伐江

陵還取淮東從大將軍開中原洪武三年封淮
安侯子世券侯居北平處元丞相脫脫大第僭
用元宮龍榻鳳衾後民造新第侈過制上命遷
故元官江南侯姑息弗如詔有故元官構黨出
檄欲煽以變見切責召歸益歌舞燕飲自放率
國除

顧時鳳陽人與平章韓政四向急攻濠州與士
誠水戰昇山自率壯士躍入舟降士誠王太子

與大將軍開中原洪武三年封濟寧侯子世券
五年以左副將軍與征南前將軍李文忠分兵
出沙漠迷失道糧盡士疲不能戰獨引麾下數
百人衝擊胡兵掠重振士侯十年卒贈滕國公
子謚十五年敬嗣敬以左副將軍定龍泉寇屢
從征有功後竟

耿炳文鳳陽人以長興孤城當吳洪武三年封
長興侯賜誥券侯三十二年卒子璿駙馬都尉

璿都督僉事宣尚寶卿洪熙初皆論死國除有
傳

陳德鳳陽人從流江攻取采石姑熟建業京口
溧常宣寧征浙東西戰鄱陽克武昌靖中原洪
武三年封臨江侯子世券四年征蜀漢甘肅出
鎮北平侯九年卒贈杞國公子謚十三年胡黨
覺以尙死免其明年子鏞嗣以征南將軍屢平
賊十九年從宋國公出塞與大將軍異道遇鹵

死竟除

郭子興鳳陽人以滁陽部下轉隸

高帝傳

衛往往裹創戰洪武三年封鞏昌侯賜誥券侯

十四年卒贈陝國公謚宣武竟除有傳

王志鳳陽人從渡江克定太平溧陽建業京口

毘陵宣城江陰武慶江州南昌湖廣廬安豐從

宋國公渡河取淮慶澤潞深入察罕腦兒絕塞

却胡洪武三年封六安侯賜誥券侯十七年卒

贈許國公予謚二十二年威嗣二十三年坐林

來保事謫安南衛指揮卞子弟域嗣改清平衛

世官胡黨覺忘以前死免竟除

鄭遇春 闕

費聚鳳陽人從畧定遠取驢牌寨民兵得壯士

二千人招降秦把頭豁鼻山得壯士八百人從

取滁濠句溧建業京口廣德長興從大將軍下

吳興姑蘓從御史大夫和征四明縣海道南取

石圖

卷

明國功臣世表

七

石圖書 卷
三山廷平選討昌國餘寇於蘭秀二山會大將
取澤潞平陽太原西突鳳翔洪武三年封平涼
侯賜誥券四年從穎國公征雲南有功承命辦
軍民居於蕪州民奏侯傷民見詈責坐胡黨竟除
吳良定遠人要遮江陰為東郭洪武三年封江
陰侯賜誥券侯丁三年卒贈江國公謚襄烈十
七年高嗣永樂十二年被劾編民江陰奪券洪
熙元年調戍海南爵除良有傳

吳禎定遠人從起滁和渡江下采石太平溧陽
溧水拓定建業京口毘陵宣城池州與兄良郭
江陰水擒朱疋從攻湖州姑蘇四明三山剿平
蘭秀涉海還洪武三年封靖海侯賜誥券五年
黜為定遼衛指揮使侯十年卒追封海國公謚
襄毅忠嗣侯竟除有傳

趙庸廬州人以中書棄守安慶賜死踵其任
僉院從大將軍破安慶九江南昌以六舟搏戰

漢下淮東浙右開中原從鄂國公自陝取成都
從曹國公克應昌獲二君孫坐私奴婢僅圭
公侯子鐵券十五年討廣東群盜獲黨屬二萬
餘斬首千餘招降萬餘侯二十四年坐藍黨
誅國除

廖永忠巢人以募湖軍納身取慶九江以六挺
戰漢巨舟於鄱陽湖以征南將軍平定閩廣洪
武三年封慶侯賜鐵券侯六年卒十三年權嗣

卒竟除有傳

俞通源巢人以平章鎮守江淮屬大將軍征中
原洪武三年封南安侯賜世券侯二十年卒逾
年坐黨以死前犯已子祖痿不能侯除有傳
華高會山人以巢湖軍納身以數騎挑戰力攻
下廣德與俞通海擊柵江營與張德勝大敗漢
石仄山從克安慶九江南昌淮泰高郵湖洪
武三年封廣德侯子誥券使巡海南齊崖州不

及券不券納其墓中

揚潁合肥人從走太平摧城當先從征江

全永靖江洪武三年封營陽侯賜誥券侯十三

年卒贈尚國公謚武信十七年通嗣竟坐黨除

朱亮祖六安人本元義兵元帥禽於寧國釋而

官之亮祖復反為元前後死我衆七千餘創常

將軍高帝自往擒之既縛不屈鞭而釋之用

戍浙東取温台繇海道從征廣東西至海南洪

武三年封永喜侯子世券四年以征鹵右副將

軍助伐蜀至重慶蜀已下以杖死軍較不與賞

使鎮廣東多不法爭徵還凡十一年坐胡黨論

死國除

傅友德碭人以漢友諒將投降九江戰收鄱陽

鄂渚江右淮東彭城齊魯冀閩陝洪武三年封

穎川侯賜誥券征以征將軍克巴蜀以征副

將軍出沙漠以征南將軍平雲南十七年論功

進封穎國公世襲侯二十五年論死國除有傳
胡美沁人故漢行省丞相投降武昌高帝仍
其官親拜其母表坊造第美從大將軍征江夏
壽春淮東浙西邵武建寧洪武三年封豫章侯
賜鐵券十三年改封臨川侯坐長女為宮妃
入宮者再賜旨盡殺其家國除

韓政睢人以元義兵長來歸授江淮行省平章
攻下張士誠將李濟於濠穴城攻女豐獲忻都敗

竹貞平淮東古山東出師河北削平堅寨洪武
三年封東平侯賜誥券侯九年卒賜鄆國公子
英散貯舍人竟除

黃彬缺邑里故陳友諒將投降江州取新淦復南
昌數定江右反側子從計贛鎮袁洪武三年封宜
春侯賜誥券侯二十一年坐胡黨死國除

曹以臣安豐人寺不歸劉福通而之高
帝以江淮行省叅政從征廬鄱陽武昌淮東湖

石圍書 卷一
二
嶽山東沿河南廣平會師臨清取德長蘆直沽
河三通保定河阻澤潞還守通以千人迫奔之
也速萬騎從擊定西洪武三年封宣寧侯子世
券五年從李將軍取和林深入阿魯渾河戰歿
追封安國公謚忠壯子太嗣侯竟除

梅思祖夏邑人故元義旅反元擴廓帖木兒醢
其父及弟數人從張九四反九四歸大將軍淮
安九四凌遲其弟數人從取浙西湖蘇山東西

河南北入秦汭取興元洪武三年封汝南侯賜
券十五年平雲南以為其地布政使其年卒坐
黨以思祖前死戮其家從子殷駙馬都尉自有
傳

陸聚失色里故元樞密同知以徐宿來歸仍守
徐令指揮傳友德破元擴廓帖木兒禽其驍將
從以中原洪武一年封河南侯子世券移鎮山
東承制理軍務福建召還坐胡黨上念其為奸

臣所誘宄之尋卒國除

康為才斬人以元宣慰元帥降授秦淮翼水

元帥守龍灣取馬馱河却偽吳兵從廖永攻池

縱陽遷營田使也田大收以帳前副指揮從破

蘄黃鄱陽武昌湖廣敗吳巫子門取湖蘇從開

中原征漢中洪武三年卒追封蘄國公謚武襄

鐸以父功封蘄春侯征雲南卒於軍追封蘄國

公謚忠愍子淵幼優給充徽騎舍人已革服勒

居山西卒國除

汪廣洋高郵人謁太平割繁劇馳驅多難屢獻

忠謀起令史工陝西叅政召入為中書省右丞

相左丞相楊憲嗾御史炳劾廣洋不孝斥還鄉

憲再劾重廣洋罪丞相善長奏誅憲召還洪武

二年封忠勤伯坐悞猾黠為廣東行省叅政上

問廣洋胡惟庸去先劉基狀支吾對以黨謫海

南賜死太平舟中除

劉基青田人以客應聘察乾象畫計定天下洪武三年封誠意伯不世二十三年子世基孫薦嗣卒法桓曇凡三世不世景泰三年錄七世孫祿世五經博士弘治十五年錄九世孫瑜處州指揮使嘉靖十一年進瑜誠意伯再子誥卷二十八

年瑜孫世廷嗣萬曆中孔昭嗣有傳薛顯蕭人從世均用守泗降與漢定戰新城門以游軍取吳舟四十大火吳舟敗其五太子昇

山從征陳理擒其將潑張下湖蘓取山東河南與傳將軍戰破擴廓帖木兒太原邀擊賀宗哲石州擊敗擴廓帖木兒寧夏絕塞窮追洪武三年封永城侯不券謫海南明年召還予世券與馮將軍北征還次山海關卒贈永國公謚桓襄

子收券後坐黨以死不論沐英定遠人洪武十年伐蕃部川歲功封西平侯子鐵山侯十六年卒追封黔寧王謚昭靖二

十五年春嗣亡子三十年英次子晟嗣永樂六年以平交趾功封黔國公世守雲南有傳

仇成舍山人從渡江遇敵先登彭蠡功最洪武

十二年封安慶侯世襲指揮十四年以征南副將軍討平四川水盡源通塔平撒毛諸洞蠻從潁川侯征雲南功多十七年予券世侯侯十九年卒追封皖西公諡襄二十三年子恭嗣竟除藍玉定遠人累功官都督洪武十二年以征西

番功封永昌侯予世券從潁川侯征雲南從宋國公征納哈山代勝為征酋大將軍以十五萬人深入酋捕魚兒海殺酋太子天保奴酋酋少子地保奴及其妃主大臣百餘人降獲官首男婦八萬人二十二年進封涼國公六年坐謀反誅連萬五千人族有傳

謝成鳳陽人累功都督僉事以征三副將軍從西平侯討平西番洮州戎洪武十二年封永平

侯世指揮使賜券洪十六年生累卒除

張龍鳳陽人累功都督僉事從西平侯討平西

番洮州戎洪武十二年封鳳翔侯十四年以副

將軍從穎川侯征雲南功多侯十三年卒竟除

吳復合肥人以義兵自歸累功都督僉事從西

平侯討平西番洮州戎洪武十二年封安陸侯

世指揮使再征善定及廣西泗城州蠻殺獲甚

衆侯五年卒追封黔國公謚威毅賜券世侯竟

除

金朝興巢人從渡江討閩浙累功都督僉事世

指揮屬西平侯討平番洮河戎洪武十二年封

宣德侯世指揮使侯四年以屬穎川侯征雲南

卒於會川追封沂國公謚武毅十七年使子鎮

世侯子券竟坐黨在死前除

葉并合肥人從渡江累功都督僉事屬西平侯

討平西番洮州戎洪武十二年封靖寧侯世指

石圖書 卷
揮使十五年坐監黨誅除

曹興缺邑里累功都督僉事屬西平侯討平西
番洮州戎洪武十二年封懷遠侯世指揮使尋
卒竟除

曹震鳳陽人起開國屬西平侯討平西番洮州
戎洪武十二年封景川侯世指揮使十五年坐
監黨誅除

張溫缺邑里從取太平累功都督僉事屬西平
侯討平西番洮州戎洪武十二年封會寧侯世
指揮使十五年坐監黨誅除

周武門州人從取江南累功都督僉事屬西平
侯討平西番洮州戎洪武十二年封雄武侯世
指揮使尋卒竟除

二弼定遠人鳩義兵附人名其能曰隻刀王累
功都督僉事世指揮以副將軍從平侯討平西
番洮州戎洪武十二年封定遠侯世指揮使從

石圍書 卷 三
穎川侯訥平雲南十七年予券世侯為副將軍
征大寧東出遼東納哈出二十二年詔功臣還
鄉二十七年卒竟除

陳桓定遠人從起兵累功都督僉事世指揮屬
穎川侯祉雲南洪武十七年封普定侯賜券侯
十年坐藍黨誅除

訥海定遠人二軍百戶從起兵累功右軍都督
僉事屬穎川侯祉雲南洪武十七年封東川侯
賜券侯七年卒子斌以指揮使戰歿雲南贈都
督同知孫炳心襲指揮僉事曾孫靖玄孫鑑襲
竟除

郭英鳳陽人從起滁泗渡江從戰禁江武昌從
大將軍開中原鎮北平以前軍都督僉事屬穎
川侯征雲南洪武十七年封武定侯賜誥券侯
二十年卒追封營國公謚武襄子鎮尚永嘉大
長公主元華鎮子珍風痺不能侯弟珪借侯一

石圖書
卷
三
輦天順元年瑄子与嗣弘治中良嗣正德三年
勛嗣嘉靖十八年護駕巡承天進封翊國公坐
繫死獄中二十九年守乾嗣三十九年大誠嗣
萬曆中應麒嗣英勛有傳

張翼臨淮人從起兵累功前軍都督僉事屬穎
川侯征雲南洪武十七年封鶴慶侯賜恭侯十
年坐藍黨誅

李新鳳陽人從起滁累功都督僉事為天子治
方中洪武十四年封崇山侯不世

汪興祖巢人以張德勝義子襲職擊陳友諒張
士誠從大將軍開中原洪武三年封東勝侯以
過未券四年征蜀死於軍給券予幼子竟除
張赫鳳陽人以千戶從起兵有功累後軍都督
僉事轉漕遼左六歲洪武二十年封航海侯賜
券侯三年卒追封恩國公謚莊簡子榮自致功
指揮使孫鑑永樂初以都指揮從成國公征廣

石圖書
西留鎮交趾竟除

朱壽缺邑里以萬戶從渡江積功累右軍都督
僉事洪武三年封舳艫侯坐黨死除
孫恪鳳陽人父興祖從渡江屢先登挫陳友諒
張士誠軍從大將軍開中原以都督同知守燕
洪武三年屬大將軍北伐與胡戰死五郎口贈
燕山侯恪以二功嗣指揮屬永昌侯征胡至捕
魚兒海拚身野戰二十二年封金寧侯竟除

俞通淵巢人以叅侍舍人累功屬西平侯征蠻
洪武二十五年封越嵩侯予世券明年以罪削
爵竟送靖難師戰死白溝河除

張銓定遠人從渡江累功都督僉事從江夏侯
征五溪諸蠻從潁川侯征烏撒諸蠻洪武二十
二年封永定侯賜誥券子孫世指揮竟除
胡顯臨淮人父泉從起兵累都督同知顯襲父
職以王親從楚昭王征銅鼓五開以都督僉事

從靖兵侯征東川龍海諸蠻洪武二十二年封梁
國公建文三年坐交通楚三革爵父子竝安置
臨襄山永樂元年遇赦授皇陵衛指揮僉事改
同知竟除

石匱書曰人臣建功立業得為開國勲臣亦可
謂遇之極矣乃觀其食報之薄囚繫誅戮至不
得與編氓等廼想至此亦何貴乎從龍草昧哉
故知乾坤再造即功如郭汾陽者亦不能釋主
之疑何況儔輩乎范少伯之治吳計就隱跡鴟
裔張子房之滅楚功高託身黃石蓋其所見庸
人俗子其可幾及哉

補鄭遇春

鄭遇春濠人從取滁鐵佛岡三汊河大柳樹
諸寨為先鋒克和陽拔采石太平授總管從
征溧水定金陵取宣州陞左翼元帥從克揚
州婺州敗友諒兵下黃梅南昌大戰禁江口

石匱書卷二十
殲寇諒平武昌陞六安衛指揮僉事從平中原進都督僉事洪武三年封滎陽侯子世券坐累奪爵逾年復侯從平雲南督金吾諸衛造舟海運二十三年卒除

石匱書卷二十

靖難功臣侯者世表叙

爰自靖難功成策名勲府

文皇帝以九門壩上白溝滄州藁城夾河靈璧七戰論功已而北驅殘鹵南縛交酋西靖羗番東捕倭韓允所封建者王一人公五人侯二十三人伯二十六人除丘福朱能陳珪張輔之外其間剖符分券類多建文舊臣履聲橐橐每多

危素之疑口吃期期難作周昌之奉大燾高牙
白晝驕人未免暮媿衾影故雖折圭擔爵人不
榮之此管仲之有媿於子糾魏徵之負慚於元
言也迨後 文皇嗣統欲風勵後世言及前事
頗亦厭聞故洪國陣亡處以重法流及妻子奄
忽數年麒麟閣舊勳削奪治半 文皇帝之薄待
功臣可為至拙矣乃復綢繆牖戶改置藩封以
寧府徙之南昌以高煦惡之安樂此皆其防備

後人復蹈前轍謂漢趙耽耽靖難之事可一而
不可再也後復恐丈人才子腹誹其非乃集天
下儒生開壇分局鎖禁闈中數十年纂集永樂
大典倣唐太宗之作太平廣記蒐守囊括幾於
坵儒焚書以箝天下之口 文皇帝之用心亦
可謂勞且苦矣故姚廣孝揚士奇之重修洪武
實錄六月四日語多隱微誠當為尊者諱之乃
臣之敘述靖難據實直書毋傷率筆雖然唐太

石匱書 卷一
 宗之命史臣也令其直書玄武門勿得隱每此
 又帝王度量迥出儔俗想 文皇帝亦諒有同
 心則微臣之臯亦或可通其懺悔矣



靖難功臣侯者世表

姓名	功	封邑爵	祿	進封	世	續封
丘福	靖難	淇國公	二千五百石		除	
朱能	靖難	成國公	三千五百石		世	
張武	靖難	成陽侯	五百石		除無子	
陳珪	靖難	太寧侯	二百石		世	
鄭亨	靖難	武安侯	五千石		世	
孟善	靖難	保定侯	二千石		除	


石匱書

卷一

靖難功臣世表

三

火真	顧成	王忠	徐忠	張信	李遠	郭亮	房寬
靖難	靖難	靖難	靖難	靖難	靖難	靖難	靖難
同安侯	鎮遠侯	靖安侯	永康侯	隆平侯	安平侯	成安侯	思恩侯
五千石	五千石	千石	一千石	千石	千石	二百石	八百石
除	世	除	世	世	世	世	世



徐祥	徐理	李濟	張朝	詹雲	譚淵	孫岩	房勝
靖難	靖難	靖難	靖難	靖難	靖難	靖難	靖難
興安伯	武康伯	襄城伯	信安伯	新昌伯	新寧伯	應城伯	富昌伯
千石	千石	千石	三千石	千石	千石	千石	千石
		流侯	新城侯 英國公				
世	除無子	世伯	世	世	世	世	世

靖難功臣表

陳旭	靖難	雲陽伯	千石	除無子
劉才	靖難	廣恩伯	九百石	世指
袁容	靖難	廣平侯	五百石	世指
三讓	靖難	富陽侯	千石	世指
李彬	靖難	豐城侯	千石	世
陳懋	靖難	寧陽伯	千石	世
王通	靖難	武義伯	二千石	世伯
王友	靖難	清遠伯	五百石	除



石

陳賢	靖難	榮昌伯	千石	除
張興	靖難	安鄉伯	千石	世
陳志	靖難	遂安伯	千石	世
王聰	靖難	武城侯	五百石	除無子
趙彞	靖難	岢嵐伯	十石	世
宋晟	征西	西寧侯	一千石	世
沐晟	征交	黔國公	三千石	世
柳升	征交	安遠伯	五百石	世

靖難功臣表

郭義	戰勝	安陽侯	一千	百石	世	揮世	指
何福	征胡	寧遠侯	千石		除		
薛祿	征胡	陽武侯	一千	百石	世		
劉榮	捕倭	廣寧侯	二千	百石	世	伯	
朱榮	征胡	武進伯	二千	百石	世		
高士文	戰歿	建平伯	三千	百石	世		
金玉	征胡	惠安伯	八百	石	世	揮世	指
薛斌	征胡	永順伯	九百	石	世	揮世	指



薛貴	征胡	安順伯	九百	石			
吳允誠	征胡	恭順伯	二千	百石	侯	世	

靖難功臣表

丘福鳳陽人以小卒從靖難奪九門轉戰真定
夾河滄洲靈璧先登累中軍都督僉事洪武三
十五年封淇國公永樂七年以征酋大將軍出
擊胡深入與師俱喪追削爵徙家嶺南除
朱能定遠人以燕山小訖街副千戶從靖難奪
九門克薊復遵化收密雲追獲灤河破雄定鄭
擊直定援永平戰壩上取廣昌下蔚迎戰白溝
大捷滄洲夾河藁城收東平摧汶上自小河決



策南師以靈壁先登涉淮泗取盱眙遂入金川
洪武三十五年封成國公賜諡命鐵券永樂四
年以征裔將軍討安南卒於軍追封東平王諡
武烈其上子嗣正統十四年從北征戰歿追封
平陰王景泰三年儀嗣弘治九年輔嗣嘉靖四
年麟嗣卒亡子八年弟鳳嗣十五年布忠嗣萬
曆二年時泰嗣其年卒應植嗣

張武瀏陽人以燕山護衛百戶從戰真定破滹
沱設伏夾河邀戰西水洪武三十五年封成陽
侯子世券侯二十卒購鹿馬贈潞國公諡忠毅
無子婿臧子聚義兒張旺匿誥券天順二年奪入
官除

陳瑄秦州人以馬軍總兵從開國累燕山中護
衛副千戶從奪九門征雄取鄭擊真定援走平
戰壩上破楊村鏖通州應援薊州追奔別山洪
武三十五年封泰寧侯侯十八年卒追封靖國

公謚忠襄子璽自立功為指揮使先卒次子愉
 嗣以從北失機死獄二十二年璽子鐘嗣宣德
 五年灝嗣卒無子十年鐘次子瀛止統十四年
 陞亡無子第江嗣成化八年桓嗣弘治七年璇
 嗣正德七年儒嗣卒無子嘉靖十三年桓次子
 璉嗣卒無子二十四年寧瑞嗣嘉靖四十年良
 弼嗣

鄭亨合肥人父用開國功為副千戶持榜招胡

陞指揮僉事從靖難定薊攻雄擊真定援永平
 收大寧戰壩上下廣昌戰台溝克滄州鏖夾河
 捷藁城拔營西水至汴水南師收功靈壁洪武
 三十五年封安武侯子世泰侯三十三年卒追
 封濟國公宣德十年子能嗣正統十一年宏嗣
 成化十三年英嗣正德十三年綱嗣嘉靖二十
 八年崑嗣

孟善海豐人以開國功歷燕山護衛正千戶從

攻九門破松亭戰真定白溝濟南常山夾河藁
城收保定軍萬三千洪武三十五年封保定侯
子世券侯十一年卒贈勝國公謚忠勇子英嗣
以其族兄指揮賢為趙二詔慶連生削爵充為
事官備禦宣府宣德十年赦為京衛世指揮卒
子俊嗣官天順元年詔嗣伯不世卒子昂嗣竟
以不世除

人真以酋人歸附為燕山護衛千戶從取大寧
克真定戰白溝馳馬突陣手斬獲敗長興侯洪
武三十五年封同安侯子世券侯八年從大將
軍征酋歿除

顧成江都人從高帝渡江累右軍都督府右都
督建文三年從長興侯克真定被執遣從世子
居守北平洪武三十五年封鎮遠侯子世券侯
十三年卒贈夏國公謚武毅孫興祖嗣宣德中
坐交趾事下獄正統十四年從征失律降都督

石
同知景泰初予伯英宗復辟復侯鎮貴州有戰
功加祿守南京卒天順八年孫淳嗣卒子成
化九年淳從第溥嗣弘治十七年任隆嗣嘉靖
七上 襄嗣

王忠孝感人以持撫欵靖難師戰白溝濟南滄
藁城率精卒為奇兵洪武三十五年封靖安侯
賜世券侯八年從大將軍福征南歿于除
徐忠合肥人以濟陽衛指揮僉事從克密雲下

雄攻真定復永平取大寧戰壩上克廣昌蔚戰
白溝南軍斫西指未殊自斷之裹益戰席捲滄
揚單橋拔無極城彰德東阿大慶靈璧冠軍
洪武三十五年^封永慶侯賜券侯十七年卒追封
蔡國公諡忠烈子安嗣成化十八年孫錡嗣正
德八年源嗣嘉靖三十四年喬松嗣

張信臨淮人父興從高帝渡江有功累指揮僉
事信代父為官累征貴州蠻有功陞北平都司

都指揮僉事露情燕王從戰大寧克雄攻真定
克大寧鄭村壩大戰破九門不蔚攻大同白溝
濟南克滄征夾河藁城追大軍於定攻破西水
寨在邳河之北南軍克泗南軍於淮遂克盱
眙入金川洪武三十五年封隆平侯世伯賜券
成祖不名之時時呼恩張永樂二十二年加
少師洪熙元年嘉念舊人進世侯兩俸侯四十
一年卒追封鄖國公謚襄僖孫淳嗣正統十二

年福嗣亡子天順二年第祐嗣亡子弘治十七
年從第祿嗣正德十二年瑋嗣坐姦淫失侯嘉
靖三十年第子祠嗣萬曆三年炳嗣

李遠懷遠人父實月開國功系官蔚州衛指揮
僉事遠嗣父為官從靖難火大同破滄狗東平
汝上沛沙河渡淮斷南餉洪武三十五年封安
平侯世伯賜券侯八年從大將軍福征鹵殲追
封莒國公謚忠壯子安嗣洪熙元年為交趾叅

將失律宣德二年奪侯立功英宗即位起右軍
都督僉事守甘肅累功都督同知從征蘆川失
律正統七年謫立功子清以父兩失律不得侯
除

郭亮合肥人父聚以小軍從開國征進西屬北
鹵陞授百戶亮嗣累父為官得世副十六戶守永
平從靖難戰敗都督獻都督文擊却遼東兵洪
武三十五年封成安侯世伯賜券侯二十二年

辛追封興國公謚忠壯子晟嗣亡子天順三年
第昂嗣伯成化六年鑛嗣弘治六年寧嗣亡子
嘉靖元年第子瓚嗣二十七年應乾嗣

房寬陳州人以濟南左衛指揮從魏國練兵北
平為北平行都 都指揮從靖難戰白溝濟沛
江淮有功洪武三十五年封思恩侯世指揮使
侯八年卒

徐祥大冶人以陳友諒萬戶歸附從軍授燕山

左衛百戶從靖難奪九門攻居庸戰鄭真定援
永平擊走遼東兵從下大寧提壩上大戰白溝
取滄威州夾河蒙城西水小河靈璧洪武三十
五年封興化伯子世券封三年卒孫亨嗣以征
南功進侯天順四年賢嗣成化十六年盛嗣
子正德三年第子良嗣嘉靖十三年勲嗣二十
年夢暘嗣

徐理西平人從開國軍歷永清衛指揮僉事從

靖難敗都督貞寬河戰白溝斬先鋒追奪至雄
轉戰濟南滄德夾河戰敗盛庸軍援水西捷小
河克泗揚入金川洪武三十五年封武康伯封
七年卒子楨嗣正統九年勇嗣之子除

李濬和州人父旺從渡江歷燕山左護衛副千
戶濬襲父官從靖難執謝貴張昺收九門攻居
庸克薊募兵密雲征鄭破真定取大寧壩上底
於容城戰白溝略齊魯汴河底於靈璧平淮泗

石圍書 卷一
浮江入金川洪武三十五年封襄城伯予世券
封四年卒子隆嗣永樂四年珍嗣未室從死於
土木景泰元年異母弟瑾嗣成化中屢征四川
貴州寶有功進侯卒弘治二年黜仍嗣伯之後
十二年瑾異母弟子郤嗣正德四年全禮嗣嘉
靖二十年應臣嗣

張輔祥符人從父玉奪九門取薊破遵化密雲底
灤河永平大寧壩上廣昌蔚白溝東昌玉戰歿

東昌軍輔從西南下率先小河賈勇鳳山大捷
靈壁下泗涉淮以入金川洪武三十五年封信
安伯追封王榮國公謚忠顯永樂三年以父功
進輔新城侯六年以征安南功加封英國公賜
世券二十一年加太師洪熙元年加封玉河間
王改謚忠武正統十四年輔從駕沒土木追封
定興王謚忠烈孫懋嗣奉追封寧陽王正德十
年崙嗣嘉靖十四年溶萬曆中子元功嗣

唐雲缺巴里常在燕王左右年長諸將諸將皆下之
以見親倚從王師為燕世子禦敵無所失利洪
武三十五年封新昌伯世指揮使封二年卒
孫岩鳳陽人從渡江累功千戶致仕從靖難守
通突門力戰追奔張家灣掠餉舟三百還守城
敗遼東兵洪武三十五年封應城伯子恭封十
六年卒贈翼城侯子亨先立功為河南都指揮
卒永樂二十二年英嗣亡子宣德二年弟傑嗣

景泰三年繼先嗣坐犯受財枉法革爵閒住弘
治十六年鉞嗣嘉靖十九年孫永爵嗣三十五
年文棟嗣萬曆元年允恭嗣

房勝缺邑里以通州指揮舉通歸燕洪武三十
五年封富昌伯子孫世指揮使

陳旭全椒人父彬以開國功為指揮僉事旭從
靖難戰真定山東渡淮洪武三十五年封雲陽
伯子世恭侯九年從征交趾卒於軍亡子除

石匱書 卷
劉才霍丘人以故元將歸 高帝累官指揮僉
事從靖難有功洪武三十五年封廣恩伯世指
揮同知洪熙中許世指揮使

譚淵滌清流人父勝以開國功為燕山副千戶
淵從靖難奪九門永平大寧真定藁滄戰夾河
陣死洪武三十五年贈崇安侯謚忠壯子忠嗣
得新寧伯宣德二年坐征交趾失律下獄赦出
封三十二年卒子璟嗣正統十三年裕嗣總京

營兵加太子太傅天順元年祐嗣嘉靖五年綸
嗣總兵湖廣坐占役丁革爵閒住二十七年功
承嗣隆慶元年國佐嗣

袁容壽人父洪以開國功官都督容尚燕永昌
郡主以儀賓守北平永樂元年進郡主為公主
容為駙馬都尉其年再論功封廣平侯子世券
洪熙初僅與駙馬祿宣德元年與侯祿卒贈沂
國公四年子禎嗣本已子庶子瑄嗣長陵衛指

石圍書
卷
天
揮僉事天順元年與瑄侯率其後世指揮
李謙舒人父申以開國功官指揮同知謙尚燕
永平郡主以儀賓與袁容協守北平執謝貴取
大寧戰白溝有功力戰破平安兵九門謙帝殺
申族之永樂元年為駙馬都尉其年再論功封
富陽侯奉贈景國公八年茂芳嗣二十二年坐
事奪券奉子興正統二年授長陵衛指揮僉事
天順元年嗣伯奉子欽授指揮僉事如故

李彬定遠人父信以開國功為指揮僉事彬嗣
官從靖難攻薊轉戰雄鄭真定授永平克大寧
蹂躪上畧廣昌蔚白溝滄單橋藁城追奔順德
哨定為最永樂元年再論功封豐城侯賜世券
六年與征蠻將軍輔征交趾有功增世祿封二
十二年奉贈茂國公謚剛毅二十三年賢嗣奉
封豐國公謚忠憲景泰四年勇嗣成化十九年
璽嗣亡子勇庶子旻正德三年嗣嘉靖二年以

奉迎防守功加太子太傅卒之子十年弟早子
熙嗣卒之子三十六年從子儒嗣萬曆元年環
嗣

陳懋壽人父亨以開國功累都督僉事建文初
為大寧行軍都督從燕戰壩上先登死鋒山贈
涇國公謚秉敏懋以舍人從父兵為前行有功
鄭村濟夫河東阿東平汶上竟靖內難永樂元
年再論功封寧陽伯予世券七年捕鹵赤保連

進侯二十二年以累征鹵有功加太保洪熙元
年予世侯正統元年坐總兵守邊失機閒住五
仍給祿景泰三年加太子太保天順元年益歲
祿卒贈濬國公謚武靖長子晟先坐事充軍七
年懋庶子潤嗣卒之子成化七年懋庶子瑛嗣
二十二年晟子輔仍侯弘治元年坐荒濠失侯卒
之子正德元年瑛孫繼祖嗣嘉靖三十七年維
藩嗣隆慶二年大紀嗣萬曆元年應詔嗣

王通咸寧人父真以開國功為燕百戶從燕攻
九門有功歷都指揮使戰死泚河永樂元年追
封金鄉侯謚忠壯進贈寧國公再論通靖難功
封武義伯七年為天子治方中十三年進封成
山侯二十三年給世券以父功加世祿千石宣
德元年以征裔將軍鎮交趾黎利反不能守繫
獄籍為民正統十四年起為都督僉事以禦鹵
功陞同知太子琮授景陵衛指揮僉事天順元
年復琮成山伯李成化十年鑄嗣李嘉靖四年
洪嗣李二十五年維熊嗣李隆慶四年應龍嗣
王友荆人父榮以開國功為燕山護衛百戶友
嗣父官從燕累功永樂元年再論功封清遠伯
六年征交趾有功進侯予世券七年坐轉餉胡
中後期餒死士奪兵八年坐縱鹵失律下獄論
死久得釋子順以征胡立功陞指揮僉事本庶
子鑑嗣都指揮使

石匱書
陳賢壽人以開國功為指揮僉事從燕先鋒有
功永樂元年再論功封榮昌伯子世券奉十三
年子智以自獲功為指揮使十三年嗣坐鎮交
趾失利奪侯正統中會赦為宣府左衛指揮使
卒孫勇之子雄皆都指揮同知

張興壽人以勇士從開國累功指揮僉事從燕
奪九門取薊遵化密雲鄭雄真定永平刀戰大
寧壩上蔚大.同滄東昌天河藁城下西水竟靖

內難永樂元年再論功封安鄉伯子世券奉己
子七年兄子勇嗣坐隨駕征沙漠為事發總旗
交趾十年赦復奉十五年子安嗣與苗戰死軍
中己子景泰三年弟寧嗣弘治六年恂嗣正德
二年孫坤嗣嘉靖三十三年鐸嗣仁子四十年
弟鏞嗣萬曆中世恩嗣

陳志巴人以開國功累燕山中護衛指揮僉事
從燕奪九門戰懷來雄鄭真定援永平復大寧

趨壩上下蔚先登白溝天河摧藁城追奔彰德
守王城門赴急保定永樂元年再論功封遂安
伯子世券志有子良坐罪充軍生子瑄次子春
指揮僉事有隨征功生子瑛八年志死瑄瑛爭
嗣 天子曰瑄長瑛功闔之瑛得伯本正統十
一年瑄嗣十四年隨駕沒土木亡子其年弟韶
嗣成化中坐受財枉法當死發遼東立功久之
赦還復爵弘治十一年加太子太傅奉十七年
鏇嗣嘉靖二年以迎立防守功加太子太保奉
隆慶六年孫澍嗣

王聰蘄水人以燕山百戶從取漁陽遵化狗涿
戰南皮平滑口還守保定復南宮冀狗淮泗獲
舟渡江洪武三十五年封武城侯賜世券侯八
年從大將軍福征鹵歿以嘗諫福輕師得追封
漳國公謚武毅亡子除

趙彛虹人祖啓宗公祥從 高帝為百戶以戰

死彛以父官從穎國公征胡歷永平衛指揮僉
事以永平降燕有功洪武三十五年封忻城伯
予世券封二十五年卒子榮嗣隨駕征進有功
卒成化四年溥嗣之子弘治十八年弟子槿嗣
正德十三年武嗣嘉靖三十七年祖亂嗣之子
嘉靖四十二年弟祖征嗣

宋晟定遠人從渡江累官右軍都督僉事永樂
三年以平羌將軍諭降把都帖木兒倫篤兒灰

即軍中封西平侯世襲指揮使未幾卒贈鄆國公
謚忠順子瑄指揮使卒次子琥尚安成公主幼子瑛
尚咸寧公主六年上命琥嗣侯八年出鎮河西輒遣
人出塞上切責琥令讀書改過洪熙初坐不敬奪侯
與其弟瑛瑛禦鹵敗歿景泰元年傑嗣天順元年
誠嗣卒亡後二年誠弟讓嗣成化十一年愷嗣正德
十六年良臣嗣嘉靖三十四年天馴嗣四十五年
公度嗣萬曆中世恩嗣

沐晟西平侯子以左都督襲侯永樂六年以與
征蠻將軍輔擒黎季犛斬馘最進封黔國公賜
誥券世鎮雲南二十二年加太傅正統三年征
麓川班師道卒追進定遠王謚忠敬正統五年
斌嗣成化元年琮嗣十九年以削平饑索菁諸
賊功加太子太傅卒子弘治十年姪崑嗣正
德十六年紹勲嗣嘉靖十五年朝輔嗣二十六
年融嗣幼以朝輔弟朝弼為都督僉事領鎮卒
亡子弟鞏嗣天二十八年朝弼嗣公隆慶四年
奪爵罷鎮使其子昌祚嗣朝弼廢孽子欲奪之
竟速死於南京

柳升懷寧人父崇開國功嗣百戶從燕取懷來
塞雲白溝東平有功六年以與征蠻將軍輔征
交趾論功封安遠伯子正券八年北征至玄冥
河進流侯仍世伯二十二年從駕征至蒼崖峽
危州力河慶州有功予世侯宣德二年以征南

石圍書
副將軍丹征交趾傷鏢平追封融國公謚襄愍
子溥嗣景泰五年加太子太傅天順元年加太
傅二年奪爵閒住四年復侯王承慶庫不能侯
五年孫景嗣弘治中坐贓死二命奪侯久之復
閒住李弘治十六年文嗣嘉靖十二年珣嗣
郭義泰安州人以張士誠小較拔歸 太祖立
功山東河南征王保二破雪山等寨克四川出
塞征胡陞燕山護衛副千戶從靖難取懷來破

雄下鄭克真定援永平取大寧鏖戰壩上殺傷
過當累陞中軍都督十八年封安義侯世指揮
使

何福缺邑里以開國功累官都督僉事永樂初
以都督同知為征鹵前將軍總兵鎮陝西寧夏
節制甘肅河南山西諸六七年撫歸附首領即
軍中封寧遠侯八年以罪自經死追奪侯

薛祿膠人以卒從靖難奪九門攻薊破雄鄭圍

石圍書
真定擒駙馬堅援永平襲大寧旋師解北平圍
戰白溝夾河滹沱先登拔擒單橋奮縛斬守兵
再力戰大敗平安軍轉平淮陞督府僉事從征
胡有功進石軍都督永樂十一年封陽武侯世
指揮使從征胡洪熙元年充鎮朔大將軍巡邊
戰鹵大松嶺斬獲多予世侯宣宗中以先鋒擒
高煦留鎮樂安明年從巡邊出會州戰敗鹵充
鎮朔大將軍護餉開平再巡邊戰鹵鳳凰嶺斬

其首收孳畜數萬加太保卒贈鄭國公謚忠武
子誥嗣景泰四年琮嗣成化十五年倫嗣嘉靖
九年翰嗣亡子祿次子護之孫幹嗣

劉榮缺邑里以小旗從靖難歷中軍右都督永
樂十七年以左都督充總兵官鎮守遼東用捕
倭功封廣寧伯卒贈侯謚忠武十八年湍嗣亡
子宣德十年弟安嗣天順元年進侯五年加太
子太傅卒追贈嶧國公成化十二年兄子璿嗣

子璇予錦衣正千戶璫平之子成化十六年璇
仍嗣伯弘治二年佶嗣去靖二年泰嗣三十一
年允中嗣

朱榮沂人以開國功累陞大寧前衛左所副千
戶從靖難累功歷陞左府都督僉事永樂四年
征交趾胡寇皆有功二十年封武進伯子世券
卒贈侯謚忠靖洪熙元年子冕嗣正統四年充總
兵官鎮守大同死土木贈侯謚忠懿子瑛嗣天

順四年雲嗣之子成化十年弟霖嗣弘治二年
潔嗣正德三年本嗣之子十二年潔弟江嗣之
子嘉靖十八年從弟海嗣嘉靖三十七年承勳
嗣隆慶六年世雍嗣

高士文咸寧人以開國雲南塞北功陞燕山護
衛百戶從靖難戰大寧廣昌白溝夫河東平陷
陣先登以都督僉事征交趾平其餘寇進追中
飛砲死贈建平伯子福嗣予世券卒子遠嗣卒

子震病不能嗣弟進嗣平亡子弟子露嗣平亡子義子李繼宗冒嗣竟際

金玉缺邑里永樂七年以督府僉事從出塞至

長秀川護輜重十八年封惠安流伯食祿八百

石世指揮使

薛斌昌平人嗣父為燕山右護衛指揮僉事從

靖難累功歷陞都督同知永樂十八年封永順

流伯食祿九百石世指揮使卒 仁宗使子壽

童嗣賜名綬正統十四年沒土木贈侯武毅景

泰元年輔嗣成化十二年勲嗣正德六年授子

璽指揮使如初券

薛貴昌平人舊名脫火赤兄歡為燕山護衛指

揮貴以舍人有膽力從靖難脫 文皇於險累

功陞都督指揮舟從征胡功陞督府僉事永樂

二十年封安順伯洪熙元年子世宣德元年進

侯加歲祿與券卒亡子贈濱國公謚忠勇宣德

十年命其弟可帖木兒世京衛指揮使
吳允誠以北胡歸附永樂三年授右府都督食
事賜姓名累征胡有功九年以左都督封恭順
伯卒贈邵國公十六年子伯容賜名克忠嗣洪
熙元年以從征擒胡功進侯予世正統九年以
擒胡喜峰口石太子太保十四年從死於土木
子瑾嗣天順五年與曹欽戰死成化五年子鑑
嗣正德二年子世英嗣嘉靖二十七年子繼爵
嗣四十二年加太子少保


石匱書曰靖難功臣以靖難始者見 建文帝
可無媿色若以開國功始而以靖難功終者尚
有召忽管仲王珪魏徵可以解嘲若顧成張信
等朝受命而夕投誠時當風火投若轉蓬雖金
章鐵券世受顯榮死而有知其何以鬼見讓帝
乎張信乘婦人車而私見燕王一遇新主遂易
咲啼真婦人之不若矣夫節之羞且負慚中咽

石匱書
卷
何况貂蟬

石匱書卷第二十一

洪熙以後功臣侯者世表叙

朝廷設五等之爵原以之待非常之人開國靖
難以後如禦胡征蠻伏羗捕反書績旂常締盟
白馬夫然後麟閣圖形良金寫像最重典也後
來名器不慎濫及他途以叛臣而盜名擁戴以
營建而躡職通侯以復辟而攘奪天功以義兒
而妄干佐命以常侍而竊蔭連枝以戚畹而上



濟封拜朝為常布夕服衮衣爵號至此狼藉已
極余以此輩盡列之恩澤而使戎朝山河帶礪為
之一清蓋之上追 高皇帝非功勿侯之明訓
下監子孫朝授職不當之陋規也嗣後如靖遠
威寧二伯俱以失身婦寺遂獵得功名其所以
得封侯之賞者真取之如寄而王新建不附江
許錢寧以真正捕反擒王之功利印不予至嘉
靖元年而物議始定及得封爵又詭奪詭予非

吳司馬之左右其壻則其孫又不得繼祖而襲
其爵矣觀靖遠威寧之所易若彼而新建之所
難若此朝廷與援萬不可少而昔人謂世未有
權臣在內大將能立功於外者非權臣在內大
將遂不能立功於外蓋以大將不附權臣雖立
功於外而朝廷亦莫紀其功也千古之志士豪
人枕戈而待旦者至此亦不得不發一嘔矣

洪熙以後功臣侯者世表

姓名 功 封邑爵 祿 進封 除世 續封

洪熙朝


梁銘 請難 保定伯 千石

吳成 征胡 清平伯 一千百石

吳管者 征胡 廣義伯 千百

李賢 征胡 忠勤伯 一千百石

宣德朝



費璫 征胡 崇信伯 一千百石 世

李玉 征胡 新建伯 八百石 除

滕定 征胡 奉化伯 八百石 揮世指

李英 征胡 會寧伯 八百石 揮世指

金順 征胡 順義伯 八百石 揮世指

正統朝

蔣貴 征胡 定西伯 千五百石 侯 世

趙安 征胡 會川伯 千石 揮世指

任禮 征胡 寧遠伯 二千百石 除失律

沈清 營建 修武伯 揮世指

譚廣 征胡 永寧伯 揮世指

陳懷 征胡 平鄉伯 揮世指

馬亮 征胡 招遠伯 一千百石 揮世指

王驥 征蠻 靖遠伯 三千百石 世

蔣信 征胡 忠勇伯 千石 除

景泰朝

洪熙以後功臣世表



楊洪 禦胡 昌平伯 千石 侯 世指 揮使

石亨 禦胡 武清伯 三千石 侯忠 國公 除

郭登 禦胡 定襄伯 一千百石 世指 揮使

朱謙 禦胡 撫寧伯 二千百石 侯保 國公 世侯

方瑛 征蠻 南和伯 千石 流侯 世伯

毛勝 征蠻 南寧伯 千石 世

天順朝

楊信 禦胡 彰武伯 千石 世

楊能 禦胡 武強伯 千石 世指 揮使

陳友 征蠻 武平伯 千石 流侯 世伯

曹義 禦胡 豐潤伯 二千百石 世


施聚 禦胡 懷柔伯 一千百石 世

焦禮 禦胡 東寧伯 二千百石 世

李文 高陽伯 世 除

成化朝

劉聚 禦胡 寧晉伯 千石 世



正德朝	毛忠	征番	伏羌伯	千石		世
	趙輔	征蠻	武靖伯	二千百石		世
	趙勝	營建	昌寧伯	千石		世指 揮使
	王越	征胡	威寧伯	六千百石		除
	李震	討賊	興寧伯	千石		除
	羅秉忠	征蠻	順義伯	千石		除
	和勇	征蠻	靖安伯	一千百石		世指 揮使



嘉靖朝	仇鉞	捕反	咸寧伯	一千百石	侯	罪除
	王守仁	捕反	新建伯			世
	萬曆朝					

李成梁	征胡	寧遠伯				

梁銘汝陽人嗣父燕山護衛百戶從靖難守戰積功為都督府僉事洪熙元年進同知充叅將出鎮寧夏論靖難守城功封保定伯予世券宣

洪熙以後功臣世表

德初卒交趾軍中子瑤嗣正統十四年充副總
兵征鄧茂七有功師旋餘黨復亂被劾降為事
官景泰二年充平蠻將軍征湖貴寇帝同烈平
之三年進流侯世伯天順元年充總兵官鎮陝
西鹵寇涼州擊走之居七年召還于世侯卒贈
蚤國公謚襄靖瑤數掌兵不妄殺子弟從征以
功授官悉辭不受子傳嗣傳卒子任嗣任卒子永
福嗣永福卒子繼藩嗣

吳成本名買驢遼陽人洪武二十年来歸附充
永平衛總旗從靖難有功累陞山西都指揮使
歷征胡有功宣宗即位以洪熙元年征大松擒
生斬首封清平伯賜誥券宣德四年進侯八年
卒追封渠國公謚壯勇十年孫英仍襲伯天順
八年子璽嗣成化十五年從弟琮嗣正德三年
傑嗣嘉靖二十年家彥嗣萬曆四年國乾嗣
吳管者從父允誠自胡中降附擒獲脅叛胡人

從出塞斬鹵降附部落歷陞左都督洪熙元年
封廣義伯子世券卒子琮嗣竟除

李賢韃靼人故元兵部尚書名丑驢洪武中歸
附賜姓名譯鹵書侍仁宗東宮恭慎擢紀善論
靖難功陞都指揮僉事仁宗即位進右都督以
征胡功封忠勤伯年八十餘卒除

費瓛定遠人祖遇以開國功歷陞燕山中護衛
指揮使瓛代父為官從靖難陞右軍都督府左

都督鎮守甘肅撫綏勞徠宣德元年眷念舊人
封崇信伯子世券卒三年子釗嗣弘治十一年
柱嗣卒亡子嘉靖十年弟棫嗣十八年熈嗣三
十五年坤嗣萬曆二年甲金嗣

李玉交河人靖難初自大寧歸附三功陞都督
宣德四年封新建伯歲祿八百石賜券世指揮
使歷官四十年典領宿衛小心敬畏

滕定山後人父瓚住明初以元樞密知院來降

賜姓名授會州衛指揮僉事從靖難歷燕山右衛指揮使定嗣官以金吾左衛都指揮同知出塞征胡累有功宣德四年封奉化伯券不世率官子福指揮使

李英西陲人洪武初父南哥率衆降授西寧衛管軍所鎮撫招撫西番八族累功陞西寧衛指揮僉事英嗣官從成祖征胡戰敗老的沙於涼州永昌後再從征胡累都督指揮同知洪熙无

元年擢安全王之殺掠使臣者掠男女千餘人駝馬十三萬仁宗勅勞之曰古名將陞右軍都督府左都督宣德二年勅平操邊西番即兒加四年封會寧伯鎮守西寧英才畧有胆所部皆西邊精銳士當者輒破敗七年坐文昭陳通搆讒下詔獄削爵正統中官其子昶錦衣指揮同知天順元年進都指揮使累官督府予世錦衣使

金順瓦剌人本名阿魯哥失里永樂七年来降授大寧都指揮僉事八年從北征追敗本雅失里阿魯台進同知洪熙元年陞都督府僉事宣德三年從巡邊擒鹵四年以舊勞封順義伯卒官子忠指揮僉事

蔣貴江都籍諸暨人靖難初起小卒累戰功世昌國衛指揮同知征胡有功陞都指揮僉事以勦捕松潘累攻西番蠻寇自都指揮同知累都

督同知充總兵官鎮守松藩等處正統三年以右都督副總兵征朵兒只伯斬捕首鹵中律封定西伯子世券七年以麓川功進侯卒贈涼國公二十三年驥嗣正德四年廢嗣嘉靖十一年傳嗣卒亡子三十五年弟佑嗣萬曆三年建元嗣

趙安狄道人從兄琦為土指揮同知坐罪死安謫戍甘州永樂元年進馬除臨洮百戶使西域

從北征歷功陞指揮同知宣德二年以都指揮同知充叅將征松壘番散刺五年以督府僉事元年以都督同知充副總兵征朵兒只伯捕首鹵中律封會川流伯卒子英為指揮使以功陞都督府同知卒子世指揮使

任禮臨漳人以燕山護衛軍從靖難累功陞都督指揮同知四從出塞征胡陞都督府僉事宣

德元年以都督同知征漢正統三年以右都督總兵征朵兒只伯斬捕首鹵中律封寧遠流伯十二年降沙州都督南哥等十三年予世伯成化元年卒贈侯謚僖武子壽嗣壽鎮守陝西征滿四失律論死宥戍邊與世指揮使

沈清滁人世官燕山百戶從靖難累指揮同知出塞征胡陞督府僉事洪熙元年充叅將守居庸宣德初從征漢扈駕出大寧進都督正統元

年與太監安工部尚書中修建京師九門城樓
六年以營建宮殿功封修武伯一年卒子榮嗣
沒土木削爵景泰三年子煜仍嗣天順初贈榮
侯謚僖愍成化十三年煜坐淫酗失侯卒子祺
嗣卒亡子弟坊嗣卒弘治十四年以清伯非軍
功予錦衣世指揮使

譚廣丹徒人從靖難再從出塞征胡以都督鎮守宣
府正統六年捕鹵獲胡馬中律封永寧伯進流
侯四年卒子孫世指揮使

陳懷合肥人父甄以開國功為真定副千戶懷
嗣官陞通州正千戶從靖難歷陞都指揮僉事
守遼東永樂六年以白堂海口功陞都指揮使
從出塞陞都督同知以總兵勦松潘斬捕功多
陞都督正統九年以總兵出古北口捕斬首功
虎頭山封平鄉伯五年歿土木贈侯謚忠毅以
其父子歿於軍與子黼嗣伯卒仍與子政伯卒

以政有用兵兩廣功與子信嗣伯率與世指揮使

馬亮淇人燕山騎卒從靖難累功陞都指揮僉事永樂中四從征胡出塞宣德初從征漢庶人又從出塞陞左都督正統九年以流沙河斬鹵獲輜畜功封招遠流伯十一年卒謚榮毅子麟襲指揮使屢乞嗣伯不許

王驥東鹿人正統七年以兵部尚書總軍雲南

勦平麓川寇封靖遠伯世指揮同知八年復征麓川擒獲賊首六十餘人九年加歲祿十三年總督軍務征勦孟養賊子思機發奪金沙大江攻破賊柵擒獲賊黨十四年勦殺湖貴苗賊首剗平王景泰元年予世券天順元年卒贈侯謚忠毅子瑞嗣成化七年添嗣十九年憲嗣正德十年瑾嗣萬曆元年學詩嗣卒亡子四年弟學禮嗣

蔣信故名把台以也先土干甥從降歷戰塞北
有功陞都督正統中封忠勇伯土木敗降也先
也先令居其弟賽罕王部下竟從上皇歸卒贈
侯謚僖順

楊洪六合人祖政立功世漢中百戶洪嗣官調
開平累功都指揮正統初以都督守獨石鹵宣
府大石門昌寶州捕鹵阿台打刺花斬首功二
百十三年封昌平伯充總兵鎮宣府十四年坐

英宗駕陷鹵逮繫獄鹵犯京師出獄立功與孫
鏜范等擊鹵涿州紫荆關遂至固安大捷捕鹵
阿歸等四十八人斬首功四百八十邊還俘掠
人萬計牛馬弓刀數萬鹵退進侯景泰二年賜
世券還鎮宣府卒贈穎國公謚武襄子傑嗣侯
卒亡子庶兄俊先以擒叛者喜寧功陞都督坐
罪論死得降都督僉事嗣侯卒復坐法當死失
侯子珍嗣天順元年坐黨附于謙戍廣西天順

八年赦還授龍虎指揮使孫越調開平
石亨渭南人嗣伯父為寬河衛指揮僉事以出
征有功累陞都指揮使正統十二年遷大同左
叅將守萬全十四年以英宗駕陷鹵繫獄鹵犯
京師出獄立功戰鹵安定門蹂之彰義門追敗之
清風店論功封武清伯尋進侯總京營天順元
年以奪門迎駕功進封忠國公賜誥券追封三
代天順四年繫獄死除

郭登武定侯諸孫也正統七年以勲衛從征麓
川九年從征騰衝有功歷署都指揮僉事十四
年鹵入塞進都督僉事副劉安守大同歷陞右
都督景泰元年破鹵拷撓山論功封定襄伯子
世券天順元年奪爵為都督僉事南京尋謫戍
甘肅成化年復爵召還充團營總兵八年卒贈
侯謚忠武亡子以兄子嵩為後得嗣減歲祿五
百卒子世指揮使

朱謙夏邑人祖明國初歸附為小旗子真代役
累軍功歷鳳陽留守左衛指揮僉事謙襲父官
累征迤北有功陞萬全都司都指揮使充右叅
將鎮守萬全累擒斬鹵賊歷後府左都督奉勅
充總兵鎮守宣府英宗北狩率子永出謁犒軍
勞鹵景泰元年捕鹵龍門關中律封撫寧伯一
年卒永嗣追給謙誥券予世伯天順元年用宣
府謁駕進侯成化二年以削平荆襄反者劉千
斤斬獲首級三千上生擒五千進侯追謚謙武
襄六年征進鹵首呵囉累擒斬予世侯十四年
統軍魚兒河等處擒斬鹵加太子太保十五年
征建州裔結朵顏遼東塞功最進封保國公十
七年禦鹵亦思馬於大同戰海山生擒賊予世
公弘治五年加太師九年卒追封宣平王自侯
至公凡四十二歲子暉嗣正德七年麒嗣侯嘉
靖十七年岳嗣亡子隆慶二年從弟岡嗣

方瑛全椒人父政以祖廕千戶從靖難累都指揮僉事永樂五年征交趾勅殺蠻寇陞都指揮攻黃山洞宣德八年鎮守四川收捕西北任昌黑虎等寨累陞右都督正統二年總奇兵征麓川死於軍追封威遠伯瑛襲父官為指揮使乞領父兵從定西伯報讎先登破賊寨陞都指揮同知六年從靖遠伯征麓川殺獲賊陞都指揮使攻破杉木籠寨生擒賊首陶孟靠等功陞都

督僉事充叅將守備雲南孟養阿嶺等處破敵戰勝景泰元年以都督同知充叅將鎮守貴州殺退苗賊陞右都督充總兵官仍鎮貴州征進香爐山等處陞左都督五年封南和伯六年充總兵官征進銅鼓五開斬獲功多留鎮守貴州撫捕苗蠻天順元年論平蠻功進流侯予世伯封六年卒謚忠襄四年子毅嗣坐罪革爵成化十五年孫壽祥嗣嘉靖十八年東嗣三十三年

炳嗣隆慶二年應奇嗣卒亡子六年炳從弟暉嗣

毛勝初名福壽和寧王阿魯台之裔祖毛邨海國初歸附授燕山中獲衛閑牧官從靖難累陞都督同知亡子弟安泰襲兄官為羽林前衛世指揮使子濟襲有征鹵功亡子福壽襲兄官進為都指揮使正統七年征破麓川陞左府都督僉事充右叅將復征麓川八年論功陞都督同

知十四年殺鹵龍門陞左都督還守宣武等門禦鹵犯京師出禦鹵紫荆關充副總兵征進湖廣貴州興隆等處山峒擒獲苗王常同烈等景泰三年往貫屯金沙擒獲賊子思機發五年封南寧伯改名勝于世券還鎮守金蓋等處封四年卒追封侯謚忠壯子榮嗣成化六年文嗣弘治七年良嗣嘉靖三十四年重器嗣卒亡子弟邦器嗣卒亡子四十一年弟國器嗣

楊信六合人正統中從其伯父洪捕鹵累功所
鎮撫至都督同知充總兵官天順二年佩將軍
印總兵鎮守延綏領軍西黃梁三興鹵戰擒斬
賊首阿力台王封彰武伯屢逐鹵天順八年予
世伯二十一年卒贈侯謚武毅子瑾嗣弘治十
年質嗣嘉靖十八年儒嗣四十一年炳嗣

楊能六合人正統中從伯父洪有功累開平指
揮使敗鹵灣河三岔口擢都指揮僉事從洪還

朝連敗鹵紫荆倒馬二關景泰元年陞都指揮同
知以游擊將軍禦邊宣府敗賊八里溝陞都指揮
使仍充游擊將軍統神機京兵尋擢後軍都督僉事
充左叅將鎮宣府進都督同知充左副總兵召還
總神機京兵天順元年以殺賊功陞左都督總兵
宣府大同有警請自行戰敗賊磨兒山石灰站進
封武強流伯四十年卒亡子弟倫嗣世指揮使
陳友其先西域人寓金椒永樂中以馬軍從征

鹵大殺胡於塔山等處捕獲忠勇王也先土干
部宣德初積功實授百戶復用招降捕鹵功陞
副千戶正統初屢入鹵招降其男女送至進獻
駝馬牛畜貢使時、捕首鹵功多累陞都督同
知充左叅將統兵征進湖廣貴州地方擒獲苗
王賊首常同烈等陞右都督留鎮湖廣累殺苗
賊銅鼓五開諸處空其巢寨天順封武平伯復
與鹵戰鎮番五十餘捕獲千餘二年進流侯卒

子能嗣伯成化二十年綱嗣弘治三年追封友
沔國謚武僖九年勲嗣卒亡子正德五年弟熹嗣
嘉靖十三年大策嗣萬曆中永祿嗣

曹義儀真人祖勇以開國功累燕山左衛左千
戶父勝從靖難征鹵累陞本衛指揮僉事義襲
世官永樂二十年征進半壁山等處有功宣德
五年以湖廣都司署都指揮僉事征進江西梅
花峒等處勦捕賊寇累功十年以中府都督僉

事充總兵官鎮守遼東捕鹵斬獲歷陞左都督
天順元年封豐潤伯予世券四年卒贈侯謚壯
武孫振嗣弘治三年愷嗣愷鎮守貴州兼提督
清平等衛捕斬叛苗功多終掌南京前軍府事
總理操江嘉靖五年棟嗣卒亡子七年弟松嗣
三十九年文炳嗣

施聚通州人父忠國初充燕山右獲衛前所軍
征進總可來亦都山大寧蔚齊眉山等處累有

功歷陞金吾右衛世襲指揮使永樂七年征進
飲馬河沒於軍聚龍襲父官累征鹵有功正統十
四年以右都督充總兵官協守遼東景泰三年
殺賊登州營有功陞左都督天順元年封懷柔
伯予世券二年卒贈侯謚威靖子榮嗣八年鑑
嗣弘治八年璜嗣卒亡子嘉靖八年瑾嗣十五
年燾嗣三十四年嵩嗣隆慶三年光祖嗣

焦禮山後廣寧人父八思台國初歸附除薊州衛指

揮僉事禮以舍人從軍有功宣德元年襲父官
調守遼東禦鹵多功鹵人比之飛將軍累陞左
都督天順元年封東寧伯予世券封七年卒子
壽嗣卒亡子成化九年弟俊嗣弘治十四年子
洪嗣卒子不嗣正德八年弟洵嗣卒亡子十六
年再從姪棟嗣嘉靖四十二年文耀嗣

李文缺邑里為陝西都指揮督練西寧土兵天
順元年以大同威遠殺賊累功封高陽流伯除

劉聚濟人叔永誠以太監出鎮甘肅聚從立功
歷都督同知天順五年捕曹欽陞右都督成化
六年充副總兵出延綏塞遇鹵被七創濺血力
戰大破鹵擒斬也忽五等首級以上俘獲最陞
左都督七年自陳功封寧晉伯再充總兵殺賊
延綏九年予世十年卒進侯謚威武子祿嗣卒
亡子十一年弟福嗣福為京營總兵卒十五年
岳嗣卒亡子嘉靖六年弟子文嗣二十三年良璽

嗣卒亡子三十五年叔斌嗣萬曆三年應元嗣
毛忠涼州人魯祖刺及洪武初從軍為千戶祖
拜都征哈密皆戰歿父寶永樂中從出塞功授
百戶忠嗣父為官初名哈喇累功行都司都指
揮同知賜毛姓又以功陞都督同知賜名天順
初以征福建百賊功陞右都督充左府總兵鎮
守甘肅復以勦鹵功進左都督成化三年以從
宣城伯賴殺番功多封伏羗伯以討土胡滿四

力戰中流矢子海孫鏜皆歿見卒夢曰吾當生
擒四贈侯謚武勇于世伯券孫銳嗣銳弘治十
五年鎮西廣加太子太傅劉瑾索銳金不能應
正德三年落太子太傅奪祿十五勒罷瑾誅卒
贈太傅謚威襄嘉靖三年江嗣卒亡子弟漢嗣
卒亡子三十三年弟子栢嗣三十九年登嗣
趙輔鳳陽人魯祖端開國功累官濟寧衛指揮
使父本從征漢庶人陞都指揮輔嗣祖為官正

統十四年陞都揮僉事管操尋陞署都督僉事
充叅將鎮守懷來等處累禦鹵天順八年營建
功陞後軍都督同知成化元年以總兵征蠻大
藤山峽功最三年封武靖伯充總兵官征勦建
州俘斬最進侯于世券卒贈容國公謚恭肅子
承慶嗣正德三年弘澤嗣嘉靖八年世爵嗣二
十三年國斌嗣萬曆二年光遠嗣
趙勝遷安人宣德中世官景泰元年累功陞都

指揮僉事天順五年以捕曹欽功陞都督同知
以叅將出固原捕鹵有功成化四年陞都督充總
兵鎮遼東七年捕斬朵顏有功召還十二年修
京城加太子太保三千營總兵十九年封昌寧
流伯又明年加太保卒贈侯謚壯敏弘治元年
孫鑑世指揮使銓錦衣

王越濟人以兵部尚書捕鹵威寧海成化十六
年封威寧伯于世券仍左都御史掌院事十七

年出寧夏佩征西將軍印充總兵官鎮大同移
鎮延綏以斬鹵首功加太子太傅掌前軍都督
府事總團營敘一子錦衣百戶編管安陸再起
握軍卒贈太傅謚襄敏除

李震南陽人父謙督府僉事震嗣指揮使正統
中以征兀良哈木麓川香爐山螃蟬寨功陞督
府僉事天順四年充總兵征武岡黎平賊五年
攻兩廣貴州蠻陞同知成化元年還兵湖廣征

荆襄賊歷陞左都督十二年論征靖州苗功封
興寧伯十四年革爵閑住二十二年復伯爵乞
誥券不許子昂不得嗣

羅秉忠父困即來沙河衛指揮永樂中討平肅
州叛回哈喇馬牙陞都督同知二年秉忠以征
阿台朶兒功陞千戶累功陞指揮十年調平山
衛十四年征辰沅擒苗首常同烈陞都督同知
天順初陞都督成化三年充游擊征貴州有功

四年封順義伯十六年卒謚榮壯子珍不得嗣
和勇祖阿魯台降文皇封和寧王父阿卜只奄
授左都督勇以父故為錦衣指揮使正統十四
年以紫荆關斬首鹵功歷陞都督僉事天順元
年進同知五年游擊將軍征廣蠻成化元年再
征有功陞左都督後以潯州獲叛首斬首功多
封靖安流伯十年卒謚武敏子忠歷戰功為錦
衣指揮僉事得世

仇鉞江都人世指揮同知立功以游擊將軍守
寧夏正德五年以討反者寧化王寘鐸功封威
寧伯子世券仍總兵守寧夏七年充平賊將軍
征流賊以功進侯卒孫鸞嗣以罪除

王守仁餘姚人以提督南贛汀漳等處軍務右
副都御史擒反者寧王宸濠正德十六年封新
建伯兼南京兵部尚書隆慶二年子世子正億
嗣萬曆五年承勲嗣

李成梁遼東鐵嶺衛人萬曆間以軍功為總兵官封寧遠伯予世券

石匱書曰余見市肆之中化貨賣果餌極少者必至極多最貴者必至最賤朝廷之盼爵制祿也亦何獨不然崇禎末李一時封伯者如吳三桂鄭之龍左良玉唐通黃得功而劉澤清以不得與封心甚鞅鞅朝臣謂臨清地近事在可虞以封澤清為第一急務此時以五等之爵為敗絮廢

楮為塞罅窒穴之用而弘光監國南都遂晉黃得功劉澤清為侯而封劉良佐高傑為伯立為四鎮以禦強敵此時又以五等之爵為棋棊粟為婦人贄見之禮名器之濫一至於此而後之闕唐越魯官爵之賤遂如泥沙民間有彌天太保徧地公侯之號一道告身至不得供人一醉而隕霜殺菽萬卉俱彫蒲穀貂蟬又何足向人道哉余故備載之以觀世變



石慶書卷第二十二



恩澤外戚侯者世表叙

國初侯伯自侯伯恩澤自恩澤戚畹自戚畹自以侯伯為恩澤而侯伯之所以不貴也自以戚畹為侯伯而戚畹之所以不貴也世宗皇帝詔曰營丘以鷹揚列土建成以馬歆受盟后家封爵皇祖未有典制魏定封公雖綠戚里實開國靖難佐命功臣彭城惠安軍功居半可世



如故他皆宜革徒以先朝恩命錄之且終其身
自是慶陽太和皆罷封稍、陳乞或得都督指
揮使余謂名之皇親其號自貴何必假以府銜
方為受職并都指揮之銜亦不用可也若夫常
侍子弟封伯封侯尤為僭竊張永谷大用馬永
成陸闡魏彬輩皆有恩廕狀其盛衰消長摠視
其威福適為有無海市蜃樓有何足恃徒授科
道坐以罪名則亦何益而魏忠賢以三殿告成

晉魏良卿為寧國公以寧錦三捷又封魏鵬翼
為安平伯魏良棟為東安侯時鵬翼僅三歲子
任廕錦衣衛指揮使者十有三人而魏氏宗黨
親戚至週歲兒無不衣蟒橫玉恩澤至此可謂
極矣而天啓宴駕死不旋踵九錫之命曾足以
救其一死否也使其中有知時務者恩澤自恩
澤高力士進封齊國以老奴自居戚畹自戚畹
馬伏波圖影雲臺後以椒房自退繇此觀之則

恩澤戚畹何足以累人而賢者過此亦當知所自處矣



恩澤外戚侯者世表

陳友富	陳普才	陳理	何真	桑敬	濮璵	姓名
友諒兄	友諒父	降王	歸附	傑父世	父英	恩戚
歸仁伯	承恩侯	歸德侯	東莞伯	徽先伯	西涼侯	封邑爵
			五千 百石	七千 百石	二千 五百石	祿
						進封
除	除	徙高 麗	除	除	除	世除
						續封

石圖書

卷

恩澤外戚世表


三

陳瑄	王佐	茹瑄	王寧	納哈出	八剌 買的里	明昇	陳友直
推戴	推戴	推戴	推戴	降胡	孫元主	降王	友諒
平江伯	順昌伯	忠誠伯	永春伯	海西侯	崇禮侯	歸義侯	懷恩侯
千石	千石	千石	千石				
流侯							
世伯		流	除		歸北	從高	除


張軌	張輓	揚善	石彪	徐有貞	蔣廷珪	金忠	徐景昌
奪門	奪門	奪門	奪門	奪門	衛聖夫	降胡	父增壽
太平侯	文安伯	興濟伯	定遠伯	武功伯	保昌伯	忠勇王	定國公
二千石	二千石	二千石	千石	一千石		千石	二千五百石
世指	世指	世指		除			世

石圖書

恩澤外戚世表



孫鏜	奪門	懷寧伯	三百石	世
衛穎	奪門	宣城伯	一百石	世
曹欽	奪門	昭武伯	二百石	除
董興	奪門	海寧伯		除
神英	黨劉瑾	涇陽伯	八百石	除
張富	太監弟	泰安伯	千石	除
張容	太監弟	安定伯	千石	除
武德	太監義兒	永壽伯	千石	除




谷大寬	太監兄	高平伯	千石	除
谷大亮	太監弟	永清伯		除
馬山	太監兄	平涼伯	千石	除
陸永	太監閹弟	鎮平伯	千石	除
魏英	太監彬弟	鎮安伯	千石	除
朱泰	賜國姓	永定伯		除
陶仲文	方術	恭誠伯		除
張昶	昭皇弟	彭城伯	五百石	世

石圖書

恩澤外戚世表

五

張昇	孫忠	吳安	錢承宗	周壽	周彘	王源	王清
昭皇弟	章皇弟	吳太弟	睿皇弟	肅太弟	周太弟	純皇弟	純皇弟
惠安伯	會昌伯	安平伯	安昌伯	慶雲伯	長寧伯	瑞安伯	崇善伯
一百石	二百石	千石	千石	千石	千石	千石	千石
	侯			侯		侯	
世	除	除	除	除	除	除	除



王濬	邵喜	張巒	張延齡	蔣輪	夏儒	陳萬言	方銳
純皇弟	邵太弟	敬皇弟	巒次子	獻皇弟	毅皇弟	孝潔父	孝烈父
安仁伯	昌化伯	壽寧伯	建昌伯	玉田伯	慶陽伯	太和伯	安平伯
千石	千石	五百石	六百石	千石	千石	千石	五百石
除	除	除	除	除	除	除	除

石圖書

恩澤外戚世表

六

高傑

興平伯

濮璵廬人父英從宋國公受降納哈出殿其軍
遇伏被鹵自剖腹死洪武二十年贈金山侯謚
忠襄明年進贈樂浪公璵生數月即襁褓封西
涼侯稍長入朝被跣賜鐫玉懸冠二十六年坐
追論父黨戍五開竟除

柔敬無為人父世傑與張士誠將戰死贈永義
侯敬用父故授都督僉事洪武二十三年以功

封徽先伯竟除

何真東莞人保廣州以降洪武二十年以湖廣
左布政致仕封東莞伯予世券子榮嗣竟坐黨
死國除有傳

納哈出元末華黎裔孫降於宋國公洪武二十
年封海西侯隨征雲南卒子察罕改封瀋陽坐
黨死除

陳理漢友諒子以降封歸德侯洪武五年徙高

麗

陳普才友諒父封承恩侯除

陳友富友諒兄封歸仁侯除

陳友直友諒兄封懷恩侯除

明昇夏玉珍子以降封歸義侯洪武五年從高

麗

買的里八剌元順帝孫洪武三年以俘封崇禮

侯五年遣歸

工寧壽州人尚太祖女懷慶公主為駙馬都尉

以不附權勢誣陷洪武三十五年封永春侯予

世券六年下獄卒除


茹瑄衡山人以貢士累兵部尚書讓帝使入燕

求和無所白燕王入金川首勸進洪武三十五

年封忠誠伯止其身坐歸里出長沙不謁谷王

頌繫卒全家戍河池仁宗即位賜歸

王佐缺邑里以都督同知入燕講和通謀獻金



石 卷
川洪武三十五年封順昌伯世指揮使永樂三
年鎮雲南有罪下獄死除

陳瑄合肥人父聞以開國功歷指揮同知坐罪
瑄代父戍遼陽與買哈刺丹日二十戰累進都
督僉事建文四年召防江具舟迎北軍洪武三
十五年封平江伯世襲指揮使以總兵治漕內
渠有功洪熙元年許世伯封三十二年卒追贈
侯子佐嗣正統二年豫嗣十三年以總兵出軍

征福建叛寇有功其明年勦寇首鄧茂七進侯
景泰二年賜券卒追封黔國公天順八年銳嗣
鎮西廣勦蠻賊還總漕 有功益歲祿累進太
傅卒弘治十六年熊嗣總漕不能當中貴人劉
瑾逼索坐多置田宅漁民充軍海南瑾敗復爵
卒子珪嗣幼給祿卒亡子嘉靖元年弟子圭嗣
卒加太保三十四年王謨嗣

徐景昌鳳陽人父增壽中山王次子以戰功為

右軍左都督數從燕王出塞征乃見不花於燕
為密靖難軍入金川門增壽為讓皇帝所殺洪
武三十五年追封武陽侯永樂二年加贈定國
公以景昌嗣公予世券二十二年坐劾奪爵洪
熙元年還公卒正統三年顯忠嗣景泰六年永
寧嗣疾失心成化二年坐誤毀制書還爵閑住
卒弘治十七年孫光祚嗣嘉靖二年論奉迎防
守功加太子太傅五年以修睿宗實錄加太師

二十八年延德嗣隆慶元年文壁嗣

金志本名也先土干元太保不花孫鹵中呼為
王子永樂二十一年冬上出塞駐王莊堡也先
土干率妻子種落千人來歸上喜立封忠勇王
賜姓名詔諭天下予鐵券金印玉帶鞍馬并官
其部酋時侍從仁宗即位加太子太保支二俸
宣德二年扈巡邊進太保除
蔣廷珪缺邑里以衛聖夫人楊氏夫洪熙元年

石邑書 卷一
封保昌伯卒謚莊靖

徐有貞吳人以副都御史與石亨迎太上皇南

宮復皇帝位陞兵部尚書華蓋殿大學士進封

武功伯亡何謫戍金齒除

石彪渭南人從從父亨有功授大同衛鎮府景

泰元年從亨蹂鹵清風店陞都督僉事為後軍

右都督鎮守大同天順元年論殺鹵功封定遠

伯再論奪門功進侯四年伏誅

揚善大興人以右都御史迎駕南宮天順元年

封興濟伯卒贈侯子宗嗣成化元年予世錦衣

指揮同知

張輓忠武王第三子以功臣子累戰功為中軍

右都督迎駕南宮封文安伯予世券五年卒子

斌嗣坐咀呪宥死閑住世錦衣指揮使

張軌輓弟以勲戚入衛用軍功累陞右都督天

順元年以迎駕南宮封太平侯追封三代卒贈

石園書
裕國公謚勇襄子瑾嗣成化元年與世指揮使

孫鏜東勝人襲父林為指揮同知以殺虜寇退

鹵都城下累官右都督天順元年迎駕南宮封

懷寧侯五年勦反者曹欽長安門予世侯成化

初以殺曹欽功不與奪門同奪侯侯十五年卒

追贈涑國公謚武敏成化七年子輔嗣十六年

泰嗣弘治十五年應壽嗣正德十二年瑛嗣卒

二子嘉靖十八年弟瑄嗣二十三年秉元嗣三

十八年世忠嗣

衛須華亭人父書國初以水軍為總旗授薊州

衛百戶從靖難有功累都督僉事穎襲官為濟南

衛指揮使正統十四年以山東都司署都指揮

僉事破鹵擢後軍都督府僉事禦鹵京師有功

進都督同知天順元年論迎駕南宮陞左都督

其冬封宣城伯鎮守甘肅累殺鹵破番有功成

化初錄破番功予世伯弘治十一年卒贈侯謚

石圍書
壯勇子璋嗣正德十二年錫嗣三十六年守正
嗣隆慶二年國本嗣

曹欽天順元年以太監吉祥從子從奪門功封
昭武伯五年坐反伏誅

重興缺邑里石身言其有靖除內難功天順元
年得封海寧伯尋命鎮守總兵遼東不能圍鹵
料刻為奸利曹欽誅坐流廣西除

神英京師人國初高祖保以功為大同指揮僉

寺父傑立功雲南進指揮使陞陝西都指揮英
嗣旨揮使延安衛累捕鹵先登成化弘治間充
總兵守寧夏延綏宣府大同歷四鎮累官署都
督劾致仕大賤劉瑾下兵部傳會前後功中律
封涇陽伯瑾敗奪伯為右都督

張富新城人以弟太監永得為錦衣指揮使正
德五年繇右都督論永發捕劉瑾功推恩封泰
安伯嘉靖初除為錦衣指揮使

張容富弟以兄太監永得為錦衣都指揮僉事

正德五年繇右都督論永發捕劉瑾功推恩安

定伯嘉靖初除為右都督

朱德缺邑里初冒太監裴姓為義子曰裴德又

曰武德又曰朱德正德五年以義兒賜姓封永

壽伯十六年下獄除

馬山涿人正德五年以弟太監永成冒誅劉瑾

功推恩封平涼伯十六年除

谷大寬以弟太監大用冒平流賊功推恩封高

平伯十六年除

谷大亮以兄太監大用冒平流賊功推恩封永

清伯十六年除

陸永缺邑里正德五年以兄太監閻推恩封鎮

平伯除

魏英榆次人正德五年以兄太監彬推恩封鎮

安伯十六年革為都督同知



朱泰故姓許起指揮驍勇通文義為游擊將軍
征流賊有功陞都督賜國姓為兒從巡邊斬首
首封永定伯十六年除



陶仲文黃岡人以方術得幸世宗封恭誠伯除
魏良卿肅寧人以叔忠賢三殿工成封肅寧伯
尋進寧國公天啟七年以罪誅除
魏良棟良卿弟以寧錦三捷封東安侯七年以
罪誅除

魏鵬翼良棟弟以寧錦三捷封安平伯七年以
罪誅除

張昶永城人仁宗昭皇后弟也父麟洪武中以
女為燕世子妃授兵馬副指揮食俸京師昶從
靖難以義勇中衛指揮同知累陞指揮使二十
二年仁宗即位封彭城伯予世券卒孫璟嗣成
化十六年信嗣正德三年銘嗣嘉靖十七年勲
嗣卒亡子三十年弟熊嗣

張昇昶弟以舍人從靖難守城累出塞有功陞
後府都督同知洪熙元年陞左軍都督府左都
督正統五年以功以親封惠安伯予世券昇循
禮守法為士林所稱卒孫琮嗣卒亡子成化五
年弟瑛嗣卒亡子十六年弟瓚嗣弘治七年偉
嗣嘉靖十七年鑰嗣三十四年元善嗣
孫忠鄒平人以宣宗章皇后父宣德四年封會
昌伯予世券卒子繼宗嗣英宗復辟加侯追贈

忠安國公繼宗卒贈郟國公成化十六年孫銘
嗣正德十五年星嗣嘉靖八年以外戚恩澤除
吳安丹徒人以景帝生母吳太后弟封安平伯
天順元年太后復為貴妃除

錢承宗海州人以英宗孝莊睿皇后弟封安昌
伯卒子維圻嗣嘉靖中以外戚恩澤除
周壽昌平人成化三年以生母孝肅皇太后弟
自都督同知進封慶雲伯十七年進侯予世弘

治元年加太保卒贈宣國公子瑛嗣除

周或昌平人成化二十一年以生母孝肅皇太

后弟自都督同知進封長寧伯予世卒正德三

年子塘嗣十四年大經嗣例除

王源上元人以憲宗純皇后弟成化二十年自

中府都督同知進封瑞安伯予世弘治五年進

侯卒贈太師

王清源弟弘治十年以都督同知封崇善伯除

王濬源弟正德二年以左都督封安仁伯除

邵喜昌化人嘉靖初以睿宗生母孝惠皇后弟

自錦衣指揮使進封昌化伯予世卒子蕙嗣亡

子族人杰例除

張巒興濟人以孝宗敬皇后父弘治三年自都

督同知進封壽寧伯五年進侯卒贈太保昌國

公子鶴齡嗣十六年加太保正德中進太傅嘉

靖二年加太師以定策進封昌國公以罪除

張延齡鶴弟弘治八年以都督同知進封建昌

伯十六年進侯加太保嘉靖初加大傅以罪除

蔣輪徐州人以睿宗獻皇后弟嘉靖元年以錦

衣指揮僉事封玉田伯卒贈太保

夏儒上元人以武宗毅皇后父正德二年以都

督同知封慶陽伯予世十年卒子臣十六年嗣

伯嘉靖二年加太子太保卒八年停嗣

陳萬言元城人以世宗孝潔皇后父嘉靖元年

自都督同知封秦和伯除

方銳江寧人以世宗孝烈皇后父嘉靖十九年

自後府左都督封安平伯二十一年進侯卒子

承裕嗣例除

杜繼宗大興人以穆宗生母孝恪太后弟隆慶

元年自錦衣衛指揮僉事封慶都伯

李銘缺邑里以穆宗孝懿莊皇后父隆慶元年

封德平伯

陳景行通州人以穆宗孝莊皇后父隆元年自

錦衣指揮僉事進封固安伯

李偉宛平人以神宗慈聖皇太后父隆慶六年

神宗即位自都督同知進封武清伯

王

旅國紀河南人以熹宗張皇后父天啟元年自

都督同知進封武康伯

周奎吳縣人以思宗烈皇后父崇禎元年自都

督同知進封嘉定伯

崔元代人尚憲宗女永康公主為駙馬都尉嘉

靖初以奉迎車駕得封京山侯予世券坐張皇

后親事下詔獄得釋

鄭芝龍


左良玉

吳三桂

唐通

石

恩澤外戚世表



黃得功

劉澤清

劉良左

高傑

石匱書曰國朝恩澤之盛無過於英宗朝以奪門冒功者至四千餘人 憲宗朝以傳奉得官至三千餘人袍帶冠裳殆半天下一旦清理仕途削奪之易如疾風掃葉此則小吏宜然及至

事後徐揚曹石崇華無幾斥逐隨之與彼冒功諸官亦復何異而堂堂朝士乃以弔詭假伏竊取功名不幾資後人一嘆哉





石匱書卷第二十三

明興以來直閣典銓年表叙

在昔古六相舜五臣武十亂君明臣良其所以
分猷宣力者不過此數人而相不在其內古之
所謂相者傳說相武丁伊尹相湯周公相武王
同心一德旁無掣肘狀後可以布其勳猷而成
其功烈後世數目繁官聯日衆揆靡之中多如
趨市狀亦未有如我明之盛焉者也 高皇帝

設中書省以韓魏二國公兼左右丞相汪胡繼
之黨獄一起大鑿前弊遂詔天下罷中書丞相
而以五府九卿分理庶務後文皇帝不設公
孤而召解縉七人直文淵閣以脩顧問相位之
多蓋繇此始重熙累洽資格一興翰林至十八
年無不躋之內閣資當大拜伴食無妨序列首
揆覆餗何害故我明之相業比之宋朝相去甚
遠傳至先帝求治甚急救下多人外任淺資

無不兼用計其大拜者不下二三十人而卒不
得一人之用昂鉉之醜至此極矣故朝有宰相
可望治平部有冢臣可望率屬乃朝廷之上益
梅異用水火迭爭不以門戶為精神即以與援
為聲氣乃欲碩果尚存巨川克濟此亦必不可
得之數矣記曰虞夏商周有師保有疑丞設四
輔及三公不必備惟其人語使能也不必公輔
而但求其人狀則其人亦何可多得也哉

明興以來直閣年表

姓名	初官	終官	改官	遷請	贈諡
成祖	文皇帝	洪武	三十五年	六月	己巳即位
					四年 <small>即建文</small>

解縉	翰林待詔	左春坊大學士	廣西參議	交趾卒	諡獄
----	------	--------	------	-----	----


黃淮	中書舍人	左春坊大學士			
----	------	--------	--	--	--

胡廣	翰林修撰	文淵閣大學士			禮尚少師
----	------	--------	--	--	------

楊榮	編修	文淵閣大學士			
----	----	--------	--	--	--

楊士奇	審理副	左春坊大學士			
-----	-----	--------	--	--	--

直閣年表



金幼孜	給事中 改檢討	文淵閣 大學士	
胡儼	知縣改 檢討	左諭德 兼侍讀	出內閣 祭酒

仁宗昭皇帝永樂二十二年八月丁巳即位



楊士奇	禮左華蓋 殿大學士	加少傅 兵部尚書	
楊榮	兼太常卿	子少傅 工部尚書	
金幼孜	兼戶部左 侍郎	子少保 禮部尚書	
黃淮	通政使兼 武英殿	加少保 戶部尚書	
楊溥	翰林學士 兼		

宣宗章皇帝洪熙元年六月庚戌即位

楊士奇			
楊榮			
金幼孜	卒官		少保 文靖
黃淮	致仕		文簡
楊溥	內艱		
張瑛	禮左華蓋 殿大學士	兼禮部尚 書	南京
陳山	戶尚謹身 殿大學士		授小內 使書

直閣年表

英宗睿皇帝宣德十年正月癸未即位

楊士奇	少師大學士如故	卒官	太師文貞
楊榮	少師大學士如故	卒武林	太師文敏
楊溥	禮部尚書翰林學士	少保武英殿卒	太師文定
陳循	戶部右侍郎兼學士		
曹鼐	翰林學士	吏左學士如故	太師吏尚兼文淵閣文憲改文忠
馬愉	侍讀學士	禮右侍郎學士卒	禮尚翰林學士襄敏
苗衷	侍讀學士	兵右魚翰林學士	

景皇帝正統十四年九月丙子即位

高穀	侍講學士	工右侍郎翰林學士	翰林學士文僖
張益	侍講學士		

陳循	戶部尚書翰林學士	少保魚子太師大學士	
苗衷	兵部尚書翰林學士	致仕	少保文康
高穀	工部尚書翰林學士	少保魚子太師大學士	
彭時	翰林學士	內艱	
商輅	翰林學士	兵左魚太師少卿翰林學士	

直閣年表

江淵 戶部右侍 太子少師 出為工部尚書

王一寧 禮部右侍 加太子少師卒

蕭鎡 祭酒翰林學士 加太子少師 兼戶尚


王文 太子保吏 少保東閣大學士 謹身殿大學士

英宗睿皇帝天順元年正月壬午復位

陳循 徙邊

高穀 致仕 太子保 文毅

王文 死西市 贈太保 謚毅愍



商輅 削籍

蕭鎡 削籍

徐有貞 兵部尚書 武功伯 兼華蓋殿學士 廣東 參政 徙邊

許彬 禮部侍郎 翰林學士 禮部尚書

薛瑄 禮部侍郎 翰林學士 致仕 禮尚 文清

李賢 禮部侍郎 翰林學士 加太子少保 吏部尚書

呂原 通政叅議 翰林學士 內艱 禮左 文懿

岳正 贊善 修撰 欽州同知 謫戍 太常卿 文肅

彭時	太常卿兼翰林侍講	翰林學士						
陳文	禮部侍郎	翰林學士						

憲宗純皇帝天順八年正月甲戌即位



李賢	少師吏尚	卒官						太師文達
陳文	尚書兼翰林學士	加子少保進文淵閣						少師莊靖
彭時	吏部侍郎翰林學士	少保吏尚文淵閣						太師文憲
劉定之	太常少卿侍讀學士	禮部侍郎翰林學士						禮尚文安
高輅	兵左常少翰林學士	少保吏尚謹身致仕						太師文毅

萬安	禮部尚書翰林學士	少傅子太師吏尚華蓋殿						太保文和
劉珣	吏部侍郎翰林學士	子太保戶尚謹身殿致仕						
劉吉	禮部侍郎翰林學士	少保魚子太傅禮尚謹身殿						
彭革	吏左侍郎翰林學士	子少保禮尚致仕						子少傅文思
尹直	戶左侍郎翰林學士	加子少保兵部尚書						

孝宗敬皇帝成化二十三年九月壬寅即位

萬安	少師太子太師	致仕						太師文康
劉吉	少傅太子太師	進少師華蓋殿致仕						太師文穆

直閣年表

尹直

致仕

文和

徐溥

吏部侍郎
翰林學士
少傳
高華蓋殿

太傅
文靖

劉健

禮左侍郎
翰林學士
少師
高華蓋殿



丘濬

子太保
禮
高文淵閣
少保
高武英殿

太傅
文莊

李東陽

禮右侍郎
侍讀學士
子太保
高文淵閣

謝遷

少詹事
侍讀學士
子太保
高武英殿

武宗毅皇帝弘治十八年五月壬寅即位

劉健

致仕

太師
文靖

李東陽

少傳子太傅
戶尚書
吏尚書
高華蓋殿

太師
文正

謝遷

少傳子太保
禮尚書
武英殿

致仕

焦芳

吏部尚書
武英殿

進子太傅
謹身殿
致仕

削籍

王鏊

戶部尚書
文淵閣

少傳子太傅
戶尚書
武英殿

太傅
文恪

楊廷和

戶部尚書
文淵閣

少師子太師
高華蓋殿
大奉士慶去

劉宇

少傳子太傅
吏尚書
文淵閣

致仕

削籍

曹元

子太保
吏尚書
文淵閣

致仕

削籍

劉忠

少傳子太傅
吏尚書
武英殿


致仕

太保
文肅

直閣年表

卷

梁儲	子少保史 尚武英殿	進子太師 華蓋殿					
費宏	禮部尚書 文淵閣	子太保戶尚 武英殿致仕					
靳貴	禮部尚書 文淵閣	子太保戶尚 武英殿致仕					
楊一清	少師子太師 吏尚武英殿	致仕					
蔣冕	禮部尚書 文淵閣						
楊廷和	少師子太師 吏尚華蓋殿						
毛紀	禮部尚書 翰林學士	少保子太保 戶尚武英殿					
費宏	少保戶尚 武英殿						



世宗肅皇帝正德十六年四月癸卯即位

楊廷和	少師子太師 吏尚華蓋殿	致仕				後贈太保 謚文忠
梁儲		致仕				太師 文康
蔣冕	少傅子太傅 戶尚謹身殿	致仕				贈少師 謚文定
毛紀		少保子太保 吏尚謹身殿				太保 文簡
費宏	少保子太保 戶尚武英殿	少師子太師吏 尚華蓋殿致仕				後贈子太 保謚文襄
袁宗皋	禮部尚書 武英殿	卒				
石瑤	吏部尚書 文淵閣	進子太保 武英殿				謚文隱 政文介

石瑤書

卷五 直閣年表

許讚	少保子太傅 吏尚文淵閣	閣住 後贈少保 謚文簡
張壁	禮尚兼東 閣大學士 加太子太保	少師 文簡
夏吉	少師子太師 吏尚華蓋殿	死西市 後謚文愍
張治	禮部尚書 兼文淵閣	
李本	少詹事兼 翰林學士 尚武英殿 慶去	後贈太傅 謚文安
徐階	少保子太 尚建極殿 學士	太師 文貞
袁煒		
嚴訥		

李春芳		
郭朴		
高拱		
穆宗莊皇帝嘉靖四十五年十二月壬子即位		
徐階		
李春芳		
郭朴		
高拱		

石叢書

卷直閣年表

十一

陳以勤

張居正

趙貞吉

殷士儋

高儀

呂調陽

神宗顯皇帝隆慶六年六月甲子即位

高拱

張居正

呂調陽

張四維


馬自強

申時行

余有丁

許國

王錫爵



王家屏

趙志臯

張位

陳于陞

沈一貫

沈鯉

朱賡

李廷機

葉向高

方從哲

吳道南


熹宗哲皇帝萬曆四十八年

何宗彥

劉一燝

韓爌

朱國祚



孫如游

史繼階

沈淮

顧秉謙

魏廣微

孫承宗

朱國禎

朱延禧

周如盤

丁紹軾

黃立極


馮銓

李國楷

施鳳來

張瑞圖

思宗烈皇帝天啟七年



李標

錢龍錫

楊景辰

來宗道

周道登

劉鴻訓

錢象坤

劉宇亮

周延儒

溫體仁

錢士升

何如寵

王應熊

何吾騶

文震孟

林鈺



吳宗道

薛國觀

張至發


賀逢聖

楊嗣昌

謝陞

蔣德燦

黃景昉



吳桂

魏藻德

丘瑜

方岳貢

陳演

李建泰

范景文

明興以來典銓年表

姓名 初官 終官 改官 遷 謫 贈 諡

洪武朝

滕毅

趙瑁

高嵩

李信

蔣同

呂熙

兼翰林學士
承旨



趙好德

侯斯

劉崧

阮峻

陳修

王敏

呂本

王興福


署

致仕

禮部尚書

都轉監運司

郎本中	陳敬	周時中	余燦	劉仲質	趙亨堅	李仁	吳琳
	試		試				
	真		真				
			死				



張銘	詹徽	洪彛	崔善	杜澤	建文朝	杜澤	張統
	兼左都御使		署郎中事主事 署郎事司封部				
	太子少保		真				
	死		宣化知縣				

永樂朝

張統

蹇義

兼詹事

洪熙朝

蹇義

少保

少師

宣德朝

蹇義

少師

殿部務

太師忠定

郭璉

正統朝

郭璉

致仕

王直

景泰朝

王直


少師兼太子太師

何文淵

太子太保

王翱

天順朝



王直

致仕

贈太保
謚文瑞

王翱

太子太保

成化朝

王翱

太子太保

卒

太保忠肅

李秉

致仕

太子少保
謚襄敏

崔恭

致仕

太子少保
謚莊敏

姚夔

子少保卒

少保
文敏

尹旻

子九行致仕

太保
恭簡

耿裕

南京禮部尚書

李裕

弘治朝

李裕

致仕

王恕

太子太保致仕

太師端毅

耿裕

太子太傅卒

太保文恪

屠滂

太子少保

太子太傅致仕

太保襄忠

倪岳

太子少保卒

少保文毅



馬文升

太子少保

正德朝

馬文升

少師兼太子太師

致仕

焦芳

入內閣

許進

太子少保致仕

劉宇

入內閣

張綵

太子少保

伏誅

劉機

太子少保

致仕

太子太保襄毅

太子太師瑞肅



楊一清	太子少保	少保兼太子太保	入內閣		
陸完	太子少保	太子少保		請戍	
王瓊	少師兼太子太師				
嘉靖朝					

王瓊				請戍	
石珪			詹事府 入內閣		
喬宇	太子少保	少保兼太子太保致仕			贈太傅 謚文莊
羅欽順	未任	致仕			太子太保 文莊

典錄年表

楊旦	未任			
李承勛	未任		太子少保	少保康忠
廖紀		太子少保致仕		少保信靖
桂萼	太子少保	少保兼太子少保	入內閣	太傅文襄
方獻夫	太子少保 <small>翰林學士</small>		入內閣	
王瓊	太子少保	卒		
汪鏗	太子少保兼兵尚	致仕		少保恭和
許讚		少保太子少傅	入內閣	



熊浹	上辟異議疏削			贈少保 謚恭簡
唐龍		削籍		少保文襄
周用	太子少保	卒		太子少保 恭肅
聞淵	太子少保	太子少保致仕		贈少保 謚莊簡
夏邦謨		致仕		
李默		削籍		
萬鏜		削籍		後贈太子少保
李默		子少保翰林學士		

五賢書 卷 典 銓 年表

吳鵬

太子太保

致仕

歐陽必進

郭朴

度內閣

嚴訥

後入內閣

胡松

子少保莊肅

楊博

後少傅
子太師

太傅襄毅

隆慶朝

楊博

高拱

萬曆朝

楊博


張瀚

王國光

梁夢龍

嚴清

楊巍



宗纁	陸光祖	孫鑰	陳有年	孫丕揚	蔡國珍	李戴	趙煥



李長庚	周嘉謨	天啟朝	周嘉謨	張問達	趙南星	崔景榮	崇禎朝

崔景崇

王永光

謝陞


高周祚

傅永淳

鄭三俊

石匱書曰中書省自胡惟庸敗事遂詔子孫朝不許復立丞相以故後來辦事內閣其權甚輕

票擬章疏之外不過直經進備顧問而已嗣自嘉靖以後不少權相狀如張亨敬夏言以禮結主嚴嵩徐階以事玄取容狀其黜陟陞遷猶須借經吏部則冢宰之權亦綦重且大矣書曰高宗諒陰百官總已以聽於冢宰三年則今之冢宰其昔之宰相也故附典銓於直閣之後者意以心膂股肱其倚畀無二也





石匱書卷第二十四



天文志有總論

司馬遷天官書與酈道元水經注其文字不甚相遠蓋天官書以象緯為主水經注以形勢為主文之工拙固不必論然使文不能妙將令人苦其艱晦而棄之故凡文章叙事理幽曠者必使讀者雖不甚悉其故而其文一一有針路可尋誦之了然乃為妙筆蓋繇作者能了然於心



與口與手之寫幽暗處與尋常顯明者無異而
一部天官掌故與水經脈絡得顯然存於後世
固文字之妙有以畱之也故司馬遷與酈道元
縱筆直書無意爲文字而奇字奇句磊落毫端
遂成千古絕唱蓋以世學嵩門縱口而談如教
家物其文字之古而靈奧而動整而變奇而則
則非天下之大手筆不能辦也故班孟堅之作
天文志一本史記並不刪改此皆古人之虛心

服善處而後之五行志可稱詳覈又皆本之劉
向之洪範五行傳董仲舒之春秋繁露京房之
易傳高才博學群集於此為之忖度天地攷驗
成書如此大 字皆踵述前人未嘗杜撰一字
嗚呼孟堅可謂遇矣嗣此以後廿一史中其所
記天官律曆皆潦草成文倣之史記前漢諸書
真如蟲臂之方麟定其大小本末且立見矣我
明自 高皇帝精於天象凡出兵訓誡諸將動

石匱書 卷一
中機互後至 成祖 仁宗皆畱心占卜觀象
禁中莫或有爽 英宗北狩痛杖楊源嗣後占
候之官不敢以灾祲直告及至 神宗朝灾異
叠見一槩以占卜之言謂虛應故事置之不理
雖大祲奇崇不過傳命百官修省而已杯酒長
庚跣足熒惑欲以一言遂回天象上蒼仁愛懸
象著明不亦視同兒戲乎乃余見崇禎末年司
天告警寔曰帝星下移不出一月而遂有闖賊

之變則是七政旋璣夫豈頑塊不靈之物乎繇
斯推之日月所會五星所行合紀散守陵歷闕
食彗孛飛流暈珥朏朧皆陰陽之精其本在地
而上發於天政失於此變見於彼各視九州十
二域之分星以觀妖祥或占之十干或占之十
二次或占之北斗或占之三垣或占之二十八
宿而所謂太上修德其次修政其次修救者則
惟以望之聖天子之一人其可以天道難窺聽

其渺茫也邪述天文

吳元年太史院使劉基率其屬高翼等上戊申
大統曆 上初在滁陽問韓國公漢有三傑佐
平天下今徐達可方韓信公可兼張良蕭何乎
對曰良智計絕人臣何敢望良若轉給兵食或
可勉效何耳 上因問今世之士孰可擬良者
對曰臣聞浙東宋濂能知象緯 上曰以吾所
聞濂不如青田劉基 上定括蒼孫炎以 上

命聘基詣金陵時：占乾象佐行軍輒效以為
太史監太史令尋改太史院使洪武元年改院
為司天監又置回回司天監是年十一月徵元
太史院使張佑張沂司農卿兼太史院使成隸
太史同知郭讓朱茂司天少監王可大石澤李
義太監趙恂太史院監候劉孝忠靈臺郎張容
回回司天監黑的兒阿都刺司天監丞迭里月
實一十四人二年又徵元回回曆官鄭阿里等

十一人至京議曆法占天象三年定爲欽天監
掌察天文定曆數凡日月星辰風雨氣色之變
率其屬而占候焉語在百官述十年三月上
與群臣論天與日月五星之行翰林應奉傅藻
典籍黃麟考功監丞郭傳皆以蔡氏左旋之說
對上曰天左旋日月五星皆右旋二十八宿
經也附天體而不動日月五星緯乎天者也朕
自起兵以來與善推步者仰觀天象二十有三

年矣嘗於天氣清爽之夜指一宿爲主太陰居
是宿之西相去丈許畫一夜則太陰漸過而東
矣由此觀之則是右旋此曆家亦嘗論之蔡氏
謂爲左旋此則儒家之說爾等不折而論之豈
所謂格物致知之學乎十三年秋上坐武英西
廡召見諸儒龔敷等言志上說曰老儒質直
宜輔朕始置四輔官告太廟以王本杜佑龔敷
爲春官杜敷趙民望吳源爲夏官秋冬官缺令

本等兼攝各司時令以熒陰陽十七年七月製
觀星盤十月大明清類天文分野書成凡二十
四卷詔賜秦晉 成祖周楚齊六府大抵欽天
監十二分野分配州郡與唐天文志稍異貞觀
中淳風撰法象志因漢書十二次度數始以唐
之州縣配而一行以爲天下山河之象存乎兩
戒北戒自三危積石負終南地絡之陰東及太
華逾河並雷首底柱王屋太行北抵常山之右
乃東循塞垣至穢貊朝鮮是謂北紀以限戎狄
南戒自岷山嶠冢負地絡之陽東及太華連商
山熊耳外方桐柏自上洛南逾三漢攜武當荆
山至于衡陽乃東循嶺徼達東甌閩中是爲南
紀以限蠻裔故星傳謂北戒爲胡門南戒爲越
門河源自北紀之首循雍州北徼達華陰而與
地絡相會並行而東至太行之曲分而東流與
涇渭濟瀆相爲表裏謂之北河江源自南紀之

首循梁州南徼達華陽而與地絡相會並行而東及荆山之陽分而東流漢水淮瀆相為表裏謂之南河故於天象則弘農分陝為兩河之會五服諸侯在焉自陝而西為秦涼北紀山河之曲為晉代南紀山河之曲為巴蜀皆負險用武之國也自陝而東三川中嶽為成周西距外方大伾北至于濟南至於淮東達鉅野為宋鄭陳蔡河內及濟水之陽為鄘衛漢東濱淮水之陰

為申隨皆四戰用文之國也北紀之東至北河之北為邢趙南紀之東至南河之南為荆楚自北下流南距岱山為三齊夾右竭石為北燕自南河下流北距岱山為鄒魯南陟江淮為吳越皆負海之國貨殖之所阜也自河源循塞垣北東及海為戎狄自江源循嶺徼南東及海為蠻越觀兩河之象與雲漢之所始終而分野可知矣於易五月一陰生而雲漢潛萌于天稷之下

石匱書 卷七
進及井鉞間得坤維之氣陰始達於地上而雲漢上升始交於列宿七緯之氣通矣東井據百川上流故鶉首為秦蜀墟得兩戒山河之首雲漢達坤維右而漸升始居列宿上觜觴參伐皆直天關表而在河陰故實沉下流得大梁距河稍遠涉陰亦深故其分野自漳濱卻負恒山居北紀衆山之東南外接旄頭地皆河外陰國也十月陰氣進踰乾維始上達於天雲漢至營室

東壁間升氣悉究與內規相接故自南正達于西正得雲漢升氣為山河上流自北正達于東正得雲漢降氣為山河下流陬訾在雲漢升降中居水行正位故其分野當中州河濟間且王良閣道由紫垣絕漢抵營室上帝離宮也內接成周皆豕韋分十一月一陽生而雲漢漸降退及良維始下接于地至斗建間始復與列舍氣通於易天地始交泰象也踰析木津陰氣益降

進及大辰升陽之氣究而雲漢沉潛於東正之中故易雷出地曰豫龍出泉為解皆房心象也星紀得雲漢下流百川歸焉析木為雲漢末派山河極焉故其分野自南河下流窮南紀之曲東南負海為星紀自北河末派窮北紀之曲東北負海為析木負海者以其雲漢之陰也唯陬訾內接紫宮在王畿河濟間降婁立枵與山河首尾相遠鄰顓頊之墟故為中州負海之國也

其地當南河之北北河之南界以岱宗至于東海自鶉首踰河戒東曰鶉火得重離正位軒轅之祗在焉其分野自河會之交東接祝融之墟北負河南及漢蓋寒燠之所均也自析木紀天漢而南曰大火得明堂升氣天市之都在焉其分野自鉅野岱宗西至陳畱北負河濟南及淮皆和氣之所布也陽氣自明堂漸遠於龍角曰壽星龍角謂之天闕於易氣以陽決陰夫象也

升陽進踰天關得純乾之位故鶉尾直建己之
月內列太微為天庭其分野自南河以負海亦
純陽地也壽星在天關內故其分野在商亳西
南淮水之陰北連太室之東自陽盛之際亦巽
維地也夫雲漢自坤抵艮為地紀北斗自乾攜
巽為天綱其分野與帝車相直皆五帝墟也究
咸池之政而在乾維內者降婁也故為少昊之
墟叶北宮之政而在乾維外者陬訾也故為顓

頊之墟成攝提之政而在巽維內者壽星也故
為太昊之墟布太微之政而在巽維外者鶉尾
也故為烈山氏之墟得四海中承太階之政者
軒轅也故為有熊氏之墟木金得天地之微氣
其神治于季月水火得天地之章氣其神治于
孟月故章道存乎始微道存乎終皆陰陽變化
之際也若微者沉潛而不及章者高明而過亢
皆非上帝之居也斗杓之外廷陽精之所布也

斗魁謂之會府陽精之所復也杓以治外故鶉尾為南方負海之國魁以治內故陬訾為中州四戰之國其餘列舍在雲漢之陰者八為負海之國在雲漢之陽者四為四戰之國降婁玄枵以負東海其神主於岱宗歲星位焉星紀鶉尾以負南海其神主於衡山熒惑位焉鶉首實沉以負西海其神主於華山太白位焉大梁析木以負北海其神主於恒山辰星位焉鶉火大火

壽星豕韋為中州其神主於嵩嶽鎮星位焉近代諸儒言星土者或以州或以國虞夏秦漢郡國廢置不同周之興也王畿千里及其衰也僅得河南七縣今天下一統而直以鶉火為周分則疆場舛矣七國之初天下地形雌韓而雄魏魏地西距高陵盡河東河內北固漳鄴東分梁宋至於汝南韓據全鄭之地南盡潁川南陽西達虢略距函谷固宜陽北連上地皆綿亘數州

相錯如繡考雲漢山河之象多者或至十餘宿其後魏徙大梁則西河合於東井秦拔宜陽而上黨入於輿鬼方戰國未滅時星家之言屢有明效今則同在畿甸之中矣而或者猶據漢書地理志推之是守其石遺術而不知變通之數也又古之辰次與節氣相係各據當時曆數與歲差遷徙不同今更以七宿之中分四象中位自上元之首以度數紀之而著其分野其州縣

雖改隸不同但據山河以分爾晉天文志十二次分野始角亢者以東方蒼龍為首也唐十二次始女虛危者以十二支子為首也其以斗牛為星分之首者日月星起於斗宿古之言天者由斗牛以紀星故曰星紀則星紀為十二次之首而斗牛又二十八宿之首也本朝應運肇基而南京應天府寔星紀斗牛之分且與天地人三統之正相協自周以來數千年間帝王之運

適符於今豈偶然哉是年欽天監博士元統言曆日之法其來尚矣今曆雖以大統為名而積分猶授時曆數况授時曆法以至元辛巳為曆元至洪武甲子積一百四年以曆法推之得三億七千六百一十九萬九千七百七十五分經云大約七十年而差一度每歲差一分五十秒辛巳至今年遠數盈漸差天度擬合修改蓋七政之源有遲疾逆順伏見不齊其理深奧實難

推演聞磨勘司令王道亨有師郭伯王者精明九數之學若得此人推大統曆法庶幾可成一代之制蓋天道無端惟數可以推其機天道至妙因數可以明其理是理因數顯數從理出故理數可相倚而不可相違也 上是其言十八年冬築欽天監觀星臺於鷄鳴山回回欽天監觀星臺因花雨臺二十年選疇人年壯解書者赴京習天文推步之術二十九年鑄渾天儀成

二十六年欽天監監副李德芳言故元至元辛巳為曆元上推往古每百年長一日下驗將柔每百年消一日永久不可易也今監正元統改作洪武甲子曆元不用消長之法考得春秋晉獻公十五年戊寅歲至元辛巳二千一百六十二年以辛巳為曆元推得天正冬至在甲寅日夜子初三刻與當時定測數相合洪武甲子元正上距獻公戊寅歲二千二百六十一年推得

天正冬至在己未日午正三刻比辛巳為元差四日六時五刻當用至元辛巳為元及消長之法方合天道既奏元統復言臣所推甲子曆元實與舊法相合略無差謬上曰二統皆難憑只驗七政交會行度無差者為是自是欽天監造曆以洪武甲子為曆元仍依舊法推筭不用提法二十七年召國子博士錢宰等脩書傳上曰若輩知天象乎皆對不知上曰朕觀天

象自洪武初有黑氣凝奎璧乃文章之府朕甚
異焉今年春暮黑氣始消文運興矣洪武中朝
廷訪求通曉曆數數往知來試無不驗者封侯
食祿千五百石山東監生周敬心奏言國祚長
短在德厚薄非曆數之可定二代有道之長固
有定論三代而下深仁厚德者漢唐宋而已如
漢高之寬仁繼以文景之恭儉昭宣之賢明光武之
中興章帝之長者唐太宗之力行仁義宋太宗之誠

心愛民是以有道之長國祚最長者莫如秦其
次如隋又其次如五代始皇之酷虐煬帝之苛
暴五代之窮蹙是皆人事所致豈在曆數歟惟
聖上應天眷命掃滅胡裔救亂誅暴其功大
矣然神武過於漢高而寬仁不及賢明過於太
宗而忠厚不及是以御宇以來政教未敷四方
未治伏乞效漢高之寬仁同太宗之忠厚法三
代之稅歛則帝王之祚可傳萬世又何必問諸

小技之人耶三十一年革回回監 仁宗即位
作臺禁中 上時時登臺觀象洪熙元年正月
賜大臣天元玉賦曆 太祖精於天文每以指示
子孫以故 成祖 仁宗皆知天象凡遣將行
師諸王出塞遇有祲祥手勅減諭 仁宗嘗見
星變對大臣泣下未幾晏駕正統四年造渾天
璿璣玉衡簡儀十一年令簡儀九道圭表壺漏
並准南京作晷影堂以便窺測調品十四年大

統曆冬夏二至晝夜六十一刻景泰六年造簡
儀銅壺成化十年冬鄱陽童軒知天文以太常
少卿掌欽天監事弘治十一年訪世業疇人并
諸能通曆象遁甲卜筮者正德元年七月五官
監候楊源上疏言占候得大角及心宿中星動
搖天璇天璣天權星不明乞安居深宮絕遠遊
獵罷弓馬嚴號令毋輕出入闕除內侍寵倖遊
逸小人節賞賜止工役親元老大臣日侍講習

詩書䟽下禮部言源占候之言深切時弊源復
䟽言十月二十六日占候得連日霾霧交作為
象邪之氣陰冒於陽臣欺于君小人擅權為下
叛上引譬甚力劉瑾怒矯旨杖源三十釋之源
又䟽言自正德二年來一向占候得火星入太
微垣帝座之前或東或西往來不一勸上互
思患預防瑾大怒罵源爾何官亦學為忠臣復
矯旨痛杖三十謫戍肅州行至懷慶卒十三年
夏五月己亥朔日食起復弗合日官周濂請驗
交食以更曆元禮部員外郎鄭繼之上言曰歲
差之法虞喜以五十年差一度久而驗之弗合
也何承天以百年劉焯以七十五年僧一行以
八十三年久而驗之又弗合也許衡王恂郭敬
以六十六年有餘以密矣今據其法步之又弗
合也且如定歲之法積四朞餘日而分日加於
四朞故二至之時祇存絲忽此所宜定也又如

定日之法日有百刻而變為九百四十畫以氣朔有不盡之數難分故也凡月三十日而二氣盈四百十一畫二十五秒一朔虛四百四十一畫積盈虛之數以成閏故定朔必視四百四十一畫前後為朮胸祗在一畫之間此又所宜定也日月交食惟日食實難定月食分數惟以距交遠近別無四時增損蓋月小閏虛大月入閏虛而實故八方所見同也日為月所掩而食蓋日大而月小日上而月下日遠而月近日異四時月有九道故旁觀者遠近自不同矣如北方食既南才半虧南方日既北才半虧故食之時刻分秒據地定表因時求合而後準也如乾清宮火之歲仲秋日食日官所步合八分六十七秒而閏廣之區遂至食既其時刻分秒焉可同之今按交食以更曆元時分刻刻分分分秒至精至細及至於半秒難分之所此又所宜定

也夫差之半秒積以歲月則躔離眇眇皆不合
原筭矣是年十月明年九月十月望月三食時
刻分秒並不協嘉靖三年正月五星聚營室欽
天監掌監事光祿少卿樂護上疏曰臣等預筭
今年正月五星以次聚營室仁太陽臨近當隱
伏不見今候其象果然夫數不爽而象暗聚則
其降精流氣亦必成祥自古五星之聚莫不有
大禍惟視人君德政淑慝何如耳占書曰五星
之聚是謂改易王者有德受慶子孫蕃昌無德
受殃失其國家百姓流亡蓋天道無親福無常
主故五星之聚有福有禍無德靡不受禍聚房
周祚以昌聚箕齊桓用霸漢興聚井宋盛聚奎
是四者皆當更革之際一禍一福培栽覆傾昭
然在德惟天寶聚於尾箕而唐德弗稱旋有祿
山之亂唐業遂衰 皇上聖德中興五星適聚
可不益修聖德愛養黎元以承此大慶乎簡易

寡慾修德之大儉用省財愛民之實伏乞陛下
鑒此天數之大克己約躬勵精而實行之使人
心悅而天意孚真所謂有德受慶矣臣司占候
竊惟禍福之祥莫大於此至於修德應天之實
非臣等之言所能盡意更乞廷訪文武群臣博
求修德愛民之道而實行之以及內外左右莫
不修省協贊承此大慶不使天眷別有所顧則
宗社生靈不勝幸甚占書又曰天下兵謀則五
星聚於營室凡所以內修外攘以銷裔狄盜賊
之謀者似亦不可不加之意也伏乞 皇上亟
與大臣圖之䟽下禮部言堯舜授受曰曆數
在躬乞執厥中四海困窮天祿永終 皇上起
自潛邸入承大統正德年間權姦用事冗濫靡
費蠹耗無餘天下之財盡歸權室公私赤立國
非其國 皇上起而救之生理未復重以水旱
非常之災流移轉徙餓莩相望朝廷屢議賑恤

而在官無可發之原在民無可貸之儲相顧錯愕計無所出所謂四海困窮者積漸至此遺大投艱付託甚重亨屯挫溺求望甚切伏望仰稽乾象俯順時宜圖任老成斥遠群小崇敬畏戒逸欲嚴諸一心自足以爲祈天永命之本其他齋醮祈禳異端小說不宜輕信以啓倖門傷治體至於足國裕民則今日之務莫急於此必先儉約必端好尚必慎差違必重爵賞必戒興作稍在得已即賜停止務求安靜休養生息假以數年天與之時人盡其力則生理庶可復而國用亦自有餘矣臣等待罪禮官星家之說素所未習不敢旁引曲證以瀆天聰至於惠迪吉從逆凶作善降祥作惡降殃天命靡常帝於有德永言配命自求多福則歷聖言之若出一口傳曰畏聖人之言伏乞垂情經典堯舜為師執一中以臨照百官賚四海以永綏天祿應天之寶莫

大於此其欲修攘盜賊以銷齋狄之謀者候命移咨
兵部上議仍乞勅令百官同加寅畏勉修職業
凡事有關國體民生至計者並許直言以共成
嘉靖之治宗社幸甚生民幸甚時又有華湘亦
以光祿少卿管欽天監事上言自昔聖王承天
御極必以治曆明時為先乾坤奠位之後四時
七政隨天而運寒暑代謝為歲虧盈互易為月
晝夜環轉為日經緯錯列為星辰步算周審為
曆數天子奉順陰陽時以作事事以厚生而世
治時苟不明晦朔弦望失其節分至啓閉乖其
期則無以該洽生靈而世亂矣夫曆之來由黃
帝迄秦末凡六改由漢高祖迄漢末凡五改由魏
文帝迄隋末凡十三改由唐高祖迄周末凡十
六改由宋太祖迄宋末凡十八改由金熙宗而
迄元末凡三改一曆之改廣集象見思無智法遺
無遺術宜其永久不變然歷代長於曆者不數

歲而輒差杜預曰陰陽之運隨動而差差而不
已遂與曆錯歐陽修曰事在天下其易差者莫
如曆夫所以差者由周天有餘日周不足也天
周有餘則天常平運而舒日周不足則日常內
轉而縮天日之差於中星驗焉堯之冬至初昏
昴中而日在虛七度虛者北方之宿則日行北
陸纏於玄枵之子也今之冬至初昏室中而在
箕三度箕者東方之宿則日行東陸纏於析木
之寅也計今去堯未四千年而差五十度矣再
以赤道考之勝國至元辛巳改曆天正冬至赤
道歲差一度五十秒今退天三度五十二分五
十秒也黃道歲差九十二分九十八秒今退天
三度二十五分七十四秒也故洪武中漏刻博
士元統上言我朝承運以來曆雖以大統為名
而積分猶授時之數年遠數盈漸差天度距元
辛巳至元統上言時歲在洪武甲子僅一百四

十年迄今則二百四十二年授時曆法每歲差一分五十秒約七十年差一度今合差三度餘矣年逾遠而數逾盈然則治曆者豈不可隨時修改以求合於天哉夫不隨時脩改求合于天則曆必差是以正德戊寅日食庚寅月食時刻分秒起復方位多與欽天監推算不合山東道御史朱節謬薦臣知曆學改官於茲恭惟皇上丕繼大統之年適與元之革命改憲辛巳之歲相符則調元正曆以求未立之差法固有待於今日臣竊念班固作漢志以明治曆不可不擇者三專門之商明經之儒精筭之士臣于三者無一焉蚤夜憂惶罔知所措然於治曆之法聞其槩矣古今善治曆者三家一曰漢太初曆以鍾律起二曰唐大衍曆以著策起三曰元授時曆以晷影測就日體測之毫忽微眇不可得而遁者元史所謂自古及今推驗之精蓋未有出

於此顧豈誣哉今欲正曆而不登臺測影臣竊以爲皆空言臆見也伏望令臣暫住朝叅督率魯奏改曆中官正周濂及於疇人子弟中掄選諳曉本業善於書算者及今冬至之前親詣觀象臺晝夜推測日影赤道黃道中星分秒日計月書至來年冬至以驗二十四氣二至二分日月交食合朔弦望日纏月離黃赤二道及昏旦中星七政躔度紫炁月孛羅候計都之類視元辛巳所求委有所差備錄上覽乞勅禮部延訪四方有能知曆理如楊雄善立差法如邵雍沉潜智巧如許衡郭守敬者令其詳定歲差以成一代之懿制夫天文七曜三垣二十八宿為大聖人觀天文以察時變觀此也此其有恒之象也雲雨震電風雪霜露類皆天象而非其恒也葦孛虹珥之類其怪也夫日大明陽之精光君象也月夜明陰之精光也后象也上有失德則